


9

4







SPLENDOR VERITATIS MORALIS;

Collatus cum tenebris Mendacij , &
nubilo Æquiocationis ac Mentalis
Restrictionis : Addita depulsione
calumniarum, quibus IOANNES
BARNESIVS Anglus Ord. S. Be-
nedicti Monachus, LEONARDVM
LESSIVM S.I. Theologum oneravit.

*Per Fr. S. EMONERIVM Ord. Min. Conuent.
S. T. D. & eiusdem Ordinis apud Salassios
Commissarium. AV. AV.*



LVGDVNI,
Apud Antonium Berterium.

M. DCXXVII.

PROGRAMMATIS BARNESIANI

ex vers. 6. *Abdia,*

*Quomodo scrutati sunt Esau, inuestigauerunt
abscondita eius?*

Antistrophe ex *Psal.* 63.

EXACVERUNT vt gladium linguas suas,
intenderunt arcum rem amaram, vt sagittent in occultis immaculatum.

Subito sagittabunt eum & non timebunt; firmauerunt sibi sermonem nequam.

Narrauerunt vt absconderent laqueos; dixerunt, quis videbit eos?

SCRUTATI sunt iniquitates, defecerunt
SCRUTANTES SCRUTINIO.

Accedet homo ad cor altum, & exaltabitur
DEVS.

Sagittæ paruulorum factæ sunt plagæ eorum, &
infirmatæ sunt contra eos linguæ eorum.



GLORIOSISSIMO
RELIGIOSORVM
OCCIDENTALIS

Ecclesiæ primicerio,
LECTISSIMÆ SANCTORVM
stirpis præcipuo iure parenti,

Gratia & nomine BENEDICTO.

DE filio apud patrem, de
corporis mystici mem-
bro apud augustum ca-
put, apud gregis pastore
de pecude expostulatione depono,
HIEROPHANTA BEATISSIME.
Quem enim iustiùs aut cõuenien-
tiùs huiusmodi querelæ pulsarent.
Tantum vix effatus, agnosco la-
* 2 psu- sum,

psum , & præcipitem linguam
damno. Imprudens filium dixi,
quem si spiritus degeneres spectro;
spurium vitulamen & germen no-
thum dicere oportuit. Nominaui
membrum sanctissimi corporis
cui caput præes , quem par fuit il-
lius corporis strumam & carcino-
ma appellare. Contactam ouem
ac morbidam, quam ipse, ne lues
serperet, à sancto & puro grege ar-
cuiſti, iniuriâ inter oues pascuæ
tuæ annueraui. Qualiscumque
tamen est, qui sanctum Monachi
nomen, quod facere vetabas, in
foedam vocem commutauit, tuus
fuit, aut esse videri voluit.

ITAQUE quem ordinem, te
ductore, Sol Romanæ Ecclesiæ
GREGORIUS vndecunque MA-
GNVS,

GENVS, exornauit; Quem alij non
pauci Pontifices Maximi virtutum
doctrinaeque sydera lucidissima, il-
lustrarunt; Quem Cardinalium Sa-
pientissimorum examina, Episco-
porum ac Præsulum eo gradu ac
infulis dignissimorum populi nu-
merosissimi cōdecorarunt; Quem
etiānum tot eruditissimi ac fan-
tissimi te satore ac educatore di-
gni, longè clarissimum & sanctæ
Dei Ecclesiæ fructuosissimum præ-
stant; cum vnus Achan, filius alie-
nus stirpem tuam eментitus, vir
inutilis, gradiens ore peruerso, do-
mi forisq̃ue iurgia seminans, foedè
ac turpiter dehonestauit. Nec te
probra ista latuerunt, qui viden-
tem omnia vides, & ex altissima
coeli specula indefessas excubias

1
agis super coetum tuum. In ipsam
Ecclesiam eiusque visibile caput
meditatus est inania, minaxque &
ferociens, caput succussit: In su-
periores domesticos genuinū strin-
xit: calcēs illisit ei familiæ, quæ ex-
torrem exceperat fouerátque, mœ-
ror ei ac probrum factus. Quasi
turbæ domesticæ & intestina in
filios tuos fratres suos dedecora,
eius nequitiam non exsatiassent;
etiam S. IGNATII sobolem, do-
mi primū tuæ in monte Mar-
tyrum Lutetiæ conceptam, post-
modum verò instituti idea absolu-
tissima, parenti exorata, foelici eni-
xu in Cassinensi tuo Asceterio ve-
luti editam, quam tūmet sanctissi-
mam & Ecclesiæ fructuosissimam
prospiciens sacro sinu excepisti at-
que

que fouisti ; homo fronte attrita,
perforata vndecunque conscientia,
lingua mendaciis tantum & impo-
sturis armata, foedè quantum per
vires licuit conscissam atque lace-
ratam, connisus est facere oppro-
brium hominum & plebis abie-
ctionem, tantum vt vnam vanam
suam suspicionem vltum ireret, ac iis
quibus propter vnam escam cala-
mum locauit, exagitatione cor-
poris innocentissimi commodar-
et : reportaturus à Geneuensi spe-
læo, (sustine Pater horrendam de
discincto nepote vocem,) decus
amplissimum STRENI VINDI-
CIS PROSTRATÆ PER OMNES
RETRO DOCTORES VERITA-
TIS, omnibus nominibus digni,
qui in Calvinianæ alicuius man-

drae Opilionem ob egregia hæc
facinora gregi pusillo fructuosissi-
ma assumatur.

SED hæc ille magnam partem
domo tua iam exactus, admisit.
Neque enim veriùs excusso iugo
postibùsque transcensis effugit ipse,
quàm tua innocuo gregi inuigi-
lante sollicitudine, mercedẽ quam
oportuit, multiplicis iniquitatis ac-
cepit, putrefactus & proiectus ex-
tra portas Hierusalem. Hic exitus
eam vitam irreuerentem & infru-
nitam operiebatur. Doctrina tua
est, quandoquidem à filio tuo verè
optimo, verè mellifluo, propinata.
*Filium gratia fructum ventris sui cel-
la fouet, nutrit, amplectitur, & ad
plenitudinem perfectionis perducit ac
colloquio Dei dignum efficit: alienum
verò*

verò vel suppositum, abdicat à se ci-
tius, & proicit. Morticinium enim
mortuarum affectionum, vel hominem
mortuum à corde, locus sanctus vel
terra sancta nequaquam diu patitur.
Alienum, qui non est filius, citius à se
proijcit quasi abortivum; euomit tan-
quam inutilem ac noxium cibum, nec
diu talem pati potest in visceribus suis
officina pietatis; venitque pes super-
bia, & asportat eum manus peccato-
ris, & mouet eum, & expulsus non
potest stare; sed fugit miser, nudus &
tremebundus, sicut Cain à facie Do-
mini, expositus vitijs & demonibus,
ut qui prior inuenerit eum, morte ani-
mæ eum afficiat & occidat: vel si
aliquandiu durauerit in ea, non vir-
tutis constantia, sed pertinaci mi-
seria, sic ei cella est quasi carcer, aut
sicut

*sicut viventi sepultura. Pestilente ve-
rò flagellato, sapiens sapientior erit, &
lauabit iustus manus suas in sangui-
ne peccatoris. Itaque meritò pesti-
lentem & peccatorem facientem
in domo tua scelera multa, om-
niū asperrima flagellatione aman-
dasti, quò cum iampridem ferox
& exlex ingenium pacis ac subie-
ctionis inimicum præcipitabat, vbi
nullo cohibente auriga, effusis ne-
quitiae habenis; in tuos, in alios
Dei famulos, in quicquid rectum
& sanctum est, quâ verbo, quâ scri-
ptis excurreret.*

QUANQVAM vel si intra septa
tua & sacra religiosæ domus pene-
tralia, machinatus esset malum, &
infolici potestate exprompsisset;
nulla inde foeda aspergine coetus
tuus,

tuus, vitæ integer scelerisque purus sorderet. Possis enim & ipse, quod lectæ stirpis in Dei Ecclesia ante te parens, alterum Occidui Orbis iubar MAGNVS AVGVSTINVS, fidenter dicere.

Quantumlibet vigilet disciplina domus mea, mihi arrogare non audeo, ut domus mea melior sit quàm arca Noë, ubi tamen inter octo homines reprobus unus inuentus est: Aut melior sit quàm domus Abrahe, ubi dictum est, eijce ancillam & filium eius: Aut melior sit quàm domus Isaac, cui de duobus geminis dictum est, Iacob dilexi, Esau autem odio habui: Aut melior sit quàm domus ipsius Iacob, ubi lectum Patris filius incestavit: Aut melior sit quàm domus ipsius David, cuius filius cum sorore

sorore concubuit; cuius alter filius contra Patris tam sanctam mansuetudinem rebellauit: Aut melior quam cohabitatio Pauli Apostoli; qui si inter omnes bonos habitaret, non diceret, foris pugna, intus timores; Nec diceret cum de sanctitate & fide Timothei loqueretur, neminem habeo qui de vobis germanè sollicitus sit; omnes enim quæ sua sunt quarunt, non quæ Iesu Christi: Aut melior quam cohabitatio ipsius Domini Iesu Christi, in qua undecim boni, perfidum & furem Iudam tolerauerunt: Aut melior postremò quam cælum, unde Angeli ceciderunt. Euanuit itaque effluente hac sanie putor omnis, nec domum tuam abscedentis scissa vomica purulentia, teter afflatus contaminauit.

Q V O D

QVOD tamen tua quandoque
quadrà vixerit, & iuri tuo potesta-
tìque, ruptis licet vinculis, vt maxi-
mè voluerit, non se subduxerit; li-
ceat abs te, PATRIARCHA SAN-
CTISSIME, pro tam multiplici gra-
uìq; noxa, vnam vltionem referre.
Tandem ad anteriora flagella sen-
sum adiunge ac mentem, sine qua
frustra hìc vexatus, nouisq; in dies
flagitiorum accessionibus cumula-
tus, Orco denique ludibriũ debeat.
Qua olim potestate & charitate
virgã inferens, intemperiiis impor-
tuni hospitis, malè piũ Monachũ,
liberum prætististi, & hunc exolue.
Etiam hìc stringe manum, impin-
ge salubrem alapam, qua alteri sta-
tus animi idoneus, & mens com-
posita reuēnit. Aspice Pater piis
oculis

oculis, veste saltem & cucullo tenus, aliquando filium. Animum indocilem ad honesti semitam reuoca; pectus ære triplici munitum contunde, ac emolli ad pietatem. Id si feceris, te si id status foelicitatis tuæ ferret, moerore; familiam tuam cordolio, filium exitio liberaueris.

LECTORI

LECTORI

BENEVOLO.

NON fuisse consilij nostri hæc lucubratione nunc edenda, calamum quassatum conterere, aut linum fumigans extinguere, quæ subiicio, perspicuè docebant. Opella hæc à nobis exeunte Augusto anni superioris concepta fuerat, per occasionem nouæ editionis operum Lessij quæ tunc adornabatur, & transmissæ tunc primùm ad nos Gallicæ interpretationis operis Barnesij nouis mendaciis supra latinam editionem suffarcinatæ. Ineunte autem Octobri exhibita, idoneis censoribus, moxque eorum suffragiis munita, Typographo ad prælum data. Dilato tamen interim certas ob causas Lessij recudendi consilio, seorsim cudi cœpta. Iamque ex parte typis mandata erat, & ego certus Barnesij loquacitatis, pro secundo missu apparabam illi commentarium in partem capituli primi regulæ sancti Benedicti, qua de Monachis Sarabaitis, eorumque Deo perfida, & corrupta viuendi ratione disputatur:
cum

agis super coetum tuum. In ipsam
Ecclesiam eiusque visibile caput
meditatus est inania, minaxque &
ferociens, caput succussit: In su-
periores domesticos genuinũ strin-
xit: calcēs illisit ei familiæ, quæ ex-
torrem exceperat fouerátque, mœ-
ror ei ac probrum factus. Quasi
turbæ domesticæ & intestina in
filios tuos fratres suos dedecora,
eius nequitiam non exfatiaissent;
etiam S. IGNATII sobolem, do-
mi primũ tuæ in monte Mar-
tyrum Lutetiæ conceptam, post-
modum verò instituti idea absolu-
tissima, parenti exorata, foelici eni-
xu in Cassinensi tuo Asceterio ve-
luti editam, quam tũmet sanctissi-
mam & Ecclesiæ fructuosissimam
prospiciens sacro sinu excepisti at-
que

que fouisti ; homo fronte attrita,
perforata vndecunque conscientia,
lingua mendaciis tantum & impo-
sturis armata , foedè quantum per
vires licuit conscissam atque lace-
ratam , connisus est facere oppro-
brium hominum & plebis abie-
ctionem , tantum vt vnā variā
suā suspicionem vltimū iret, ac iis
quibus propter vnā escā cala-
mum locauit , exagitatione cor-
poris innocentissimi commoda-
ret : reportaturus à Geneuensi spe-
læo, (sustine Pater horrendam de
discincto nepote vocem,) decus
amplissimum STRENI VINDI-
CIS PROSTRATÆ PER OMNES
RETRO DOCTORES VERITA-
TIS, omnibus nominibus digni,
qui in Calvinianæ alicuius man-

drae Opilionem ob egregia hæc
facinora gregi pusillo fructuosissi-
ma assumatur.

SED hæc ille magnam partem
domo tua iam exactus, admisit.
Neque enim veriùs excusso iugo
postibùsque transcensis effugit ipse,
quàm tua innocuo gregi inuigi-
lante sollicitudine, mercedẽ quam
oportuit, multiplicis iniquitatis ac-
cepit, putrefactus & proiectus ex-
tra portas Hierusalem. Hic exitus
eam vitam irreuerentem & infru-
nitam operiebatur. Doctrina tua
est, quandoquidem à filio tuo verè
optimo, verè mellifluo, propinata.
*Filium gratia fructum ventris sui cel-
la fouet, nutrit, amplectitur, & ad
plenitudinem perfectionis perducit ac
colloquio Dei dignum efficit: alienum
verò*

verò vel suppositum, abdicat à se ci-
tius, & proicit. Morticinium enim
mortuarum affectionum, vel hominem
mortuum à corde, locus sanctus vel
terra sancta nequaquam diu patitur.

Alienum, qui non est filius, citius à se
proicit quasi abortivum; eumit tan-
quam inutilem ac noxium cibum, nec
diu talem pati potest in visceribus suis
officina pietatis; venitque pes super-
bia, & asportat eum manus peccato-
ris, & mouet eum, & expulsus non
potest stare; sed fugit miser, nudus &
tremebundus, sicut Cain à facie Do-
mini, expositus virijs & demonibus,
ut qui prior inuenerit eum, morte ani-
mæ eum afficiat & occidat: vel si
aliquandiu durauerit in ea, non vir-
tutis constantia, sed pertinaci mi-
seria, sic ei cella est quasi carcer, aut

*

f

sicut

sicut viventi sepultura. Pestilente verò flagellato, sapiens sapientior erit, & lauabit iustus manus suas in sanguine peccatoris. Itaque meritò pestilentem & peccatorem facientem in domo tua scelera multa, omnium asperrima flagellatione amandasti, quò eum iampridem ferox & exlex ingenium pacis ac subiectionis inimicum præcipitabat, ubi nullo cohibente auriga, effusis nequitiae habenis; in tuos, in alios Dei famulos, in quicquid rectum & sanctum est, quâ verbo, quâ scriptis excurreret.

QUANQVAM vel si intra septa tua & sacra religiosæ domus penetralia, machinatus esset malum, & infœlici potestate exprompsisset; nulla inde foeda aspergine coetus
tuus,

tuus, vitæ integer scelerisque purus
sorderet. Possis enim & ipse,
quod lectæ stirpis in Dei Ecclesia
ante te parens, alterum Occidui
Orbis iubar MAGNVS AVGV-
STINVS, fidenter dicere.

*Quantumlibet vigilet disciplina
domus mea, mihi arrogare non audeo,
ut domus mea melior sit quàm arca
Noë, ubi tamen inter octo homines
reprobus unus inuentus est: Aut me-
lior sit quàm domus Abrahe, ubi
dictum est, eyce ancillam & filium
eius: Aut melior sit quàm domus
Isaac, cui de duobus geminis dictum
est, Iacob dilexi, Esau autem odio
habui: Aut melior sit quàm domus
ipsius Iacob, ubi lectum Patris filius
incestauit: Aut melior sit quàm do-
mus ipsius Dauid, cuius filius cum
sorore*

sorore concubuit; cuius alter filius contra Patris tam sanctam mansuetudinem rebellauit: Aut melior quam cohabitatio Pauli Apostoli; qui si inter omnes bonos habitaret, non diceret, foris pugna, intus timores; Nec diceret cum de sanctitate & fide Timothei loqueretur, neminem habeo qui de vobis germanè sollicitus sit; omnes enim quæ sua sunt quarunt, non quæ Iesu Christi: Aut melior quam cohabitatio ipsius Domini Iesu Christi, in qua undecim boni, perfidum & furem Iudam tolerauerunt: Aut melior postremò quam cælum, unde Angeli ceciderunt. Euanuit itaque effluente hac sanie putor omnis, nec domum tuam abscedentis scissa vomica purulentia, teter afflatus contaminauit.

Q V O D

QVOD tamen tua quandoque
quadrâ vixerit, & iuri tuo potesta-
tîque, ruptis licet vinculis, vt maxi-
mè voluerit, non se subduxerit; li-
ceat abs te, PATRIARCHA SAN-
CTISSIME, pro tam multiplici gra-
uîq; noxa, vnam vltionem referre.
Tandem ad anteriora flagella sen-
sum adiunge ac mentem, sine qua
frustra hîc vexatus, nouîsque in dies
flagitiorum accessionibus cumula-
tus, Orco denique ludibriû debeat.
Qua olim potestate & charitate
virgâ inferens, intemperiiis impor-
tuni hospitis, malè piû Monachû,
liberum præstitisti, & hunc exolue.
Etiam hîc stringe manum, impin-
ge salubrem alapam, qua alteri sta-
tus animi idoneus, & mens com-
posita reuênit. Aspice Pater piis
oculis

oculis, veste saltem & cucullo tenuis, aliquando filium. Animum indocilem ad honesti semitam reuoca; pectus ære triplici munitum contunde, ac emolli ad pietatem. Id si feceris, te si id status foelicitatis tuæ ferret, mœrore; familiam tuam cordolio, filium exitio liberaueris.

LECTORI

LECTORI

BENEVOLO.

NON fuisse consilij nostri hac lucubratione nunc edenda, calamum quassatum conterere, aut linum fumigans extinguere, quæ subiicio, perspicuè docebunt. Opella hæc à nobis exeunte Augusto anni superioris concepta fuerat, per occasionem nouæ editionis operum Lessij quæ tunc adornabatur, & transmissæ tunc primum ad nos Gallicæ interpretationis operis Barnesij nouis mendaciis supra latinam editionem suffarcinatæ. Ineunte autem Octobri exhibita idoneis censoribus, moxque eorum suffragiis munita, Typographo ad prælum data. Dilato tamen interim certas ob causas Lessij recudendi consilio, seorsim cudi cœpta. Iamque ex parte typis mandata erat, & ego certus Barnesij loquacitatis, pro secundo missu apparabam illi commentarium in partem capituli primi regulæ sancti Benedicti, qua de Monachis Sarabaitis, eorumque Deo perfida, & corrupta viuendi ratione disputatur:
cum

cum ecce certis nunciis perfertur, Barnesium a Regionum satellitum Præfecto correptum, eoque abductum esse, quò illum tanta honestatis laceratio iampridem vocabat. Causas calamitatis nihil attinet exponere, cum cõstet ingenia malè domita & effrænia; præsertim postquam Iudæ proditoris æmulatione è Collegio aliquo Apostolico; ex aliquo, inquam, sacro cœtu, transcensis postibus cruperunt, in perniciem plerumque suam ferocire, & cæstro suo acta; post aliquam virtutis & honestatis conculcationem, præcipitari in abruptum aliquod; ibique illidi, & contundi contumaciam in peius alioqui ruituram; non exiguo diuinæ benignitatis argumento. *Etenim multo tempore non sinere peccatoribus ex sententia agere, sed statim ultiones adhibere, magni beneficij est indicium.* Quod Oraculum est ipsiusmet Spiritus sancti 2. Machab. cap. 6. Pulchrè item de more Synesius epist. 44. *Cum nihil omnino peccare maximum omnium bonorum est, tum ad iustitiam reuocari, secundum in bonis locum obtinet.* Quisquis autem longo tempore iniuriam faciens pœna expers manet, eum par est infelicitissimum haberi, qui neque DEO, neque homini cura sit. Hoc enim considerato, impunitum esse, inter mala connumerari, & dicitur & auditur: Igitur punitum esse, in bonis cense

conferbitur. Contrarijs enim contraria ratio attribuit. Barnesio igitur sic in arctum compacto, meum ipse eius refellendi & Lessij purgandi consuium, minus necessarium esse perspexi. Præterquam quod conclusio Barnesio, factoque impotente ad dissolutionem debitorum ex tot erroribus calumniisque contractorum, euauisse videri poterat vniuersum ius in illum, quippe qui iam non esset soluendo: atque ita destitutum est, intercisæque opellæ huius editio. Quod tamen viri graues & periti qui de labore hoc nostro inaudiuerant, extare posse censuerint pretium aliquod operæ, ad dedocendos eos quos partim vulgaris error & bibulus calumniarum animus, partim Barnesij & Theologi & Monachi de hoc argumento liber, Latina & vernacula lingua editus, malè imbuerat: Quod item Hetruscus Apostata, qui Geneuæ in Italica Caluini hara subulcum agit, homo parum sanus ac mentis emotæ; (testes vulgatæ eius ante annos aliquot per vicos & compita oberrationes fanaticæ,) opusculum Italica lingua superioribus diebus ediderit de hoc ipso argumento, tanquam vindex exurgeret vinculorum Barnesij, cuius laus est in Æquiocationum criminatione per omnes Ecclesias; cui impudentiæ orisque duritici contundendæ, hæc scriptio

* *

scriptio nostra accommodata videbatur: Quod
denique Typographus suum ex abrupta edi-
tione dispendium non dissimularet: Passus
sum ut quale apud se libero adhuc Barnesio
opus meum habuerat, publici iuris integrè
faceret. Itaque non secus in eo nunc agitur
cum Barnesio, ac cum de homine ad solutio-
nem virgèdo spes superabat, quam nunc spem
per eius calamitatem video intercidisse. Nisi
quod amicus, homo oculatus & tricarum fo-
ri bene peritus, suggerit, concluso licet Bar-
nesio factoque impotente, saluum esse ius
creditorum; quod duo Sapientissimi Magi-
stri, VRBANVS GARNIER, ET ELIAS
DV FRESNE DE MINCE non tan-
tum Barnesij opus tanquam utile & bonum
approbarint, sed etiam DE EO SPON-
DERE se dixerint, pro Barnesio fideiu-
bentes: Itaque conueniri eos posse ex *l. non
recte. C. de fideiussor. & manda. & ex l. potest
accipi. versic. fideiussor ff. eodem.*

Appro

Approbatio.

LIBRUM qui inscribitur **SPLENDOR VERITATIS MORALIS**, &c. editum per **F. STEPHANVM EMONERIVM** Ordinis Minorum **S. Theologiæ Doctorem**, &c. à nobis accuratè perlectum atque discussum; Nos infra scripti **S. Theologiæ Doctores** testatum facimus nihil fidei Catholicæ Apostolicæ Romanæ, bonisve moribus dissentaneum continere. Quin potius omnia in eo ad solidæ Theologiæ amussim dirigi, nec minus ab auctore eruditionem quàm diligentiam proditam: quippe qui debitam veritatis ac simplicitatis in locutione custodiam, ex oraculis Scripturarum, Doctrina SS. Patrum, Theologorum Scholasticorum atque Moralium, insuperque Iurisperitorum & Philosophorum scriptis, grata varietate demonstrauerit, & rationum firmitatis communiuerit, solidè omnino & accommodatè ad obstruendum os Calumniatoris, receptissimam omnibûsque antehac Doctoribus probatissimam doctrinam, malignè vocantis in inuidiam. His nominibus opus luce dignum iudicamus, quod adscriptione nostra firmatum volumus. Lugduni 1627.

ANTONIUS GOFFARDVS S. Theol. Doctör.

N. PERRETVS S. Theol. Doctör.

Approbatio.

SPLENDORE maiore egere videtur SPLENDOR
iste VERITATIS MORALIS, nempe prælo, ut
omnibus luceat, estque prælo dignus; cum doctè pro-
bet quod probandum Author est aggressus. A vero
nihil alienum dicit, nec fidei, aut bonis moribus in
eo continetur aliquid contrarium. Actum Lugduni
die 7. Iulij 1627.

FR. ROBERTVS BERTHELOT Episc. Damasci.

Consensus.

LIBRVM qui inscribitur SPLENDOR VERITA-
TIS MORALIS, &c. per F. STEPHANVM
EMONERIVM Ordinis Minorum Sanctæ Theolo-
giæ Doctorem à Doctoribus approbarum ego Re-
gius Consiliarius & Procurator in lucem edi non
impedio. Lugduni die nona Iulij 1627.

P V G E T.

OPERIS

OPERIS INDICVLVS

Aditus ad disputationem. Occasio & scopus Scriptionis ; Lessius & Barnesius comparati ; Disputationis Breuiculus.

Caput 1.



Veritatis Moralis natura & decus aperitur.

Cap. 2. *Mendacij dedecus & fœ-*

ditas inexpurgabilis. Varij sub eo defectus, directe veracitatem impetentes attinguntur.

Cap. 3. *Status Controuersia de usu equiuocationum & restrictionum mentalium.*

Cap. 4. *Per accidens, sine urgente aliarum virtutum quam veritatis & simplicitatis obligatione, v. g. fidei, obedientia, iustitia aliisque huiusmodi, illicitum esse locutiones equiuocas, aut mentaliter restrictas usurpare.*

Cap. 5. *Quid communiter de equiuocatione & mentaliter restricta locutione ex vi solius veritatis & simplicitatis certum sit apud Doctores: statuiturque esse locutionum illarum aliquem abusum planè improbandum, etiam sistendo intra prædictas duntaxat virtutes.*

Cap. 6. *Quid de Equiuocatione ex idonea causa exploratum apud DD. habeatur, spectando solum veracitatis & simplicitatis obligationem.*

Cap. 7. *Dispelluntur quæ opponi possunt contra usum licitum locutionum amphibologicarum ex*

*causa idonea, urgente duntaxat simplicitate
& veritate.*

Cap. 8. *De usu locutionis mentaliter restricta ex idonea causa, spectato solius veritatis & simplicitatis vinculo; due in speciem pugnantes Theologorum sententia.*

Cap. 9. *Vera sententia de usu licito restrictionum mentalium ex idonea causa, cum sola veritas & simplicitas urgent, & sententiarum in speciem pugnantium proximè propositarum conciliatio.*

Cap. 10. *Esse aliquem locutionum mentaliter restrictarum licitum usum ex idonea causa cum sola veritas & simplicitas urgent, probatur Scripturae autoritate.*

Cap. 11. *Barnesij infixio in limo profundi; dum ex Scripturis allegatis tenet emergere.*

Cap. 12. *Eadem licita usurpatio locutionum mentaliter restrictarum ex idonea causa, urgentibus duntaxat simplicitate & veritate, Sanctorum Patrum autoritate communitur.*

Cap. 13. *Anteloquium ad mox proferenda Doctorum pro licitis restrictionibus testimonia: Vbi etiam de eminentissima apud Barnesium, Genesij Sepulveda autoritate.*

Cap. 14. *Suffragium Theologorum Scholasticorum, pro eodem licito restrictionum mentalium usu ex idonea causa, cum sola veritas & simplicitas urgent.*

Cap. 15. *Moralium Theologorum siue Summistarum testimonia pro eodem usu licito locutionum, ex idonea causa mentaliter restrictarum, urgente duntaxat simplicitate & veritate.*

Cap. 16.

- Cap. 16. *Præcluditur effugium quo nonnulla ex proximè propositis Scholasticorum & Moralium Theologorum testimonijs, declinantur.*
- Cap. 17. *Iuris utriusque consulti, eidem iusta restrictionum mentalium usurpationi astipulantur.*
- Cap. 18. *Consensus Moralium Philosophorum circa eundem restrictarum locutionum usum labis expertem per se loquendo, si idonea causa interueniat.*
- Cap. 19. *Quid in rem præsentem ex testimonijs hætenus propositis eruatur.*
- Cap. 20. *Eadem licita restrictarum locutionum usurpatione ex idonea causa cum sola veritas & simplicitas urgent, stabilitur ratione, omnes in eis malitia fontes obstruente.*
- Cap. 21. *Confirmatio doctrinæ propositæ, expensione priuatorum publicorumque incommodorum alioqui indeclinabilium: Et quàm ridiculè ijs à se prospectum censuerit aduersarius.*
- Cap. 22. *Vniuersè, cuiusmodi sint Barnesij argumenta contra usum licitum locutionum mentaliter restrictarum ex causa idonea.*
- Cap. 23. *Digestio ac depulsio argumentorum Barnesij à multiplici autoritate, contra usum licitum locutionum mentaliter ex causa restrictarum.*
- Cap. 24. *Inanitas rationum Barnesij contra locutiones mente restrictas ex idonea causa.*
- Cap. 25. *Quam improvidè Barnesius, prætensis equivocationum & restrictionum mentalium damnis prospexerit.*
- Cap. 26. *Corollaria de rerum sue factorum quasi equivocatione, qua signis ambiguis non vocalibus perficitur, deque eorundem non vocalium*

*lium signorum usurpatione restricta, aliisque
adiunctis.*

*Disputationis Clausula paranetica, siue Antimonium
pro Barnesio, ex arte preparatum ad conceptam in
Lessium & Societatem IESU malignitatem salubriter
abijciendam per pœnitentiam; addito, si Antimonium
fallat & mentem emoneat, carmine excantatorio, quod
totidem verbis S. Hieronymus, Ruffini Monachi furori
leniendo, iam olim cecinit.*

*In Ioannis Barnesij Angli, Monachi Benedi-
ctini dissertationem aduersus Æqui-
uocationes, quam ipse absque Indice
dederat, Indices tres.*

Index 1. **V**ocum Barbararum, siue specimen mo-
destie Barnesij, molliumque eius
verborum.

Index 2. Vocum Græcarum, siue Delibatio men-
daciorum Barnesij.

Index 3. Rerum notabilium, siue Cordis inopie in
Barnesio, argumenta quedam.

ADITVS



ADITVS AD DISPVATIONEM.

*Occasio & scopus scriptiois;
Lessius & Barnesius com-
parati; Disputationis
breuiculus.*

1. **N**ON multum est, ex quo
prodiit opus quoddam
cuius hæc inscriptio:
*Dissertatio contra equi-
uocationes auctore Ioanne
Barnesio Benedictino, ar-
tium & S. Theologiæ Doctore; subiuncto ex
Abdia hoc programmate. Quomodo scru-
tati sunt Esau? inuestigauerunt abscondita eius.
Quod nihil ab homine & Theologo &
Monacho nisi eruditum & sanctum vide-
retur expectandum, sperarémque fore ut
gliscens apud quosdam abusus sine causa;*

A fal

saltemque iusta equiuocandi, idoneo aliquo potentique remedio per eum adhibito curaretur; librum auidè arripio. Sed vix paucas lineas Epistolæ operi præfixæ oculis delibo, cum pro dissertatione hominis Theologi & Monachi quam titulus ementiebatur, suppositam lectori propudiosam & virulentissimam Satyram deprehendo. Pergo tantisper in ipso libro, nec prius oculis vsurpo statum quæstionis, qui in ipso eius limine proponitur, quàm pertæsus impudentiæ & tantæ mendacitatis quantâ frons ipse operis exhibebat, facta ex vngue de vniuerso feræ corpore coniectura, librum abiicio, nec me vltius inde exspirante tam tetra mephiti, contaminari sustineo.

Quod tamen nominatim eo opere P. Leonardus Lessius impeteretur, quasi auctor doctrinæ de vsu licito æquiuocationum & restrictionum mentalium ex idonea causa, impetrauit iam tunc ex me Bibliopola, de re literaria optimè meritis (qui illud Lessij opus quod ea dissertatione mordebatur prælo subiicere destinatum habebat) vt stipularer, in noua quam meditabatur operis Lessij editione distractis intra breue spatium prope omnibus anteriorum editionum exemplaribus, non defuturum veneno
anti

antidotum, & fascino amuletum. Fore inquam vt lectoribus Lessij doctrinę studiosis, & veri amantibus, notum facerem quanta iste sub Monachi nomine interfector veritatis, mendacia obtrusisset. Itaque cum nuper exeunte Augusto significasset tempus appetere Lessium denuo prælo subiiciendi, & ego data fide adstringerer, accidit insuper vt tunc primum huc transmissa operis Barnesij Gallica editio, illustrissimo & calumniosissimo mendacio in ipso operis fronte auctior, in manus meas veniret, & ad petulantia per non repressionem crescentis castigationem permoueret. Tandem miranti de tam alto eorum quorum potius intererat in coërcenda tanta temeritate silentio, siue quod indignum responsione librum arbitrati sint; siue quod Christianæ patientiæ specimen præbere satius duxerint; aut quocunque tandem consilio per eam impunitatem maleuolorum in se ferociam fovere ac animare non laborarint; certa insedit sententia debitum illud confestim dissoluere.

Nostrum scribendi consilium.

2. Opus igitur Barnesij resumo, nec iam

in extrema cute hærens, sed scrutans Esau, & inuestigans abscondita eius, comperio opus esse non modo maledicentissimum, quódque verè ab hispido homine, & Esau gemino profectum quisque illico quantumlibet hebetè visu absque perspiciliis agnoscat: sed etiam perpetuæ calumniæ plenum, & vno iugi mendacio contextum. Qua enim alia ratione loquendum est de opere nulla fide conscripto, nullo pudore, nullo conscientia respectu & eo de lectorum oscitantia præiudicio, vt perinde ac si pecora forent qui ea lecturi erant, (vt de Adimanto scripsit Augustinus,) liberum sibi censuerit autor, quicquid peruersitas concipere, malignitas fouere, parere atrocitas posset, in vnum Lessij caput effundere. Et allatrauit ille quidem etiam Personium Societatis itè Theologum Anglum, hominem qui tradidit sæpe animam suam pro nomine D. N. Iesu Christi, & fidei Catholicæ in Angliâ adiumento. Sed quod infrequentius Personium appetat; fortassis licet in tanto pudoris naufragio, reueritus hominis pro cõmuni patria labores, & quia ab eo nunquam violatus, à Lessio autem vnóve aut altero Patrum Societatis Belgarum (vt mox discēs) læsus videri, & illatæ
per

ad Disputationem.

5

per meram ipsius suspicionem iniuriæ, victor à consciis agnosci voluit: Ego quoque Personium dimittam, & in vno Lessio cuius patrocinium aliquod stipulatus sum, hoc quicquid est operæ collocabo; illudque ut spero efficiam, ut æquus lector agnoscat rectè huic scrutatori, & his quibus seruiuit, vendens propter vnam escam primogenita sua, accommodari hoc loco posse illud Psaltis., *firmauerunt sibi sermonem nequam; narrauerunt ut absconderent laqueos; dixerunt quis videbit eos? scrutati sunt iniquitates, deserunt scrutantes scrutinio. Accedet homo ad cor altum, & exaltabitur Deus; sagittæ paruulorum factæ sunt plagæ eorum, & infirmatæ sunt contra eos lingue eorum.*

Lessij decora, in scriptione præsertim.

3. Verum quia ut est apud Philonem lib. *quis rerum diuinarum haeres*, de Heracliti sententia oppositorum scientia & melius & facilius acquiritur, iisdem sibi inuicem oppositis: eaque oppositorum & antithetorum contentione ut S. Augustinus II. *Ciuit. cap. 18.* egregiè disputat, nitor quidam efflorescit, ut idcirco disponente Deo quod idem Doctor post sapientem rectè considerat, *in omnibus operibus*

ribus altissimi unum contra unum sit, contra malum bonum, & contra mortem vita, sic contra pium peccator: Operæpretium facturus videor, si in hoc limine, hinc Lessij, inde Barnesij genium & ingenium contentione vtriusque facta lectoris oculis breuiter obiiciam.

Quanquam de Lessio exoluit me prope eo labore communis Doctorum sensus. Ut enim hominis mititatem & suauitatem morum præteream, quod vix per biduum lenissima & humanissima eius consuetudine, ante annos vndeuginti per Romani itineris ab eo tunc initi occasionem frui licuerit; (sed erit ut spero qui ei iustum & rebus quàm verbis plenius etiam quoad hanc partem elogium pangat & operi præfigat:) ut inquam hoc tanti viri decus quod in eo transitu singulare mihi visum est, hoc loco prætermittam, nemo est qui à multis iam annis & ex quo tempore prodiit Lessij prima lucubratio, non suspexerit summam illam quæ in eo ubique se prodit scriptionis nitelam, & in difficultatibus quantumcumque implexis, ac siue rerum obscuritate, siue Doctorum, ut fit, obscuracione tenebricosis, limpiditatem ac pelluciditatem singularem; diffu-
sam

sam item rebus & succi plenissimam; ver-
bis autem substrictam tractandi rationem;
delectum sententiarum, solidæque vbiq[ue]
doctrinæ curam insignem; in penetrando
ac perspiciendo difficultatis nodo acumen,
& in dissoluendo dexteritatem; ad extre-
mum perpetuam & nusquam desideratam
eius fidem in referendis ac proponendis
aduersariorum sententiis, modestiâque
tanto viro dignam in iisdem refellendis.
Quod enim vsus ipse docet, diuturnoque
experimento prope attrectamus, quo quis-
que in rebus Theologicis doctrina supe-
rior est, eo modestia quoque eminet, quam
tunc maximè prodit cum conferendæ sunt
manus, & aliqua aliorum sententia intra
fines per Ecclesiam liberos constituta, quæ
tamen non placet, improbanda & refellen-
da est. Nam tunc imperitiorum fastus &
ad pauca attendentium arrogantia, placi-
tum à quo abhorret petulanter & seruili-
ter excipit; hominis autem periti, nec ty-
ronis & fortius pedem figentis animus, eam
à se eiusmodi sententiæ alienæ reueren-
tiam exigit, quæ & illi plenitudini lumi-
nis qua collustratur, & omnes probabili-
tatis villos peruadit, consentanea sit, &
cum Christiana modestia rectaque volun-

ratis compositione auctius lumen intellectus affectante, probè cohæreat. Præsertim cum non ignoret turbato per æstum & animi impotentiam spiculo lumine nobis prælucente, eripi fructum omnem disputationis, nec collustrari intellectum sed auerti, & ad veri perspicientiam, trahente aliorum affectu, hebetem effici. Vt providè propterea Romani quod ex Galeno discimus *sermone de libris proprijs*, & ex Mercuriali 1. *var. c. 13.* congressiones literarias in templo pacis frequentarent. Hoc igitur Lessius, qua erat & intellectus luce, & voluntatis compositione, semper retinuit, ut aduersariorum sententias summa fide referret, parique modestia & lenitate reiiceret, non negata cum res fert probabilitatis indicatione & commendatione. Qua in re nullius iudicium defugio, qui Lessij opus de quo agimus, aliâque ab eo edita vel tenuiter euoluerit. & ut dixi, ita planè fert Doctorum sensus. Vix enim intra paucos annos prælum frequenti alterius ullius operis Theologici editione toties caluit: non exiguo argumento, adamatæ à doctis Lessij doctrinæ, eo quo dixi ingenio ac perspicuitate & modestia tradite. Itaque de Lessio non plura hoc loco, quem

quem vt spero hac lucubrationcula demonstrabo posse de se hac in parte gloriari in Domino vsurpatis illis Basilij Magni verbis epist. 63. *Tantam contra nos impudentiam induerunt, vt & somnia quedam in nos comminiscantur, doctrinam nostram tanquam nociuam traduentes. Qui tamen etiamsi capitibus suis vniuersa eorum mensium quibus arborum folia sternuntur phantasmata complecterentur, nullam nobis prorsus poterunt aspergere calumniam.*

*Barnesij genius, & impetiti ab eo
Lessij cause.*

4. Vellem fas esset de Barnesio non dissimilia scribere salua veritate: Nam cum & professione Monachus sit & Theologi nomen præferat, optandum esset eum & moribus & scriptis eiusmodi esse, quem alij & Religiosi & Theologi, fratrem; ac in tanta temporum calamitate, & operarum præsertim apud Anglos egestate inconfusibilem operarium agnoscerent. Sed quia charitas commenta repudiat, mauultque veritati cum res fert exigatque iustitia, (vt hîc planè exigit,) quàm assentationi & mendacitati esse locum, cogor euulgare quæ pref-

fa mallem, & turpitudinem quam celatam oportuerat educere in publicum. Quamquam non educam ipse, nec publica faciam qui ea duntaxat referam, quæ in omnium oculis gesta, neminem latuerunt qui hominem norit. Nam scrutari hunc Esau & inuestigare abscondita eius quod in tanta eius erga alios malignitate iustitia permetteret, charitas non finit: nec est certè necesse cum in iis quæ patentissima sunt & in conspectu Solis peracta, suppetant tam multa, vt superuacuum sit in abditis conquirendis operam ludere. Verum ne meam qui procul abfui ignorationem causetur, non celabo Barnesium quæ me ipsi eius ciuēs & familiares docuerunt, quamquam ne fastidium prolixitas pariat, vnicum è pluribus vnus scriptum proferam. Vir est cui in hoc negotio nec seritur nec metitur, quique Barnesium intus & in cute habet perspectissimum. Eius verò sinceritatem ac in scribendo fidem, ipsi eius apices spirant vt propterea appendenda ducam ipsa eius verba. Sic habent.

5. *Ioannes Barnesius Anglus, Monachus heteroclitus, in Hispanijs habitum induit non tam Deo quàm hominibus placendi studio. Inde post annos aliquot Duacum in Belgium reuersus*
philo

philosophiam docuit, & sui specimen præbere cepit, discolus semper & superioribus ubique peronerosus. Ibi forte Patres Societatis inter quodlibeticas pro more hanc proposuerunt. An Ioannes in Hispaniis infamis, posset alibi sine noxa talis propalari. Ille per fas & nefas se intelligi volebat, conscientia, ut videtur, teste, quamvis Patres nil minus somniarent; & hinc implacabile in illos odium concepit, quod paulo post deprompsit acri in equiuocatores insectatione palam prolata, & hæc prima libelli huius incunabula quem Parisiis postea, annis aliquot interiectis, in lucem dedit aduersus equiuocatores. Quid mirum? conceperat egregius iste pullus etiamnum Duaci existens atrocem libellum in ordinem suum, id est, congregationem Diui Benedicti Anglicanam, quam miserè lacerat, & pessundare conatur, probare nitens nullam esse istam congregationem nisi æriam & fictitiam, & chimæricam, ut illius verbis utar, quippe Bullis Pontificum innixam malefanis & surreptitiis, hoc libello D. Du Val Sorbonico egregie iniurius est, & in Summum Pontificem atrox & minax. Ob eiusmodi scripta & mores feros & refractarios à Superioribus suis Duacenis in arctum compactus est, iuramento præstito se nolle eiusmodi scripta in lucem dare unquam aut perficere. Paulo post erupit,

erupit, euasit, & Parisios (ubi Benedictini Angli inter se diuisi) recta se confert: hic ad Patres Anglos (qui in Schels commorantur) confugit; à suis nimirum Duacenis dissidentes, ubi egregie litem illam accendit, etiam edito libello supranominato. Conati sunt Patres Duaceni Benedictini omnibus modis demulcere & ad se reuocare, sed laterem lauant. Fulminata in illum à Generali suo Hispano excommunicationis sententia risit; se predicat Diffinitorem ordinis, ac proinde supra vel extra excommunicationis aleam, inio quod ridiculum planè; retorquet ille excommunicationis sententiam in Patres Benedictinos Anglos Parisiis commorantes, & pleno die in eorum sacello à Notario pronuntiari curat; tandem causa sua dissidens cum ab Ecclesiasticis omnibus condemnaretur confugit, & sub eorum alis in tuto est. Ab eo tempore profitetur calamum se habere venalem omnibus causis & materijs siue sustinendis siue conuclendis aptum. P. Franciscus cuius causam scriptis gestisque egregie defenderat, hominis mores exosus eum extra Schels deturbauit: ab eo tempore, id est, fere biennio iam Parisiis tanquam bubo agit gyronagus & lucifugus, modo camera locande incola, modo mensa obambulatoria, egregius Papæ insectator, ac proinde Richerio eiusque affeculis perdilectus & superfamiliaris.

Dum

Dum matrimonium cum Anglo tractaretur, intimè agebat cum legatis Anglis, & ab eorum nutu suum in Angliam aduentum pendere voluit. Iam secundo aut tertio se itineri comparauerat, vocante Rege Angliæ, sed nescio quis genius eum dimouit; hoc scio eius in Angliam aduentum à bonis omnibus perinde timeri atque alicuius Apostatae aut religionis desertoris. Dum in Schels ageret scripta omnia sua satis liberaliter non nemini communicauit, qui mihi sanctè iurauit, Marcum Antonium de Dominis primam tantum lineamenta ruditer posuisse, respectu istius. Hæc pauca raptim prout memoriæ succurrunt, homini non multum curioso, nec res alterius indaganti, verum si opus sit, saluis proborum naribus camarinam hanc amplius mouebimus. Haftenus ille quem dixi, Barnefium habens perspectissimum.

6. Hic ego nihil de meo adiciam, quod per se res ipsa ingerit indicabo. Habet hinc lector generatim, aduersarij ingenium inquietum, turbulentum ac feròx, qui ne suis quidem pepercerit, & tantas tragedias quantas breuis relatio indicauit potius quàm retulit, domi & foris concitarit. Habet Ismaëliticum, hominis verè feri, cuius manus contra omnes & manus omnium contra eum, & è regione vniuersorum fratrum

trum suorum fixit tabernacula. Habet infidum & periurio infame quod nulla præstiti iuramenti ratione habita, scripta virulenta, publici iuris fecerit. Habet implacabile, quod à nihil minus cogitantibus, vel potius ab inani sua suspitione violatum, nulla bonæ fidei & simplicis animi contestatione leniri potuerit; & annos aliquot, homo & Sacerdos & Monachus, pectore abditum fouerit inde conceptum odium, quod effractis etiam iuramenti repagulis exeruerit. Habet denique in fide Catholica lubricum, quod non modo censuram & virgam Ecclesiasticam contempserit (quam euigescens & intermorientis Catholicæ fidei notam habent Canonum Doctores) sed etiam quæ semper fuit spiritus ad hæresim inclinantis vel etiam præcipitantis veluti characteristica, posuerit in cælum os suum, & minacibus scriptis ipsum Pontificem Maximum, Christi in terris Vicarium allatrare sustinuerit.

Habeo & ego quid causæ sit cur in disputatione de æquiocationibus & mentalibus restrictionibus, Barnesius, Lessio tanta obfirmatione dicam *impegerit*, dimissis innumeris qui de eo negotio plenè & apertè ante Lessium egerant, præsertim-

● que

que Nauarro qui integro commentario & variis aliis tractationibus Lessio præiuit; perinde tamen in Lessium confutandum incubuerit, quasi is primus autor huius doctrinæ extiterit, vel eius patrocinium peculiari studio susceperit. Qui tamen non nisi ut probabiliorem tradidit, allegatis aliis qui eam sine vlla trepidatione & constantissimè asseruerant. Tàmque in ea tradenda parcus fuit, ut si omnia quæ variis locis ab eo in hanc sententiam tradita sunt, aduentur in vnum, vix suffectura sint ad explendam vnâ paginam ex iis quibus ordinariè editum est Lessij opus. Quæ mihi ut verum ingenuè fatear, diuturna admirationis non modica causa fuit, donec suspicantem quod erat, relatio adducta, veram originem, hoc est genium hominis & alta mente repositam quæstionem quodlibeticam tandem edocuit.

7. Orsa ab his initiis scriptio, & tali concepta spiritu, eodem ad infelix incrementum & maturitatem perducta est. Iugis toto opere ferocia, & impotentis animi æstus intolerabilis. Conuicia in singulis prope apicibus: calumniarum immensa prodigalitas, & ut in magna messe vnâ dumtaxat alterâve spicam legam, obiectiones & rationes

rationes dubitandi quas in libris Patrum Societatis legerat , impugnandas suscipit tanquam sententias ipsorum. Idipsum aliàs præstat in allegandis pro se Autoribus ut docebo suis locis , & tēstatum facient indices in quibus signati loci monstrosæ huius rationis agendi apud Barnesium. In statu quæstionis , hoc est in ipso operis limine , tam fœdè imponit , ut persuasum velit quæstionem esse an mentiri liceat , & Lessio tribuat mendacij patrociniū. Apertiore etiam & inuerecundiore impudentia , in Gallica operis editione , quæstionis statum ait esse , *an Christus mendacia & falsitates elocutus sit ; & sintne in Scripturis sacris conscripta mendacia ; & an Ecclesia , quæ verbo Dei nos pascit , docuerit nos mendacia verbo & scripto*. Lessioque affingit quod falsitatum Dei ore profusarum & per Ecclesiam orbi obtrusarum assertor sit , quodque fidem nostram eo redigat , ut incerti simus ; verene mysteria proposita credenda sint prout proposita sunt ; an verò duntaxat secundum alium abditum sensum in Dei mente reservatum , veritatem contineant. Denique Scripturarum & Patrum ac Doctorum loca , ut causam suam promoueat , non erubescit additamentis suis infercire , & quod illis

illis ad rem suam deest , de suo supplere vt spurios adulterationum suarum foetus minus attentis & incautis obtrudat pro legitima sobole Scriptorum sacrorum atque Doctorū. Nolo lectorem malè credulum. Quare vt loca in iis quos dixi indicibus ad huius disputationis calcem subiiciendis signata adeat , etiam atque etiam obtestor , & præsto deprehensurum eam scribendi peruersitatem , & mordendi ac fingendi licentiam , quam vix apud apertè Hæreticos , & manifestos transfugas , sit reperire.

Barneſius Philalethem se nominat , & quorum exemplo.

8. Nec refert quod veritatis zelum & tam ardens studium obtendat , seque in præfatione ad Lectorem N. S. vt minimū Theologum rectè prædicat ita maximè *Philalethem* ementiatur. Non hæc noua strophæ est. Et Celsus etiam Epicureus, homo mendaciorum loquacissimus , quem Origenes libris octo confutatum dedit , *Philalethes* audire voluit , eodem referente Origene. Sed & Seuerus heresiarcha , vt est apud Anastasium cap. 6. *Ducis vie* , librum con-

B fertissi

fertissimum mendaciis quæ aduersus Catholicam fidem, & Patres Catholicos vomebat, *Philalethem* inscripsit. Hierocles, cuius in Christianos rabiem & in fingendo licentiam, Lactantius *lib.5. Instit. cap.2.* tacito licet nomine testatam facit, eodem tamen auctore Lactantio citati libri capite tertio, & disertè Hieroclis nomen proferente Eusebio initio confutationis, *Philalethes* dici voluit. Vvicleffi hominis pestilentissimi & ad mentendum proiectissimi, teterrimo operi, titulum fuisse *αληθεια* lego apud Molanum *lib.2. de fide heret. seru. cap.1.* Denique Author blasphemæ & multis nominibus execrandi operis, quod ante annū Senatus Diuionensis pro sua in Deum & cœlites turpissimè ac nequissimè in eo proficissos religione ac pietate ignibus adiudicauit, *Alitophilum* se dixit, & opus suum *veritatis lachrymas* inscripsit: in eo vno titulo probandus, quia verè multas lachrymas spurcissimus ille liber, veritati ipsi omnibûsque proborum virtutibus excutere idoneus erat. Et hanc ipsam S. Hilarius sub initio sexti *de Trinitate* monet esse communem artem mendaciloquorum, & erronum quorumcumque. *Quis non sentiat*, inquit,
lubricos

lubricos serpentina via flexus, vel tortuosi spiritus nodos vipereos non intelligat, quibus venenati oris principalis potestas, collecto inflexi corporis orbe concluditur. Sed extensis omnibus atque absolutis, totum occultati capitis virus patebit. Ingerunt enim nobis primum nomina veritatis, ut virus falsitatis introeat. Hæreticos quoscunque & Philosophos etiam Epicureos eundem veritatis amorem ac possessionem iactasse discimus ex Theodoro to initio dialogi primi. Confirmatque Augustinus, qui hanc esse ornatam ianuam qua errores omnes imperitorum animis latenter irrepunt, libro contra epistolam fundamenti c. II. rectè observauit. Quare ementitum veritatis studium & præensus veritatis tuendæ & amplificandæ zelus, frustra obtenditur, cum tam densa mendacia toti operi inspersa contrarium euincant, & ut est in veteri effato dicta factis deficientibus erubescant.

Æquitas & necessitas aliqua Philalethem impugnandi, Origenis ac Eusebij imitatione.

9. Ex hac igitur Lessij & Barneſij quoad

B 2 genium

genium & scribendi rationem comparatione, arbitror augurari Lectorem, quo tandem res sit inclinatura, quive exitus motæ à Barnesio litis, apud æquos & peritos æstimatores expectandus sit. Perspicuam item existimo, æquitatē defensionis, quam Lessij in rem Theologicam meritis, & veritatis aduersus prætentum Philalethem tuitioni, exemplo Origenis atque Eusebij priscos Philalethes impugnantium, rependere in animum induxi. Ausim etiam necessitatem eius aliquam profiteri. Nam cum Barnesius & latine & vernaculè contra licitum vsum æquiuationum ex quacunque causa vsurpatarum, tanto impetu connisus sit, vt scribere non erubuerit æquiuationis quomodocumque licitæ assertionem, hæresim esse in plurimis Conciliis damnatam, ab omnibus retrò Patribus ac Doctoribus reprobata, seque altè stertentibus omnibus Ecclesiæ Prælati & Doctoribus, ipso etiam Pontifice Maximo qui in Ecclesiæ specula indefessas excubias agit ad grassantem hæresim non aduertente, coactum accurrere, & gliscens Ecclesiæ incendium comprimere: Interfuit omnino non deesse qui hos spiritus & audaciam cōhiberet, & eadem
opera

opera Lessij doctrinæ soliditatem, ac Prælatorum Ecclesiæ in munere suo vigilantiam; Doctorum item Catholicorum in depellendis erroribus qui verè errores sint diligentiam iugem ac perpetuam (meritò aduersus Lessium mutam) patefactam daret. Præterquam quod eo præsertim nomine perniciosam Barnesij dissertationem existimo quod ut à Nauarro & Emanuele Roderico iam pridem præditum est locis infra adducendis, in plerisque euentibus in quibus ambigua vel restricta locutio iustè adhibetur; præcluso hoc remedio permulta mendacia & peccata admittenda indubiè sint, quæ metus damni grauis veluti extorqueret à permultis fixum habentibus damnum illud à se auertere, nec tamen aliud obstructo exitu æquiocationis patens mali effugium habituris quam mendacium. Ut necessarium proinde videatur, Barnesij doctrinam quæ tot peccatorum seminium esse incautis potest, non sinere indiscussam; & omnibus perspicuum facere, sicut mentiendo semper & vbique omnibus interclusa facultas est, ita non deesse viam honestam qua se damnis alioqui irruituris subducant, absque numinis violatione de veri dispen-



dio. Et quemadmodum in negotio contractuum & usurarum idem plerumque tuta conscientia præstatur ab iis qui ritè edocti sunt, quod alij cum scelere efficiunt, mutata duntaxat agendi & contrahendi ratione; ita & in re præsentì contingere.

Summa disputationis.

10. In publica itaque commoda contulisse aliquid videbimur si tutam illam declinandorum tam multiplicium lapsuum viam aperuerimus, vnâque Lessij, in quem Barnesius præcipuè coniscat, doctrinæ soliditatem demonstrauerimus: quod assecuturi commodè videmur si dilucidè exponamus tria illa quæ Disputationis epigraphæ prætulit: Veritatis inquam splendorem & inextinctum semper ac fulgentissimum iubar: Mendacij è contra tenebras densissimas & noctem æternam: locutionum denique ambiguarum aut ex parte suppressarum nubilum, siue vt Cassianus *collat. 17. cap. 17.* appellat nubeculam seu lucem obscuritate permixtam: id est, implexitatem aliquando quidem vitiosam, aliàs autem culpa & labe vacantem. Nam si eiusmodi locutio

locutionibus virtus aliqua à veritate & simplicitate distincta interdicat, vt fides, vt religio, vt obedientia Superiori aut Magistratui debita in iudicio vel extra iudicium, vt iustitia aliæve huiusmodi aliqua virtus; improbandæ sunt ac damnandæ. Si item silentibus illis virtutibus colloctioni veluti extraneis; sola autem veritate & simplicitate ad candidè loquendum vrgente, desit idonea causa ad vsurpandas locutiones illas aut ambiguas aut ex parte suppressas; illicitæ sunt & refugiendæ tanquam mendacio continentes & aliqua eius veluti aspergine sordentes. At si virtutibus illis locutioni quasi extraneis non vrgentibus, idonea autem aliqua causa interueniente puta graui damno alioqui secuturo, ad implexitatē istam locutionum siue ambiguarum, siue ex parte suppressarum adigaris, nihil præstas probo homine, nihil virtutis studioso indignum, ambiguè vel restrictè loquendo, iusta necessitate nubilum illud collustrante, & vitium quod alioqui interueniret dispellente.

Hæc est summella huius Disputationis, cuius vt cum Cassiodoro loquar *cap. 2. de Anima* his paucis editum est quasi parturiale

24 *Aditus ad Disputationem.*

*ouum, ubi vita futura auis pennarumque grata
varietas continetur. Nunc aperiatur in partes,
quia hominum consuetudo est facilius discere,
qua diuisa possunt euidentius elucere.*



DISPV



DISPVATIO

DE VERITATE MORALI,
cum mendacio & locutionibus
æquiuocis ac mente restrictis,
comparatâ.

CAPVT PRIMVM.

*Veritatis moralis natura & decus
aperitur.*



QUIA autore Philosopho
rectum sui & obliqui re-
gula est; & vniuersa hæc
disputatio, de oppositis
moralis veritati defectibus
instituitur, operæpretium
est ante omnia de ipsa
moralis veritate quædam
annotare, quibus & ad reliquam disputationem
aditus muniatur, & quanti sit de quo quæritur
apertius fiat. Restringo autem sermonem ad ve-
ritatem moralem, quia cum multiplex sit verita-
tis acceptio, nos hoc loco de sola Morali veri-
tate sermonem instituimus. Et interdum quidem

B 5 Veri.

26 *Disputatio de Veritate. Cap. 1.*

Veritatis vox veritatem rebus quibuscumque suapte natura insitam siue transcendentem designat, quam S. Anselmus dialogo *de verit. cap. 7. & 10. veritatem que est in essentia rerum* nominat, & à paucis considerari obseruat: Aliàs autem ea vox veritatem cognitionis eique adiunctam veritatem locutionis vel scripturæ aut cuiuscumque alterius signi complectitur, quæ dici potest veritas significationis, prout etiam à S. Anselmo supra *cap. 2. & 10.* nominatur: Tandemque aliquando denotat virtutem quandam qua inclinamur ad dicendum aut quomodolibet significandum verum, ita vt locutio & quælibet alia significatio vera, supponatur veritati in hac postrema consideratione spectatæ tanquã obiectum. Cùm ergo tam multiplex sit veritatis vsurpatio pro multiplici adæquatione in qua sitam esse veritatis rationem rectè declarat varia inde eius membra eruens Magnus Albertus 4. *ethic. tract. 3. cap. 2.* nos hîc vnã moralem veritatem postremo loco propositam siue veracitatem spectamus; quia ipsa est cuius violatione mendacium aliisque defectus morum quos hîc ad examen vocamus admittuntur.

Quidditas Veracitatis.

2. Ex D. Thomæ doctrina 2.2. q. 109. art. 1. 2. & 3. hæc eius definitio eruitur. Veritas, siue veracitas est pars potestatiua iustitiæ qua verba nostra vel facta debitè ordinantur ad aliquid sicut signum ad signatum vt ei debito quod humana societas & conuersatio postulat satisfiat.

Ratio generica caret difficultate. Hæc enim
virtus

virtus respicit alios quibus nostra manifestanda sunt, atque ita merito ad iustitiam reducitur, cuius est voluntatem hominis bene ad alios afficere, ut propterea S. Ambrosius *l. de parad. c. 3.* & sæpè aliàs iustitiam, *virtutem publicam, aliisque non sibi natam* appellet. Veritas ergo quandoquidem ipsa quoque alios respicit, membrum aliquod iustitiæ est, & voluntati inexistit, æquè ac iustitia. In quo hallucinati sunt aliqui apud Bassolim *in 3. d. 38. q. unica. art. 3.* qui mendacium, atque adeo etiam virtutem veritatis mendacio oppositam, in intellectu locauerunt; decepti ut videtur nomine veritatis quod aliquid ad intellectum pertinens sonare videtur. Sed observandum istis fuerat actum intellectus posse substerni actioni voluntatis tanquam obiectum; & nihilominus virtutem cui cura volitionis illius honestæ circa verum occupatæ incumbit, non esse virtutem intellectus, sed voluntatis; ut perspicuum est in habitu piæ affectionis ad credendum impellentis, qui voluntati insidet, quamvis circa assensum fidei occupetur, tanquam circa obiectum actus sui eliciti. Idem ergo statuendum est de virtute veracitatis: quam propterea Aristoteles, non *6. ethic.* ubi agit de virtutibus intellectus, sed libro quarto vñ cum aliis virtutibus ad alterum voluntati insidentibus exposuit. Est enim ipsa quoque ut præmissi iustitia quædam. Quia tamen à ratione iustitiæ deficit, eo quod non spectet debitum illud arctum quo iustitia simpliciter dicta distinetur, sed tantum spectet debitum morale quo ex mera honestate unusquisque debet alteri conformem menti manifestationem veritatis, ut D. Thomas *supra art. 3.*

rectè

rectè tradit : propterea non numeratur inter simpliciter dictas iustitiæ partes siue subiectiuas , sed inter potestatiuas & potentiales , in quibus ratio virtutis ad quam reuocantur veluti luxata reperitur.

3. Non negò quin possit aliquando manifestatio menti cõformis deberi ex strictè accepta iustitia. Plerumque enim titulo contractus, aut in iudicio legitimo ea manifestatio debetur ex iustitia: sed illud debitum non spectat ad moralem virtutem veritatis quæ debitum dumtaxat spectat in humana societate eiusque exigentia fundatum, ita vt vnusquisque eo obstringatur præcisè quatenus est sociale animal & cum aliis conuersatur, etiamsi omnes alij strictiores tituli excluderentur. Ita disertè ferunt illa Philosophi 4. Ethic. cap. 7. *Veracem non eum intelligi volumus qui in pactionibus verum dicit atque in iis qua ad iniustitiam vel iustitiam spectant : id enim est alterius virtutis : sed eum qui licet nihil huiusmodi intersit , & vita & verbis propterea verum dicit, quia talis ex habitu est. Qui sanè cum sit huiusmodi, merito esse probus videtur. Qui enim veritatis est studiosus, & ubi nihil refert, verum dicit ; multo magis ubi referet , id faciet. Vbi enim turpe est, mendaciū, canebit profecto quod per se etiam enitabat. Quod ait veracem etiam ubi nihil refert confectari veritatē, non eo spectat vt velit veracem tunc quoque veritati enunciandæ operam datum cum nulla culpa foret veritatem violare : id enim vt ex ipsomet Philosopho mox dicam, planè falsum est ; quia semper cernitur culpa in violatione veritatis. Sensus itaque est, veracem etiam ubi nihil refert, id est, vt Eustratius rectè interpretatur*

tatur & D. Thomas *ibid. lect. 15.* vbi nullum nocumentum contra Iustitiam ex falso sermone imminet, veritati nihilominus adhæsurum. Et multo magis à mendacio alienum fore, cum continget mendacium eo iniustitiæ titulo turpe esse; quandoquidem etiam cum eo turpitudinis auctario destitueretur, auersabatur illud nihilominus, per se, & solo honestatis morales in ea mentis & locutionis conformitate elucens decore pellectus.

Obiectum materiale & formale veracitatis.

4. Habemus ex dictis veritatis morales siue veracitatis naturam ex eius materiali & formali obiecto ductam. Proprium enim virtutis huius munus est, curare veritatem in signis externis quibus aliquid alteri significamus; siue curare conformitatem signorum illorum externorum, & mentis, in eo qui talia signa vsurpat: ita vt saltem secundum conscientiam proponentis & vsurpantis signa prædicta, non sit dissonantia inter signa & obiectum per ea significatum: Et in id homo sollicitè incumbit, quia nisi huiusmodi dissonantia studiosè declinaretur, pessum iret ciuilis societas, actumque esset de humana conuersatione. Inde ergo liquet hanc virtutem, vt paulo ante etiam dixi, non inesse intellectui sed voluntati, esseque verè virtutem moralem. respicit enim consonantiam signorum quibus sensa nostra de rebus enuntiamus, & nostri de rebus iudicij; ita vt quod iudicamus, hoc significemus; eamque consonantiam vult & curat hæc virtus, quæ idcirco circa signa illa externa tanquam circa materiale obiectum

iectum occupatur : formale autem siue motiuum
 quod est fons honestatis materiali obiecto affusæ,
 non aliud hoc loco est quàm illud debitum quod
 protuli in humana societate eiusque exigentiæ
 fundatum ; ac proinde non est legale sed morale
 duntaxat, vt cum D. Thoma *q. illa 109. artic. 3.*
 passim loquuntur, ad designandum debitum à per-
 fecta & stricta Iustitiæ ratione deficiens. & ita de
 huius virtutis debito annotatum rectè est à Bur-
 læo 4. *Ethic. parte 3. tract. 4. cap. 2.*

5. Consultò porro addebam, eam conformita-
 tem signi & obiecti significati quam hæc virtus
 consecratur, debere esse saltem secundum con-
 scientiam proponentis ; quia vt eleganter inquit
 S. Augustinus *lib. de mendac. cap. 3. non omnis*
qui falsum dicit mentitur si credit aut opinatur ve-
rum esse quod dicit. Et mox. *Quisquis hoc enunciat*
quod vel creditum animo vel opinatum tenet, etiam
si falsum sit, non mentitur. Hoc enim debet enuncia-
 tionis sue fidei, vt illud per eam proferat quod animo
 tenet, & sic habet vt profert. Nec ideo tamen in nullo
 vitio est, quamuis non mentiatur, si aut non credenda
 credit, aut quod ignorat nosse se putat, etiam si verum
 sit ; incognitum enim habet pro cognito. Quapropter
 ille mentitur, qui aliud habet in animo, & aliud verbis
 vel quibuslibet significationibus enunciat. Vnde etiam
 duplex cor dicitur esse mentientis, id est, duplex cogi-
 tatio ; una rei eius quam veram esse vel scit vel pu-
 tat, & non profert : altera eius rei quam pro ista pro-
 fert, sciens falsam esse, vel putans. Ex quo fit vt
 possit falsum dicere non mentiens, si putat ita esse vt
 dicit, quamuis non ita sit ; & vt possit verum dicere
 mentiens, si putat falsum esse, & pro vero enunciat,
 quamuis

Natura & decus veritatis Moralis. 31

quamvis reuera ita sit vt enunciat. Ex animi enim sui sententia, non ex rerum ipsarum veritate vel falsitate, mentiens aut non mentiens iudicandus est. Potest itaque ille qui falsum pro vero enunciat quod tamen verum esse opinatur, errans dici & temerarius: mentiens autem non rectè dicitur, quia cor duplex cum enunciat non habet, nec fallere cupit, sed fallitur. Hoc ipsum est quod affirmabam ad conformitatem veritate morali, siue veracitate quæsitam, sufficere, vt interueniat secundum conscientiam vsurpantis signa, quibus ea conformitas indidificanda est.

Reiiciendus porrò est Gilbertus 4. *Ethic q. ultima dub. 2.* contrà expressam D. Augustini sententiam affirmans eum qui enunciat aliquid sicut se habet à parte rei non mentiri etiamsi contra conscientiam loquatur existimans rem aliter se habere quam ipse enunciet. Hoc inquam reiiciendum est, quia mendacium opponitur contrariè veritati morali: hæc autem non spectat nudam consonantiam propositionis vocalis cum obiecto prout à parte rei se habente, sed præcipuè attendit consonantiam obiecti & locutionis prout indicte per voluntatem. Nec enim locutio est alio modo moralis aliterve ad veritatem moralem pertinet. Itaque rectè statuebat D. Augustinus posse mentientem, dicere verum reipsa, & nihilominus labefactare veritatem moralem quæ pensatur ex affectu loquentis eiusque conscientia.

Dignitas & necessitas veritatis.

6. Sic exposita veritatis moralis ratione arque
natura

natura superuacuum propè videtur summam eius dignitatem simul ac necessitatem oratione complecti velle, eùm sit per se perspicuum non minorem esse eius necessitatem, quàm sit humani conuietus ex naturæ rationalis præscripto initi. Dignitatem verò tantam quanta cernitur in ipsa societate humana prout humana. Cum enim non possint homines spiculo intellectuum suorum lumine, alieni pectoris latebras per seipsos peruadere, sanè nisi is penes quem duntaxat secundum DEVM abissi illius ius est, syncerè enunciet quid animo versauerit, aut etiamnum verset, intercluditur omne sermonis commercium, quo vno humana societas, & inter nos conuersatio maximè continetur. Et idcirco DEVS pectori altè infixum hoc veritatis studium exoptans & internæ & huius foras manantis veritatis symbola Pontificio pectori appressa voluit, vt Philo scitè notauit *lib. de Iudice* verbis illis. *Quid in vita est æquè pretiosum quàm veritas. Eam vates sapiens inscripsit loco sacratissimo, ea parte vestis Pontificiæ ubi est principalis vis animæ, vt Sacerdotem per hoc ornamentum augustiorem faceret. Veritati autem adiunxit cognatam virtutem, declarationem vt vocat; vt essent, cœu imagines orationis quæ vel animo concipiuntur, vel etiam profertur. Nam huic declaratione opus est, per quam aperiatur aliis, quidquid latet in animo, sicut veritate illi alteri, ad perfectionem vitæ actionumque per quas itur ad felicitatem.*

7. Quinetiam tam singularem veritatis dignitatem agnoscunt Sacræ literæ, vt quasi antonomastice virtus sit, aut vniuersas virtutes ambitu suo coërceat, quarumcumque virtutum operationes, frequenter

frequenter nomine actionum veritatis insigniant; idemque sit iuxta Scripturæ phrasim facere veritatem, ac bonum aliquod operari, & è contra idem mendacium atque iniquitas, ut observavit S. Gregor. 18. *moral. cap. 2.* post Augustinum *lib. contra mendacium cap. 20.* qui idcirco illud ex Psalte & Apostolo, *omnis homo mendax*, perinde interpretatur ac si dictum esset, *omnis homo peccans*. Optimè S. Chrysost. in *Psalm. 5.* tractans illud, *Perdes omnes qui loquuntur mendacium*, ita habet: *loquentes mendacium*; hic dicit eos qui male vivunt, eos qui res fallaces persequuntur, eos qui libidini, gula & avaritie sunt dediti. Hec enim omnia appellat mendacia seu falsa, & idcirco utrumque significat. Eodem sensu S. Augustinus tract. 5. in *Ioannem*, exscriptumque est à Concilio Arausico. 2. cap. 22. *nemo habet de suo nisi mendacium & peccatum. Si quid autem homo habet veritatis atque iustitie, ab illo fonte est quem debemus suture in hac eremo, ut ex eo quasi guttis quibusdam irrorati & in hac peregrinatione interim consolati ne deficiamus in via, venire ad eius requiem satietatemque possimus.* Item quemadmodum iuxta easdem sacras litteras prima mali hominis nota & veluti caracteristica improbitatis est, non stetisse in veritate, & ad mendacium deflexisse; ita veritati addictum esse, eamque studiosè consecrari, est certa veluti tessera totius honestatis moralis, ut proinde Apostolus, *DEVM* ipsam sanctitatem ab omni culpæ labe seiunctissimam, & hominem culpis scatentem expressurus, verba illa usurparit: *Est autem DEVS verax, omnis autem homo mendax.* Vnde etiam est illud eiusdem Apostoli ab Augustino 14. *de Civit.*

cap. 4. optimè animaduersum: Veritas Dei in meo mendacio abundauit. Id est, sanctitas diuinitus infusa & largiter non parcè demissa, tot meis malefactis condonandis & expiandis prodita est. Itaque Apostolus nomine diuinæ veritatis sanctitatem creatam sibi concessam quasi participationem ac veluti stillicidium diuinæ increatæ sanctitatis intellexit, nomine autem mendacij quæuis scelerum vniuersè designauit. Rationem subtiliter subdit D. Augustinus ex eo ductam quod cum viuit homo secundum veritatem, non viuit secundum seipsum sed secundum DEVM: DEVS est enim qui dixit: Ego sum veritas. Cum vero viuit secundum seipsum, hoc est, secundum hominem, non secundum DEVM, profectò secundum mendacium viuit: non quia homo ipse mendacium est, cum sit eius autor & creator DEVS, qui non est utique autor creatorque mendacij, sed quia homo factus est reclus, ut non secundum seipsum, sed secundum eum à quo factus est viueret; id est, illius potius quam suam faceret voluntatem; non autem ita viuere, quemadmodum est factus ut viueret, hoc est, mendacium. Beatus quippe vult esse, etiam non sic viuendo, ut possit esse. Quid est hac voluntate mendacium? vnde non frustra dici oportet omne peccatum esse mendacium. Hæc & alia in eam sententiam Augustinus loco allegato.

8. Sed quod obiter eius loci initio ab eo tactum est, de diuina similitudine in veracibus luculentè expressa, pulcherrimè ac vberius confirmat, tract. 42. in Ioannem, addita dæmonis antithesi quem autore Christo mendacij parentem eum Deo componit: ut quomodo DEVS Pater genuit Filium veritatem, sic diabolus lapsus, genuerit
quasi

quasi filium mendacium. Ex quo efficitur, mendaces diabolici seminis traducem agnoscere aliquatenus in seipsis posse; è contra autem veraces diuinum seminium, per quod ad aliquam cum ipso met numine veluti cognationem euehuntur. Quo etiam spectat quod ex Pythagora refertur apud Stobæum *serm. 11.* Interrogatus enim Pythagoras quid DEO simile facerent homines, respondit, exercere veritatem. S. item Hieronymus *Apol. 3.* aduersus Ruffinum, sub finem inter varia à Pythagora præclare tradita quæ enumerat, recenset istud. *Post DEVM veritatem colendam, quæ sola homines DEO proximos faciat.* Nimirum iuxta Nysænum in *orat. Cateche. cap. 34.* *Quomodo in vnoquoque eorum quæ sunt est quadam proprietas quæ notam reddit naturam, ita diuina naturæ proprium est veritas.* vnde concluditur qui veritatem æmulantur ad DEVM quàm maxime accedere, eique se quodammodo affines & cognatos prodere, ea in seipsis repræsentando quæ sunt numini adeo intima, eiusque naturæ tantopere cohærent. Hæc est nostra cum DEO Pythagorica per veritatem similitudo, quæ duplici sensu accipi, vtroque ad veritatis commendationem accommodatissimo potest.

9. Primus Pythagoræ incognitus, apud Christianos autem Doctores creber, spectat ad supernaturalem in nobis exortum absconditi cordis hominis, qui similitudine ad DEVM summam veritatem, atque adeo veritate iuxta scripturarum phrasim vsurpata constituitur. Expressit egregie hunc sensum S. Augustinus *sermo. 51. de diuer.* tractans illud Apostoli *Deponentes mendacium lo-*

loquimini veritatem. Iuncto illo Psaltis dicto, omnis homo mendax. Quid est, inquit, deponentes mendacium loquimini veritatem? Et omnis homo mendax? An impossibilia per Apostolum DEVS iubet? Non. Quid ergo iubet? Audeo dicere sed sine contumelia dictum accipiat, quia in meipsum quoque dico. Hoc iubet DEVS ut non simus homines, &c. Plus dico sanctitati vestra, inuenimus Apostolum tanquam crimen obieciisse hominibus quia homines sunt. Obiurgans enim illos hac dixit. Quomodo nos irati dicimus alicui, bestia es, sic ille in flagello dominica disciplina obiecit hominibus quia homines erant. Quid illos fieri volebat quibus crimen erat quia homines erant? &c. Quid ergo eos fieri volebat nisi quod in Psalmo dicitur, Ego dixi, Dii estis & filii altissimi? Hoc quidem dixit DEVS; ad hoc enim vocat. Sed quid subiungit? Vos autem sicut homines moriemini, & sicut unus ex Principibus cadetis. Et ibi opprobrium obiectum est, cum dicitur: Vos autem sicut homines moriemini. Homo enim Adam & non filius hominis, Christus autem filius hominis & DEVS. Ad mendacium vetus homo pertinet, id est, Adam; ad veritatem nouus homo, filius hominis, hoc est, Christus DEVS. Si deponis mendacium exue Adam; si loqueris veritatem indue Christum; & non tibi erunt contraria quae modo in scripturis sunt posita; Quia & Apostolus exuendum veterem hominem & induendum nouum monens, dicit; Deponentes mendacium loquimini veritatem. Et psalmos illos admonebat & plangebant, qui nolentes exuere Adam, & induere Christum, non noui homines, sed tantum homines esse cupiebant: qualibus dicitur, Nonne homines estis? & in has cadit quod dictum est, omnis homo mendax.

Natura & decus veritatis Moralis. 37

Si homo vis est, mendax eris, Noli velle esse homo & non eris mendax. Indue Christum & eris verax, ut quæ locutus fueris non tua sint quasi propria & abs te instituta, sed illustrantis te & illuminantis veritatis, &c. Non est ergo unde quisquam calumnietur, & dicat mihi, mentiar quia homo sum: dicam enim & ego fidentissime, Noli esse homo ut non mentiaris. Ergo inquit homo non ero? Non viique: ut enim non sis homo ad hoc vocatus es ab illo qui propter te factus est homo. Noli succensere. Non enim ita tibi dicitur ut homo non sis, sed ut sis inter eos quibus dedit potestatem filios Dei fieri. DEVS enim DEVM te vult facere, non natura, sicut est ille quod genuit, sed dono & adoptione. Vides qua ratione veritas hominem DEO similem & quadantenus DEVM participatione efficiat. Et quamvis hæc veritas longè altior est morali veritate de qua in hac disputatione agimus, tamen idcirco utrique idem nomen communiter tributum videtur quod ij soleant veritatem moralem exactè retinere qui supernaturali illa veritate collucet: è contra verò frequentissimus & maximè obuius abactæ eiusdem supernaturalis veritatis effectus sit moralis mendacij adamatio atque frequentia.

10. *Alter sensus & huius loci maximè proprius quo veritas hominem assimilare Deo dicitur, ducendus est ex eo quod homo ex ipsamet naturæ suæ conditione verè est ad diuinam imaginem & similitudinem. Dei namque imago, ac similitudo in homine tametsi à plerisque tanquam duo distincta habeantur, reipsa tamen ut Nicetas ad orationem 1. de Paschate Nazianzeni ex S. Cyrillo obseruat, & Delrius in 2. Genes. vnicam hominis*

perfectiōnem designant, nec aliam quā natura-
lem; hoc est, naturam ipsam humanam prout di-
uinam refert, estque ei similis. Quod utique non
habet ratione corporis sed ratione animæ; non
quoad gradum vegetatiuum & sensitivum spe-
ctatæ ut per se notum est ex vilitate graduum il-
lorum; quorum vterque brutis, prior etiam plan-
tis competit: sed quoad gradum supremum siue
intellectualem, qui homini peculiaris est inter
creaturas inferiores, quemque voluntas libera &
aliæ intellectualitatis appendices affectantur tan-
quam radicem primam. Homo enim gradu intel-
lectiuo & substantiali constituitur, & ab aliis crea-
turis corporeis per se primò secernitur. Gradus
autem substantialis prædicti veluti oculus ut lo-
quitur Philo lib. quod DEVS sit immutabilis, ad
illud *recogitavit, &c.* & Nicetas 2. thesaur. cap. 45.
est potentia intellectiua cui tanquam proximo
principio insidet flos ipse vitæ, hoc est, intellectio
actualis qua homo vltimo perficitur in suo esse ac
veluti consummatur, tanquam complemento &
actu connaturali potentia illius quæ est actus
primi hominem constituentis velut obsignatio,
vnde tanta naturæ rationali cupido cognoscendi
verī, quod perspectum habeat ea se functione
maximè perfici, redigique ad actum, & formari
potentiam illam quæ est homini secundum prin-
cipia sua essentialis maximè consentanea, atque
conueniens. Nam cognitio falsa cum sit malum
facultatis illius, tantum abest ut eam perficiat ut
potius foedissimè turpet, & pessimè afficiat.
Hinc igitur liquere videtur qua ratione homo
per veritatem assimiletur DEO. Quod illustrissi-
mè

mè exponitur iuxta sententiam illam quæ Deum
intellectione tanquam differentia essentiali con-
stitui affirmat, quæ est grauium Theologorum, nec
leuiter videtur firmari ex diuini Verbi genera-
tione quæ est processio in naturæ similitudinem
cùm tamen sit per viam intellectionis. Supposita
autem alia sententia quæ Deum constituit per in-
dependentiam, siue quod eodem recidit per esse
exercitum dicens omnem perfectionem simplici-
ter, idem exponere licet ex eo quod inter illas Dei
perfectiones vna ei respondens quæ in nobis est
eminentissima & per se primò distinctiua sit per-
fectio intelligendi, cuius in nobis veluti sanitas &
ad diuinam intelligendi perfectionem indefecti-
bilem semperque & in omnibus ex necessitate
verissimam accessio sita est in possessione vsuque
veritatis. Attingit id egregiè Plato *lib. 6. de Repub.*
docens qui abrepti cupiditatibus animo obnubi-
lantur & à veritate desciscunt, euadere prorsus
mortales, ac deficientes à perfectione homini con-
uenientissima in despiciorem sortem propè tran-
sire. Qui autem veritatis vbique assequendæ
magno studio flagrauerint etiam si corpore in-
clusos sustolli ad immortalitatem quatenus hîc
ad eam humana natura euehi potest.

Addamus hîc alia externæ Sapientiæ bellaria
vt loquar cum Clemente *1. Strom.* Magi vt est
apud Stobæum loco allegato, maximum Deo-
rum, quem Oromagden ipsi vocabant, corpore
quidem luci similem esse asseriebant, anima autem
veritati. Pythagoras præterquam quod veritate
hominem Deo effici quàm simillimum affirma-
bat vt iâ ex eo retuli (vt est apud *Ælianum lib. 12.*

var. histor. aiebat hæc duo diuinitus hominibus data esse longè pulcherrima; Veritatem amplecti & beneficiis alios afficere: & addebat vtrumque inter diuina Deumque decentia opera numerari posse. Plato *in Cratylō sub medium*, Mercurij filium Pana, superiore corporis parte hominem, inferiore caprum ab antiquis confectum scribit, quod cum Mercurius sermonis Deus haberetur; Pan proles eius, id est, oratio, omnia euoluens & explicans, aut vera esset aut falsa. Et veritas quidem quæ superiore mostrosi illius Panis parte exprimebatur, quod superioribus oris addicta videatur, diuinaque virtus sit, & vt Plato ait, cū *Dys haitans*; mollis, aqua, & plana exhibebatur: mendacium vero infra inter hominum vulgus ac faciem degens exhibebatur asperum, tortuosum, & tragicum. *Multarum enim fabularum commenta & mendacia in hac tragica vita versantur.* De Græcorum in veritatis laudem acclamatione sic scribit Clem. Alex. 6. *Strom. cap. 4.* Veritas quomodo Sol illuminans colores & album & nigrum ostendit qualis sit unusquisque eorum, sic ipsa quoque refellit omnem sermonis probabilitatem. Merito ergo à Græcis quoque acclamatum est; Principium magnæ virtutis est Regina veritas. Imò idem esse virtutem & veritatem aiebat Socrates referente Seneca *epist. 71.* Et veritate dute abigi malorum chorum, omnemque morum sanctitatem & iustitiam induci, autor est Plato 6. *de Repub.*

13. Non fraudabo Lectorem meum Rabbini-
cis quibusdam cupediis, quod sint qui iis dele-
ctentur, & quamuis saporis sint non admodum
exquisiti, saltem tamen hoc præstent vt cum eis
collatæ

collatæ Christianæ dapes suavius reficiant. Refert igitur Franciscus Georgius in *harmonia cantico secundo Tomo quarto cap. 1.* Hebræos ut veritatis propriam vim & decora proderent, veritatis nomen tribus literarum elementis, primo, medio, & ultimo, *Aleph, Mem, & Tau* compegisse. Quibus litteris indicasse eos ait totam rerum texturam, expressam videlicet à principio in rem ipsam, & regressionem in finem; in quibus rei veritatem locatam insinuabant. Ad signandam verò firmitatem stabilitatemque veritatis, nomen eius literis construxisse quadratis, & figura & numero. figura enim ipsarum literarum ea est quæ firmos habeat pedes & bases quibus stet quælibet earum seorsim, & fortius omnes simul, sicut è contrario nomen ab Hebræis mendacio impositum scribitur iis literis quæ stabilitate carent, nec stare possunt, vel seorsim vel simul iunctæ; ut verum sit adagium, pedes mendacio esse breves imo claudos ac debiles. In numeris quoque, literæ nomen Hebræum veritatis constantes, præcellentiissimæ sunt. Denotant enim numerum quaternarium solidum & firmum: nam *Aleph*, vnum significat & mille. Quod vnum, est principium solidum, & essentia omnium numerorum. Millenarius autem est cubus denarij completi. Iam verò *Mem* signat quadragenarium numerum, qui est numerus deductus per denarium numerum completum, & per quaternarium, numerum radicalem, & solidum fundamentum omnium numerorum. *Tau* denique significat numerum quadringentorum deductum per denarium & quadragenarium, siue per quaternarium & centenarium, qui est qua-

dratus denarij : decies enim quadraginta aut quater centum constituit quadringentos. Sicque numeri & figuræ literarum quæ nomine veritatis continentur, semper solidæ sunt. Literis autem quibus nomen mendacij construitur, nec figuræ nec numeri, soliditatis aliquid habentes denotantur. Quia mendacium facile corrui; veritas è contra firmissima est, & in æternum perstat. In iisdem denique vtrarumque literarum numeris, insignis diuersitas obseruari potest : literæ enim Hebræam mendacij vocem construentes, omnes notant centenarios: vtique numeros rebus crassioribus & inferioribus addictos, vbi viget mendacium & falsitas. E. tribus quippe literis quibus constat Hebræa mendacij appellatio; *Caph* signat centum, *Resch* ducentos, & *Sin* trecentos. At trium elementorum nominis Hebraici veritatem designantis, vnum notat vnitatem & millenarium, aliud quatuor denarios, tertium quatuor centenarios, vt innuatur veritatem deprehendere & colligare res diuinas, denotatas per *Aleph*; & cælestes, notatas per *Mem*, & quadragenarium; ac denique terrestres, designatas per *Tau*, & quatuor centenarios. Sed de Rabbinicis mysteriis ad veritatis commendationem plus satis.

Omisi alia ad veritatis decus proposita à S. Antonino 4. p. *summa titul. 5. cap. 15. §. 1. 2. 3. & 4.* Chassanxo in *Catal. glor. mundi parte 12. considerat. 26.* Paschalio *lib. de virtut. & vitijs cap. 9. 10. & 11.* quod fere confundant veritatem in toto vocis huius ambitu spectatam cum veritate moralis, de qua sola hîc disputamus.

C A P V T I I.

Mendacij dedecus & fœditas in-
purgabilis.

*Varij sub eo defectus directè veracitatem impe-
tentes attinguntur.*

I. **V**tinam non fuisset mentitus circa ipsum mendaciũ Platonius Euthydemus cum nullum esse qui mentiatur, nec omnino dari posse mendacium inani disputatione adstruere conatus est. Dimissa autem eius ratiocinatione planè inani & ipso experimento satis conuulsa, existimo ex tanta veritatis pulchritudine, perspicuum esse cuius posse quanta sit extremorum veracitati oppositorum fœditas. Operæpretium tamen videtur de iisdem extremis quæ vniuersè vno mendacij nomine denotantur aliquid seorsim in huius disputationis fundamentum statuere : vt mala iuxta Philonem *lib. de Iudice* naturaliter animis nostris quasi agnata, & longa quod idem merito expostulat institutione altius impressa, stirpitus quantum in nobis eradicentur ; tum vt ad institutam disputationem, quæ hinc maximè pender, viamuniatur, expeditiorque reddatur eius progressus quem alioqui interposita naturæ ac dedecoris horum extremorum expositione interciderere necesse foret, non sine ordinis & perspicuitatis dispendio. Iaciam autem pro fundamento doctrinam philosophi de oppositis veracitati, vt appareat quid vel ipsum naturæ lumen hac in parte statuat. sed &

D. Thom.

D. Thom. 2. 2. q. 110. rationem & partitionem mendacij ex ea Philosophi doctrina petit, vt propterea operæpretium videatur eam diligenter excutere, præsertim cum difficultate non vacet vt videbimus. Retinebo autem genericum horum extremorum nomen longo vsu receptissimum; neglecta Nigidij apud Agellium lib. 11. cap. 10. opinatione, qui mendacium de sola falsi improuisa enunciatione dici voluit, mentionem autem de falsa significatione animo fallendi facta, quam mendacium formale nominamus. sed loquamur vt plures.

Doctrina Philosophi de Mendacio.

2. Aristoteles igitur 2. *Ethic. cap. 7.* & plenius 4. *Ethic. cap. 7.* duo extrema vitia media veracitati opposita siue factis siue verbis admittantur, (vtroque enim modo admitti posse docet) ita describit & cum veracitate componit. De veracibus & mentientibus atque id tam verbis quam actionibus & fictione, dicendum est. Arrogans quidem est is qui illustria quedam vel que non habet, vel maiora quam habeat, fingit ac sibi vendicat. Dissimulator contra, qui que sibi insunt vel negat vel diminuit. At medius, cum sit ipse ille qui est & tam vita quam verbis verax, ea ipsa plane que sibi insunt, neque maiora neque minora esse confiteatur. Et mox. Ac per se quidem mendacium prauum est & vituperatione dignum, verum, honestum & laudabile. Idcirco fit, vt verax ipse qui est medius laudem mereatur, mentientes autem vituperio afficiendi sunt, utrique illi quidem sed magis tamen arrogans. nimirum quia

Natura, species & probrum mendacij. 45

ut in calce capitis subditur, *magis opponitur veraci, estque dissimulatore peior.* Rationem præmiserat ipse philosophus eodem capite, ex eo ductam quod quia inuidiosæ sunt nimix excellentiæ, moderatius esse videtur atque aptius, si à veritatis orbita deflectendum sit; ad id potius declinare quod est infra veritatem: id quod etiam à Socrate ad falsum importunitatemque vitandam factitatum refert.

Placet hanc Philosophi de hisce extremis doctrinam; breui paraphrasi Themistij lib. de mediocritate affectuum illustrare. *Mendacium de seipso & rebus suis duplex est: aut enim committitur, leuiora & minora dicendo quàm reuera sint, aut maiora & splendidiora. Hoc quod fit circa minus, dissimulatio dicitur, illud verò quod circa maius, arrogantia. Id autem quod inferius est quàm verum sit, lautum & elegans est ac interdum Philosophorum inuila. Quamobrem etiam à Socrate usurpabatur in dicendo, cum opus erat illudere superciliosum aliquem Sophistam, sibi que plurimum de sua doctrina placentem. Tum enim vanitatem suam magis sentiunt, cum indoctiores deprehenduntur illo qui se nihil scire simulat. Supra modum verò se suæque iactare, auditu graue ac molestum est, nec illa narratio tam odiosa quam sui ipsius laus. Decet enim præsertim in laude doctrinæ nostræ, etsi ab alijs predicetur, ingenio pudore suffundi reuera doctos. Plurima quoque ad confirmationem & illustrationem huius doctrinæ Philosophi, adducit Ægid. Rom. lib. 1. de regim. princ. parte 2. cap. 29.*

*Quæ in ea Philosophi doctrina, difficilia
videantur.*

3. Hæc Philosophi doctrina in eo à Lorca reprehenditur 2.2. q.1. art.3. disp.7. num.10. quòd mendacij materiam adæquate non exponat. Ar-
stat enim mendacium ad arrogantiam qua no-
stra supra veritatem extollimus, & ad dissimula-
tionem qua infra verum ea deprimimus. at con-
stat posse aliquem aliter mentiri quàm circa res
suas, nec se vel extollendo vel deiiciendo, & sicut
veritas in huiusmodi negotio propriè spectat ad
humilitatem quæ est pars temperantiæ non iusti-
tiæ; ad quam pertinet veracitas, ita & mendacium
in ea materia spectat ad vitia temperantiæ oppo-
sita; non autem ad opposita iustitiæ de quibus
agimus. Et idcirco Lorca supra ait se nunquam
assequi potuisse quæ fuerit mens Aristotelis in
huiusmodi doctrina. Præterea illud in ea doctri-
na difficile videtur, quod mendacio adscribatur
minora de se referre quàm reuera insint. Hoc
enim videtur esse contra Sanctorum praxim &
manifestam rationem. nam qui minora de se enun-
ciat quàm reuera habeat, illa tamen enunciat quæ
habet: atque adeo non mentitur, cum eius enun-
ciatio sit conformis obiecto. Si enim habet reuera
decem, affirmatque se habere duo, non mentitur
quia reuera habet duo, etiamsi præterea habeat
plura. Tandem videtur in ea Philosophi doctrina
desiderari quod est maximè intimum & quasi for-
male mendacio; nempe vt quod enunciat, ob-
iecto dissonum, tale sit secundum conscientiam

Natura, species & probrum mendacij. 47

enunciantis, vt in simili circa veritatem supra obseruauimus; & eleganter tradit S. Bernard. *serm. 17. in Cant. Est qui dubiè profert mendacium, inquit, nec mentitur; & est qui veritatem quam nescit affirmat, & mentitur: nam & ille non quidem quod non est esse, sed se quod credit, credere dicit, & verum dicit, etiam si hoc verum non sit quod credit: & is cum se certum, vnde non est certus, dicit, verum non dicit, etiamsi verum sit, de quo asserit. Et idcirco D. Augustinus lib. de mendac. cap. 3. monet ex animi potius sententia quàm ex ipsius enunciationis inadæquatione cum obiecto, pendendum esse mendacium. Et *serm. 28. aliàs 30. de verb. Apost.* post longam huius rei expensionem concludit. *Interest quemadmodum verbum procedat ex animo, ream linguam non facit nisi mens rea.* atque Philosophus nusquam animi seu voluntatis fallendi meminit, sed solius dissonantiæ enunciationis & obiecti. Diminutè igitur mendacij rationem & naturam exposuisse videri potest, tacita ea decipiendi intentione quæ in mendacio eminet, vt propterea Theologi Augustinum imitati, *cap. 12. Enchir.* (habeturque etiam apud Gratianum *22. q. 2. cap. is autem*) mendacium semper definiant, falsam significationem cum intentione fallendi. vt videre est in *3. d. 38. & apud Summistas V. mendacium.**

Enodantur. Ac primum cur arctauerit mendacium ad rationes loquentis proprias.

4. Non est tamen difficile ista discere, & Philosophi doctrinā præstare indemnem. ac primum admitto

admitto mendacium ad plures fundi materias
quàm ad propria vniuscuiusque. Tam quippe late
patet mendacium quàm veracitas cui opponitur.
At multa possunt à nobis verè enunciari; præter
ea quæ ad nos spectant. Nec id inficiari voluit
Aristoteles cùm veracitatem & eius opposita ex-
posuit per veracitatem & opposita vitia in iis quæ
vnumquemque nostrum attingunt. Tractabat
enim eo loco à capite sexto ternarium illum vir-
tutum quas Græcus Scholiastes communi nomi-
ne eleganter vocavit *ἐμμελιχίας*; quod spectent
humanam conuersationem, & opposita communi
conuictui vitia eliminant. Inter has igitur virtu-
tes, cernitur ea qua vnusquisque moderatè de re-
busque suis sentit, & loquitur; & idcirco Ari-
stoteles quod attigit Tartaretus 4. *Ethic. q. ultima*,
& Gifanius 2. *Ethic. cap. 7.* ad huiusmodi veracita-
tem eique opposita extrema orationem restrinxit,
prætermissa nec tamen negata ratione vniuersa
veracitatis, & ei oppositi defectus siue mendacij,
quoad totum ambitum suum considerati. pro-
pterea enim & 2. *Ethic. cap. 7.* & lib. 4. *cap. item 7.*
fatetur; veracitatem ad quam ibi sermonem re-
stringebat, & eius opposita nomine vacare, quod
de veracitate vniuersè sumpta eiusque oppositis
non diceret, cum sint in promptu ipsa veracitatis
& mendacij vocabula. Quia tamen ex arrogantia
& dissimulatione facillimum est vniuersè statuere
de quocunque veracitati opposito siue per expres-
sum siue per defectum, cùm non sit inter ea nisi
materiale discrimen; formali autem ratione pror-
sus conueniant; videri merito poterat Aristoteles,
missam prorsus non fecisse vniuersalem mendacij
rationem

Natura, species & probrum mendacij. 49
rationem & partitionem. Cæterùm quod Lorca
veritatem in rebus propriis ad humilitatem spe-
ctare aiebat, verum est, sed sub diuersa ratione
formalis; nam veritas spectat conformitatem men-
tis & dictorum. humilitas autem mediocritatem
in sensu de seipso, quæ sunt rationes diuersissimæ.

*An minora de se prodere quàm quis habeat
spectet ad mendacium, deque praxi
Sanctorum ea in parte.*

5. Alterum quo doctrina Philosophi proposita
impetebatur, nullo negotio disicitur. Admitten-
dum si quidem est, mendacem esse, non modò qui
plus sibi tribuit quàm reuera comperit, sed etiam
qui negat de se aliqua, quæ reuera in se agnoscit.
Ita enim accipiendum est quod Aristoteles tradit
de eo qui veritatem violat per defectum; non au-
tem prout in ratione dubitandi proposita accepie-
batur; ita nimirum vt deficiat hoc modo à veri-
tate, quæ sibi tribuit quod reuera habet, nec tamen
totum tribuit quod habet. Nisi si quidem ita enun-
ciet partem eius quod in se agnoscit, vt reliquum
contra mentem excludat, mendax non erit. Effi-
cietur autem reuera talis, si exclusionem illam ad-
hibeat, quantumcumque humilitatem prætexat
iuxta illud Augustini *serm.* 31. aliàs 29. *de verb.*
Apost. Cum humilitatis causa mentiris, si non eras
peccator antequam mentireris, mentiendo efficeris
quod euitaueras. Veritas in te non est, nisi te ita di-
xeris peccatorem, vt etiam esse cognoscas. Veritas au-
tem ipsa est, vt quod es dicas. Nam quomodo est hu-
militas, ubi regnat falsitas? alia in eam rem ex co-
dem

dem Augustino tract. 34. in Ioan. & ex Gregorio
26. Mor. cap. 2. refert Gratianus cap. incaute, &
cap. non ita 22. q. 2.

Nec praxis Sanctorum est in contrarium vltimè malè assumebatur in ratione dubitandi. Non enim vera sanctitas, etiam ad captandam humilitatem & vilem de se æstimationem concitandam, mendacio eget; cum suppetant cuique tam multæ &que verissimæ rationes demissæ de seipso sentiendi, mentemque saburra humilitatis firmandi, præsertim ex tanta gratiæ necessitate ad supernaturalia opera, ob quæ duntaxat iure in speciem posset quis inflari, vt propterea Augustinus humilitatem ex tanta nostri à Deo in spiritualibus dependentia semper stabiliat. Nam reliqua, minutalia potius bonorum quàm vera bona, non habent vnde sanis mentibus tumorem inferant. Itaque Sancti viri, cum aliis humilitatis incentiuis abundant, tum ex eo maximè capite quod proposui, ad sui deiectionem vilemque de seipsis sensum impelluntur, nec egent mendacio ad retinendam humilitatem. Quod si interdum maximos se peccatores profitentur, cum sint sanctissimi; aliisque quos reuera longè superant postponunt sese; nequaquam per mendacium ita se demittere censendi sunt: sed aciem mentis perpurgatam habentes, dum minimas quasque labeculas in seipsis deprehendunt, & perspectis tot diuinorum in se beneficiorum imbribus, suam in Deum ingratitude, quæ in illis quoque peccatorum minutiis proditur, suis momentis æstimant, & se cum diuina summa innocentia componunt; tandemque dum quid ex seipsis possint, attentè considerant, pensantque quoruerent

Natura, species & probum mendacij. si
iuerent si à Deo sibi ipsis permitterentur, vt alij
plerique quos ruentes intuentur; meritò infra
omnes se despiciunt, & maximi peccatores audire
volunt. Esseque tunc insignem effectum profectus
in animi puritate, notauit Cassia. 12. *de instit. c. 15.*
Alia in eam sententiam subministrabit D. Thom.
2. 2. q. 161. *art. 6. ad 1.*

6. Ex quibus constat quàm à mendacio remo-
ueatur vera humilitas, in ea sui ipsius præ quibus-
uis aliis depretiatione. Et ita seruatum ab Aposto-
lo omnibus omnia facto & se infra omnes dei-
ciente (non mentiendo, vt quidam mentiebantur,
sed quam ex se nihil esset æstimando) notauit
Augustinus q. 71. *ex 83.* subdēns quantum ea co-
gitatio valeat ad contundendam edomandamque
superbiam, absque mendacij & fictionis mixtura.
Aliam humilitatis & veracitatis in hoc abiectissi-
mo de seipsis sensu Sanctorum conciliationem,
habet Dorotheus *doctrina 2. num. 11.* qua satisfac-
tum refert Sophistæ cuidam qui Zozimam Ab-
batem mendacij insinulabat quod se peccatorem
profiteretur cum reuera DEVM exactè coleret,
idque ipse Zozimas non diffiteretur. Sed ea conci-
liatio minus commoda est, & ægrè aptatur ad dif-
ficultatem. Quare eam missam facio.

*Quæ fallendi intentio sit mendacio intrinseca,
etiam iuxta Philosophum.*

7. Tertium quod Philosopho opponebatur, nul-
lo negotio dissoluitur. Intentionem quippe fal-
lendi ad mendacium exigì, adeo pro comperto
habuit ex generalibus principiis doctrinæ moralis

voluntarium ad omnem culpam exigentibus, ut superfluum putarit id exprimere. Nihil porro aliud ab Augustino & Scholasticis ac Summistis, per eum fallendi animum, siue decipiendi intentionem (quam mendacij veluti animam statuunt) intellectum esse quàm voluntatem enunciandi aliquid iuxta proponentis conscientiam obiecto dissonum ex qua enunciatione prænoscatur apta sequi alterius deceptio; perspicuum est ex S. Thoma in 3. d. 38. q. 1. art. 1. in corp. declarans enim mendacij definitionem, & quæ fallendi intentio ad mendacium requiratur. *Oportet, inquit, quod sit talis falsa significatio in mendacio, qua quis volens à recto deuiet. Hoc autem non est nisi quando sciens falsum loquitur, quia ignorans non voluntarius est. Ex hoc autem ipso quod aliquis scienter falsum loquitur falsitatem intēdit significare, & ideo completiūm in definitione mendacij ponitur intentio fallendi, sed quasi materiale falsa vocis significatio.* Hæc D. Thomas indirectè ut vides fallendi intentione adiuncta volitioni directè enunciandi falsum contentus ad rationem mendacij essentialiter constituendam.

8. Voluntas autem directæ fallendi non exigitur ad rationem mendacij, ut neque passim ad alias culpas: quamuis si contingat eam interuenire, exaggeratura haud dubiè sit virus mendacij, iam essentialiter constituti, aut rectè sufficienter constituendi per solum voluntarium indirectum. Quo pacto intelligendus est Richar. in 3. d. illa 38. post D. Thomam 2. 2. q. 110. art. 1. in corp. & ad 3. cum ait materiam mendacij esse falsam significationem, formam verò mendacij esse voluntariam enun

enunciationem, eius quod scitur aut creditur esse falsum; & ex his duobus constitui mendacium, ad accidentalem verò mendacij perfectionem spectare intentionem fallendi quæ potest à mendacio abesse, hoc est, intentionem directam fallendi. Quanquam potest etiam ea intentio fallendi quæ iuxta hos Doctores mendacium accidentario perficitur, intelligi de indirecta intentione, respiciente non falsi enunciationem sed effectum ei adiunctum, hoc est, deceptionis ingenerationem: ut contingit in mendacio iocoso, quod quia continet voluntatem falsum enunciandi, est essentialiter mendacium, etiamsi careat accidentaria illa perfectione mendacij quæ sita est in actuali ingeneratione deceptionis. hæc enim in mendacio iocoso non cernitur, quamvis ex ipso genere operis habeat rationem fallendi, ut D. Thomas supra dixit *art. 3. ad 6.* id est, quamvis suapte natura aptum sit fallere, esto interdum ea deceptio non consequatur eo quod audiens conscius sit veritatis, nec loquens intendat etiam indirectè eam deceptionem alterius quem novit veritatis conscius; sed tantum intendat oblectare audientem atque iocari.

Itaque fallendi intentio essentialis mendacio, non est necesse ut sit directa, sed sufficit indirecta tendens in erroris alieni causationem sin minus actualiter propter contrariam audientis dispositionem loquenti perspectam, aut saltem radicaliter, & quantum est ex parte operis ac voluntatis enunciandi falsum. Non recessit ab hac receptissima doctrina Ocham. in 1. d. 27. q. 2. *litera O*, cum dixit intentionem illam fallendi quæ in defi-

nitio mendacij includitur, consistere in actu quo qui loquitur vult decipere, ita vt secluso eo actu voluntatis non detur mendacium. Cum inquam hoc dixit Ocham, non intellexit ad mentiendum exigere actum positium voluntatis directè intendentis ingenerare in audientis intellectu falsam sententiam: sed sensus eius fuit ad mentiendum exigere volitionem fallendi, formalem, vel interpretatiuam, siue indirectam qualem exposui, quæ tametsi non est actus voluntatis elicited, habetur tamen pro actu, & sufficit ad contrahendam malitiam.

Barnesij circa eam intentionem calumnia.

9. Hæc ego à me ferè frustra obseruari non negarem, cum sint per se euidencia & receptissima, nisi Barnesij de mordendo Lessio sollicitudo ad non necessariam rei euidentiissimæ expositionem adegisset. Criminatur ille §. 15. *sub finem*, & fusius §. 16. intentionem fallendi quæ iuxta omnes Doctores est de ratione mendacij, accipi à Lessio pro intentione directâ decipiendi alium. Et hanc Barnesius §. 26. *num. 4.* ait esse picem Nominalisticam Nominalium qui vt quis mentiundo peccet exigunt prauam mentiendi intentionem, & è contra, modò adsit recta intentio non agnoscunt culpam in mendacio. Et in hac pice hætere Lessium affirmat ibidem Barnesius.

Verum homo minimè malus ea duplici criminatione directè intendit deceptionem lectoris. Nam Lessius quo loco naturam mendacij ex professo exponit, hoc est *lib. 2. de virtut. cap. 47. n. 33.*
conceptis

conceptis verbis negat quod Barnesius per calumniam ei impingit. Quare cum Lessius eodem libro *cap. 42. num. 47.* imitatus Glossam *cap. ne quis 22. q. 2. ad versic. non occidetur*, ait cum aliquis mentali restrictione utitur, non referre quod alter inde decipiatur, eo quod is qui restrictionem adhibet non directè intendat decipere; sensus non est ad mendacium exigere directam intentionem deceptionis alienæ, quod expressè ut dixi negat Lessius: sed sensus est, qui ita premit partem mentis suæ, non intendere directè deceptionem audientis; atque adeo cum neque indirectè (etiam radicaliter) censendus sit eam intendere, eo quod ob iustam causam interuenientem non teneatur amouere causam illam alienæ deceptionis, nec sit eius causa moralis; merito cenferi immunem à mendacio, quod necessariò inuoluit talem aliquam intentionem fallendi alium vi sui operis, & ut Nigidius apud Agellium *lib. 11. cap. item 11.* obseruat quantum est in ipso qui falsum loquitur: ita ut cum error alienus consequitur, necesse sit eum qui locutus est saltem per modum causæ moralis cenferi errorem illum alienum ingenerasse, eo quod teneretur talem originem erroris excludere.

10. Itaque iniusta & à Lessij mente planè abhorrens est ea prima criminatio. Verum nisi aduersarius singulos Lessij apices excuteret, eisque alienos sensus inædificaret, non esset vnde moles voluminis augesceret; quod cauillando & peruertendo Lessij mentem cum alias frequentissimè tum perspicuè hoc loco affecutus est Barnesius: nam decem solidas paginas in huius criminatio-

nis dilatazione loquacissimè consumpsit; illud pro coronide apponens in calce §. decimi sexti, eam intentionem directam decipiendi esse impossibilem, eo quod nemo possit directè ac per se malum intendere; in quam sententiam multa corradit ex Aristotele, D. Dionysio, & D. Thoma sæpe docentibus, malum morale non nisi per accidens ac indirectè appeti. Verum quicquid sit an malum quâ malum possit directè appeti (de quo inter plerosque Nominales affirmantes, & D. Thomam ceterosque negantes controuertitur) certum est, neminem vnquam ita crudè accepisse intentionem illam fallendi quæ in mendacio exigitur, vt necesse sit mentientem directè ferri in malum mendacij quatenus malum est: quia tametsi admitteremus intentionem fallendi mendacio intimam debere esse directam, tamen sufficeret ea intentio directæ quæ in aliis peccatis locum habet; vbi nemo somniat oportere directè appeti malum quâ malum: sed eo ipso quod voluntas directè fertur in escam boni sensibilis cui malum morale adiunctum est, dicitur adhibuisse intentionem directam ad peccatum illud; alioqui iuxta D. Thomam & vniuersam propè scholam quæ reiicit Nominales affirmantes malum quâ malum posse directè appeti; dicendum esset neminem vnquam peccare ex directâ intentione, quod quam friuolum sit etiamsi ex Barnesij disputatione apertè habeatur nemo non videt. Quinimò Barnesius suo se gladio in ea disputatione apertè confodit. Nam velle falsum dicere est directè velle mendacium: negare autem non potest quin possit quis directè velle falsum dicere; ergo negare etiam non potest quin

quin possit quis directè velle quod malum esse nouit, non quidem sub ratione mali sed sub ratione boni sensibilis adiuncti. atque ita vniuersa illa disputatio de directa mali inappetibilitate est omnino inutilis præterquam ad conciliandam operi molem & maleuolentiam erga Lessium contestandam.

II. Posterior Barnesij aduersus Lessiū calumnia ex eò perspicuè deprehenditur, quod quam §. 15. & 16. dixerat esse directam mentiendi intentionem, postea §. 26. allegans tamen illos ipsos §§. 15. & 16. ait esse intentionem bonam ex qua mendacium indicitur, & ex qua fingit iuxta Lessium Nominales secutum, licere mentiri absque culpa. Quæ per se constat non cohærere. Valdè enim differunt hæc duo, quorum vnum vno loco alterum altero, asseri à Lessio dicit Barnesius, & accipit pro vno & eodem: nempe *neceffe esse mentientem intendere directè mendacium vt peccet mentiundo; & mentientem si ex bono fine mentiatur non peccare.* Itaque oportebat calumniantem & mentientem esse memorem. Deinde quæ ista adeo impotens calumniandi libido vrget Barnesium, vt fingat statui à Lessio fas esse ex bono fine mentiri? Quoties potius apud Lessium legit ingeminatum illud Apostoli, non sunt facienda mala vt eueniant bona. De Nominalibus alia est ratio; nam hi non censuerunt mendacium esse intrinsecè malum ideoque facile adduci potuerunt vt dicerent, mendacium iubente Deo admissum ex fine Deo parendi bonum & licitū esse. Quanquam quod id ab Holcotho, ferrei (vt vocat) capitis Nominali, scriptum esse ait in 2. q. 1. ad 1. principale per erro-

rem eius apud quem Holcothum citatum reperit Barnesius, contigitur videtur. Nam apud ipsum Holcothum, eo loco, nihil tale legitur.

12. Sic stabilita mendacij natura ex Philosophi doctrina superius proposita & communi sensu doctorum non erit difficile duo præterea huc spectantia in eadem Philosophi doctrina obseruare, alterum ad mendacij multiplicitem pertinet, alterum ad malitiam impræcisibiliter & indissociabiliter cum eo coniunctam.

Mendacij partitio.

Mendacij partitionem Aristoteles duplicem differtè proponit, primam in illud quo quis mentiendo excedit narras de se plura & maiora quam norit sibi reuera inesse; & in illud quo quis minora & pauciora de se profert quàm reuera habere se sciat. quæ partitio ad alias quoque materias accommodanda est, continetque extrema veritati mediæ vtrique opposita per excessum & defectum, vt notauit D. Thom. 4. *Ethic. lect. 15.* & Dur. in 3. d. 34. q. 1. n. 7. qui notat hanc diuisionem fieri secundum propriam rationem mendacij, atque adeo esse formalem. quod habet etiam D. Thom. 2. 2. q. 110. art. 2. Alteram mendacij partitionem proponit Aristoteles in illud quod verbis, & illud quod factis externis rationem signi sortientibus perficitur. Nam vt homo interiore duntaxat animi operatione mentiatur homini, fieri non potest; vt rectè notauit Ocham in 1. d. 27. q. 2. *litera O.* addens fieri tamen posse, vt mentiatur Angelo, quod eodem planè modo proportionem seruata intelligendum

intelligendum ac probandum est, quo de mendacio intelligentiæ cum alia intelligentia colloquentis, id expositum habetur in *Natur. Theol. dist. 4. num.*

144. Admittit porro huiusmodi mendacia intelligentiarum mutuo colloquentium Guliel. Vor-
rillongus in 3. d. 38. q. unica art. 1.

13. Mendacium ergo, externo aliquo signo contineri necesse est. Cuiusmodi præsertim est enunciatio vocalis. & idcirco illi mendaciorum generi quod huiusmodi signo superstruitur accommodatum est vniuersale nomen mendacij, quod iuxta communem usum arctatur ad falsam significationem ore prolata: iuxta illud Augustini in Psalmum 5. *si hoc dicitur quod est, verum dicitur; si autem hoc dicitur quod non est, mendacium est*: Et illud Gregorij 11. *moral. cap. 15. sicut adificium lapidibus, ita mendacium sermonibus fabricatur*. Quæ verò mendacia, aliis signis, v.g. nutibus certisve actionibus externis ad aliquid alteri innuendum adhibitis, inædificantur, suntque quodammodo mendacia realia, solent appellari simulationes. Nec sanè dubitari potest quin pressè accepto nomine alioqui indifferenti falsum aliquid contra mentem significare adhibitis signis aliquibus non vocalibus, æquiualeat significationi quæ interuentu signorum vocalium perficitur, ac proinde eadem utrobique fœditas cernitur. Quid enim interest verbone an factis aliquid contra mentem tuam significes, cum æquè sit in aliis signis, vis excitatiua alterius ad percipiendam significantis mentem? Itaque quod de Monacho Cluniacensi ob anteriorem inobedientiam prostrato, dixit Petrus Damiani *opusc. 33. cap. 8. tacuit nec prompsit*

prompsit verbum, sed humi prostratus de toto corpore linguam fecit, alibi quoque proportionē seruata locum habet. Proinde & manus, oculi, & alia quæcumque membra, quibus aliquid innuimus, rationem linguæ induunt. Peruersio autem & abusus signi ad significandum adhibiti, eadem est, siue voce siue factō significetur falsum: atque ita eadem vtrobiq; fœditas moralis vsurpationi signi illinitur.

14. Hinc liquet, hypocrisim quæ est simulatio qua quis externis actionibus intendit significare aliis sanctitatem qua destituitur, esse speciem mendacij. Luculenter de eius veneno disputant Thomas Bosius toto opere *de Imperiorum dependentia à veris virtutibus*, & Petrus Ribaden. lib. 2. *de Princ. cap. 3. & 4.* refellentes impium Macchiauelli placitum, de hypocrisi populorum rectoribus vsurpanda. Nec potest satis exagitari illud, vt Chrysologus præter cætera *serm. 7. & 9.* nominat *subtile malum, secretum virum, venenum latens, virtutum fucus, tinea sanctitatis*. Superbiam hinc fere sibi viam ad consensum parare obseruat Lactant. 6. *instit. cap. item 6.* & in Summa rectè Plato apud S. Basilium *orat. de legendis cum fructu libris gentilium* in ipso impietatis vertice sedem hypocrisi statuit dicens: *Summa esse iniustitia terminum, velle bonum apparere qui non sit*. Et quia iniustitiam eodem autore Platone affectatur semper supplicium saltem primum illud vt Seneca & Epictetus sæpe nominant quod vnicuique à flagitio ipso & conscientia illud architectante imminet, mirum non est quod hypocrisis cumulus sollicitudinum & angorum miseram mentem fodicantium

Natura, species & probum mendacij. 61

dicantium & lancinantium comitetur; iuxta illud Senecæ lib. de tranquill. animi cap. 13. Est & illa sollicitudinis non mediocris materia si te anxie componas nec ulli simpliciter ostendas, qualis multorum vita est ficta & ostentationi parata. Torquet enim assidua observatio sui, & deprehendi aliter quam solet metuit; nec unquam cura solvimur, ubi toties nos aestimari putamus quoties aspici. Nam & multa incidunt qua inuitos denudent; & ut bene cedat tanta sui diligentia, non tamen iucunda vita aut secura est semper sub persona viuentium. At illa quantum habet voluptatis sincera & per se ornata simplicitas nihil obtendens moribus suis? Accedit portio tandem aliquando ad internum illud supplicium, externum quoque ludibrium reducto serius ocyus sipario. Rectè enim idem morum Magister Tertulliano iudice sæpe noster epist. 79. Nulli non virtus & vino & mortuo retulit gratiam, si modo illam bona secutus est fide, si se non exornauit & pinxit; sed idem fuit siue ex denunciato videbatur siue imparatus ac subito. Nihil simulatio proficit, paucis imponit leuiter extrinsecus inducta facies: veritas in omnem partem sui semper eadem est. Que decipiunt nihil habent solidi. Tenuè est mendacium, perlucet si diligenter inspexeris.

15. Aliæ mendacij diuisiones à D. Thom. 2. 2. q. 110. art. 2. & à Durando in 3. d. 38. q. 1. n. 7. aliisque passim propositæ partim desumuntur ex aggrauatione aliqua vel imminutione culpæ interuenientis in mendacio, ratione effectus alteriusve circumstantiæ, vnde contingit, mendacium perniciosum, officiosum iocosum denominari: partim etiam desumuntur penes variam materiam de qua menda

mendacium instituitur. Quæ Aristoteles explicite non proposuit, aliquatenus tamen insinuauit, tradens mendacij diuisionem in vna certa materia, hoc est, in iis quæ nos attingunt, quod potest esse quasi paradigma diuisionis mendacij penes alias materias: insuperque memorans mendacia prolata ex mera mentiendi libidine, aut ad lucrum aliū inue extrinsecum finem.

Virus mendacij.

16. Pergo ad mendacij malitiam, quam secundo loco in proposita Philosophi doctrina obseruabam. Disertè enim Aristoteles 4. *Ethic. c. illo 7.* solo naturæ lumine prælucente, agnouit mendacium etiamsi nullo alio ex capite noceret, tamen præcisè ex eo quod mendacium sit, malum esse & reprehensioni obnoxium. *Per se*, inquit, *mendacium prauum est & vituperatione dignum: verum honestum & laudabile.* Idcirco sit, *ut verus ipse qui est medius, laudem mereatur, mentientes autem vituperio afficiendi sint.* Nec alius multorum præterea Ethnicorum sensus fuit, quos mendacium tanquam natura sua turpe detestatos, refert Stob. *serm. 12.* & pulcherrimè Diu. Chrysost. *orat. 1. de regno*, ac Plutarchus *lib. de puerorum institut. n. 11.* grauissimè admonens, imbuendos esse pueros, sanctissima (ut ait) institutione, veri semper & exactè proferendi, eo quod mendacium sit seruire vitium, dignum à quo omnes sint alienissimi, ac ne in ipsis quidem paulo exultioribus mancipiis tolerandum. Et in *Marij vita*, Metelli veracitatem summopere commendans, mendacij dedecus quo

Natura, species & probum mendacij. 63

quo Marium aspergit grauissimè redarguit tanquam magnæ impietatis ac totius nequitiae fundamentum; sicut è contra veritas magnæ virtutis fundamentum ac initium est, vt ex Pindaro refert Marinus in *Procli encomio num. 4.* inde cum maximè commendans quod vehementer mendacium odisset etiam à puero, aitque id optimè illi cessisse quod veritas omnium bonorum principium sit & Diis & hominibus, mendacium è contra omnis mali origo & radix.

17. Vt minus mirum videri debeat quod Sancti Patres & Christiani Doctores affulgente superiori lumine mendacij malitiam deprehenderint, & omnino ac semper vitandam edixerint. Optimè Clemens Alex. 7. *Strom. cap. 5.* cum sit ei qui iuste viuit semper persuasum, Deum esse ubique, & erubescat non verum dicere, & falsum dicere cognoscasse esse indignum, diuina & sua ipsius contentus est conscientia, & ideo non mentitur. Euseb. 6. *prepar. cap. 4.* Porphyrij sententiam de mendacibus quandoque oraculis excutiens, negansque DEVM esse Apollinem, quem labi in mendacium posse admiserat Porphyrius hæc subdit præter cætera: *Mortalem hominem, cui aliqua cura virtutis sit, nulla ratione cogi posse vt mentiatur, non dubitamus. Nam si etiam verbera & cadem minaberis, non dubitabit exclamare: Ensem acue, ignem afferas, corpus meum incidas, totum cremato. Stella in terram ante descendit, & terra in cælum ascendet, quam falsum à me quicquam audias. S. Basilij in præmio libri de Spiritu Sancto, Mendacium nominat extremam malitiæ lineam. Veritatem Synesius orat. de regno, sub initium nobilitatem verborum appellat quo ipso menda*

mendacium seruitutis & illiberalitatis damnæ
 vt cum Plutarcho diximus. S. Gregor. 18. *Moral.*
cap. 2. accuratè demonstrat omne mendacium
 summopere cauendum esse, ac ne tunc quidem
 admitti licitè posse, cum per mendacium pro-
 prium, vita carni præstaretur alienæ: quod nemini
 fas sit animæ suæ nocere, & eam ore quod menti-
 tur occidere, vt carni alterius bene sit. Grauiissimè
 item, quodcumque mendacium esse fugiendum
 affirmat Abbas Ioannes apud Palladium *cap. 43.*
Lausiaca. Omnium plenissimè S. August. *lib. de*
mendacio, & altero libro contra mendacium, &
 breuiter in *Psalum 5.* ad illud, *perdes omnes qui*
loquuntur mendacium. sed neruosissimè in *Enchir.*
à cap. 18. ad 23. Scripturas benè multas coaceruat
 in hanc rem Antiochus *hom. 42.*

18. Rationes quibus mendacij virus deprehen-
 datur, & semper ac vbique illicitum agnoscatur,
 plurimæ proferuntur & expenduntur à Gulielmo
 de Rubione in 3. d. 38. q. 2. art. 1. & à Scoto in 3. d.
 38. q. unica à §. *quidam dicunt*, ex Petro de Taren-
 tasia, & S. Thoma, ac S. Bonauentura. Quibus præ-
 termisissis, sufficit ratio quam adhibuit S. Augusti-
 nus loco proximè allegato *cap. 22.* his verbis. *Om-*
ne mendacium, ideo dicendum est esse peccatum, quia
homo non solum quando scit ipse quid verum sit, sed
etiam si quando errat & fallitur sicut homo, hoc de-
bet loqui quod animo gerit, siue illud verum sit, siue
putetur & non sit. Omnis autem qui mentitur, con-
tra id quod animo sentit loquitur, voluntate fallendi.
Et utique verba propterea sunt instituta, non per quæ
se inuicem homines fallant, sed per quæ in alterius
quisque notitiam cogitationes suas proferant. *verbis*
igitur

igitur uti ad fallaciam, non ad quod instituta sunt, peccatum est. eleganter hanc ipsam rationem his verbis expressit S. Basil. homil. in illud, attende tibi, in ipso vestibulo. Qui nos condidit DEVS in hoc impertinuit sermonis usum, ut alius alij sui cordis arcana reuelet, communisque natura intuitu suo quisque proximo ex abstrusissimo recessu pectoris quasi ex intimo quopiam conclavi sua consilia cogitationesque depromat. Si enim ipsi viveremus anima omnium oculis conspicua & nuda, inter nos mox conueniret per mutuam cogitationū intelligentiam. Nunc quando anima carnis adoperta velamine, multiuarias commiscitur secum ac versat cogitationes, & verbis opus habet & nominibus, ut quæ in reconditiore mentis secessu delitefcunt in apricum euulget. Mens igitur nostra mox ubi vocem apprehenderit cuiuspiam rei significatiuam, perinde ac traiectiua quadam nauicula, sermone ipso prateruehitur qui simul ut traiecit aërem è loquentis ore ad aurem usque transmittitur audientis. Subdit de tranquillo sermonis in portum successu in quiete ab interturbantibus, & è contra de sermonis veluti naufragio, intercurrente tumultu quasi asperiore procella quæ nos commodius ad illud sermonis naufragium quod mendacio ac præpostera sermonis usurpatione incurritur accommodare possumus. Eodem reuoluitur illa ratiocinatio Antonini Imperatoris lib. 9. de vita sua num. 1. Repetam eam tantillum altius ut sententia cohæreat. Qui iniuste agit impietatis reus est. Etenim cum vniuersi natura, ratione pradita animantia eo effecerit, ut quantum eius dignum est, vnum alteri proffit, noceat autem nequaquam; qui voluntatem eius præuariat, im-

E

pius

66 *Disput. de Veritate. Cap. 2.*

pius utique est in omnium Dearum primam : ac qui mentitur, etiam impietatis in eandem Deam sese obligat. natura enim uniuersi, eorum est natura que sunt. Hac autem omnia inter se cognata sunt. Porro autem eadem veritas dicitur, verorumque prima est causa. Qui itaque studio mentitur, eo quod decipit, impius est: Qui non dedita opera, eo quod ab uniuersi natura discrepat, & quod prater decorum agit, repugnans uniuersi nature: repugnat enim ei qui in contrariam partem à veris desleclit, praterquam ipsius natura ferat, que ei occasiones præbuit quibus neglectis non potest iam vera à falsis discernere.

19. Itaque vides idcirco reprobari mendacium, quia mentiens peruertit vsu ad quem data est loquela, efficiturque audienti causa erroris quantum in ipso est; quod aliter scitè dixit S. Ephrem *opuscul. de virtutibus & vitijs cap. de mendacio* reprobandum esse mendacium, quia perinde se habet ad conuictum humanum sicut rubigo ad ferrum. Rectè porro Augustinus Triumphus in *summa de potest. Eccles. q. 55. art. 2.* peruersitatis istius varios quasi ramos eidem veluti trunco hærentes aperit obseruans ex D. Augustino 15. *de Trinit. cap. 11.* verbum exterius insonans auribus audientis esse quoddam verbi interius latentis & obiecti externi per internum verbum exhibiti. Ex quo sequitur verbum nostrum externum ad tres diuersos terminos, hoc est, ad rem verbis significatam, ad ipsum proferentem, & ad audientem dicere habitudinem, & certam cum eis commensurationem seruare debere, quæ si tollatur, triplex insignis peruersio contingat. Nam ad rem significatam ita comparatur locutio vt eius sicut verè est

Natura, species & probrum mendacij. 67
est expressio esse debeat. Ad proferentem verò
comparatur tanquam internuncius earum quæ in
eius animo sunt passionum. Denique audientem
respicit locutio vt signum excitatiuum eius ad
veri perceptionem. Quæ omnia cum locutioni
competunt, ingens omnino efflorescit concinnitas.
Eam verò exterminat quisquis mendacium
obsterricante lingua parit. Nam & aliter rem ex-
ternam enunciat quam ipsa reuera se habeat, &
falsum internuncium assumit, & falsitatis in alie-
no intellectu sementem facit. Quæ qui non videt
magnam planè peruersionem continere, ophtal-
miam vel etiam exoculationem suam malè ag-
noscit. Porro initium quidem prædictæ peruer-
sionis à loquente ipso sumitur, qui rem à se pretio-
sissimam exterminat; & falsum mentis suæ simu-
lachrum ac internæ suæ inanitatis idolum exhibet
vt optimè attigit Plato *in calce libri secundi de re-
pub.* sicut è contra oratio vera honesti ac fidelis
animi simulachrum est, iuxta Isocratem ad Nico-
clem: tamen eiusdem peruersionis consummatio
ex alieno malo petitur (hoc est ex errore qui alteri
per mendacium ingeneratur quantum est ex vi
operis;) atque adeò ex conuictus humani excidio
quod voluntariam illam erroris in alio profemi-
nationem consequitur.

20. Estque illa alieni damni iuuectio, co de-
trectabilior, quod vnusquisque alium fouere ac
iuuare potius debuerat, perinde ac mèbrum eius-
dem corporis eadem communi vita viuens, & par-
ticeps eiusdem spiritus. Quam rationem attigit
Apostolus *Ephes. 4.* verbis illis, *depositio mendacio
loquimini veritatem vnusquisque cum proximo suo,*

quoniam sumus inuicem membra. In quæ verba luculenter Chrysost. hom. 14. ad eam epistolam ferè initio. Num pedem, inquit, fallit oculus aut oculum pes, utpotè sicuti fouea profunda fuerit, qua supernè inspersis arundinibus humoque occultis tecta, solida telluris speciem ipsa superficie ingerat oculis: numquid utetur hic pede & cognoscet quale sit ibi solum num subsit vacuum aut resulcet & repercutiat? Non fallit hic pes sed verum indicat. Quid verò si serpentem viderit oculus aut malam bestiam, num fallit pedem? An non mox periculum annunciat? Et pes illud ex oculi indicio cognoscens ultra non progreditur. Quid verò si quando contigerit nec pede nec oculo rerum cognitionem haberi posse sed totum ab odoratu percipi oportere, utpotè utrum pestiferum sit pharmacum necne: num ab odoratu fallitur os? Nequaquam. *Quare?* Quia seipsum simul perderet odoratus. Itaque quod sibi sentit aduersarium esse, hoc indicat. Quid verò lingua? Num illa stomachum seducit? Non seducit, sed ubi amarum quid & acerbum deprehenderit, proiicit, dulce verè immittit. Vide ministerium & vicissim ministerij retributionem. Vide providentiam ex ipsa veritate, & sua sponte, ut dicitur, natam. Ita & nos non mentiamur, siquidem membra sumus inuicem.

21. Eo præterea deterior & detestabilior censenda est ista peruersio & membri ad idem corpus pertinentis deceptio, cum quo summa coniunctio fouenda fuerat quo pretiosius & concinnius est in homine loquendi artificium diuinitus in hunc finem mutui conuictus concessum, ut ex S. Thoma 3. contra gent. c. 148. & Petro Hispano expendit Io. Viualdus lib. de vera contrit. c. 22. & elegantissimè

Natura, species & probum mendacij. 69

finè de more Theodoretus orat. 3. de provid. aliique adducti in scalis à visibili creatura ad Deum gradu
11. hoc ergo tanti artificis tam concinnum & nobile artificium, pervertere, & ad contrarium illi ob quem collatus est finem detorquere, non potest culpa vacare. Alia ad hanc ipsam mendacij turpitudinem euincendam, congerit idem Viualdus supra, concludens cum Roberto Olköt lect. 11. in lib. Sapientie, mendacium esse idioma quo vtuntur qui sunt de regno diaboli; vnusquisque enim loquitur linguam suam in qua natus est: atque ita quia mendaces de patre Diabolo nati sunt, iuxta Ambrosium, gentis suæ idiomate loquuntur: è contra autem veraces, vtuntur idiomate regni ad quod pertinent; & cum ex Deo nati sint, qui ipsissima veritas est, genus ac gentem suam locutione veraci produnt.

Mendacium intrinsecè est indispensabiliter malum.

22. Sed his ad populum ablegatis concludere ex dictis præstat mendacium esse suapte natura malum, nec malum quia lege positiua prohibitum; sed potius prohibitum, quia malum ex Augustino quest. 68. in *Leuiticum*. quippe suapte natura & intrinsecè malum: ita vt nulla dispensatione honestari queat vt per simplicitatem censuit quidam Monachus apud Cantiprar. l. 2. c. 26. nec possit à Deo præcipi, quod absurdè concessit Gulielmus de Rubione in 3. distin. 38. quest. 2. artic. 1. ad primum. merito autem reiectum est ab Auresto eadem dist. q. unica, articulo item unico. nec denique vlla planè ex causa aut necessitate licere queat.

Quinimo addendum est cum D. Augustino locis allegatis tam tetrum esse mendacij virus, (quãdoquidem ex se & præciso quouis adiuncto malum est,) vt nulla cuiuscumque finis honesti appositione abstergi valeat, sed tametsi pudicitia vel vita corporis aut etiam orbis vniuersi æterna salus periclitaretur, possetque leui mendacio ac nulli damno, in tuto poni; necessarium tamen esset cauere mendaciolum illud, & orbis potiùs excidium permittere. Non enim sunt facienda mala, vt eueniant bona iuxta Apostoli edictum, de quo luculenter Augustinus *lib. contra mendac. c. 7.* & in *psal. 30. ad illud at odisti obseruantes vanitatem superuacue.* rursusquẽ *psal. 30. ad illud fallax* siue vt ipse legit *mendax equus ad salutem*, vbi refert quorundam insulsiatẽ qui ex peruersa lectione eius loci & *equi in equum* transformatione, inferebant fas esse æquo siue iusto mentiri ad alterius salutem corpoream in tuto ponendam: Quod Augustinus planè falsum esse statuit, & cum eius loci litera nullatenus cohæreere ita demonstrat. *An intellexistis quid dictum sit, mendax equus ad salutem. Non tibi promittat equus tuus salutem; si tibi promiserit mentietur. Si enim DEVS voluerit liberaberis, si DEVS voluerit, cadente equo altius cades. Non ergo puteis dictum, mendax equus ad salutem quasi mendax iustus ad salutem, quod velut iusti ad salutem mentiantur. Non est enim scriptum equus, quod ab equitate dicitur, sed equus animal quadrupes. Hoc Græcus Codex indicat. Et redarguuntur homines, qui sibi quarunt mala iumenta, occasiones mendaciorum, cum scriptura dicat. os quod mentitur occidit animam, & perdes omnes qui loquuntur mendacium.* Itaque
ne

ne ad salutem quidem corpoream propriam vel alienam mentiri licet vt disertè etiam tradit S. Gregor. 18. *moral. c. 2.* Et idem definitum est disertè *cap. super eo. de usuris*, vt doceamur nefas esse etiam pro alterius vita mentiri.

23. Hæc est iam pridem indubitata ac certa Catholicorum omnium sententia, quæ vt præmittam antiquiores in 3. d. 38. tanquam extra controuersiam ponitur à recentioribus omnibus Catholicis, nominatimque à Binsfeldio *de confess. malefic. in secundo membro questionis dub. 3.* Castro *V. mendacium. Nolano lib. 1. de fide haret. seruanda c. 5.* Becano *opuscul. de eodem argumento c. 6.* Andrea Schotto *lib. 2. de silentio c. 15.* Delrio 5. *mag. sect. 1 c.* Rosuedio in *Onomastico. V. mendacium.* Coluenerio *ad l. 2. Cantipratani c. 26.* aliisque passim. Hos tamen signatim proferre placuit ad retundendam Nouatoris Bataui calumniam, qui de more earum quæ frontem perfricuerunt, in *suo Ethica reformata compendio part. 3. §. de veracitate quesito 2.* hodiernis Pontificiis affingit, quod admittant licitas esse pias fraudes: ita enim vocari ab eis ait mendacia quæ nemini nocent; possunt autem religioni, vel patriæ, aut cuicumque demum proximo prodesse. Sed mentita est iniquitas sibi: nemo enim Catholicus Theologus hodie agnoscit, aut iam pridem agnouit vllum prorsus mendacium licitum esse, quocumque tandem sine dicatur, cum sit intrinsecè ac per se malum, vt ex Aristotele posui, & aperta ratione confirmaui: vnus verò aut alterius Catholici Scriptoris Theologia non imbuti cespitatio, malignè affingitur vniuersis Pontificiis. Apud nos enim quod sectarius de Syna-

gogæ suæ moribus Ecclesiam æstimans non considerauit, non est quorumvis tractare quæ vera aut falsa sint circa fidei dogmata & bonos mores : sed ea disputatio, Theologis quorum propria est, permittitur; eorûmque his de rebus iudicia, non autem cæterorum exquiruntur. Cum ergo omnes ad vnum hodierni Theologi mendacium quodcumque illicitum statuunt, honestatio alicuius mendacij Catholicis absolutè tribui non potest nisi per calumniam.

Errores de mendacio quandoque saltem non inhonesto.

24. In eo honesti quandoque mendacij errore fuerunt quidam Ethnici, & eorundem Germani nonnulli hæretici, ac ex Atheorum classe, & ex scriptoribus dubiæ fidei non nemo: denique vnus aut alter è catholicorum numero, ex iis præsertim qui politiam habent pro numine. Ex Ethnicis ergo Plato *lib. 3. de repub.* non multum ab initio mendacium magistratui ac Principi concedit, dummodo in populorum vtilitatem cedat; locum descripsit ex Origene Hiero. *Apologia 1. aduersus Ruffinum*, vniuersaliter autem locutus videtur Plato *ad calcem libri secundi eiusdem operis* vbi cuius aduersus hostem & ad vitanda mala vsum mendacij permittit. Darius item Histaspes apud Herodotum *lib. 3.* infame illud dictum profudit, *vbi expedit mendacium dicere, dicatur. Nam idem optamus, & qui mendacium dicimus, & qui veritatem.* Celsus præterea apud Origenem *lib. 4.* dixisse refertur pro medicamento interdum permitti vsum imposturæ
arque

atque mendacij, & paulò ante hæc eiusdem Celsi verba retulerat Origenes. *Deceptio & mendacium, semper aliàs mala res, tunc tantum sunt usus; quando pro remedio sunt amicis curandis, aut ad vitandum apud hostes periculum.* Patrocinatur quoque mendaciis Lucianus in *Philopseuda* initio verbis illis: *Qui cum usus postulat mentiuntur, venia nimirum hi, imò laude plerique eorum digni sunt; quicunque vel hostes fefellerunt, vel ad salutem tali quopiam pharmaco usi sunt in necessitatibus, cuiusmodi multa Ulysses etiam fecit ut & vitam suam & sociorum reditum redimeret.* ad quæ verba sectarius Luciani Scholiastes mendacium officiosum non videtur habere pro vitioso.

Perspicuè item palpones quidam apud Arrianum lib. 4. dissertat. *Epicteti. cap. 6.* ita loquentes inducuntur. *Quid tua intererat istud dicere? nonne potuisti mentiri? ita Philosophi sentiunt etiam nihil vetare quo minus aliquis mendacium dicat.* Philosophus certè Platonius fuit Onofander auctore Suida. Docet autem in *Strategico cap. 23.* Ducem in acie cum laude mentiri ad animum militibus suis incendendum, & deprimendum hostibus, quod tanquam plerumque necessarium & admodum utile mendacium commendat. Platonius item Philosophus Max. Tyrius *serm. 3.* mendacium ad utilitatem prolatum Deo quoque non indignum putat. Idem medicum ægris, gubernatorem nautis, ducem exercitui mentiri cum laude pronunciat. Alienam item utilitatem pro metro liciti mendacij, aliàs semper illiciti his verbis statuit Eusebius apud Stobæum *serm. 11.* *mens veritatem amplectitur & semper cum ipsa versatur.* Sed quam-

uis in rebus suis alienissima sit à mendacio, interdum tamen commiscens bono mendacium ad hominum hoc indigentium utilitatem profert, qui quidem sua ipsorum commoditatis causa decipiendi sunt ab eo. Tunc enim solum nec unquam alias, quo nouit opportunum esse tempore mens abhorrens interim ab omnibus aliis mendaciis tale quoddam mendacium introducit in diuersam & utilissimam speciem immutatum, arte sapientiaque mentis rem malam commodè usurpantis. Audi & Fabium lib. 1 2. cap. 2. sub finem. Concedant mihi omnes oportet quod Stoicorum quoque asperrimi confitètur facturum aliquando bonum virum ut mendacium dicat, & quidem nonnunquam leuioribus causis ut in pueris, egrotantibus, utilitatis eorum gratia, multa fingimus, multa non facturi promittimus, nedum si ab homine occidendo grassator auertendus sit, aut hostis pro salute patrie fallendus; ut hoc quod alias in seruis quoque reprehendendum est, sit alias in ipso sapiente laudandum. De iisdem Stoicis ita in hanc rem scribit Stobæus in Eclog. Ethic. c. 4. in breuiario dogmatum Zenonis ac Stoicorum. Mentiri quoque sapientem negant, cum non tam qui mendacium dicat, quàm qui mendaciter ac dolo id faciat mentiatur. Mendacio tamen uti variis modis posse credunt absque assensu, ut in militia contra hostes aut alia necessitate. In eadem belli causa, mendacium decipiendo hosti approbavit in Anglia Nouator, Albericus Gentilis lib. 2. de bello cap. 5. & idem ex vulgato olim apud Florentinos prouerbio refert ac reiicit Æneas Syluius epist. 86. Idque ab eis combibit Florentinus & ipse ciuis Macchiauellus, in quo hunc mendacij pro tempore ac vsu non illiciti, errorem, acriter notant Molanus l. 1. de fide heret. seruanda

seruanda cap. 2. & 3. & Ribad. lib. 2. de princ. c. 15. & 16. alia item graui ex causa, pensatis accuratè circumstantiis fas fore mentiri, pronunciat Iouianus Pontanus lib. 4. de obedientia cap. 12. quod ea sit interdum vnica via grauib; incommodis prospiciendi violato nemine. idem docet Carolus Paschalius lib. de legato. c. 54.

25. Mendacium item quodcumque officiosum culpa vacare, asseruerat olim sectarius qui Lactantium glossæmatis suis suffarcinauit. Sed id saniore consilio retractat *ad lib. 6. Institut. c. 28.* ita tamen vt probrum illud suum quod à se abiicit, Lactantio impingat, propter hæc eius verba ibidem. *Dei cultor non mentietur vnquam, decipiendi aut nocendi causa*, putat enim is quem dixi Lactantij interpolator admitti verbis illis à Lactantio, mendacium officiosum: quasi fas sit, cum nulli damnum, alicui vtilitas ex falsiloquio imminet, illud ex certa scientia adhibere. Quod Lactantius tametsi plerisque nauis obsitus, reuera non dicit sed tantum affirmat nemini mentiendum esse scienti ac volenti, exempto duntaxat è mentientium numero, eo homine qui per incogitantiam falsum profert: cæteroqui autem nemini fas esse mentiri splendidissimè tradit Lactantius continet ad citata ex eo verba. *Non mentietur cultor Dei vnquam decipiendi aut nocendi causa. Est enim nefas eum qui veritati studeat, in aliqua re esse fallacem, atque ab ipsa quam sequitur veritate discedere. in hac Iustitia virtutumque omnium via nullus mendacio locus est. Itaque viator ille verus ac iustus, non dicet illud Lucilianum, homini amico ac familiari non est mentiri meum: sed etiam inimico atque ignoto existimabit non esse mentiri suum.*

nec aliquando committet, ut lingua interpret animi, à sensu & cogitatione discordet. Vides quam vniuersaliter & absque restrictione vlla mendacium eliminetur? Vtinam sic semper impingeret Lactantius.

26. Aptius itaque, mendacij patrocinium, Sectarius Lutheri sui patrueli Caluino, eiusque combonibus adscripsisset. Memorat enim Bolsecus *in vita Caluini c. 20.* mendacium, & infantium circumuentionem, cum ita fert causa Euangelij, in laude poni apud Caluinum & asseclas. Præterea *Alciatus in concilio circa materiam duelli quod habetur lib. 5. respons.* & ad calcem libri *de singul. certamine*, ait plerosque casus esse quibus omni humano diuinoque iure ius fasque est mentiri. ad hæc ambiguae apud aliquos fidei scriptor, in opere quod Index Romanus tanquam in fide non semel lubricum nigro theta suffixit, 4. inquam *Demonomania c. 1.* existimauit Iudices licitè per mendacia veritatem à reo tergiuersante expiscari posse. Iudicibus enim diuino & humano iure concessum ait, mendacio reum tergiuersantem fallere; quamuis non neget secus visum S. Augustino & S. Thomæ. argumenta subdit ex compensato diuinitus mendacio obstetricum, & Rahab meretricis. Profert etiam inductam ad mendacium ab Abrahamo Saram, & ipsiusmet Abrahami mendacium: aitque frigidè admodum Doctores iuris Canonici excusasse Abrahamum; cum dixerunt voluisse duntaxat, ne Sara veritatem promeret, etiamsi noller ut mentiretur. Hoc ille friuolum glossema nominat, cum putet liquere, Abrahamum & Saram contra mentem iuisse loquendo, quod est mentiri iuxta Nigidij definitionem. Quare longius etiam progressus

progressus, concludit, fatendum necessario esse rem esse honestam ac laudabilem, & verò etiam necessariam, mentiri ad tuendam vitam innocentis, vel ad plectendum publica potestate nocentem, quod Principibus ac Magistratibus à Platone & Xenophonte concessum est ad rectam populorum gubernationem, quæ idem plerumque servari postulat erga paruulos & ægrotos. Denique addi pro Bodino potest, olim visum penè omnibus fas esse mentiri pro salute, cum nemini nocet mendacium, quod testatur S. Augustinus *q. 68. in Levit.* nominatimque solet id notari in Chrysostomo eiusque discipulo Ioanne Cassiano, aliisque Græcis, quos ita postea intellexit Heliodorus Episcopus autor historiæ Æthiopicae, Theagenis & Charicleæ, proptereaque ab Antonio Melissa *lib. 1. serm. 22.* & à Maximo Monacho *sermo. 35.* citatur in hanc rem nomine Charicleæ iuxta vulgatam operis illius inscriptionem apud Nicephorum *lib. 12. histo. c. 34.* vnde corruptè apud Melissam legitur *Chariclis* pro *Charicleæ*. Hic igitur Heliodorus mendacium nemini noxium, alicui autem commodum dixit honestum esse *lib. 1. historie citatæ*. Præterea Eustratius Græcus & ipse Episcopus *3. Ethic. c. 1. & lib. 2. c. 6.* plenè admisit licitum aliquando esse mendacium, cui subscribit Balxeus *3. ethic. c. 1.* cum de mixtis actionibus & ibidè Iacobus Scheggius nixus Platonis autoritate, & Burlæus *4. ethic. part. 3. tract. 4. c. 2.* qui Albertum quoque adducit, & dummodo mendacium sit iocosum aut officiosum concedit, illud si ob alterius salutem admittatur, turpitudine vacare. Hæret circa hoc ambiguus Franciscus Patricius *lib. 4. de regno titulo 1.*

Prædictorum errorum depulsio.

27. Hæc nubes testium non bonorū (nam Chrysostomum & Cassianum, ac si qui sunt alij bonæ notæ autores mendacio in speciem patrocinantes commodè infrà exponam *cap. 11.*) auctoritatem peruerso illi dogmati quod excutimus, non conciliat. Nec vlla eidem firmitas accedit, à rationibus siue quæ proximè propositæ sunt, siue quæ inter referendum Philosophorum & hæreticorum errorem, sunt insinuatæ.

Quare quod ad Philosophos attinet, admittendum est, eos vt alias frequentissimè non modo quoad speculationem naturæ, sed etiam in rebus moralibus, ita hac quoque in parte impegisse. Et quamquam aliqui videntur posse benignè exponi in eundem sensum quem capite allegato plerisque Patribus dabimus, præsertim cum nonnulli Patrum ipsa eorum verba vsurpassè videantur; tamen ea excusatio in plerosque Philosophos non cadit. Itaque demus sanè quod est verissimum fœditatem mendacij, tamen si solo naturæ lumine peruiam, nonnullistamen Philosophis in quibus illud lumen parcius micabat, non innotuisse. Nam & in aliis plerisque naturæ lumine notis morum bonorum dictaminibus, aberrarunt non pauci, vt videre est apud Lactantium *lib. 3. c. 15. & l. 6. c. 10.* & apud Picam *l. 1. exam. vanit. doct. gentium à c. 17.* ac Medinam *2. paren. c. 2. sub finem.*

28. Vtilitas ingens & grauium malorum declinatio, quibus Philosophi & eos sectati nonnulli alij, vt retulimus, fœditatem mendacij in quibusdam

Natura, species & probrum mendacij. 79

dam euentibus obducere nisi sunt, nihil reuera promouent mendacij honestationem: nisi si furtum, ac prædationes, & huiusmodi scelera, eximere è scelerum numero placet, quod videantur vtilitatem autoribus aduehere, quod quàm sit absurdum frustra exponerem: non enim est censenda vtilitas, quæ cum honestatis, rei vtique pretiosissimæ & vtilissimæ dispendio, coniuncta est. Non deesse tamen honestam viam auertendi damna euulgationem veritatis consecutura, absque mendacij interpositione, in disputationis progressu aperiemus. Atque ita liquebit vanas esse excusationes illas in peccatis quas supra retulimus, ex quibusdam causantibus hominem interdum ad proferendum mendacium necessitate adigi, ne res suas aut suorum, syncera veritatis manifestatione perditum eat.

29. Restant Bodini argumenta, qui quod in summæ iniustitiæ patrociniū, iura diuina & humana aduocat, & ex his iuribus potestatem Principibus ac Iudicibus factam vult, mentiendi; turpissimè labitur. Vt in tanta diuinorum & humanorum iurium mendacia reprobantium lucē, exoculatum planè fuisse qui id non viderit, scribat Binsfeldius supra adductus, varia ex scripturis & humano iure loca recensens, quibus Bodini assertio confoditur. Principi porrò & Magistratui multo minùs quàm priuatis concedenda mentiendi facultas est, quod Hieronymus Osorius elegantissimè de more tradit *l. 4. de Regis institut.* Sanè bonus Princeps ac populi Rector ea appellatione dignus, iuxta Dionem Chrysostomum *Orat. 1. de regno, simplicitatem & veritatem existimat ad Regem & prudentem pertinere: astutiam autem & dolum, ad fatuos seruilemque conditionem,*

conditionem, considerans quod & bestiarum timidissima ignobilissimaque omnium maxime mentiantur ac fallant. Itaque Nazianz. *Orat. 3.* Iulianum Apostatam inde acriter insectatur, quod qui clauum Reipublicæ teneret, & aperta vi agere posset, calliditatem tamen & artes adhiberet; quod nullam in Principe mereri veniam existimat: quantominus mendacia, quæ sanctam Principum & Magistratum, Dei summæ veritatis vices obeuntium, personam, planè dedecent; vbique quidem ac semper, sed præsertim in iudiciis vbi causæ grauitas, præsertim cum de rei exitio aut graui multa agitur summum iusti ac veri studium in iis qui iudicio præsumt merito exposcit. Prostat verò in hanc rem diuinum apud sapientem & quidem peremptorium edictum *Prouerb. 17. Non decent stultum verba composita, nec Principem labium mentiens.* Priscæ item Ægyptiorum Principes vt est apud Diodorū Siculum *lib. 2. antiq.* torquem aureum lapillis distinctum gestabant cui nomen VERITAS, profitentes nullo se ornamento magis honestari quam tenacitate veritatis.

30. Quàm verò insulsè Bodinus, exemplis mendaciorum quæ in sacris literis referuntur, mendacij patrociniū communiat, à tam multis & Theologis & Scripturæ interpretibus toties tamque diligenter monstratum est, vt pigcat cranibem toties recoctam denuò ingerere. Videsis Alensem *p. 3. q. 37. membro 6. & c. p. q. 122. membro 6. S. Bonauenturam in 3. d. 38. q. 2. & ibid. Gabrielem q. unica artic. 1. Canum 2. de locis cap. 4. Magdalianum in caput 2. Iosue scēt. 2. v. 4. annot. 2. 3. & 4. Summa responsionum est, Abrahamum quidem & Saram mendacij*

Natura, species & probum mendacij. 81
 mēdacij labe puros videri, sed necessaria duntaxat
 æquiocatione aut mentali restrictione vfos esse,
 si tamen mendacium protulisse admittantur, quod
 de Rahab & Ægyptiis obstetricibus videtur ex-
 peditius, lapsum illum, præsertim ad declinandum
 iniustum damnum, non nisi leuem culpam fuisse:
 culpam tamen; nec Deum compensationem vllam
 obstetricibus pro mendacio rependisse, sed pro
 charitate erga innocentes Habreorum paruulos
 rabiei Pharaonis subductos: vnde cōtigit vt vitam
 suam per mendacium in tuto ponerent, cui ex eo
 alienæ salutis desiderio, decessio aliqua scēditatis
 facta est, vt obseruat qui hæc omnia explicatē tra-
 dit S. Grego. 18. *moral. c. 2.* post August. *in psal. 5.*
 Platonem denique & Xenophōtem quod de Phi-
 losophis vniuersæ iam monui nisi alia via excusen-
 tur, admitto, erroris magistros hac in parte fuisse;
 atque adeo nego audiendos, nisi si Bodino placer,
 facultatum atque etiam vxorum communitatem
 inducere, & mūdum vt Saluianus scitē dixit vnum
 lupanar facere, quod eam quoque cōmunitatem
 Plato probauerit. Itaque saltem esto Magistratui
 & cuius Principi, ius prudenter & ingeniosè dis-
 simulandi, solerterque expiscandi veritatem; non
 tamen mentiendi vt ab alio veritatem extorqueat.
 Imo iniustum fore iudicem, qui scientia publica à
 se per mendacium & iniustitiam comparata, ad
 damnandum reum vteretur, alibi ostenditur. An
 verò etiam inualida foret sententia quam iudex ex
 ea scientia ferret, tractat supra Binsfeldius, & alij
 qui de iudiciorum iustitia & validitate disputant.
 31. Silui de Patribus qui ad calcem numer. 26.
 adducebantur quia eorum causam infra ventilabo

c. 12. Nolo tamē eis Heliodorum accensere, hominem Episcopatu motum nec probatissimorū morum; vide Nicephorum *lib. 12. histor. c. 34*. Sed neque placet prædictis Patribus annumerare Eustratium, quod & recētiore fuerit, & congruentiora homini Ethnico omnia vtilitate metienti, quam Christiano Episcopo scripserit, iisdem locis quibus mendacio patrocinator est. Admisit enim ibidem, adulterium cum Tyranni vxore absque turpitudine admitti posse, si ea iudicetur idonea ratio perueniendi ad patriæ oppressæ liberationē. Quæ quantitas sit fatuitas ne ostēdere quidem necesse est: quam diligenter etiam refellitur à Couarruuia *in epitome quarti decretal. p. 2. cap. 3. §. 4*. Plus igitur quàm par fuit, Eustratio detulit Burlæus supra allegatus, cum ex autoritate Eustratij existimauit satis probari, mendacium non perniciosum ad alterius salutem prolatum, vacare culpa. Malè autem Eustratio in hac assertionē adiungebat Albertū, cuius sententia perspicuè est in contrarium, *ibid. tract. 3. cap. 2. in fine*.

Est itaque mendacium, (reclamantibus licet Ethnicis quibusdam, & hæreticis, ac per imprudentiam olim lapsis paucis Catholicis) omni cura Christiano auersandum, nec vllius planè damni, alioqui imminentis, vel honesti finis prætextu admittendum. *Sub huius igitur definitionis iugo: ne in sacrilegam temeritatem malè libera colla luxurient, questionis huius quantum DEO donāte possumus occulta memoremus. Vsurpo enim lubens verba Fulgentij in simili lib. de præd. & gratia cap. 2.*

CAPVT III.

*Status controuersie de vsu æquiuationum
& restrictionum mentalium.*

32. **M**endacium de quo superiori capite disputatum est ; cum morali veritate exposita capite primo , pugnat directè atque formaliter ; quia falsitate veritati contraria apertè fœdatur , quam fœditatem esse à mendacio indissociabilem , proximè ostensum est. Hinc igitur commodè delabimur in disputationem propositam de licito vel illicito vsu æquiuationum & restrictionum mentalium , quas Barnesius mendacij insinuat , & aliis etiam retrioribus notis inurit : Lessius autem & alij infra adducendi , tamen si admittunt plerumque in eo vsu interuenire culpam , indirectè pugnantem cum veritate , nempe cum absque causa idonea adhibetur , neglectisque limitationibus suo loco apponendis , negant tamen vsum illum semper & vbique esse illicitum , vel cum illicitus est pertinere ad mendacium propriè acceptum , quod veritati opponitur directè , estque per se & intrinsecè malum. Affirmant ergo habere malitiam specialem , eatenus mendacio affinem , quatenus sicut veritas mendacio directè & per formalem contrarietatem excinditur , ita æquiuatione vel mentali restrictione illicita , labefactatur indirectè eiusque veluti candor infusatur. Quamquam in hoc posteriore puncto minus feruet animorum conten-

tio : quæ illud præcipuè spectat , sitne verè vsus prædictus semper & vbique inhonestus , an aliquando ex iusta causa honestari possit. Nam si concederetur vacare aliquando culpa , non adeo sollicita esset vtraque pars , quia tota controuersia eo recideret , an in euentu quo iuxta vtriusque partis autores interueniret vitium , dicendum esset , vitium illud esse mendacij , an alterius vitij veracitatem aliter impetentis quæ non esset controuersia tanti momenti , quandoquidem eo ipso quod enunciatio exorbitaret à recto , & pugnaret cum honestate nobilissimæ virtutis , indubitatum foret esse studiosè declinandum. Controuersia ergo præcipuè est quoad primum punctum , an scilicet vsus æquiuationis & restrictionis mentalis in aliquo euentu honestari possit.

Quid sit æquiuocatio, quidque circa eam in hac controuersia queratur.

33. Sed vt hic ipse controuersiæ status penitiùs perspiciatur ; præmittenda necessariò est vocum notio , exponendùmque quid hoc loco nomine æquiuationis, quid nomine mentalis restrictionis de quorum vsu licito quæritur, intelligendum sit. Et æquiuocatio quidem , siue homonymia , propriè secernenda est ab amphibologia: quod hæc in sententia duntaxat, siue enunciatione cernatur , illa vero in vñica dictione veluti foeta duplici simplici significatione vt notat Suidas V. *ἰσχυρὰ* ☉; Magnus Albertus 1. *Elench. tract. 2. c. 1.* Scotus q. 19. in librum *Elench.* passimque alij. Hic tamen ex vsu communi æquiuocatio confunditur cum

cum amphibologia ; & ambæ designant enunciationem , verbo tenus simplicem , spectato tamen sensu quem excitare idonea est, multiplicem, atque adeo nonnisi cortice tenus vnam. Cum igitur controuertitur, liceátne salua veritate æquocationem adhibere, sensus est : liceátne idoneis alioqui verbis & eam significationem ferentibus vtendo, mentem suam aliter exprimere , quam is qui audit intellecturus esse prænoscat. Eo quod voces ob multiplicem deputationem ambiguæ, & duplici significatione pollentes , proponantur in vno sensu à loquente , quem non latet accipientdas fore in alio sensu ab auditore cum quo agit.

34. Potest autem ea ambiguitas dupliciter adhærere enunciationi vocali. in eam quippe solam cadere potest, vt ex dictis perspicuum est , rectéque aduertit Ocham in 3. q. 9. *litera f.* Interdum ergo geminus ille earumdem vocum sensus, secundum communem vsum est ferè æquè receptus, & communis saltem alicubi: vt in eo Apollinis Cræsum deludentis oraculo apud *Enseb. 5. prapar. c. 10.* *Cræsus Halim peneirans ; magnam peruertet opum vim.* Et in illo alio responso Atheniensibus de Sicilia insula interrogantibus dato , vt refert Dio Chrysosto. *orat. 17.* Respondit enim Apollo, debere eos Siciliam ciuitati copulare : quod Athenienses de Sicilia insula, vnis mœnibus cum vrbe Atheniensi comprehendenda acceperunt; cum ab Apolline nomine Sicilia designatus fuisset tumulus prope Ciuitatem Sicilia item dictus. vnde nomen Sicilia apud Athenienses æquè ferè commune erat Trinacriæ insulæ & illi tumulo. Idem ceruitur in plerisque aliis exemplis alibi recensitis,

frequenter enim ea propositio ambiguitate
 vsum dæmonem oracula fundentem, vt haberet
 quo se ignorantiamque suam regeret, quicumque
 tandem consequeretur euentus, traditur in natu-
 rali Theologia *dist. 4. n. 28.* Aliàs verò vnus dun-
 taxat sensus è duobus illis quos enunciationi am-
 biguæ subesse dixi, est communis, alter autem est
 infrequens & ferè obsoletus. Vt in vulgari exem-
 plo *Petrus est domi*, distingui potest duplex sensus,
 alter communior quo scilicet significetur Petrum
 contineri domo: alter infrequentior, quo verbum
est, idem significet ac *manducat*, vt interdum sig-
 nificat, tametsi infrequentius. similiter in ea pro-
 nunciatione qua mulier fatidica Diocletiano Im-
 perium prædixit cum Aprum interemisset; nomen
 Apri communius ad feram designandam vsurpa-
 tur, quàm ad signandum eius appellationis ho-
 minem, Prætorio tunc præfectum, quem ea voce
 in ea prænunciatione signatum, docuit euentus,
 Videtur porrò esse plus difficultatis, in-tuenda ho-
 nestate æquiuocationis cum voces propositionem
 ambiguam compingentes, vsurpantur in sensu in-
 frequèti ac longè minus recepto, quàm cum vter-
 que sensus vocibus substans, est æquè aut ferè re-
 ceptus; vt idcirco operæpretium fuerit vtrumque
 modum amphibologiæ secernere.

*Mentalis restrictio quid, & quæ hîc circa
 eam controuersia.*

35. Venio ad restrictionem mentalem, quo no-
 mine Paludanus & ex eo Capreolus in *4. d. 21. q.
 2.* ferè in fine vsi iam olim sunt ad designandam
 vsurpatio

vsurpationem verborum talem, vt sistendo in exteriorē ipsorum prolatione & quasi cortice, falsitatem contineant: iuncta tamen aliquibus verbis mente conceptis ac subintellektis, veritatem re ipsa contineant, nec nisi apparenter & in speciem sint falsa. Qui enim ita concipit, & ita loquitur, restringit celatque in mente aliquid; quod si promeretur, alia in audiente conceptio ex auditione ingeneraretur. Aliqui hanc dicunt esse *amphibologiam mentalem*, priorem autem quæ est simpliciter dicta æquiuecatio, vocant *amphibologiam sensibilem*. Plerumque item appellatur mentalis reseruatio, quamquam harum vocum longè alia est notio in re beneficiaria, vt latè tractat Gulielmus Cassadorus, *decisione 4. de reserationibus*.

Cùm itaque controuertitur, liceátne aliquando vti restrictione mentali, sensus est: liceatne ita loqui vt propositio quæ exterius profertur, potestque ab alio percipi, integretur ex aliquo quod mente subticetur, ita vt verba externa præcisè sumpta alium essent effectura sensum, quàm quem efficiunt iuncta conceptui qui in mente retinetur.

36. V.G. Quæritur Petrus ab hoste ad necem iniustam autoritate priuata inferendam: interrogatur autem Ioannes à prædicto hoste an Petrum viderit, aut vbi nunc degat, quem reuera vidit scitque vbi etiamnum sit: potest Ioannes vel absolute negare se Petrum vidisse aut nosse vbi nunc degat; & hoc pacto mentietur: loquetur enim contra quàm mente iudicat. Vel 2. respondere se eum non vidisse & nunc nescire vbi sit, subintelligendo *ad dicendum*, sicut Christus Apo-

Stolis indebitè sciscitantibus, respondit, se nescire iudicij diem, nempe *ad dicendum*: vbi vides propositionem si præcisè spectetur quatenus exterius profertur falsam esse. Falsum enim est Christum iudicij diem ignorasse: & in altero exemplo, falsum est, Ioannem non vidisse Petrum, aut nescire vbi nunc sit. Addito tamen eo quod mente subicitur, & in vnam totalem propositionem cum externa propositione conflato, constabit subesse verbis illis sensum verum. Nam verissimum fuit, Christum non sciuisse diem iudicij, vt eam scientiam cum discipulis communicaret. Et verum etià est, Ioannem non vidisse Petrum, nec scire vbinam sit, vt id renunciet hosti à quo iniusta mors Petro immineret. Difficultas itaque est an verè hoc mentale additamentum & externa propositio coalescere possint in vnam totalem enunciationem mixtam, ita vt vocalis quidem enuntiatio in speciem completa sit, reipsa tamen sit incompleta: & ex ipsa, additamento illi interno coniuncta, exurgat integra oratio vera, cuiusmodi non esset propositio exterior, sumpta præcisè, & absque ea quam dixi subintellectione.

*Aduersarij mendacium effrontissimum circa
questionis huius statum.*

37. Sic fideliter constituto statu huius controversiæ non est dissimulandum quàm pudendo circa eum mendacio aduersarius fucum incautis facere in ipso Gallicè editi operis sui vestibulo conatus sit. Videt enim perspicuè lector in hac controversia, non quæri quod ementitur aduersarius;
Nempe

Nempe vtrum ſint in Scripturis ſacris mendacia à Chriſto tradita, & Eccleſiæ prædicatione diſſeminata: Aut vtrum fides noſtra titubet, incerta diuinæ aſſertionis ob interpoſitam fortassis à DEO in myſteriorum propoſitione reſtrictionem, vel ambiguitatem inter reuelandum. Hæc quis Catholicus in controverſiam vocauerit? Placuit tamen aduerſario, ne tardus ad calumniam & mendacium videretur, ipſimet operis ſui fronti, palmare hoc mendacium inſcribere, vt conſtaret rectè ab Auguſtino 4. in Iulia. cap. 8. de quibuſdam ſcriptum eſſe. *Frons eorum non eſt frons.* Teneo te interfectoꝝ veritatis. fingis quæri an ſol Scripturarum ſit tenebroſus, an Chriſtus veritas prima venditauerit mendacia, an fidei Catholicæ columna nutet. De his nemo ſanus anceps eſt, & quod Leſſio vllius Catholico aſſingis partem affirmantem, prodis te ab egregio plaſte fingere edoctrum.

38. Leſſius enim quærit tantum, an conſulta præciſè obligatione veracitatis & ſimplicitatis, ſecluſa potentiore lege interdum interueniente, & indicente candidam ac ſimplicem internæ conceptus expreſſionem; fas ſit ex graui cauſa non omnino expromere quod mente geritur; vel ita expromere, vt ob multiplicem verborum ſignificationem, auditor aliud concipiat, aliud exprimere intendat qui loquitur: hoc tu homo planiſſime, nihil lectoris pro te ruborem reueritus, transformas in quæſtionem an Deus & Scriptura mendaciis orbem deludant, & an Eccleſia ea diſſeminet. Nauarrus & illi ſuffragatus Leſſius quærunt.

An Conſiliarius arcanorum regni conſcius, urgente eo quem aliter repellere vel eludere nequeat ſi nulla alia

virtus prater veracitatem & simplicitatem, indicie apertam responsionem possit sine mendacio & culpa, negare se scire graue illud negotium de quo interrogatur, quodque celari maximè interfit, subintelligendo, ad dicendum, vel, utrum sicario patrem meum ad necem quarente, eumque reperturo & neci daturus si si- leam, vel respondeam quod est; prohibear (tantum ne violem simplicitatis & veritatis iura), sicarium cuius rabies nulla alia ratione auerti potest, eludere data responsione ambigua, in hunc modum: Non est hic, designato loco quem pede premo. Vel data responsione limitata per subauditionem mente retentam, in hunc modum. Nescio vbi sit nempe ad dicendum tibi.

In illis angustijs & in similibus grauibus necessitatibus, dummodo secludantur obligationes aliarum virtutum indicentium planam & candidam responsionem, posse ad eum modum responderi affirmat iusto opere Nauarrus, idque Nauarri assertum posse probabiliter defendi, scribit Lessius: hoc igitur illi probati Doctores ad quæsitum illud suum respondent; tu illis litem intentas de blasphemia. Ex quo capite regulæ S. Benedicti istud non iam æquiuocandi sed atrocissimè calumnian- di genus hauseris agnosces, si quando ex hoc mer- si pudoris hypobrichio enataueris. Tu verò benigne Lector ex hac in tantam audaciâ projec- tione agnosce hominis genium ex vngue leo- nem. Quid porro causæ fuerit cur homo minimè malus hanc perspicuam & planam difficultatis agi- tandæ propositionem refugerit; & ambages imo commenta quæsierit, disce ex Lactantio 3. inst. c. 1. *simplex & nuda veritas est luculentior, quia satis ornata per se est: ideoque ornamentis extrinsecus fu- cata*

cata corrumpitur. Mendacium verò specie placet aliena, quia per se, corruptum vanescit ac defluit, nisi aliunde ornatu quasi circumlitum fuerit ac politum, Paucioribus & manifestius dicam. Quod bonitati causæ defuit, voluit imposturis supplere, sed misera veritas est, quæ subsistentiam à mendaciis emendicat.

Sectariorum ac Barnesij in duplici proposita controuersia capite præsentis Zelus,

39. Hæc igitur sunt duo controuersia propositæ capita circa quæ reliqua disputatio versabitur. Operæ pretium enim est quomodo ad veracitatem se habeant æquiocatio & mentalis restrictio paulò diligentius excutere: præsertim ut perspicere liceat cuius momenti sint iudicia quorundam in hoc negotio. Nam sectarij, quibus non difficilius est mendaciorum plaustra effundere, quam spueri, & quibus illud fuit semper quarto modo proprium, nullis mendaciis, simulationibus ac deceptionibus parcere, ut ad intentum promouendæ libertatis Euangelicæ finem perueniant, magno hîc zelo veritatis moventur, aut moueri se simulât, quasi omnis planè æquiocatio & mentalis restrictio semper & ubique vitiosa sit & purum putum mendacium. Contrariam autem doctrinam, quæ in aliquo euentu huiusmodi ambiguas vel restrictas locutiones, pro necessitate vsurpatas à culpa liberat, traducunt tanquam pestilentem & conuictus humani euersiuam. Hic balatus vniuerso fratrum reformatorum gregi folemnis ac penè iugis est. Et nominatim Bambalio ille

ille, qui nuper *Ethica reformatæ*, id est, pinguius contra fidem Christianam & naturale lumen erroribus suffarcinatæ *compendium* malè confarcinatum emisit, IESUITAS quasi solos aut primos doctrinæ huius autores traducit *tract. de virtutibus singularibus §. de equitate & summo iure*. Sed & nonnulli sub nomine Catholico multorum & pinguium errorum labe sordentes, nec plus de veritate quàm de aliis virtutibus & moralibus & Theologicis solliciti, magnis in huiusmodi doctrinam æstibus concitantur. Quorum vlli ne de zelo & mentis motu concedere videretur Monachus Barnesius, in ea quam contra æquiocationes conscripsit planè fellita ac virulenta dissertatione, tam acerbè & seuerè huiusmodi doctrinam notat, vt si hominem audimus, & acetum illud cum felle mixtum quod toto libro propinat, haurimus; vix vllum tetrius & horridius placitum è Tartaro emeruisse dicendum sit, vt ex primo quem subiiciam ad opus eius indice lector perspiciet. Et tamen fuit ea doctrina grauissimorum iam olim in schola Theologica Doctorum, vt infra euincam: fuit Theologorum moralium siue summistarum quàm plurimorum: fuit multorum Iuris Canonici interpretum: fuit denique complurium sacræ Scripturæ expositorum. Vt taceam vsurpatam videri in ipsis quoque scripturis, quod infra demonstrabitur. Est igitur quod in discussionem huius controuersie diligenter incumbamus: inspiciamusque verène vt Theodoretus in Porphirium lusit l. 3. *aduersus Græcos de comedentibus exinerit cibis*. id est an veritas toties à sectariis fœdè lacerata hoc illis debeat & Monacho Anglo cuius oblæsam & plusquam

quàm claudam veracitatem infra exhibebo vt non vltra æquiocationibus & mentalibus restrictionibus ludibrium debeat.

Ordo disputationis.

40. Quamquam autem Barnesius confusissimè toto opere, vtrumque punctum propositum permiscuit, & vno impetu in amphibologicas & mente restrictas locutiones, quas Lessium seiunxisse retulerat cōtrouersia initio, sine discrimine efferbuit, tamè necessarium prorsus est bipartitam facere disputationem: scorsimque de ambiguis enunciationibus, ac scorsim item de mente restrictis differere. Est enim longè diuersa vtrobique difficultatis ratio vt sequentia docebunt; aduersarius tamè ordinem illum quem apud Lessium legerat, vel non satis perspexit, vel neglexit *id quod* ait D. Chrysostomus orat. 11. *ferè omnes faciūt mentiētes implicātes & circumplicantes, nihilque ordine dicere volentes, minus enim ita manifesti fiunt: sin minus ab ipso negotio redarguuntur. Hac videre licet & in iudiciis & alibi fieri, ubi artificiosè mentiuntur.* Vtroque autem illo puncto circa propositiones vocales discussio; facile erit statuere quid de reali (vt ita dicam) ambiguitate, siue de simulatione quæ in factis cernitur asserendum sit. Id quod etiam ad veracitatis curam pertinet. Nam Aristoteles, vt initio retulimus, non verbis tantum, sed & factis contineri aut violari posse veritatem docet.

41. Verum priusquam duo illa quæ dixi puncta sigillatim excutio quoad obligationem simplicitatis & veritatis, necessarium arbitror aliam quandam
circa

circa utrūque obligationem expédere. Cum enim bifariam quæri possit an æquiuocationis & restrictionis mentalis usurpatione interdicator. nempe primo an spectata solius veracitatis & simplicitatis obligatione quæ est in hoc negotio veluti per se; secundo spectata obligatione aliarū quarūdam virtutum quæ in nonnullis euentibus etiamsi obligatio nudæ veracitatis & simplicitatis nō vrgeret, apertam nihilominus & vsquequaque planam locutionem ad suæ honestatis indemnitatē deposcerent, quæ esset obligatio per accidens ad apertè & euolutè colloquendum; propterea utroque modo versanda est hæc controuersia. Et constat quidem quæ sunt per se præmitti debere iis quæ sunt per accidens: tamen in præsentia videntur postponenda quæ sunt per se, & præmittenda controuersię discussio spectata obligatione per accidens: Tum quod hæc breuissimè expediti possit, & resolutio circa eam tradenda non parum lucis conciliatura sit reliquæ disputationi vt progressus docebit: Tum quod ita planè necessarium videatur ad dispellendas offucias quibus aduersarij splendorem veritatis obtenebrare conati sunt, onerantes calumniis suspectamque reddere moliētes doctrinam omnino veram ac sanā, quia circa eam quam dico obligationem per accidens aut cæcutiuerunt aut cæcutire voluerunt. Quare vt præcludantur quantum in nobis erit calumniæ aditus, obstruatūque os fingentium & disseminantium commenta sua pro placitis eorum quos in inuidiam vocatos cupiūt; placet primo loco statuere quid de vsu æquiuocationis & restrictionis mentalis sentiendū sit, attendita obligatione aliarum virtutum quam veracitatis

tatis & simplicitatis. ita vt siue habita tantum ratione veritatis & simplicitatis fas sit aliquando vti æquiocatione & restrictione, siue non sit (quæ est controuersia postea agitanda de obligatione per se) tamen constet quid in primis sola obligatione per accidens spectata sit in hac parte affirmandum.

CAPVT IIII.

Per accidens siue urgente aliarum virtutum quàm veritatis & simplicitatis obligatione V. G. fidei, obedientiæ, iustitiæ, aliisque huiusmodi, illicitum esse locutiones ambiguas aut mentaliter restrictiones usurpare.

I. **F**Requentissimum est vt quæ actiones absque vnius alicuius virtutis dispendio elici possent, vetentur nihilominus ac illicitæ fiant ob interuentum alicuius legis aut virtutis actionum illarum exercitio interdicens in quibusdâ euentibus. Quamuis ergo debitus ac rationi consentaneus vsus loquelæ quoad veritatem & candorem, spectet ad veritatem & simplicitatem; eaque sit apertæ locutionis obligatio per se, de qua postea; tamen etiamsi supponeremus illam veluti connaturalē obligationem in aliquo euentu euanescere, posseque vsum illum locutionum ambiguarum & mente restrictarum salua virtute veritatis & simplicitatis exerceri ob idoneam aliquam causam

sam exoluentem virtutum illarum obligatione, adhuc posset vsus ille reddi illicitus ob interuentum legis alicuius potentioris & fortioris quàm sit lex veritatis & simplicitatis. Quare operæpretium est inspicere quæ talis obligatio virtuti veritatis & simplicitatis extranea possit aliquando vsum locutionum de quibus agimus præpedire.

Aliquando illicitum per accidens æquiuocare aut restringere.

2. Statuendum itaque est interuenire aliquando legem aut obligationem virtutis à veritate & simplicitate distinctæ qua per accidens vetemur loqui ambiguè vel cum mentali restrictione quidquid tandem ea in re licere tunc posset per veritatem & simplicitatem. Hæc prohibitio cur dicatur per accidens contingere in euentu proposito, exposui ante. Eam verò quandoque interuenire indubitatum est ex cōcursu illo variarum virtutum à simplicitate & veritate distinctarum, qui non poterit melius deprehendi quàm expensione nonnullorum singularium euentuum, ex quibus liquebit quid ad alios omnes similes respondendum sit in præsentī negotio. Aliquoties in superioribus hanc non æquiuocandi aut restrictè loquendi obligationem expressi per legem vrgentiorē quàm veritatis & simplicitatis: eo quod vt postea exponam vires & præcepta harum virtutum, ob interuentum causæ idoneæ, quasi hebescant aut retundantur, prævalente iure subtrahendi ob incommodum imminens, & faciente potestatem, (non quidem violandi directè veritatem eundo contra mentem, quod

quod est mentiri,) sed non seruandi simplicitatem, alioqui debitam humano conuietui ; quæ esset indirecta veritatis oblæsiō, & veluti infuscatio candoris per simplicitatem veracitati annexam intenti, nisi ea quam dixi idonea causa ambiguè vel restrictè loquendi, interueniret.

Si ergo interueniat lex aut virtus cuius obligatio merito præualere debeat iuri subtrahendi, quod necessitas & incommodi timor alioqui contulisset salua obligatione veritatis & simplicitatis cuius præceptum affirmatiuum in eo discrimine non vrgeret ; rectè dicitur interuenisse lex aut virtus, vrgentior lege ac virtute veracitatis & simplicitatis. Quandoquidem hæ virtutes, earumque præcepta affirmatiua, in eo euentu non interdixissent vsu ambiguatum aut restrictarum locutionum, eneruato raliū præceptorum vigore, ob ingruens incommodum : quo tamen vsu abstinendum supponitur ob concursum per accidens alterius præcepti & obligationis per aliam virtutem iniectæ

Vt in causa fidei & religionis.

3. In primis in negotio fidei diuinæ illicitum est errorem verbōtenus quomodolibet profiteri adhibita locutione ambigua vel mente restricta. Præsertim si præter debitum fidei exterius profitendæ, vrgeret debitum vitandi scandalum proximis circa fidem ingenerandum : vel honoris diuini subtractionem quasi contrariam. Nec iniuria veræ fidei, declinaretur ambigua vel restricta locutione qua error ille veræ fidei contrarius obuolueretur : sed apertè & candidè quod corde

creditur ad iustitiam, ore confitendum est ad salutem: non quod semper sit necesse profiteri fidem exterius actu positivo; sed quod illicitum semper sit & virtuti fidei aduersans, verbis aut quomolibet aliter, profiteri fidem veræ fidei contrariam, quæcumque subintellectio vel ambiguitas verborum adhibeatur. Quod latè confirmant Valentia 22.d.1.q.3.p.2.dub.4. Sanches 2.in decal. cap. 4.n. 14. Pelant. 22.q.3.art.2. disp. 1. spectantque eodem quæ habet Chrysostomus hom. 25. imperfecti. & Hugo Victor 10mo 3 lib. 1. miscellam. titulo 79 in epistola ad Archiepiscopum Hispalensem qui fidem exterius negauerat. Et quæ habet in simili argumento Campianus, Epistola ad Rohardum Episcopum Glocestrensem. legenda item quæ D. Augustinus 6.ciuil. cap. 10. disputat contra perniciosam simulationē quam Seneca libro de superstitione, cuius ibi fragmentum refert Augustinus concedebat sapientibus quoad Ethnicismum & spurca numina quorum eo tempore superstitio vige-
bat. quo eodem modo Origenes 7. contra Celsum ferè in fine adducta ex Celso. Heracliti sententia qua pronuntiabantur stultè facere qui simulachris falsorum numinum preces offerebant nisi DEOS & heroas nossent quinam essent: subdit sugillans Celsum de Epicuri grege Philosophum non eos tantum stultè ac impiè facere quos ex Heraclito damnauerat, sed eos quoque qui idem simulant vulgi opinionibus se attemperantes, quod faciunt, inquit, *Philosophi Peripatetici, & qui sectantur sectam Epicuri aut Democriti. Nihil enim adulterinum debet esse in anima hominis verè piæ erga DEVM Optimum Maximum.* Nihil adulterinum, id est, nihil simulatum

simulatum aut non solidum & introrsum peruadens sed extrinsecatantum facie & veluti in extrema crusta tale, admittit in fidei & Religionis causa Origenes.

4. Hunc fuisse iam olim Christianorum sensum discimus ex Epiëcteto apud Arria. *lib. 2. c. 9.* vbi sub Iudæorum nomine de Christianis agens ita loquitur aduersus eos qui ostentabant solis verbis Philosophiam, Curios simulantes, & viuentes Bacchanalia. *Quando conspexerimus aliquem incertarum partium atque ancipiti fide, dicere solemus: Iudæus non est sed simulat. Cum autem affectum induit baptizati & inter sectatores asciti, tum reuera est & appellatur Iudæus. Ita nos quoque Parabaptista sumus & non legitimè tincti dum quisque verbo tenus duntaxat Iudæus, re autem vera aliud quid existit.* affectum baptizati nominat apertam illam atque synceram fidei suæ professionem sine ambagibus vllis aut vacillatione, qualem hic ipse de Christianis alibi refert. iisdemque patrocinitus Celsus apud Origenē *lib. 1.* non multum ab initio approbat quod in ea fide quam veram rebantur perstarent inconcussi, nihil dissimulantes aut negantes ob intentata supplicia, omnem fictionem negationemque in fidei negotio damnans. Illustre etiam est quod de Constantio magni Constantini patre Diocletiani in Imperio collega refertur. ab Eusebio *lib. 1. de vita Constant. cap. 11.* nimirum renunciatos ab eo Dei proditores & à Palatio procul ablegatos quosdam qui metu priuationis bonorum aut tormentorum, Ethnicos se è Christianis vel finxissent vel præstitissent; negans fidem erga terrenum Imperatorem inuiolatam seruaturos qui

fidem DEO ipsi datam sincere profiteri erubuis-
sent. quod Imperatoris nondum Christiani insigno
factum æmulatus cum laude est Theodoricus Rex
Gothorum apud Nicephorum *lib. 16. cap. 35.* Ita-
que etiam inimicis nostris iudicibus, in rebus fidei
est aperrè & candidè loquendum. Ratio breuiter
est, quia datur in hoc negotio præceptum nega-
tium, quacumque verbali aut alia falsæ fidei pro-
fessione interdicens. Cuius præcepti originem ra-
dicitus educere, spectat ad alium locum. Consule
autores allegatos, & quos illi in eandem senten-
tiam allegant. Breuiter igitur concludo in hanc
ambiguæ vel restrictæ locutioni implantatam er-
roris professionem, aptè casurum quod à S. Basilio
scriptum est, *orat. in Gordium martyrem. Manifesta
insania est cum artificio perire*, locus est in hanc rem
planè luculentus.

Et in Confessione Sacramentali.

§. Secundo in iudicio Sacramentali fori pœni-
tentiae, nefas esset & contrarium virtuti Religio-
nis, peccatum quod sit materia Sacramenti neces-
saria, diffiteri per restrictionem mentalem vel æ-
quiocationem, obtinendo incommodum eru-
bescentiae, ex simplici ac plena detectione conse-
cuturæ. Sic enim confessio non esset formaliter
integra, atque adeo quia quod non nouit, medici-
na non curat, peccatum ambagibus illis obuolu-
tum, non perciperetur à Iudice huius fori: ac proin-
de non comprehenderetur in eius sententia, quæ
non potest directè cadere in incognitum, ut per se
euidens est. Et cum indirecta absolutio & remis-
sio

Quando per accidens illicitum &c. 101
tio in eo euentu excludatur, quippe neque impo-
tentia neque ignorantia inuincibili confitentem
excusante; peccatum eo modo propositum, ma-
neret inexpiatum. Imò totus reliquus labor esset
cassus, cum remissio culparum quæ sunt materia
necessaria huius iudicij, nequeat dimidiari. Si ta-
men pœnitens à confessario interrogaretur in-
consultè de peccato aliàs debitè proposito, nulla-
tenus cōnexo cum noua culpa clauibus subiicien-
da; notant om̃es fas fore pœnitenti eludere inde-
bitam illam interrogationem, locutione ambigua
vel mente restricta, cadente in interrogationem
prout rationabiliter faciendam. V.G. si is qui aliàs
furtum admisit, illudque vt par erat expiauit, in-
terrogetur à confessario apud quem aliam confes-
sionem instituit, an admisit furtum nulla inter-
ueniente iusta causa cur id interroget: rectè & abs-
que mendacio respondebit pœnitens si neget se
admisisse, nempe in ordine ad hoc iudicium, &
ita vt rursus teneatur illud peccatum detegere.
Præterea si pœnitens, graue aliquod nocumentum
sibi vel alteri vereatur ex alicuius culpæ confes-
sione ob rationabiliter timendam perfidiam confes-
sarij infracturi sigillum, om̃es consentiunt licitum
esse interrogantem de ea culpa confessarium, elu-
dere ambigua vel mentaliter restricta locutione.
Sicut tacente confessario fas esset pœnitenti in eo
euentu, non hiscere de eo peccato, vt latè confir-
mant Suares 1. 3. p. d. 23. f. 2. Medina *Cod. de confessi.*
q. 10. Raymannus lib. 5. tract. 6. cap. 8. n. 11. &
om̃es.

*Ac etiam iubente vel interrogante Superiore,
aut Iudice.*

6. Tertio in iudicio externo, siue Ecclesiastico siue seculari, cum Iudex debite & iis seruatis quæ recepto iure præscribuntur, interrogat reum, virtus iustitiæ, & debita ad superiorem potestatem subiectio, obligat reum vt candidè & apertè respondeat absque vsu restrictionum mentalium vel æquiuocationum, etiamsi interrogatio fiat in ordine ad ipsius rei grauamen & punctionem. Non desunt qui contrarium asserant, vt Angelus, Syluester, & Armilla *V. delicti confessio*. Rosella, *V. accusatus*. Panorm. *in cap. 2. de confess.* Petrus à Nauarra *l. 2. de restit. c. 4. parte 2. dub. 2.* Pesant. *22. q. 70. disp. unica in fine*. Salsedo *in practica criminali cap. 126. admittendo decimo circa primum casum*, quorum sententiam admodum probabilem putant Bonac. *ad 8. decal. preceptum disp. 10. q. 3. p. 2. n. 7.* & Roderiust. *2. qq. regular. q. 19. art. 4.* Ratio horum Doctorum est, quia nemo ex natura rei potest adigi ad testificandum contra propinquos, vt ius quoque positium declarauit. Igitur multò minùs videtur quis posse adigi ad prodendum se ipsum, & exhibendum Iudici supplementum probationum, per confessionem apertam, qua fultus Iudex possit reum iusta sententia percellere.

7. Nihilominùs sententiam cui adhæsi (quæ scilicet negat fas esse reo, per legitimum iudicem debite interrogato, eludere interrogationem per responsum ambiguum vel mente restrictum,) plenè confirmari *22. ad q. 69. art. 1. vbi D. Thomas ita docet,*

docet, consentiuntque Theologi Societatis IESV;
Toletus *lib. 5. summa cap. 58.* Torres *1. 2. in 22. disp.*
50. dub. 2. Becanus *l. 5. Manua. cap. 21. n. 4.* Lessius
l. de Iustitia cap. 31. n. 12. Filliucius *tract. 40. n. 265.*
Sanches *3. in decal. cap. 7. n. 3. & 4.* Laymannus
lib. 1. sect. 5. tract. 6. cap. 5. n. 1. Sa V. *indiciales actus*
n. 1. de reo. Ratio obiter est, quia iusta potestas in-
terrogantis, iniicit reo obligationem respondendi
prævalentem iuri reticendi, quod reus ob incom-
modum ingruens posset obtendere. Et idcirco
omnes autores cum Theologi tum Iurisperiti,
quos supra adduximus, negantes reum teneri re-
spondere candidè, & affirmantes eum posse iudi-
cem eludere per responsum ambiguum vel mentè
restrictum; agunt disertè de Iudice iniquo, qui
scilicet vel usurparet sibi potestatem iudicandi
quam non haberet, vel contra præscriptum iuris
quo Iudex ipse astringitur, interrogaret reum. Erit
autem qui arbitretur sententiam quam sequor;
esse extendendam; etiam cum dubium foret, an
Iudex quem constat esse legitimum, debitè inter-
roget. Tunc enim quia in dubio melior est condi-
tio possidentis, & potestas iudicis possidere vider-
tur, præsumendum videtur pro ea, sicut præsu-
mendum est pro Superiore cuius potestas certa est,
eique obediendum, cum incidit dubitatio an po-
testas Superioris ad materiam, alioqui honestam
ab eo præscriptam, porrigatur. Quamquam in
contrarium esse communem sententiam Docto-
rum scribit Henriq. *l. 5. c. 4. n. 5. literal.*

8. Ex his porrò vides, quanta sit, quamque ip-
sismet iudicibus iniuriam irroget, ea calumnia,
qua aliqui sententiam concedentem reo iniquè in-

terrogato facultatem eludendi Iudicem ambigua vel mentaliter restricta responsione, comminiscuntur Iudicibus incommodare. Qui enim eo nomine invidiam prædictæ sententiæ constant, planè supponunt Iudices velle esse iniquos, & vel absque potestate vel indebitè velle exercere iudicium; quod de Christiano Iudice vel suspicari, insignis est Iudicis contumelia. Quare Iudex probus & æquus, (quales esse omnes Christianos iudices præsumendum est,) satis per Theologos consultum putabit iudiciorum indemnitati, cùm audierit omnes imprimis Theologos mendacium in iudicio damnare, eoque gravius in eo negotio ducere quo Iudicis persona eminet suprâ priuatam, cui tamen nullo modo fas est mendacium obtrudere. Egrege Plato *lib. 3. de repub. sub initium*, apud Magistratum mentiri hominem priuatum, idem & maius etiam peccatum affirmabimus quam agrotum mentiri erga medicum; aut ei qui se vult exercere, mentiri apud Padotribam diuitiis corporis sui; vel non verum dicere apud navis gubernatorem de naue & nautis, neque dicere verè & simpliciter quid rerum vel ipse habeat vel ceteri rectores. Deinde ex eo etiam satis per nos prospectum iudiciis censebit æquus Iudex, quod negemus fas esse reo legitimè interrogato eludere Iudicem ambiguitate vlla verborum, vel vlla responsi restrictione, quæ irrationabilis atque adèd cum peccato coniuncta esset, ob interpositum iustum mandatum superioris, cui omninò parendum est.

9. Quod autem S. Dorotheus de quo *cap. 11.* etiam ad legitimam Iudicis interrogationem & quidem imminente tantum alieno periculo, vide-

tur

tur concedere vsum responsionis mentaliter restrictæ, vacat difficultate iuxta interpretationem Hilarionis Veronensis, quæ fert Dorotheum agere duntaxat de eo, qui condonans irrogatam sibi à reo iniuriam interrogatus de ea à iudice, tergiuerfatur: censens esse Christianæ mansuetudinis in causa propria ita se gerere, & persuasum habens iudicem, quicquid verbis pro officio præferat, tamen reipsa non ferre molestè, quod ipse læsus cum interrogatur, eam benignitatem reo impendat, per se loquendo. præsertim cum alioqui per eam iudicis diligentiam, videatur satis prospectum bono communi & criminum coërcitioni; iuxta interpretationem verò Chrylostomi Calabrigi, quæ fert Dorotheum absolute agere de teste interrogato à iudice, ea Dorothei vel Abbatis Agathonis apud Dorotheum doctrina arctanda est ad iudicem non legitimum, vel non legitimè interrogantem, quem cum omnibus planè Theologis Scholasticis ac moralibus nemine omnino refragante admisimus posse à reo absque culpa eludi, per ambiguitatem vel restrictionem responsionis.

Viderint autem qui calumniantur hanc Theologorum doctrinam, ne iusto Dei iudicio contingat, vt incidant aliquando in manus alicuius iniqui iudicis; sicque proprii damni imminētis periculo, adigantur ad palinodiam. Quamquam homines calumniatores, ad omnem iniquitatem proiectos, indubitatum mihi est, si in eo discrimine constituerentur, non modo sine scrupulo, elusuros iniquum iudicem, sed etiam iustum & legitimè interrogantem formalissimo mendacio de-

cepturos, ac periurio etiam si opus foret declinata-
ros iustam vindictam. Hoc loco Barnesius qui
nunc miserorum reorum nulla commiseratione
tangitur, eosque quamvis iniquè & præter iuris
ordinem vel à non iudice interrogentur, negat
posse inficiari crimen de quo indebitè interrogan-
tur restrictè aut ambiguè respondendo: recolat
angustias animæ suæ, & Duacensem arctitudi-
nem, ac iuramentum absolutè & simpliciter præ-
stitum de nunquam euulgando libro de æquiuo-
cationibus, & deprehendet quod dico.

Necnon in negotio iustitiæ:

10. Quarto quia iustitiæ virtus mandat ne quis
iniustum damnum inferat alteri, illicitum est &
omnino reprobandum, quod Barnesius solita fide
ac conscientia, ex Lessij sententia eruit §. 12. nem-
pe impetitur ab alio, iustè ac citra fraudem & ini-
quitatem, posse falsam culpam de alio narrare,
subiiciendo aliquid; vt facultas nocendi qua alio-
qui pollet imminuatur, aut etiam excindatur.
At hoc planè nefarium est, & dignum Barnesio
calumniatore commentum, nec vllus vnquã Theo-
logus id admisit vel somniauit. Dixerunt quidem
Theologi fas esse famam eius à quo iniustè impe-
timur, minuere per detectionem veri probri quod
alioqui celatum oportuisset: at quod affingendo
falsa liceat repellere vim iustam, quacunque tan-
dem ambiguitate vel restrictione mentali condia-
tur ea calumnia; nemo vnquam vel censuit vel
dixit, sed solus Barnesius de suo capite affinxit
Lessio. Ratio autem cur id fieri non possit ex eo
ducenda

ducenda est quod quamvis locutio illa restricta eximeretur mendacij labe ob suppressam dicti partem, tamen ius quod alius habet ad famæ suæ indemnitate apud alios æquè læditur verbis restrictis ac non restrictis : quamvis enim veritas moralis immaneat operanti, ideóque possit apud Deum subsistere per subintellectionem verbis in mente adiectam, tamen læsio iuris quod alter habet in famam suam non declinatur ea ratione : infertur enim per verba prout ad audientes perueniunt atque adeo prout foris sonant tametsi in mente loquentis restringantur. Et poterit quidem qui iniuste læsus est ab alio compensare damnum sibi irrogatum si vicissim alium læserit, non potest tamen restrictè aut mendaciter loquendo damnum præuenire aut referre. Quæ vero idonea subintellectio & cum conceptu verbis expressis respondente verè cohærens, posset calumniatoriæ illi re- criminationi supponi ? Vnde etiam habetur, non modò cum iusta est alterius impetitio quam quis patitur, sed etiam cum iniusta est & iniqua, illicitum esse calumniam illi concinnare, confictò falso crimine, & per mentalem restrictionem obdu- cto. Sed illud Barnesium in re præsentī fefellit, (si tamen fefellit, & non potius per calumniam de more hæc omnia effutiit) illud inquam fefellisse potuit aduersarium, quod non aduertit longè aliud esse verum crimen nostrum de quo absque pote- state aut indebitè interrogamur inficiari per restri- ctionem quod licitum probabiliter esse dixit Les- sius, aliud autem esse falso crimine onerare alium etiamsi improbum & calumniatorem. illud pri- mum culpa vacat : secundum autem non magis iustum

iustum est, quàm scelus scelere, & crimen crimine cumulare.

11. Consequenter ad ea quæ in hoc puncto dicta sunt vix puto necessarium addere nefas item esse æquiocationem vel restrictionem mentalem adhibere, cùm virtus iustitiæ mandat perspicuam & apertam locutionem, passura dispendium nisi candidè & absque ambagibus agatur. hoc enim est ex dictis eidentissimum. Proptereaquæ Doctores nominatim aduertunt eum qui fictis incundi postea coniugij promissis alienæ pudicitie florem delibat, non posse perfidiam suam contegere inuolucris verborum; nec posse existimare nihil à se contra veracitatem admissum quod non intenderit se obstringere, sed verbis suis subintellectionem aliquam mente retentam aut ambiguitatem adiunxerit: aiunt enim nihilominus eum non turpem modo esse castitate violata sed etiam violatione iustitiæ, iniurium personæ deceptæ ac fœdatæ, tandèmq; locutionis ambiguæ vel restrictæ vsurpatione indebita, simplicitatis in loquendo corruptorem censendum esse. Et quamuis non semper necesse sit vt iniuriam ficta promissione irrogatam, inito reipsa coniugio sarciat, sed pensanda sint adiuncta illa negotij de quibus Sanchez *lib. 1. de matrim. disput. 9. 10. & 11.* tamen de admissa iniustitia & violata simplicitate dubitare non licet; nec est qui eam loquendi implexitatem scelere turpitudinis ac iniustitiæ cumulatam omni detestatione non auersetur: præsertim cùm ex parte personæ fœdatæ culpa ob aliquam circumstantiam ad facinus inducentem est paulò minor, siue illex peccandi sit spes coniugij vt in euentu proposito, siue

sive aliud aliquid, ut sæpe accidit.

Quo in genere fœdū & immane est quod scribit Ioannes Chockier *in thesauro polit. aphorif. lib. 2. cap. 15.* de Hispano cuiusdam in Insubria oppidi præside, qui nobili fœminæ maritum quem is captivum detinebat repetenti implexè simul ac perfidè respondit redditurum se ei maritum si prius copiam sui faceret. potitus voto Præses, maritum mulieri reddit sed vita priuatum; ita enim nequiter & cum summa erga mulierem iniustitia fœdum illum pactum conceperat. Itaque meritò re ad Gonzagam prouinciæ illius summum præfectum delata, Hispanus fœminæ delusæ coniugium inire primum adactus, mox coniugio ritè inito ad supplicium raptus est iussu Præfecti qui insuper omnes perfidi Præsidis facultates mulieri addixit. Nec dissimili ratione similem perfidiam cuiusdam in Zelandiæ oppido Præfecti ultus est Carolus cognomento Audax Burgundiæ Dux. Narrat rem gestam copiosè Iustus Lipsius *lib. 2. monit. polit. cap. 9.* In his exemplis eo detestabilior fuit implexæ vel ambigux locutionis interpositio, quo miserabilior conditio earum quæ amore coniugum flecti se passæ sunt ut in coniugium peccarent, ac in fœdum pactum consentirent. Nam tametsi eæ angustix non eximebant miseras illas alienæ libidinis victimas à culpa graui in huiusmodi contractu, aliqua tamen ex parte imminuebant atrocitatem sceleris ac turpitudinis ex parte earum.

12. Nec minus euidēs est iustitiam vsu æquiocationis ac restrictæ locutionis interdicerè, cum vndeunque deest culpa ex parte eius cui iniuria infertur

fertur ; in quocunque tandem bonorum genere inferatur. Tunc enim quo retrior est iniuria quæ admittitur erga personam innoxiam & bona fide procedentem, eo sollicitus vitandum est decipulam adhibere quam persona illa incautè subeat cum damno suo. Quare in nullo euentu in quo iustitia ex vsu locutionis ambiguae aut restrictæ dispendium pateretur, permittitur aliter quàm sincere & candidè efferre quod mente concipitur. Habétque hic locum illa Pindarici carminis commutatio quam adhibuit Max. Tyrius *dissert. 2.* in hunc modum. *Est profecto iustitia muris sublimior quam obliquæ fraudis ut eo mortale ascendat genus: planè enim inaccessa fraudi iustitia est non secus quam Alcidis cælum.*

Item in fœderibus & pactis publicis.

13. Quinto illa ipsa virtus, quæ astringit ad prospiciendum paci publicæ, & auertenda infinita mala, quæ ex fœderum dolosa pactione, & infractione sequerentur astringit etiam ad simpliciter & candidè, sine vllis ambagibus & subintellektionibus tacitis vel æquiocationibus, paciscendum: multòque magis, ad pactum semel ritè initum, cuius observatio peccato vacet, constanter ac firmiter observandum iuxta illud absolutè & verè à S. Augustino prolatum *epist. 207. fides quando promittitur etiam hosti seruanda est contra quem bellum geritur.* Itaque vitiosè planè & nequiter aliquis, fas sibi esse putaret fœdus momentaneum ut apud Maximum Tyrium *dissert. 36.* Iupiter expostulat nouo prætextu suborto dissipandum, verbis

blis compositis inire, hostemque publicum, etiamsi iniuste bellantem, & per iniuriam ad pactum aliquod aut fœdus alteri paciscenti incommodum, adigentem deludere ambiguitate aut subintellectione, rebus in tuto positis prodenda, ad enervandum pactum, seu fœdus initum. Hoc omnino illicitum est, quia viam aperit bellis interminabilibus, nemine vnquam satis tutum putante quod audit ab eo cum quo paciscitur semperque subverituro latebras, & fœderis per eas infirmationem, multoque etiam deterius est, fidem ex animo datam postea perfide conculcare confectis ad excusandas excusationes in peccato aliquibus subintellectionibus aut ambiguitatibus.

14. Quare improbitatis notam non effugerunt quidam recensiti à Molano *lib. 1. de fide hæret. servanda cap. 15.* & plures relati à Serario *in cap. 9. Iosue quest. 5.* qui publicos hostes quibuscum belabant, dolosis & ambiguis, vel initis cum mentali restrictione pactionibus circumvenere. Seligani nonnulla exempla. Cleomenes ut est apud Plutarchum *in Apophtegmatibus Laconicis*, cum triginta dierum essent cum hoste pactæ induciæ; noctu populabatur agros quod dierum diceret, non noctium pactas inducias. Labeo cum devicto Antiocho, ex fœdere dimidiam navium partem accipere deberet, omnes medias secuit, ut Regem classe priuaret; similiterque Campani, dimidiam armorum partem hostibus ex pacto relinquere astricti, arma omnia dissecuerunt, & dissectorum partem dimidiam reliquerunt hostibus. Pericles pactus hostium incolumitatem si ferrum deponerent, quod illi de armis intelligebant, eosdem
neci

neci dedit, quod in sagis fibulas retinuisent. Plataenses pacti reddere captiuos, necatos reddiderunt : Alexander incolumem ex vrbe decessum cum annuisset defensoribus, eos aliquantulum progressos extra urbem iussit occidi : quasi pacto exsolutus, quod in ipso ex vrbe decessu nihil damni acceperant, cum tamen decessum plenum promitti existimarent, qui vrbe cedebant. Locrenses amicitiam pacti perpetuam, dum terram illam calcarent, & capita illa humeris portarent : aliorum capita quæ clam ante apposuerant, humeris excusserunt ; itaque terram quam antea calceis iniecerant : sicque veluti fœderis vinculo exsoluti, bellum mouerunt. Nec dissimiliter Persæ, amicitiam pacti perpetuam donec staret illa terra, aperuerunt fossam antea factam, & terra cui insistebant obiectam : sicque terra infra depulsa liberatos se partitione venditabant. Otho Moguntinus Antistes Alberto Comiti, Ludouici Cæsaris hosti pactus vel Cæsaris reconciliationem vel incolumem regressum si secum in arcem veniret, egressum per causam prandij rursus in arcem duxit, & tum quasi iuramento exsolutus, illum hosti prodidit. Denique Perusini, pacti pacem perstituram donec haberent in corpore de vite : sub Italica vocis illius homonymia fraudem abdiderunt : excussis enim viribus quas in sinu occuluerant, iisque de corpore abiectis, liberatos se fœderis religione caulati sunt : cum is cum quo pepigerant de vita intellexisset, vt vox etiam Italica ferebat. Hæ omnes fœderum glossæ seu verius peruersiones; siue fœderi ipsi eiusque celebrationi comitentur : siue eidem bona fide primum inito adiungantur; reprobandæ

bandæ omnino sunt : quippe pugnantes cum ea virtute quæ publicam salutem & quietem ex fidei publicæ etiam cum hostibus , constantia pendentem , curandam iubeat.

Quid de hoste priuato siue latrone.

15. Egi de hoste publico ; quia de hoste priuato verbi gratia grassatore, aliud est vt notauit Alciatus *lib. de singul. certam. cap. 44.* Et ratio suffragatur : neque enim ex promissione ambigua vel mentaliter restricta, facta latroni per mercatorem qui ab eo inuaditur, postea autem cum discrimen elapsum est dissoluta; vel potius patefacta inani & cassa; timendum est examen illud malorum, quod timendum esse præmisi si fœdera & pacta, quæ absque peccato seruari possunt, etiam cum hostibus & rebellium communitate, ineantur absque synceritate, vel syncerè inita eludantur per subintellectionem postea iniuste & dolosè appositam. Refert quidem Dio Nicæus *lib. 56.* Augustum cum Corocottam famosum in Hispania latronem perquiri iussisset præmio proposito decies sesterium ei qui Corocottam adduxisset, ipso se Corocotta sistente præmium postulante, iussisse vt præmium ei iuxta fidem datam appenderetur, verum hoc non facit ad rem præsentem. Nos enim nunc negamus inuasum à grassatore aut latrone teneri inire syncerè cum eo pactum de litro postea exhibendo. In proposita autem narratione sermo est de adimplerione promissionis syncerè initæ, quæ duo longissimè distant. Deinde illa mercedis siue præmij annumeratio ad commen-

H dandam

dandam potius Principis liberalitatem & humanitatem pertinuisse videtur, quàm ad obligationem exequendi promissum latroni privato præstitum: neque enim fides de tanta mercede latroni ipsi data fuerat sed eum adducendi, quod latro ipse propriè præstare nequibat. Quisquis enim adducitur, ab alio adducitur quàm à seipso, nihil igitur cum latrone illo conuentum fuerat, nullaque ei fides data quæ & syncerè dari debuerit & syncerè seruari. Dignum tamen visum est etiam in immerentem; & cui mox, à comprehensione, ac si lubet mox à numeratione præmij, eiusdem in fiscum redactio & immanitas suppliciorum rependi poterat, statuere exemplum benignitatis & munificentiae quo omnes animarentur vt ad Principem securi & fidentes accederent: quamuis vt dixi absolutè loquendo nullus teneatur priuato latroni, hoc est, qui non habeat rationem hostis publici & capitis communitalis iniuste aduersantis promittere syncerè & excludendo ambiguitatem vel subintellectionem cum cogitur exterius promittere, vt imminens alioqui discrimen auertat.

De publico autem latrone est dispar ratio vt dixi. Et idcirco Molanus, qui in opere citato totus contra Bodinum est in firmanda pactorum, & fœderum publicorum constantia, rectè ibidem *lib. 4. cap. 8.* cum Nauarro *in summa cap. 12. n. 14.* Ludouico Lopes *prima parte instructory cap. 42.* Angelo V. *iuramentum §. num. 8.* Siluestro V. *iuramentum 4. quest. 7. §. 2.* negat captiuum teneri iurare secundum intentionem priuati prædonis, admittitque fas esse priuato talem prædonem
ambigua

Quando per accidens illicitum, &c. 115

ambigua vel mentaliter restricta responsione eludere. quod de publico prædone, siue de rebellibus & publico pacto cum eis inito negat toto eo libro, & benè. Hoc miror non animaduersum, aut dissimularum ab eo, qui Binsfeldij Enchiridion pastoralis Theologiæ *parte 2. cap. 6.* auxit glossa textum destruyente.

Quid item de proditore.

17. Erit cui videatur idem de proditore statuendum, quod de latrone. Nempe fas esse proditorem cuius quis operam locauerit eludere sermonis ambiguitate vel restrictione, vt postea sine culpa negetur ei pacta merces. Nam proditor nihilo melior videtur latrone. Imo immanitatis proditorem damnat Iouianus Pontanus *lib. de immanitate cap. 8.* Alio quouis hostili scelere abominabiliorem, & perniciosiorem prodicionem pronunciat Xenophon *l. 2. rerum Græcarum* quod incautum & amicum nihilque tale suspicantem violet. Et sanè vt rectè dixit S. Cyprian. *lib. de unitate Eccles.* facilius cautio est, vbi manifesta formido, & ad certamen animus ante struitur, quando se aduersarium quis profitetur. plus cauendus & metuendus est inimicus cum latenter obrepit, cum per pacis imaginem fallens occultis accessibus serpit. Hinc igitur concludi videtur non minus eludi posse proditorem quam latronem.

18. Verum aliter sentiendum est quoad proditorem. Probat id Onosander in *Strategico cap. 38.* eo argumento quod qui proditori dat munus, accipit

potius quàm confert. Præmiserat enim considerandum esse ei qui proditorem conduxit, non quod iste proditor fuerit, sed quod alij deinceps futuri sint si cum isto fideliter agatur. Hæc tamen probatio indigna est homine qui à scelere abhorreat, nam asserere seruandam esse proditori fidem candidè ac simpliciter datam, debuissèque candidè dari vt alij in posterum pelliciantur ad proditorem quam suppono iniustam & contra fas interuenisse, perinde est ac probare scelus atrocissimum & inuitamenta ad illud patrandum.

19. Quare aliter instituenda est probatio, nempe quia quamuis pactio de pretio ob rem turpem dando, eiusdemque pretij acceptio ante sceleris executionem vitiosa sint nec vllam exequendi obligationem iniiciant; tamen patrato semel opere malo quod non ratione turpitudinis, sed ratione laboris vel periculi quod in eo aditur aut subministratæ materiæ vel subiecti ad vsum naturalis actus delectabilis potest esse pretio dignum, incurritur obligatio iustitiæ reddendi quod pactum fuerat æquale & proportionatum operi. Hoc enim fundamento nixi grauissimi DD. nominatimque S. Thom. 2. 2. *quest. 62. art. 5. ad 2.* Couarr. *ad reg. peccatum par. 2. §. 2. num. 1.* Mol. *tract. 2. de iust. disp. 94.* Rebellus 2. *par. l. 18. quest. 19.* & multi alij apud Sanchez *lib. 6. de matrim. disp. 20. nu. 7.* affirmant alienarum libidinum victimas peracto scelere licitè ac iustè exigere pretium proportionatum, de quo ante scelus conuentum fuerat: fuit enim ea actio digna pretio ob subministratam alteri materiam ad vsum naturalis actus delectabilis, quo etiam ex capite suppeditatio ciborum quamuis

quamvis sæpe mala, est tamen digna pretio. Ex eodem itē fundamento Bonacina *disp. 1. de restit. quest. 3. par. 3. num. 5.* Mol. *supra ante primam conclusionem.* Torres 2. 2. 1. 2. *disp. 49. dub. 2.* Azor 1. 3. *lib. 4. cap. 21. quest. 4.* contra nonnullos rectè inferunt iustè post scelus patratum exigi mercedem impiè pactam pro sententiæ iniustæ prolatione, pro testificatione falsa, pro homicidio, aliisque huiusmodi flagitiis, quæ qui admittit, aliquid alteri commodum præstat seipsum coniiiciens in apertum famæ, bonorum, ac ipsius etiam vitæ discrimen, quæ sunt pretio æstimabilia. Vnde licèt contractus nequiter & peruersè ineatur, aut arrha aliqua detur vel accipiatur, tamen opere iam admissio partum est ius verum ad summam prudentis arbitrio æqualem, de qua prius conventum fuerat, iustèque exigitur & retinetur ea summa non titulo donationis vltro factæ à conductore vt malè ait Val. 22. *disp. 5. quest. 6. p. 4.* (sæpe enim post factum & dissipatis nebulis quas concupiscentiæ æstus excitabat, iamque exsatiata mala voluntatè, nollet dare,) sed titulo actionis elicitiæ vel periculi aditi vt explicatum est.

Cum igitur par sit ratio proditoris ac facinororum de quibus hactenus, videtur perspicuum peracta prodicione iniusta, comparatum ab eo esse ius verum ad summam proportionatam de qua pepigerat. Itaque iustè eam exigat post factum, nec potuit prætexta æquiuatione vel mentali subintellectione deludi cùm pacisceretur aut postmodum cùm persoluendum est pretium debitum ex iustitia quæ omnè huiusmodi ambiguitatè vel tenebrositatè sermonis è tali pactione excludit.

Quomodo in euentibus propositis equiuoca aut restricta locutio dicatur vetari per accidens.

20. In exemplis itaque propositis, aliisque huiusmodi, in quibus concursus alterius præcepti diuini vel humani prohibet vsum locutionis ambiguae vel restrictae, cauenda est eius vsurpatione, non ex vi veritatis & simplicitatis, quibus satisfaceret interuentu causae idoneae & appositione subintellectionis idoneae, aut verborum duplici vero sensu factorum vt postea patebit, sed ex vi alterius illius virtutis, cui locutio ambigua vel restricta incommodaret: atque adeo non per se vt initio notabam, sed per accidens quod non est in hoc negotio peculiare; cum pleraque ex se indifferencia & licita, prohibeantur saepenumero, propter concursum accidentarium alterius legis, aut virtutis quasi extraneae prohibitionem illam ferentis. Neque tamen ita intelligo quod dico in praedictis euentibus obligationem candidè expromendi mentem suam esse per accidens & ex vi alterius virtutis quam veracitatis & simplicitatis; non ita inquam id intelligo quasi in illis quoque euentibus veracitas & simplicitas non urgeant; aut quasi qui tunc equiuocam vel restrictam locutionem adhibet, non contrahat duplicis malitiae labem; nempe & ob violationem virtutis per accidens urgentis, & ob imperitionem directam simplicitatis quae item est indirecta veracitatis violatio; existimo enim vtramque virtutem tunc urgere, & consequenter vsurpata locutione

tionem ex duplicis virtutis interdicto illicita duplicem maculam contrahi : & quidem quod virtus alia à veracitate & simplicitate vrgeat non est dubium, & ita fert suppositio, quod autem non sola vrgeat, perspicuum est, quia absolutè & ex se ac secluso respectu ad omnem aliam virtutem, veracitas & simplicitas adigunt ad candidè colloquendum quoties idonea aliter faciendi causa deest: sicut reuera deest in propositis euentibus. igitur in eis obligamur ad candidam & apertam locutionem non tantum vi externæ virtutis excludentis impedimentum suæ honestatis, sed etiam vi virtutis directæ & per se respicientis apertam locutionem, idcirco tamen ferè habetur duntaxat ratio illius virtutis extrinsecæ quia nisi eius interdictum interueniret, suppeteret causa idonea vsurpandi locutionem ambiguam vel restrictam ob incommodum quod supponitur imminere ex locutione euoluta & aperta, sed quia in euentibus propositis, ob adiunctam alterius virtutis obligationem, incommodi illius perperessio consecutura, non est ex facto idonea causa implexarum locutionum qualis semper de facto requiritur, tantumque licet asserere causam illam fore idoneam nisi extrinseca alterius virtutis obligatio vrgeret: propterea fatendum est tunc utramque virtutem violari & genuinam malitiam contrahi ob interpositam duplicis legis & honestatis debitæ obligationem.

CAPVT V.

Quid cōmuniter de equiuocatione & mentaliter restricta locutione ex vi solius veracitatis & simplicitatis certum sit apud Doctores : statuiturque esse locutionum illarum aliquem abusum plane improbandum, etiam sistendo intra prædictas duntaxat virtutes.

1. **A**NTE omnia ponendū est, nemini fas esse si causa legitima & sufficiens desit, siue æquiuocatione, & enunciationis ambiguitate præsertim minus recepta & infrequenti, siue mentali restrictione uti inter loquendum. hac in parte omnes quos mox referam sententiam variasse, vna- nimes sunt : & ratio manifesta suffragatur. Nam aliter se gerere esset peruertere vsum in quem instituta sunt verba, & ad quem loquendi munus diuinitus accepimus. omnis colloquiorum & sermonum certitudo, omne humanū commercium, quod verborum traiectu peragitur, conuictus denique hominum cum hominibus, atque adeo fructus humanæ societatis tolleretur, dum nemo alteri fidere posset : sed semper meritò suspicaretur subesse dolum, & cum qui secum agit, ludere sermonis ambiguitate, vel subdolè non efferre nisi dimidiatam sententiam. Quæ ratio bene librata
persua

Quid per se certū sit circa æquiuoc. &c. 121
persuadebit, si vsus huiusmodi ambiguarum vel
restrictarum locutionum possit ex aliqua causa
esse licitus, necessarium omnino esse, vt causa illa
non sit inidonea, adeoque minuta vt incommo-
dum consecuturum si non vsurpetur mentalis re-
strictio vel æquiuocatio, meritò postponendum
sit dispendio simplicitatis & ei violationi cando-
ris, quem vnusquisque ad humanam conuersa-
tionem debet conferre, verbi gratia, si permodica
alterius contristatio ex simplici rei petitiæ recusa-
tione sit secutura quæ illicò sit abstergenda, non
est æquum vt æquiuocatione vel mentaliter re-
stricta locutione negando se habere, subintelli-
gendo ad dandum. Præstat enim tantulam con-
tristationem præsertim illicò abolendam permit-
tere quam synceritati conuersationis humanæ in-
commodare; quod per eas locutiones efficitur vt
ratio proposita euincit. proindeque vt dicebam si
vsus huiusmodi locutionum potest ex causa ali-
qua honestari, necesse est causam arbitrio pruden-
tis esse idoneam, & talem præ qua illud humanæ
conuersationis incommodum prudenter negligi
queat; alioqui vsus ille non vacabit culpa. Esto
vero non esset in ea non necessaria ambiguum
verborum aut restrictionis mentalis vsurpatione,
violatio præcepti negatiui mendacio interdici-
tis, vt ex D. Thoma eruit & ratione confirmat
Suarez lib. 3. de Iuram. cap. 11. num. 4. quod infra
excutiemus: est tamen saltem violatio præcepti
affirmatiui ad veracitatem pertinentis, quo quis-
que nisi causa proportionata & iusta aliud con-
cedat, iubetur loqui prout humanus conuictus &
ciuilis conuersatio postulat.

2. Sanè veritas simplicitate & synceritate gaudet: & idcirco apud Philostratum in Amphiarai imagine, niueis vestibus contexta refertur. Alij item veteres vt est apud Liliū Gyraldū *Syntag. 1. histor. deorum, titulo de Dijs ex humanis actionibus;* & apud Chartarium *lib. de Deorum imaginibus* veritatem exhibebant candore circumamictam. Cæum Sophistam in virtutis & improbitatis descriptione huiusmodi vestem virtuti circumdedisse scribit Clem. Alex. 2. *pedag. cap. 10.* Apud Themistium item *orat. 3. sub finem* veritas Iouis filia egregiè describitur in adamante confidens & vberriam lucem tenens, amictu ex pellucida & subtili veste, adeo vt multis in partibus nudum corpus appareret, anima multò maiorem habente perspicuitatem. Eodem etiam retulerim morem Romanorum, qui Saturnū veritatis patrem aperto capite colebant, cum cæteris fere Dijs operto capite immolarent. Id quod Plutarchus *q. 12. & 13. rerum Roman.* ritum illum exponens refert ad veritatis manifestationem, veritatem enim aliquamdiu pressam tandem aliquando Saturnus ceu tempus in apertum educit, sepulta falsitate: potest tamen non incommodè referri quoque ad apertam & nudam veritatis faciem quæ apparere non oculi velit. At constat ambiguitate locutionum & mentaliter restrictis propositionibus, regi veritatem, nec proponi apertam & explicatam.

3. Huc item retulerim quod de candido veritatis & virtutis colore apud antiquos legitur. Optimè Philo *lib. de plantat. Noë.* Alij, inquit, *suapte ingenio docti quidquid bonum est repurgant ab inuolucris noxijs sicut Iacob ille mediator cognomine.*

Hic

Quid per se certū sit circa æquiuoc. &c. 123

Hic enim virgas spoliauit tenuissimis corticibus quod virebat detrahens ut interraso quod atrum erat varietate non tam artificiosa quam naturali cognatus color albus eluceret. Quamobrem & in lege de lepra decretum est eum in quo nondum varietas colorum extitit sed alba vitilagine à capite ad pedes occupatur purum esse ut iuxta corporis similitudinem vaficiem variam & ambigua mentis incertum affectum omit- tentes certa veritatis sumamus colorem simplicem. Clemens Alex. 2. pedag. cap. 10. candorem ait esse colorem iis qui sunt candidi & non intus adu- lterini conuenientissimum, ipsumque Deum candoris amantem veste alba in niuis modum, ac canum describi apud Danielem, & in Apocalypsi dari vnicuique testium sub altari conditorum vestem candidam. & optimè lib. 3. cap. 11. ad locum proximè adductum alludens. Nobis concedit pedagogus frugali veste vti albo colore ut diximus, ut non arti varieganti sed nature generanti nos accom- modantes, quidquid est fallax & veritatem ementitur repellentes, quod est simplex & vniusmodi veritatis amplectamur. Et mox. Vnde etiam quæ in lege per Mosē de lepra lata est lex reicit id quod est varium & multis maculis notatum perinde ac nefarium ut quod sit serpentis varijs squammis simile. Eum ergo qui varietate colorum minimè efflorescit totus autem à vertice capitis vsque ad extremos pedes est candi- dus mundum esse statuit; ut quemadmodum in cor- pore varia quoque ac versipelli relicta mentis affe- ctione qui non est varius nec anceps simplicem veri- tatis colorem diligamus. Qui autem in hoc quoque Mosē est imitator longè optimus Plato illam admittit texturam cui non amplius operis est adhibitum quam
pudica

pudica mulier postulet. Albi verò colores honestati conueniunt. Alibi quoque dicit & in textura non adhibere tincturas præterquam ad ornamenta belli. pacificis ergo hominibus & lucidis album conuenit. quemadmodum signa quæ ad causas proximè accedunt, si adsunt ipsum rei effectum significant vel potius indicant: quemadmodum fumus quidem ignem, bonus autem calor bonusque pulsus sanitatem, ita etiam talis qui est apud nos amictus, indicat qualis sit nostrorum morum constitutio.

4. Agnoscis Christianorum olim in vestibus colorem quem communem fuisse declarat quod S. Antonius referente S. Athanasio, ut Christianus agnosceretur, sicque fidem Christianam sanguine suo obsignare posset, albam vestem assumpsit. Et quamquam extra Ægyptum plerosque Christianos pullatos & atratos modestiæ & abiectionis causa incessisse multis exemplis testatum faciat Baronius anno Christi 57. num. 77. nominatimque de Ægyptiis Monachis idem referat Eunapius *sub finem vitæ Aedesij*; ob inductos in loca Ethnicis illuc usque religiosa Christianos Monachos non modicè in eos exacerbatus: tamen placuisse plerisque Christianis simplicem colorem & natium veritatis, hoc est, album, demonstrant quæ præmissi. & in ipsis quoque Monachis eum se magis probaturum fuisse si usus ita tulisset scribit Synes. *epist. 146.* verbis illis ad Ioannem quendam monasticam vitam aggressum. *Ganus monasticum tibi vitæ institutum tribuit, &c. Addidit insuper quantus in te mentis ardor ad Theologiam inesset: necnon & pullam te lacernam induere narrat. Atqui nihilo deterius erat si candida foret, splendidissima quippe natura*

Quid per se certū sit circa æquiuoc. &c. 125
tura dicatum ac consecratum id potius fuerit quod in
his quæ sensu percipiuntur purius atque lucidius est.
Sed si pullum ideo colorem probasti quod id aliorum
qui ante te usurparunt imitatione feceris laudo quic-
quid Dei causa suscipitur. Placuit autem Christia-
nis color candidus non modò ad refricandam ba-
ptismi in alba veste memoriam, sed multo magis
ad contestationem simplicitatis, veritatis, puritatis,
& innocentiz, quæ inter varias vestis candidæ ba-
ptismum suscipientium causas apud Vicecomitem
l. 5. de Baptis. cap. 4. & seq. congestas potissima
videtur.

5. Nam & ob eam causam Sacerdotes linteis
vestitos scribit Plutarchus lib. de Iside sub initium.
Et Tullius 2. de legib. colorem album Deo maxi-
mè decorum pronunciauit, quod sit index puri-
tatis ac nitelæ, omnemque fucum excludat, veri-
tate natiua contentus. Qua etiam ex causa mor-
tuos candidis operimentis tegi, quippe exuto
corpore nitentes ac puros & impermixtos, hoc de-
signante albore, colorum simplicissimo; eumque
mortuorum statum æmulatos Romanos & Argi-
uos, tempus luctui destinatum albatos exegisse,
autor est Plutarchus q. 26. Romana. Eadem item
ex causa philosophi Ethnici pallium candēs vsur-
pabant: vt propterea Theodor. orat. 1. de prouid.
subsannet Ethnicos Philosophos quod pallio albo
& barbæ prolixitate, & capitis capillitio promisso
philosophiam metirentur. Quæ item in iisdem
ridet Naz. orat. 4. ferè initio, vbi videndus Elias
Cretensis. Quinimmò Epictetus apud Arrianum
lib. 3. cap. 1. quod Philosophum profiteretur, ad-
actum se ait, ad canam barbam & pallium gestan-
dum;

dum; vnâque ad abiectiorem morum nigrorum; quales Antoninus *lib. 4. de vita sua num. 22.* omni turpitudine inquinatos describit. Verum hæc obiter dicta sunt ad synceritatis & veritatis in omni vita maximèque in conuictu humano atque colloquiis adamatæ confirmationem ex præfco Christianorum & Ethnicorum in vestibus vsu.

6. Itaque certum esto quandoquidem ambiguae & mentaliter restrictæ locutiones synceritatem tollunt, vsum earum nisi iusta causa interueniat non modò cum Christianæ simplicitatis regulis; sed etiam cum naturali veracitatis virtute non cohærere; nec iniuria qui vel recessus locutionum mente suppressarum vel biuium ambiguae orationis sine idonea causa consecantur in mentientium album propter culpæ viciniam referri, perindeque odio haberi ac mentientes. Quis enim alio loco habuit Darium qui vt post Herodotum *lib. 4.* prodit Seneca *lib. 3. de ira cap. 16.* cum bellum Scythiis indixisset Orientem cingentibus rogatus ab Oebazo nobili sene vt ex tribus liberis vnum in solatium patri relinqueret. duorum opera vteretur: plusquam rogaretur pollicitus omnes se illi dixit remissurum: & occisos in conspectu patris abiectis, crudelis futurus si omnes abduxisset. hoc ille siue per ambiguum siue per suppressam promissionem verbis inanibus senem lactans præstitit, perinde fuit ac si absque vllis ambagibus mendacium effutiisset. Nec aliud de Xerxe dixerim qui Pythio quinque filiorum patri vnus vacationem petenti quem vellet eligere permisit; deinde quem elegerat in partes duas distractum ab utroque via laterè posuit, & hac victima lustrauit exercitum. Et hanc quoque siue
æqui

Quid per se certū sit circa equiuoc. &c. 127

æquiuocam siue restrictam hominis mera libidine & cæco impetu acti locutionem, nego mendacio de fœditate concedere, ac proinde affirmo omne locutionis huiusmodi probum ad subdolum congressum pertinere, quo nihil turpius esse statuit Antoninus Imperator *libro 11. de vita sua, n. 13.* addens virum probum & à falso abhorrentem statim in ipso vultu scriptum habere debere sermonem eūque oculis prodere ita vt nulla præmissa contestatione & præfatione simplicitatem per occultas insidias ostentante, deprehendatur hominis candor atque synceritas, proptereaque ait bonum ac simplicem virum hircosi aliquid habere quo confestim ab audientibus velint noliint agnoscat.

Duplicem ergo sermonem qui tantum viri boni argumentum exterminat aio cuius studioso virtutis & veritatis diligenter cauendum & auersandum esse. Eam enim reuera imperit. Vnde factum vt interdum hic defectus, tamen si à mendacio natura ac specie diuersus; tamen quia cum voracitate non cohæret, mendacio suppar habitus sit, & eidem cum mendacio reprehensioni subiacuerit. In re namque morali non admodum referre videtur, quod sit essentialis diuersitas inter defectus, si eadem ex vtrisque incommoda enascantur: sicut reuera eadem enascuntur ex mendacio & locutione ambigua vel mentaliter restricta, cum deest idonea causa ambiguitatis illius, vel restrictionis inducendæ.

7. Non immeritò in hunc sensum accepturus videor Augustinum *tractatu 7. in Ioannem*, ad illud Christi de Nathanaële: *ecce verè Israëlita in*

quo dolus non est. Quamuis enim Augustini oratio ferri recta videatur in mendacium propriè dictum arte aliqua & solertia contextum, tamen potest huc quoque non malè accommodari. *Quid sibi vult in quo dolus non est?* aliquantò intentius queramus. apparebū modo in nomine Domini. *Dolum dicit Dominus & omnis qui verba latina intelligit, scit quia dolus est cum aliud agitur & aliud fingitur. Intendat charitas vestra: non dolus dolor est; propterea dico quia multi fratres imperitiores latinatatis; loquuntur sic ut dicant, dolus illum torquet, pro eo quod est dolor. Dolus fraus est. simulatio est, quando aliquid aliquis in corde tegit & loquitur aliud, dolus est, & tanquam duo corda habet. vnum quasi sinum cordis habet ubi videt veritatem, & alterum sinum ubi concipit mendacium. Et ut noueritis hunc esse dolum dictum est in psalmis labia dolosa. Quid est labia dolosa? Sequitur in corde, & corde locuti sunt mala. Quid est in corde & corde, nisi duplici corde? At duplex certè cor dici potest habere qui verba exhibet vnum sensum ferentia, quæ tamen ipse in alio sensu iisdem verbis substantante usurpat; cum enim lingua sit cordis interpret, & in locutione cor quodammodo appareat, non abs re qui ita loquitur vnum cor prodere, alterum sibi habere dici potest. Vnde nisi accedat idonea causa duplicitatem illam honestans, cadere plane in eam potest reprehensio Augustini in labem duplicis cordis.*

Idem de mentaliter restricta locutione esto iudicium si absque iusta causa usurpetur, in quam etiam aptius cadit illud nomine Augustini ab Isidoro, aut quocumque alio autore prolatum *lib. de conflictu*

Quid per se certū sit circa æquiuoc. &c. 129

conflictū virtut. ac vitior. cap. 19. fallacia & mendacium, & ipsa vnum dicunt. Fallacia autem fit ingenio, mendacium vero simplici verbo. fallacia igitur dicit, &c. cum in non dando aliquem illudere querit. Quid in petendo moras innectis? Non habeo quod tibi tribuere possim, celans utique in corde qua habet, vel quod sibi conseruet, quod aliis voluntate tribuat. Mendacium dicit. Omnino quod postulas non habeo scilicet non artificioso ingenio sicut fallacia, sed simplici negationis verbo frustratur poscentem. Sed veritas ad utraque respondet. Nec artificioso ingenio, nec simplici verbo oportet decipere quemquam: quia quolibet artis modo mentiatur, os quod mentitur, occidit animam. Et omnibus mendacibus, pars illorum erit in stagno ignis ardentis & sulphure. Non me latet iuxta glossam cap. nec artificioso 22. q. 2. nomine artificiofi mendacij in textu allegato intelligi obscuram vel ambiguam quamcumque locutionem cuius exemplum glossa profert, si quis diceret: iste equus nescit scandere arborem, intelligens quod nesciat ire super pontem. Nihilominus existimo duo vitia quæ hic Autor recensuit non incommodè quoque secernenda (sicut verè ab eo secerni vides:) si primum, siue fallacia quam apertè contraponit mendacio, accipiatur pro responso partim expresso, partim mente retento. Sensus igitur eius esse etiam videtur mendacem præcisè negare quod scit verum esse, deberetque affirmare, sed conculcata veritate malle ire contra mentem suam nulla adhibita subintellectione, qua qui audit eludatur. Idcirco enim ait autor mendacem simplici verbo fallere; nō quod enunciationem non proferat, sed quod siue arte & in-

genio quibus menti cohareat, audientem decipiat: contra quam accidit fallaci, qui propter ingenium quod adhibet subintelligendo partem responsi sui, eamque cum parte responsi quod promittit connectendo, non ita contra mentem suam, & tamen æquè deludit audientem; quæ causa est cur postmodum fallaciam mendacio æquiparet quoad noxam & supplicium; tamen si duo illi defectus rationibus formalibus distinguantur, & ab isto ipso Autore paulò ante seiuncti sint. Si igitur iusta sic eludendi & responsi partem mente premédi causa desit, admitti videtur fallacia ab Autore illo reiecta, quæ cum sit mendacio affinis, & cum veritatis sinceritate pugnans, studiosè omninò vitanda est.

9. In utrumque denique hoc vitium quod exagitemus, iniustam inquam & absque idonea causa usurpatam ambiguam orationem & mentaliter restrictam locutionem, non malè cadunt illa Gregorij 10. *Moral. cap. 27.* ad illud, *deridetur iusti simplicitas*. Hanc enim iustorum simplicitatem cum prudentia carnis componens S. Gregorius ita loquitur: *huius mundi sapientia est; cor machinationibus tegere, sensum verbis velare, quæ falsa sunt vera ostendere, quæ vera sunt falsa demonstrare.* Et paucis interiectis. *At contra sapientia iustorum est nihil per offensionem fingere, sensum verbis operire, &c.* Sed hæc iustorum simplicitas deridetur: quia ab huius mundi sapientibus, puritatis virtus, fatuitas putatur. Omne enim quod innocenter agitur, ab eis procul dubio stultum creditur, & quidquid in opere veritas approbat, carnali sapientiæ fatuum sonat. Quid namque stultius videtur mundo? quam men-

Quid per se certū sit circa æquiuoc. &c. 131

tem verbis ostendere, nihil callida machinatione simulare? &c. Ita eo loco S. Gregorius, cuius oratio tametsi vniuersè impetit & mendacium, & eam apud plerosque peruersitatem mentis ac duplicitatem, quam urbanitatem vocari expostulat idem Sanctus Pontifex; tamen non malè quoque ad huius loci defectus aptatur, quos omnibus veritatis veræque virtutis amatoribus exosos & inuisos esse necesse est. tanquam mendacio continentes, & ita dicam conterminos.

10. Quominus eosdem dicam facit quod reuera in huiusmodi vsu illicito ambiguae vel restrictæ mentaliter locutionis, non itur contra mentem. At mentiri est contra mentem ire. Non ire autem contra mentem, qui absque causa sic loquitur ex eo perspicuum est, quod habeat in mente sensum illum quem fert enūciatio ambigua vel mente restricta; licet enim ille teneatur in alio sensu verba proferre, tamen verba quæ profert habent etiam alium sensum nec eo priuantur, atque ita etiam si peccet quia non adhibet verba in sensu in quo ea deberet adhibere, tamen non mentitur, & pugnat quidem huiusmodi defectus cum veritate quæ euolutam & apertam mentis expressionem postulare: non pugnat tamen directè siue per defectum veritatis ac per contrariæ falsitatis mixturam, sed tantum indirectè, quatenus virtus veritatis exigeret aliter expromi quod mente cōcipitur, nectantopere occultari veritatem, ut sit per eas ambages. vnde quamuis in eo loquendi modo iniqua quædam astutia, & illicita audientis circumuentio veritati dissentanea interueniat, deest tamen mendaciū propriè dictum ut ex Suare supra re-

tuli, & docet etiam Sayrus lib. 12. *clavis regia c.*
 17. n. 28. Absit verò ut quis idcirco minùs sibi
 huiusmodi abusu abstinendum censeat: non enim
 si directà exoculatio est incommodum à glauco-
 mate & oculorum suffusione distinctū, sufficien-
 ter luminibus suis prospexisse censebitur qui ocu-
 lorum perfossionem & subitam exoculationem
 diligenter cauerit, de hypochysibus nullo modò
 sollicitus. Itaque vtrumque incommodum studio-
 sè declinandum est ei qui oculos charos habeat,
 similiterque veritatis amico non mendacium tan-
 tum fugiendum est sed etiam aliæ culpæ quæcum-
 que, quibus veritatis candori officitur: quas inter
 numerandæ sunt omninò locutiones ambiguæ &
 mente restrictæ cum deest proportionata & iusta
 causa eas adhibendi.

11. Nec prætermittenda est ingens plaga quam
 huiusmodi fallaces & callidi, per abusum, quem
 abolitum cupimus existimationi suæ inferunt, ex
 quo enim deprehenſi sunt, tantum autoritatis dis-
 pendium patiuntur, ut loquelam suam ubique
 suspectam faciant, & quod de plano illo qui se
 aliquando claudum finxerat scriptum ab Horatio
 est lib. 1. *Epist.* 17. aliàs 18.

Nulla fides damnis, verisque doloribus adsit.

Nec semel irrisus triviis attollere curat

Fracto crure planum, licet illi plurima manet

Lachryma, per sanctum iuratus dicat Oſyrim;

Credite, non ludo, crudeles tollite claudum:

Quere peregrinum, vicinia rauca reſclamat.

Hoc scilicet consecutus erat artibus suis planus
 ille ut qui vicinis imposuisse e mentita cruris con-
 fractione deprehensus fuerat, postmodum contra-

Quid per se certū sit circa æquiuoc. & c. 133

Et o re ipsa crure putaretur ludere & opem vicinæ implorans ad peregrinum aliquem cui hominis artes incognitæ essent, amandaretur ab iis quibus aliquando fucum fecerat. Scitè item Hieron. ad Iulianum Diaconum: *Antiquus sermo est, Mendaces faciunt ut nec vera dicentibus credatur.* Id quod etiam de Aristotele refert Laertius in eius vita. Similiter ergo qui absque idonea causa & ex mera fingendi libidine orationem ambiguam vel aliud exterius quoad verborum corticem, aliud ex tacita restrictione sonantem vsutpant, hoc emercantur, ut cum ex iusta causa ita se gerunt, itemque cum veritatem nudam & euolutam proferunt, fide careant, aliis meritò suspectas habentibus duplicis latebras & de abusu semel deprehenso semper sollicitis.

Idque seriò & grauiter inculcandum esset iis qui ex nulla vel inidonea causa, ambiguitates & implexitates locutionis adamare comperirentur, verè enim salutem humani conuictus exterminatam volunt qui ita se gerunt. Nec renuo quin in istos quoque applicetur quod alio licèt sensu aliaque occasione à Theophrasto cap. 1. *Ethic. charact.* scriptum est in hunc modum. *Caue ne imprudentius istiusmodi vocibus & sermonibus implicatis atque iteratis fidem habeas, quo nihil deterius reperire queas. Itaque ab istiusmodi ingeniis neque simplicibus neque apertis sed ex occulto & ex insidiis omnia agentibus diligentius cauere debemus quam à viperis.* itemque illud Poëtarum Maximi *Iliad. 4.*

Ἐκθροὺς γάρ μοι κενὸν ὁμῶς αἰδέομαι πάντας.

Ὅς καὶ ἕτερον μὴ καύθει ἐνὶ φρεσὶν ἄλλοδ' οὐ βάζει.

I

3

Hand

*Haud minùs ille mihi exosus quàm ianua Ditis.
 Mens aliud cui tecta tegit quàm lingua loquatur.*
 Denique consideratum ab istis & in rem suam tractum velim illud à Tullio scitè scriptum 2. de finibus, *si vultum tibi, si incessum fingeres quo grauior viderere, nò esses tui similis. Verba tu singas & ea dicas quæ nò sentias, aut etiam ut vestem sio sententiam habeas, aliam domesticam, aliam forensem ut in fronte ostentatio sit, intus veritas occultetur. Vide quæso re-ctumne sit.*

12. Quod tamèn aliqui hunc inconsultum & peruersum ambiguarum orationum & restrictio-
 num mentalium abusum detorquent ad damnan-
 dum vniuersè vsum huiusmodi locutionum, ex
 iustissima licèt causa & idonea adhibitum, inde-
 que doctrinæ quæ earum aliquando potestatem
 facit inuidiam conflant quod contingat transfiliri
 necessitatis fines & ex causa non idonea, vel etiam
 nulla, vigere apud plerosque vsum illum. ne isti
 parum attentè omnium propè humanarum rerum
 conditionem inspexerunt. Improvidè certè aliquis
 vini vsum sublatum velit, quod largiùs à nonnullis
 hauriatur quàm ferant leges temperantiæ. Nec
 magis sapienter alius omni planè armorum vsti ip-
 terdiceret, quod aliqui præter ius fasque armis
 abutantur. Ingratus denique insigniter in Deum
 foret qui linguæ munus collatum homini doleret
 quod aliqui ob peruersitatem suam verbis & lo-
 quendi facultate abutantur, cudendo aperta men-
 dacia & peierando vel blasphemando. Nimirum
 nullius rei tam bonus semper est vsum ut ex vitio
 malæ voluntatis abire in abusum nequeat; cum
 tamen non vsum rei aliqui ex se bonæ vel indiffe-
 rentis,

Quid per se certū sit circa æquiuoc. &c. 135
rentis, sed abusus in culpa sit; vt Diuus Augusti-
nus *lib. de vera religione cap. 20.* rectè disputat, nec
ratio vlla ferat vt abusus qui negari vix vlla in re
potest, ad vsus legitimi improbationem detorquea-
tur. Ipse Deus, vt est apud Prudentium in *Ha-*
martigenia,

*pēperit bona omnia conditor vnus,
Nil luteum de fonte fluit, nec turbidus humor
Nascitur, aut prima violatur origine vena
Sed dum liuentes liquor incorruptus arenas
Prelambit putrefacta inter contagia sordet
Nūquid equus ferrum, taurus, leo, funis, olium
In se vim sceleris cū formarentur habebant?
Quod iugulatur homo, non ferrum causa furoris
Sed manus est, nec equum vesania feruida circi
Autorem lenitatis habet, rapidiue fragoris
Mens vulgi rationis inops non cursu equorum,
Perfurit, infami studio perit utile donum.*

13 Itaque ad solidè improbandum omnem lo-
cutionum ambiguarum vel mente restrictarum
vsū, non est quod quis nonnullorum in earum
vsurpatione abusum causetur, sed inspiciendum est
quid natura ipsa talium locutionum ferat, & an
cum veritate & debito hominum conuictu ita
compareretur, vt non modò cum iusta & proportio-
nata causa deest vitandæ sint, quod hætenus cui-
cimus, sed etiam quæcumque causa tandem ob-
tendatur. Sin verò suppetente idonea causa, atque
etiam (quod semper subintelligendum est) potest-
que in ea causæ idoneitate inuolui, nulla alia vir-
tute vsū illarum locutionum prohibente, leges
veracitatis quas nunc dumtaxat attendimus, vsu
illo non interdiciunt, frustra exaggeratur abusus

doctrinæ alioqui bonæ & ex se vitio vacantis. Vtrùm porro ex his duobus statuendum reuera sit, seorsim quoad ambiguas locutiones, primum exponam, quia vix vlla est quoad eas difficultas, tùm seorsim quoad mente restrictam orationem.

CAPUT VI.

Quid de equiuocatione ex idonea causa deploratum apud DD. habeatur, spectando solam veritatis ac simplicitatis obligationem.

I. COMMVNISSIMA eaque planè certa sententia est, posse interdum suppetere idoneam causam, ex qua liceat verba æquiuoca & ad plures sensus vertibilia, vsurpare absque culpa contra veracitatem. Ita docent innumeri, quos pro licito restrictionum mentalium vsu adducemus in sequentibus: Et apud illosmet qui aduersus locutiones mentaliter restrictas seuerius egerunt, extra controuersiam est, orationes ambiguas, de quibus nunc agimus, posse culpa vacare. Sic enim Ægid. de Coninck *disp. 10. de actibus supernatur. num. 48.* Ioannes Azort. *l. 11. c. 4. q. 5.* Ioannes Malderus *Opusc. de restrict. mental. cap. 5. initio & cap. 10. sect. 2. notabili 2.* Arago. *22. q. 69. art. 2. in fine.* Andreas Cydonius *in Apolog. pro Garnerio cap. 2. iuncta responsione ad Casauboni sectarij Epistolam c. 6.* tametsi non admittunt restrictiones mentales nisi in euentu in quo propter circumstantias

Fas esse ex causa uti verbis ambiguis. 137
cunstantias verba aliquo modo cadunt in subin-
tellectionem : tamen quod attinet ad locutio-
nes amphibologicas , statuunt tanquam certum,
posse de iusta causa adhiberi absque culpa vlla
contra veracitatem. Nec difficile erit id validè
confirmare, cum autoritate ex factis Sanctorum,
tum ratione.

*Vsus licitus locutionum ambiguarum interue-
niente idonea causa, stabilitur ex
Scripturis.*

2. In primis Abraham Gen. 12. & 20. veritus
ne Saræ vxoris pulchritudo sibi exitio esset, dissi-
mulato vxoris vocabulo sororem vocauit. Vox
autem *sororis*, tametsi ex usu eorum cum quibus
Abraham agebat, propinquam quoque aliis pa-
rentibus editam cum qua coniugium iniri pote-
rat, significaret; tamen ambiguum erat ad huius-
modi propinquam, & ad propriè dictam sororem
cum qua non initur coniugium. Et idcirco Pha-
rao & Abimelech verba Abrahami affirmantis Sa-
ram esse sororem suam, acceperunt de germana
ex iisdem procreata parentibus, cum tamen Abra-
ham de propinqua duntaxat loqueretur. In qua
ambigua locutione nullam interuenisse culpam,
eo quod urgente necessitate adactus ad id fuerit
Abraham, nec falsi quicquam protulerit sed tan-
tum aliquid verum tacuerit, luculenter tradit
S. Augustinus lib. 22. *contra Faustum* cap. 33. &
seqq. impugnans non modò Faustum, qui spurco
ore Abrahamum tanquam vxori mentiendo le-
pocinatum auaritiæ ac ventris causa, *infamissi-*

num matrimonij sui nundinatorem appellauerat, sed alios reuerentiores qui fractâ timore Abrahami constantiam, ad mentiendum lapsam admitterbant. Rectè autem Augustinus, negat subesse causam Abrahamum insimulandi; siue lenocinij quod est per se perspicuum, siue mendacij. Quamquam enim hoc secundum tolerabilius fore pronunciet, tamen cum habeam, inquit, quod intelligam, ne hoc intelligam, nulla causa cogor temeritate labi ad reprehendendum, quem nemo cõvincit timore lapsum fuisse ad mentiendum. Neque enim utrum eius uxor esset interrogatus, non esse respondit: sed cum ab eo quæreretur quid ei esset illa mulier, indicauit sororem, non negauit uxorem. Tacuit aliquid veri, non dixit aliquid falsi. Eandem doctrinam ratam habet, hunc ipsum locum adducens q. 26. in Genesim, laudatque etiam S. Hieronymum in eandem sententiam.

3. Alia pleraque ex veteri instrumento passim ad hoc ipsum vrgentur, quæ ex parte infra attingemus. Nunc vnum duntaxat & alterum locum subiiciam, quo Christus Dominus eminentissimum veritatis exemplar, facto suo satis docuit nullam esse culpam adhibere locutionem ambiguam, cum idonea adhibendi causa subest. Rogatus Christus vt Lazarum decumbentem viseret, Apostolos post bidui moram affatus, dixit, *Lazarus amicus noster dormit: sed vado vt à somno excitem eum.* Vbi perspicuè vsurpata est vox ambigua, ita vt Apostoli putarent Christum locutum de communi sopore, quem mox vigilia exceptura esset, cum tamen de morte intellexisset, vt ipsemet Euangelista interpretatus est. Quo etiam interprete discimus, Christum Dominum veritatis & gratiæ

Fas esse ex causa uti verbis ambiguis. 139

gratiæ plenissimum, in hæc verba Iudæos allocutum. *Soluite templum hoc, & in tribus diebus reedificabo illud.* At non locutionem fuisse ambiguan, euentus demonstravit. Nam cum Iudæi, non de templo Domini corporis, de quo Christo sermo tunc erat, sed de templo materiato, verba illa Christi accepissent; obiecerunt illico, quæ tandem fieri posset ut templum cui ædificando anni sex supra quadraginta insumpti fuerant, intra tri-duum excitaretur: & illi crudæ verborum Christi interpretationi calumniam inædificarunt, cuius est alibi apud Euangelistas mentio.

Exempla Sanctorum in eandem sententiam,

4. Extra Scripturas, suppetunt innumera exempla earundem ambiguarum locutionum, ex iusta causa absque culpa prolatarum à viris sanctissimis, quos nemo idcirco mendacij alteriusve culpe contra veracitatem criminatus est. S. Felix Nolanus eluît hac ratione satellites à quibus ad necem quærebatur. Audi S. Paulinum natali S. Sancti Felicis.

Felicem sistit impietas: sed ab edibus absens

Forte suis, media steterat securus in urbe,

Fraternis de moxæ suo vallatus amicis,

Et pia verba serans populi credentis in aures,

Ecce ad eum strictis quarentes ensibus adsunt:

Cum subito aut illi corda hostibus, aut huic ora

Vertuntur, notum non agnouere furentes,

Felicemque rogant; Felix ubi cernitur, & non

Cernitur, ipse nec ipse vir est, cū sit propè lōge est,

Ignotus notusque suis. fit cunctis idem,

Discer

*Discernente fide vultum credentibus, ipse
Hostibus alter erat: Persensit & ipse fauentis
Consilium Christi, ridensque rogantibus insit,
Nescio Felicem quem queritis: ilicet illi
Prætereunt ipsum. Discedit at ille platea,
Illudente canes Domino frustratus hiantes.*

En apertè S. Felix respondet se Felicem nescire, quod autor vitæ S. Felicis quæ descripta habetur apud Surium tomo 1. ita interpretatur, vt ad mentalem potius restrictionem referendum sit, quàm ad orationem ambiguum de qua nunc agimus. Ait enim S. Felicis sensum fuisse *nescio felicem* subintelligendo de facie, quia nemo seipsum contuetur in facie, nisi forte speculum consulat. Est tamen etiam verisimile Sanctum Felicem oratione æquivoca elusisse quærentes, & negasse notum sibi esse, felicem hominem, id est, felicitate in hac vita potentem, qualem se in tantis ærumnis non esse meritò affirmabat S. Felix. Atque adeo usurpabat nomen *Felicis* adiectivè & appellativè, cum satellites substantivè, & vt nomen proprium usurparent.

5. Nec aliter insignis athleta fidei apud Euseb. 8. *histor. cap. 21.* interrogantem Firmilianum cuius esset delusit vocabuli ambiguitate dicens patriam suam esse Hierusalem, quod Firmilianus de terrena ciuitate, martyr de ea Hierusalem quæ sursum est intelligebat *seorsum apud animum suum ita diuinitus philosophatus*, vt Eusebius loquitur eiusdem in responso illo constantiam fusiùs describens. Et video quidem responsum huiusmodi posse ad mentalem restrictionem pertinere: facile tamen est iustam vocis ambiguitatem
vltus

Fas esse ex causa uti verbis ambiguis. 141

vsurpationem ad sensum à Firmiliani interrogan-
ris mente alienum deprehendere. Simili arte S.
Athanasius ut est apud Theodoretum 3. *histor.*
cap. 9. & apud Ruffinum *lib. 1. cap. 34.* à Iuliani
satellitibus mox comprehendendus, iussit retor-
queri nauigium Alexandriam versus, & occurren-
tibus iis à quibus ad necem quærebat, ac scisci-
tantibus quàm longè secundo flumine progressus
esset Athanasius, quem nauigio in Thebaidem
Alexandriâ secundo Nilo profectum audieranti
respondit, non longè abesse Athanasium, seque
eum non procul inde abeuntem conspexisse. quod
responsum ut erat ambiguum satellites de non
multa progressionem Athanasij in instituta naviga-
tione acceperunt: ipse Athanasius de præsentia
sua intellexit. S. Dorotheus ut habetur in Dosi-
thei vita ab eiusdem Dorothei discipulo fidelissi-
mè conscripta, Dositheo aduocato mandat phia-
lam afferret, qua se aiebat egere. Accurrit Dosi-
theus, & tanquam mandata expleturus, phialam
affert Dorotheo, à quo id responsum retulit. Quo-
niam ut phiala tu perstrepis, idcirco dixi tibi, affer
mihi phialam. Quemadmodum enim illa cum effun-
ditur & euacuatur perstrepit, ita & tu perstrepis
verbis, quæ est aperta in voce phiala æquiuocatio.
Tandem ut innumera alia sileam, nec in re per-
spicua voces frustra prodigam; Nauarrus in *ma-
nua. cap. 12. num. 8.* post Angelum de Perusio, &
Ananiam refert S. Franciscum rogatum quâ tran-
sisset homicida, immixtis intra vestem manibus
respondisse, non transiit hæc, significans non tran-
sisse per eam vestis partem per quam manus im-
mittebat, quamuis qui audierant aliter intellige-
rent

rent verba ad alium sensum vertibilia.

Possem & ex Ethnicis si res ferret annotare nonnulla. Sic enim cū Titius Caij pater ad iniustam necē quæreretur, Caius qui patrem in dolio abdiderat, intētantibus mortem sicariis ni paternas latebras designaret; respondit, in doliolo latere: quod sicarij de monte Romano eius appellationis accipientes, aliò auersū sunt. Nemo porro Caium mendacij accusauit vnquam, sed à pietate & industria commendatus apud omnes est. Alius cum fratrem subter ligna abscondisset pari cum laude pietatis & industriæ, respondit; latere in proxima sylua, Græcè magis propriè ἐν τῇ ὕλῃ. Alia passim occurrunt, quæ hīc multiplicare superfluum censeo.

Firmamenta ex ratione.

6. Ratio cur hæc ambiguum verborum vsurpatio ex causa idonea vitio vacet, peti potest ex verbis illis S. Augustini l. contra mendacium c. 10. *Vera non falsa dicuntur, quoniam vera non falsa significantur, seu verbo seu facto. Quæ significantur enim, utique ipsa dicuntur. Putantur autem mendacia, quoniam non ea quæ vera significantur dicta intelliguntur, sed ea quæ falsa sunt, dicta esse creduntur. Quæ verba hunc sensum efficiunt. Qui ambigūe loquitur, non profert verba quæ careant sensu vero, ac proinde non agit directē contra veritatem proferendo mendacium: quin potius conformiter ad mentem suam loquitur, iuxta illud Pauli Iurisconsulti l. 3. ff. de rebus dubijs: In ambiguo sermone non utrumque dicimus, sed duntaxat*
quod

quod volumus. Itaque præceptum negatiuum mendacio interdicens, perstat inuiolatum non obstante ambigua illa locutione. Præceptum autem affirmatiuum quo iubemur candorem & simplicitatem humanæ conuersationis non temerare, non urget in prædicto euentu: quia supponimus interuenire causam iustam, & vsui ambiguum verborum proportionatam, v. g. incommodum graue impendere, quod nequeat alia ratione declinari, quàm si verba ambigua adhibeantur. Vnde quia præcepta affirmatiua, mollius ac mitius stringunt quàm negatiua, quæ semper & vbique ac in quocumque euentu obligant, rectè pronunciamus in prædicto euentu ob imminens incommodum, non vigere obligationem affirmatiui illius præcepti. Nulla igitur est culpa contra veracitatem, in vsu verborum ambiguum ex proportionata causa. Et sanè si culpam in eo vsu admittamus, fatendum consequenter erit, vnumquemque priusquàm verba ylla promat, expendere apud se debere, an verba quæ vsurpaturus est, sint ambigua. Et quia magnam partem verba quælibet, possunt varios sensus suscipere, (saltem tantisper deflectendo à communiore & vulgatiore eorum vsu) imò quia quæcumque verba iuxta Chrysippum apud Agellium *lib. 11. cap. 12.* ambigua sunt & pluribus grauida sensibus, incredibilis anxietas oboriretur, quoties proferenda essent verba, nitendumque foret, vt nutibus alijsve signis tolleretur verborum ambiguitas. Cui scrupulositati occurritur, reiecta vniuersaliter improbatione vocum ambiguarum, & concessio ex causa iusta earum vsu.

Praxes doctrinae propositae.

7. Huic doctrinae innixi graues Auctores, perspicue docent in nonnullis euentibus in quibus locutio simplex & aperta cederet in respondentis alteriusve damnum cui is qui loquitur cooperari non teneatur, aut etiam non debeat, fas esse locutione ambigua deludere interrogationem. Sic Glossa *cap. ne quis 22. quest. 2.* & Maior *in 4. d. 15. q. 18.* affirmant, si Petrus domi positus quæreretur à sicario ad necem, & Paulus pro foribus astans interrogetur à sicario, an Petrus domi sit, respondere posse Paulum absque mendacij nota, *Petrus non est domi*: vsurpando verbum *est*, pro verbo *comedit*, quæ est aliqua verbi illius significatio, tametsi non adeo frequens. Esse autem hanc glossam ab omnibus receptam, testatur Nauarrus *Commentario in cap. humane aures q. 1. num. 9. in fine.* Ex eadem doctrina Syluester V. *Mendacium q. 6.* infert præter cætera, si quis Principis liberalitate alioue iusto titulo immunis à vectigali pendendo, molestiam à publicanis sustineat, ita vt si apertè fateatur se aliquid pensitationi vectigalis obnoxium ferre, iniustam vim subiturus sit, & adigendus ad soluendum, fas illi esse ambigua responsione excutere eam molestiã & se indemnem præstare. Idem pronunciat Couar. *1. var. cap. 2. num. 3. & 4.* de eo, quem iniquus creditor vrget ad iteratam debiti cui iam satisfecerit dissolutionem. Quod item num. 2. præmiserat de eo qui interrogaretur à non habente interrogandi potestatem, vel qui fines potestatis suæ

suæ transcenderet, nec seruaret ordinem præscriptum illo iure, cui ipse interrogans subest. Admittit enim Couarruias, fas esse ei qui ad iniquam interrogationem respondere aliquid cogitur, eludere interrogantem, verbis ex communi significatione ambiguis. Quæ est etiam cæterorum receptissima sententia ut in sequentibus constabit. Denique Sayrus l. 11. *clauis regia cap. 5. à num. 24.* post Bartholomæum Medinam in *instruct. confess. l. 1. circa 7. præceptum §. 32. cap. 7.* ait cum qui sarcit dispendiū alienæ famæ illatum iniusta veri probri detectione, posse dicere, *dixi falsum, non dixi veritatem, erravi*, quæ ait vera fore de veritate & falsitate practica, & de errore quo errant qui operantur malum.

Valet etiam pro ambiguitate infrequentiore.

8. Ex eo porro exemplo quod ex Glossa attuli, & ab omnibus receptum dixi, & nonnullis aliis superius propositis exemplis manifestè efficitur, quamuis omnia quæ hætenus adduximus pro honesta verborum ambiguum usurpatione ex iusta causa, clarius vrgeant cum sensus verborum ambiguum à loquente intentus, frequens est, & æquè obuius ac alter cui audiens præuidetur adhæsurus: tamen idem quoque statuendum esse de ea verborum ambiguum usurpatione, qua sensus verborum minus obuius assumitur contra Sepuluedam in Dialogo Theophilo cap. 6. n. 2. Nam minus profecto frequens est ut in ea locutione *Petrus est domi*, verbum *est* idem significet quod verbum *comedit*. Minus item frequens est

K vsur

vsurpatio dormitionis pro morte, quàm pro somno: & templi pro Christi Domini corpore, quàm pro templo materiato, præsertim in illis circumstantiis in quibus verba quæ supra expendimus, prolata à Christo fuerunt. S. August. 21. ciuit. c. 24. ita exponit illud Ionæ, *adhuc 40. dies, & Ninive subuertetur*, vt planè agnoscat homonymiam in verbo *subuertetur*, illudque putet à Deo os Prophetæ implente, sumptum in significatione minus recepta, præsertim in circumstantiis in quibus à Prophetâ nomine Dei prolatum est. verba Augustini sunt. *Niniuita in hac vita egerunt pœnitentiam, & ideo fructuosam, velut in hoc agro seminantes in quo DEVS voluit cum lachrymis seminari, quod postea cum letitia meteretur. Et tamen quis negabit quod Dominus prædixit in eis fuisse completum, nisi parum aduertat quemadmodum peccatores DEVS, non solum iratus, verum etiam miseratus euertat? euertuntur enim peccatores duobus modis: aut sicut Sodomite vt pro peccatis suis ipsi homines puniantur; aut sicut Niniuita vt ipsa hominum peccata pœnitendo destruantur. factum est ergo quod prædixit DEVS. Eversa est enim Ninive quæ mala erat, & bona edificata est quæ non erat, stantibus enim mœnibus atque domibus, eversa est ciuitas in perditis moribus. Ac sic quamuis Prophetâ fuerit contristatus, quia non est factum quod illi homines rimuerunt illo prophetante venturum, factum est tamen quod fuerat DEO præsciente prædictum, quoniam nouerat quod prædixit quomodo in melius esset implendum. Sic Augustinus. Ratio item quæ adducta est, æquè à mendacio & quacumque alia labe eximit omnem locutionem amphibologicam:*

Fas esse ex causa uti verbis ambiguis. 147

cam : nimirum quia ea locutione non itur contra mentem, & ob iustam causam ambiguè loquendi, cessat obligatio præcepti affirmatiui, planam & apertam locutionem indicentis. Quare fixum esto verba ambigua in sensu minus obuiio posse ex causa vsurpari. Tamen si certum esse debet, quo magis receditur à sensu qui verborum cortice præfertur, eo vrgentiorum & grauiorem causam desiderari, quæ recessum illum à communi verborum vsu honestet.

C A P V T VII.

*Dispelluntur quæ opponi possunt contra
vsu licitum locutionum amphibolo-
gicarum ex causa idonea.*

1. **V**Num est quod aduersus omnem planè vsurpationem quoruncunque verborum ambiguorum videtur posse verisimiliter opponi: Nempe quod ponatur audienti offendiculum ad quod impingat, deturque ei causa erroris, quod videtur illicitum, cum error quilibet etiam si inculpatus, malum quoddam sit errantis, nec exile, cum nobilissimam animæ partem, ipsūque eius oculum malè afficiat.

*Loquens ambiguè ex iusta causa non est erroris
causa in audiente.*

Sed responsio in pròptu est. Non enim qui verba ambigua vsurpat, est propriè causa erroris, qui in altero ex eorū verborū auditione ingeneratur; sed

ad summum subministrat occasionem, ex qua per accidens sequitur vt audiens per seipsum prolabatur in errorem. Et hac ratione **DEVS**, qui interdum hominibus obiecta duntaxat apparentia exhibet, non est causa erroris, etiam si erroris occasionem quæ à nobis improuidè accipitur, subministret, nec esset etiam causa erroris si speciem impressam in obiecti absentia potentia inderet, vt cum multis philosophatur *Turres 2.2. disp. 3. dub. 4.* Qui item verum dicit, quod tamen ab auditore minus penetratur, non fallit auditorem, nec est causa erroris in quem per seipsum inducitur, vt *Canus rectè notauit 2. de locis cap. 3. Addens c. 4. ad 8.* **DEO**, nec rationem causæ moralis, (hoc est imperio, consilio, suasionem causantis,) nec rationem causæ naturalis particularis respectu erroris per nos concepti competere, atque adeo nulla ratione **DEVM** esse nobis erroris causam. Qua eadem ratione argumentari licet, ad probandum malè asseri eum qui ambigüè loquitur, esse causam erroris in audiente consequentis. Non enim est moralis causa, cum non suadeat mandetve actum erroneum. Nec item est causa physica erroris, cum actus erroneus, parentem habeat ipsummet errantem, nec ab alia extrinseca causa creata physicè dimanet. Est igitur duntaxat occasio erroris, & quidem citra culpam, ob interuenientem iustam causam ambigüè loquendi.

Aries Barnesij aduersus orationes amphibologicas quacumque ex causa usurpatas.

3. Præter difficultatem propositam, qua vniuersè

uersè vsus orationis ambiguae non obstante interuentu idoneae causae impetebatur, occurrit alia quam Barnesius §.2. magno cum bombo intentat, suppositis duobus *certissimis*, vt ait, *lemmatibus quibus nullus Theologus aut Philosophus sane mentis contradicere potest*. Primum est ad virtutem veritatis pertinere vt vnusquisque talem se exterius exhibeat per signa quibus mentem suam aperit, qualis reuera est interius. Secundum est interrogationem *ex 2. de interpr. cap.2.* esse petitionem responsionis, hanc autem debere quadrare in postulationem cui tribuitur, proindeque vel esse ipsammet propositionem interrogatam, vel eius contradictoriam. Respondens enim aut affirmat aut inficiatur propositionem de qua fuit instituta interrogatio.

Ex hac doctrina apud omnes (vt ait) Philosophos recepta in hunc modum argumentatur Barnesius. Quæuis enunciatio exterior alteri facta quæ est amphibologica, triplicem tantum acceptionem habere potest, & secundum nullam earum, (condonemus enim Barnesio eum colaphum quem Prisciano hic impegit, dicens *secundum neutram* cum de triplici acceptione ageret:) secundam nullam inquam trium illarum acceptionum, potest oratio illa amphibologica vera esse. Vel enim primò sumitur amphibologicè, id est, sine vlla sermonis externi determinatione ad rem aliquam sermone communi significatam, & sic illa oratio est falsa & mendax, quia oratio amphibologica sumpta amphibologicè nihil enunciat, quod vt solita verborum parsimonia ait Barnesius in fine numeri quinti allegatis Louanienfibus &

Iauello *vniversi orbis Dialectici, asserunt, aiunt, & defendunt.* Vel 2. sumitur prout determinatur ad rem interrogatam, & sic non est oratio amphibologica, quia adimitur ei communitas vocis & ambiguitas. Vel denique tertio accipitur prout determinatur ad rem aliam de qua non petitur, & sic est mendacium, quia per eam nihil enunciat de re interrogata, ac proinde qui præ se fert respondendi voluntatem, nec tamen respondet, cum orationem interrogationi disparatam exhibeat, mentitur. Hinc euidenter concludi existimat Barnesius, omnem orationem amphibologicam tametsi ex causa usurpatam, mendacium continere. Tanti autem apud eum fuit hæc ratiocinatio, ut cum toto §. 2. id est, octo & eo amplius solidis paginis, eam amplificasset, & in quibuscumque orationibus & denunciationibus, præsertim responsiuis valere ostendisset, mox tamen §. *tertio* veluti lectoris ingenio diffusus, septem rursus paginas in ea recoquenda & lectori ingerenda consumat, veritus ne prudens lector verborum ipsius flumen, mentis guttam ægrè deprehendat.

Disficiuntur eius fundamenta.

3. Non est tamen difficile & fundamenta huius ratiocinationis, & molem vniuersam eis superstruatam discipere. Nemo enim sanæ mentis inficiatur, quin pertineat ad veracitatem exhibere se talem exterius, qualis reuera est interius, si nulla suppetat idonea causa tegendi interuentu orationis ambiguae, mentem suam; idque à nobis fuisse confit

confirmatum est supra cap. 5. si autem interueniat eiusmodi causa, tunc negatur, pertinere ad veritatem, vt se quis exterius talem exhibeat qualis est interius: idque innumeri & grauissimi DD. partim ante recensiti, partim infra recensendi, perspicuè docent. de quorum sanitate mentis, nunquam Barnesio veniet in mentem dubitare, quamdiu ipse sanitate mentis non exciderit. Itaque in hoc primo fundamento, effusè ineptit aduersarius, cum statuit pro fundamento totius ratiocinationis suæ, id quod inprimis probandū fuerat. Nam cum omnes æquè consentiant, spectare ad veritatem exhibere se exterius per signa talem, qualis quisque est interius, totaque difficultas in eo posita sit, vtrum posita idonea causa tegendi mentem suam, fas sit eam tegere: Barnesius quo est iudicio & acumine, id de quo non quaeritur, statuit pro fundamento primario & lapide angulari totius suæ disputationis; quod autem ad rem faciebat, hoc prætermisit.

Eadem opera labefactatur secundum fundamentum, quod reipsa reuoluitur in primum. Si enim non subsit idonea causa secus agendi, responsio debet quadrare interrogationi: sin minus, non est necesse vt quadret: alioqui quisquis non responderet ad mentem interrogantis, malè faceret: at hoc ipsum est quod ostendendum fuerat ac probandum, non autem assumendum vt fundamentum apud omnes firmum, cum omnes illi quibuscum aduersarius pugnat, aliter sentiant, nominatimque Syluester V. *mendacium quest. 6.* latè enumerans euentus in quibus citra vllam mendacij labem, responsio non quadrat interrogationi.

Itaque viderit Barnesius, quàm quadret cum veritate vox illa, qua hoc secundum fundamentum apud omnes receptum esse pronunciauit.

Arietis Barnesij collapsio.

4. Sic euerfis fundamentis, per se concidit fabrica superimposita, quæ cum apud aduersarium mole potius verborum quàm rationum grande-scat, ad hæc pauca reduci potest vt perspicua sit solutio, dispellanturque offuciæ Barnesij ratiocinationibus familiares. Qui præ se fert voluntatem respondendi ad mentem interrogantis, nec tamen ad eam respondet, mentitur: at qui exhibet responsum ambiguum, (quod quidem sit verè ambiguum, cuiusmodi duntaxat est, cum verba determinantur ad sensum ab eo diuersum, de quo facta fuerat interrogatio,) præ se fert voluntatem respondendi ad interrogantis mentem, nec respondet: Ergo mentitur.

Ad hoc argumentum inprimis nego maiorem, Nam si is qui exterius præ se fert voluntatem respondendi ad interrogationem, aliò responsionem conuertat iusta ex causa, neque mentitur, neque vlllo modo peccat, dummodo verba eius sint capacia sensus quem ipse per ea verba intendit exprimere, vt semper contingit cum verba sunt ambigua, cuiusmodi sunt ea de quibus nunc agimus. An verò præterea similiter liberandus sit omni culpa si verba non sint ambigua, sed per subintellectam responsi partem suppleatur, quod præcisè spectatæ externæ eorum veritati deest, nondum quærimus, sed postea excutiemus. Sistendo igitur

igitur in responso compacto ex verbis ambiguis, si subsit causa illud vsurpandi, nullum erit mendacium, imo neque peccatum. Si autem desit idonea causa, non erit quidem in huiusmodi responso mendacium, quia propter multiplicem vocum sensum, quod significabitur verum erit, in eo sensu quem interrogans non intendit, interueniet tamen culpa indirectè pugnans cum veracitate, & oblædens simplicitatem humano conuictui necessariam.

§. Maiore argumenti propositione sic elisa, non est quod calamus quassatum præterea confringam, ostendendo quàm multa in minori peccentur. Trimembris cerrè illa amphibologiæ distinctio, quæ ex Barnesio superius proposita est, spectatque ad hanc minorem, scatet defectibus. Falsum quippe est quod ait in primo membro, orationem æquiuocam ad nullū eorum sensuum quibus quasi grauidatur determinatam, nihil significare. Nam significatio non competit voci à determinatione loquentis, sed ab impositione & deputatione; vi cuius veluti impressa est vocibus vis excitatiua audientis (dummodo ei comperta sit deputatio,) ad percipiendam rem illam cui significandæ vox est deputata. Ea autem vis excitatiua, quæ est formalissimè ratio signi, competit voci ex quo ad aliquid significandum deputata est, siue qui loquitur determinet hanc vocis notionem, siue aliam ex pluribus quæ illi subsunt, si sit ambigua. Semper enim vox est ex se excitatiua ad perceptionem illam, quomodocumque se habeat qui loqui vult, & vocem ante deputatam vsurpare. Sanè Sacramenta nouæ legis, quæ signi

genere contineri constat, semper sunt signa, quamvis non semper excitent actu homines ad ea percipienda quibus significandis instituta sunt, nec semper pendeant ab actuali determinatione alicuius; idem in hedera aliisque signis ex instituto, cernere licet. Ac denique idem in vocibus contingit, siue vnā siue multiplicem significationem obtineant. Falsò autem, (tamen si admodum confidenter, & si verba appendas, prodigè,) Barnesius affirmat, quod *vniversi orbis Dialectici asserunt, aiunt & defendunt*, vocem æquiuocam nihil significare nisi ad aliquid à loquente determinetur, citatque duntaxat in eam sententiam Louan. *ad caput 2. libri de interpret. & lauellum tractat. 2. leg. cap. 2.* Sed hi nullo modo asserunt, quod eis & ex eorum assertionem, vniversi orbis Dialecticis tribuit Barnesius. Nam Louanienſes tantum dicunt, voces æquiucas & orationem amphibologicam, nihil significare determinatum & vnum: vnde laellus infert, propositionem æquiucam esse inutilem ad concinnandam demonstrationem qua vnum de vno concluditur. At quàm supina sit ea illatio; *propositio ambigua nunc significat determinatum quia plura significat, ergo nihil significat*, frustra docerem. Non igitur vniversi orbis Dialectici commentum illud Barnesij tradunt. quin potius Magnus Albertus qui Barnesio iudice non expungetur albo Dialecticorum, *lib. 1. Elench. tractat. 2. cap. 2.* & Scotus, quem etiam vt spero Barnesius patietur audire Dialecticum *quest. 10. 11. & 21. Elenchorum*. alique benè multi eorum insistentes vestigiis disertè affirmant, *vocem æquiucam significare omnia sua*

sua significata, actu & per modum copulationis, vt ipsi loquuntur, etiam si is qui loquitur, non se determinet ad vtrumque sensum, nec vsurpet vocem ad duo illa exprimenda ad quæ deputata est. Quandiu enim aliis vocibus adhibitis, aut quomodolibet aliter, non arctat vim vocis vniuersalem, & ad multos sensus patentem vi deputationis præteritæ; tamdiu vox naturaliter excitat ad omnia illa significata percipienda, ad quæ exprimenda variis deputationibus addicta est. Vnde fieri notat Albertus, vt ex duobus audientibus eandem propositionem ambiguam, in vno tantum sensu à loquente prolatam, vnus in vnum illorum sensum feratur, alter verò in alterum.

6. Iam verò quod in secundo tripartitæ illius distinctionis membro dicebatur, vocem ambiguam si à loquente determinetur ad vnum sensum, exuere ambiguitatem, est apertè falsum. Sic enim quisquis consultò vsurparet vocem æquiuocam, mente tamen restringens se ad vnum sensum, eo ipso, vteretur voce non ambigua, quod constat absurdè asserendum. Plerumque etiam qui vocem ambiguam profert, non aduertit ambiguitatem sub simplici vocis cortice latentem; vnde determinat siue assumit eam ad vnicum significatum ex pluribus in ea delitescens: Neque tamen vox illa desinit esse ambigua, præsertim si ex circumstantiis non deprehendatur interna determinatio loquentis, vt facillè potest accidere. Quod autem ea vox in huiusmodi euentu ambiguitatē retineat, ex eo patet quod è duobus eam audientibus vnus excitatur ad vnum eius sensum, alter ad alterum, non aliam ob causam vt proximè cum

cum Alberto argumentabar, quàm quia vtriusque significati notio, ei voci quasi adhærescit ex anteriori deputatione, nec tollitur per vllius restrictionis interuentum. Tandem in tertio ac vltimo eiusdem diuisionis membro, peti manifestè principium iam annotaui. Quare perspicuum esse Lectori existimo quam malè materiata & compacta sit ea Barnesij ratiocinatio, ad quam ipse passim toto opere reuenit tanquam ad sacram anchoram: & quæ futura sit totius substructionis firmitas, conuulso tam facile, imò per seipsum concidente eius fundamento.

Puerilis lapsus Barnesij.

7. Non est autem huius loci expendere, quàm accommodatè ad Aristotelem & logica rudimenta idem Barnesius, inter confirmandum hoc argumentum §. 3. n. 4. scripserit, orationem imperfectam cuius est apud Aristotelem mentio 1. *de interpret. c. 4.* ab eo cudi qui dicit, *Petrus*; At hic est puerilis error, vixque in logices tyrone ferendus. Nemo certè hætenus audiuit dari orationem vnica voce constantem, nisi si antecesserit interrogatio, cui per vnicam vocem adhibeatur responsio. Tunc autem ea vnica vox iunctis verbis interrogationis cui subnectitur, efficit orationem perfectam & enunciatiuam. at quod nomen *Petrus* simpliciter prolatus, orationem efficiat, nemo vnquam commētus est. Disertèque Ammonius *ad caput illud quartum primi de interpretat.* & ibidem Magentinus ac S. Thomas *tract. de enunc. cap. 3.* tradunt orationem imperfectam constare dictionibus,

nibus, quarum singulæ aliquid seorsim significet. imo id vt cum Barnesio potiore iure dicam, *vniverſi orbis Dialectici aſſerunt, aiunt, atque defendunt.* Nec poteſt negari ſalua comuniſſima orationis definitione, aſſignata à Philoſopho, qua affirmatur orationis partes ſignificare ſeparatim, quo diſcrimine oratio à nomine ac verbo ſecernitur, vt norunt Dialecticorum pueri. Itaque Barnesio, homini in Leſſij lancinatione occupatiſſimo, non vacavit recolere Dialecticæ rudimenta, ne in primis veluti elementis philoſophiæ tam fœdè impingeret, dum palmari totius diſputationis ſuæ argumento, corrogat vndecumque ſuppetias.

C A P V T VIII.

De vsu locutionis mentaliter reſtriçtæ ex idonea cauſa ſpectato ſolius veritatis & ſimplicitatis vinculo, duæ in ſpeciem pugnantes Theologorum ſententiæ.

1. **P**ERGO ad alterâ principalẽ cõtrouerſiæ propoſitæ partem. Nam vſum quidẽ locutionum ambiguarum ex iuſta cauſa per ſe loquendo ſiue ſeclufa vrgentiore lege quàm veracitatis, & agendo de vocis ambiguitate non planè infrequenti, omnes Theologi pro explorato habuerunt honeſtum eſſe: vt perſpicuum ponentes, quandoquidem vox exterior non caret eo ſenſu ad quem exprimendum aſſumitur, faſe eſſe ex iuſta cauſa permittere errorem, in audiente ex vocis homonymia conſe

consequaturum, sinereque ut ipsemet in ambiguae locutionis casses se induat. At quoad locutiones mentaliter restrictas, longè acrius pungit difficultas, & idcirco hic Doctores in duas partes scindi videntur.

Prior sententia damnans locutiones purè mentaliter restrictas.

Quibusdam enim omnis huiusmodi usus restrictionum mentalium improbatur, damnantque omnem locutionem, quæ prout exterius profertur, spectatis omnibus circumstantiis non potest habere sensum verum, tametsi quatenus substans conceptui mentali quem restringit qui loquitur, sensu vero non careat. Nam intentio dicentis, aut conceptus internus quem effingit, diuersus ab eo quem verba exterius promunt, non potest emaculare locutionem illam, quæ non aliter vera esse potest, quàm prout est, siue prout profertur exterius, & ad alium dirigitur. Est enim signum quoddam, cuius tota vis & ratio posita est in idoneitate ad alterum excitandum, quam idoneitatem non habet, nisi quatenus ab altero percipi potest; atque adeo non nisi quatenus exterius profertur, quia hoc tantum modo est perceptibilis ab eo qui audit, & cum quo per loquelam commercium habet qui verba usurpat. Quis porro vel imaginatione assequi queat, significationem aliquam non externam, & verborum (ut sic dicam) tectorio non obductam, ac quasi hærentem extrinæ verborum crustæ? Est enim omnis significatio in vocis externa facie, quæ sola perceptibilis ab alio est.

Cum

Cum igitur locutio mentaliter restricta, quatenus exterius prolata, non significet verum sed falsum, nec possit per nudā loquentis intentionē effici vera, quia deputatio vocum non est cuique libera, ut notum est: cum item nequeat ea locutio per internam loquentis cogitationem accipere sensum verum, quia nec vnum quid cum ea cogitatione componit, cum non sit eius expressio, nec à voluntate eiusdem cogitationis formandæ imperatur, ut est per se euidens: idcirco autores quorum sententiam refero, fatendum necessario putant, locutionem restrictam non obstante ea mentali restrictione, talem manere qualis est spectato solo verborum cortice, hoc est falsam, & contra legitimam proferentis mentem, ac proinde mēdacem.

Quia tamen si qui locutionem illam sic proferat, non intendat mentiri, intendit tamen proferre, quod scit non cohærere cum mente quam habet; siue intendit proferre, quod scit significare falsum, quod sufficit ad labē mendacij. Ita docent Aragon. 22.q.69.art. 2. in fine Malderus opusc. supra citato c.4. & 10. & quidam alij: Itemque ex Doctoribus Societatis IESV plerique, ac nominatim Azor. tom. 1. l. 11. c. 4. q. 5. Rebellus p. 1. lib. 4. q. 10. n. 2. Ægid. Coninc. disp. 10. de actib. supernatur n. 49. Andreas Cydonius contra Epistolam Isaaci Casauboni c. 5. & 8. & in Apolog. pro Henrico Garneto cap. 2. Paulus Laymannus lib. 4. Theol. moral. tract. 3. c. 13. n. 7. & c. 14. n. 8.

2. Addunt tamen hi autores sæpe verba ea ratione iisque circumstantiis proferri, ut prudens auditor saltem aliquo modo confuso intelligere queat aliqua verba subintelligi quæ verbis expressis

pressis annectantur! Et tunc fatentur ea verba perficere vnam integram orationem cum verbis expressis, vel potius verba quæ proferuntur, cadere quoque in conceptum latentem, eo quod ex natura rei, hæc verba, ab hoc homine in hoc rerum statu talibusque circumstantiis prolata, eum quoque conceptum denotent etiamsi qui audit non satis id aduertat. Hac ratione fatentur liberari à mendacio & licitam esse responsionem illam, qua reus per vim à non iudice iudicium usurpante interrogatus, negat se fecisse quod reuera fecit subintelligens *ita ut teneat fateri*, quod ratione circumstantiarum non ita subintelligitur, quin aliquatenus deprimatur. Similiter reum à legitimo iudice interrogatum, sed contra iuris ordinem, fatentur posse absque mendacio eludere interrogantem, & negare se admisisse quod verè admisit, subintelligendo, *ita ut sit probabile in iudicio*. Mulierem præterea quæ coniugij fidem læserit, interrogatam à viro de adulterio admissio, fatentur respondere posse, se esse liberam crimine adulterij, mente concipiendo *quod tibi aperire & fateri debeam*. Denique ut alia pleraque similia præteream, admittunt consequenter iidem autores, quoties quis interrogatur de re quam permagni interfit non vulgari, posse respondere *se nescire*, nempe in ordine ad euulgationem, atque adeo sub ea ratione sub qua fit interrogatio. Tantum quippe tencur respondere, prout interrogari potest, quia scopus interrogationis rationabiliter institutæ, est, scire ea duntaxat quæ communicari cum aliis possunt. Vnde qui in prædicto euentu interrogatur, potest sine mendacio respondere secundum mentem

tem rationabiliter præsumptam in interrogante, atque adeo quam interrogans habet, vel habere debet; & dicere se nescire quod reuera scit quia non ita scit, vt id possit aliis manifestare, in quod tamen duntaxat cadit interrogatio.

Dua limitationes eiusdem prioris sententia.

3. Hæc est vniuersè sententia Doctorum prædictorum; quam tamen eorum aliqui specialiter limitant. Sunt enim qui negare videantur fas esse suppetente licet idonea causa, vsurpare sermonem mentaliter restrictum aliquatenus expressiuum totius interni conceptus, quando quis sponte sua alium alloquitur, tametsi id permittant quando quodammodo adigitur ad respondendum de ea veritate, quam sermone planè euoluto non exprimi permagni referat. Imputet enim sibi quod eludatur, qui interrogatione inconsulta & indebita adegit ad eludendum & præbendam erroris occasionem. At qui non interrogat est planè innoxius nec dat iustam causam adhibendi cum ipso rectum sermonem. Ita Malderus 22. tract. 7. cap. 2. dub. 7. in fine, & alij nonnulli. Est & alia propositæ sententiæ arctatio, quam nouissimè adhibuit Paulus Laymannus capite illo 13. n. 7. & cap. 14. n. 8. fauétque Angles in floribus de pœnitentia q. de confessione artic. vltim. difficult. 10. & apertè idem habent aliqui tacito nomine à Soto relati in opus. de secreto membrò 3. q. 3. conclus. 4. nempe non esse locum subintellectioni in euentibus propositis, si is qui interrogat nō sciscitetur simpliciter, an hoc vel illud noueris; sed absolutè interroget, velitque apertè exponi, an aliqua tandem ratione id noueris. Ea

L enim

enim interrogatione sic munita, existimat hic autor præcludi implicitam subauditionis expressi-
nem per verba restricta. Atque adeo concludit ef-
fici ut voces respondentis, non possint vlllo modo
cadere in ea negotij adiuncta, ratione quorum ve-
ræ reddantur. V.G. responsio negatiua ad interro-
gationem iniquam iudicis, posito quod qui respon-
der verè admiserit crimen de quo rogatur, inde
eximebatur à mendacio & culpa, quod responsio
censeatur cadere in interrogationē. Vnde cum Iu-
dex si aliud non addat, censendus sit interrogare
in foro cui præest, nec velle ut respondens aperiat
factum suum aliter quàm prout tenetur in hoc fo-
ro, sensus interrogationis qua petit à reo an crimen
admiserit, censi potest iste: *admisisti ne factum
tale de quo iustè in hoc foro interrogari possis.* Atque
ita responsio rei qua crimen diffitetur, cum non
potest de eo interrogari seruato ordine iuris, legi-
tima est & mēdacio vacat. Verè enim non admisit
crimen de quo iustè interrogari possit, quod tamen
erat interrogationis obiectū. At si iudex plus se in-
terrogare significet, & omninò velit reū aperire
scelus illud suum, non tantum prout in iudicium
venire debet, sed simpliciter prout admissum est,
sic affirmat autor prædictus, non esse locum men-
tali restrictioni & elusioni iudicis, sed vel negan-
dam prorsus esse responsionem, eo quod interroga-
tio nō sit legitima, vel simpliciter aperiendam esse
veritatem. Haftenus de priore sententia circa vsum
locutionū mentaliter restrictarum ex idonea causa,
& spectatis tantū legibus veracitatis, siue secluso
quouis præcepto virgēiore quàm illud quod tracta-
mus, nempe veritatis cādide & sine fūco aperiēdæ.

Sententiae in speciem pugnantes, &c. 163

*Sententia posterior admittens simpliciter usum
licitum locutionum restrictarum cum
causa subest.*

4. Posterior sententia admittit, ex iusta causa & per se loquendo, hoc est, nulla interueniente alia virtute impediēte, sed spectata tantum veracitatis obligatione fas esse partem responsionis ad irrationabilem alterius interrogationem, vel partem enunciationis quam quis ex seipso profert non interrogatus, subticere ac mente premere: declinārique mendacium etiamsi pars illa quæ expromitur, falsa foret si solitaria esset, nec iungeretur interno conceptui mente retento, eique veluti substerneretur ob continuationem conceptus retenti cum illo conceptu qui exprimitur, habētque sibi substratam vocalem propositionem. Huiusmodi enim coniunctione ac nexu restrictionis tacitæ & locutionis externæ, interuentu conceptus interni voce expressi, cui externa locutio coniungitur, admittunt huius sententiæ auctores effici vt præcludatur labes quæ propositioni externæ præcisè quatenus externæ, dissonanti cum obiecto suo, adueniret. Itaque consequenter docent necessarium esse vt verba exterius prolata sint restrictioni proportionata, ita vt verba & conceptus mente retentus, continuari possint cum conceptu expresso: quod continget si ex utroque conceptu (posito quod exprimatur) vnus cōgruus sensus possit existere. v.g. non eximeretur à mendacij labe ea locutio, qua quis ad significandum quod non dormiuerit, diceret se non comedisse,

subintelligendo exclusionem somni, quæ cum verbis illis nullo modo cohæret, & idcirco Scotus in 3. d. 38. *q. unica liera H.* meritò reicit aliquos qui Iudithæ plerasque locutiones in speciem falsas eximebant à mendacio per restrictionem mente retentam nullo modo cum verbis cohærentem, dicentes eam illas locutiones ad DEVM direxisse, & iis DEVM allocutam: quod constat cum externa propositionum illarum facie, nullo modo cohærere; nec posse nexum vllum assignari inter eam restrictionem, & prædictas propositiones, est per se euidens. Dummodo ergo subintellectio cum verbis exterius expressis cohæreat, & idonea reticendi causa subsit, nec lex vrgentior ad promendum integrè conceptum adigat, concedit hæc sententia fas esse dimidiatum duntaxat conceptum verbis exprimere, reliquæ prudenter subticendo, vt graue aliquod incommodum declinetur, aut tacendi debito satisfiat.

Addunt porro eius autores passim, etiam si verba ex solo addito in mente retento efficiant sensum verum, tamen si necessitas ea verba iuramento confirmandi interueniat, posse absque periurio interponi iuramentum. Quia cum enunciatio illa sit vera ob subintellectionem cū qua continuatur, nō poterit actui illini labes periurij. Communiter item addunt autores prædictæ sententiæ, quoties licitum est adhibere locutionem mente restrictam, non esse curandum quod qui interrogat, excludat eam restrictionem. Vt si iniquus iudex dicat, *responde an hoc illudve admiseris. siue ego iuste interrogem tūque tenearis respondere; siue non interrogem iuste, ita vt tu respondere non tenearis.* Vel si expressiùs

Sententia in speciem pugnantes, &c. 169
expressius dicat. *Responde ad hoc nitidè & rotundè, nullis prorsus innolucris subintellectionum appositis responsioni tue.* Nihilominus enim contendunt hi autores perstare ius loquentis, vt subintelligat quod iustè subintelligeret, si interrogans non vrgeret respondentem, vt absque subintellectione respondeat. Imo addunt, si vrgeatur vt affirmet se nulla vti mentali restrictione, nec aliud intelligere quàm quod verba sonant, adhuc posse id affirmare citra mendacium, subintelligendo aliquid quo ea locutio restricta, veritatem contineat. Quod si aliquis præ ruditate non capiat quæ subintellectio cuique locutioni aptanda sit vt verba externa continuentur conceptui mente retento, efficiaturque vera responsio; aiunt hi autores sufficere, vt qui in specie nescit quæ subauditio locutioni alicui congruat, intendat id subaudire, quod viri docti norunt subaudiri congruè posse iuxta hoc suum placitum.

Primusne, & qua moderatione Lessius posteriori huic sententia subscripserit.

5. Autores huius posterioris sententiæ multos postea laudabo. Nunc sufficiet pro ea allegare Nauarrum qui plurimos pro eadem profert, eamque variis locis constantissimè defendit, vt commentario in cap. *humane aures* 22. q. 5. per totum commentarium. & cap. *inter verba concl.* 6. coroll. 22. & in *Manuali* cap. 12. num. 8. & 9. & 19. & cap. 18. num. 61. & cap. 25. num. 43. Nauarro præiuerant bene multi, & adhæserunt etiam postea quàm plurimi, quos infra adducam. Sed & prio-

ris sententiæ autores hanc posteriorem sententiam tametsi minus probarunt & falsam censuerunt, tamen pro ingenita Christianis Theologis modestia seuerius non notarunt, probrisque & conuitiis abstinuerunt, contenti veritatem confirmare, non autem procacitatem suam ac linguæ intemperantiâ exagitanda aliorum Doctorum virorum sententia prodere. Quod me tacente agnoscer quisquis Azorium, Malderum, Ægidium Coninck, Laymanum, aliósque euoluerit quibus posterior illa sententia displicuit.

Solus Barnesius in sententiam Lessij qui Nauarro adhæsit tanto mentis æstu ac impotentia abreptus est (quod delibatio florum modestiæ Barnesianæ ad calcem operis exhibenda planum faciet) vt plenis manibus conuitia iacere, parcum putauerit: ideóque plenis plaustis ea effuderis. Quæ quanta sit illiberalitas, æqui Lectores pronuntiabunt: præsertim cum nubes illa contumeliarum toto Barnesij libro in Lessium detoner, intacto Nauarro aliisque omnibus quos Lessius adducit pro ea sententia, veréque in ea fuerunt: & quidem longè firmitus quàm Lessius, qui duntaxat eam sententiam admisit vt probabiliorem. Quinetiam vt supra iam monui si omnia quæ Lessius vbiuis de ea tradit adunentur, vix explebunt vnâ paginam ex iis quibus toties editum est Lessij opus: cum tamen apud Nauarrum extet integer Commentarius ad eam confirmandam, & apud alios quàm plurimos infra allegandos habeantur in eam rem longè plura quàm apud Lessium, vt facile sit prudenti Lectori conicere verissimâ esse quæ in aditu ad disputationem relata sunt

Sententie in speciem pugnantes, &c. 167
sunt de causa ob quam tantopere fernet Lessij
exagitatio, apud hunc, (liceat Theodori Studitæ
verba vsurpare *serm.* 46.) non iam Monachum sed
Monomachum. Sed illud maximè, virus conce-
ptum aperit quod ad locum istum pertinet, &
insultatam hominis cum malignitate certantem
prodit. Traducit Lessium quod in *disputat. de*
Antichristo §. 33. asseruerit sententiam hanc suam
à Catholicis doceri. Vultque ab incauto Lectore
existimari, censuisse Lessium, hanc sententiam
suam esse de fide. At id esse à Lessij mente alie-
nissimum, inde eidentissimè patet, quod quo lo-
co hanc difficultatem ex instituto examinat, id est,
lib. de Inst. cap. 42. num. 47. (quem locum Barne-
sius hoc opere centies allegat, & arrodit, vt fru-
stra ignorantiam causaturus sit.) conceptis verbis
tradit tantum hanc esse sententiam probabilio-
rem. Quis verò placitum quod habeat pro do-
gmate fidei, appellet duntaxat probabilius?

6. Itaque illo alio loco, cum Hæreticus Anglus
calumniaretur Catholicos, quod dicerent posse
iustum iudicium locutione ambigua vel mentali-
ter restricta eludi, respondet Lessius, neminem
Catholicum id vnquam affirmasse. Tantum di-
xisse Catholicos, fas esse id præstare, cum iudex
illegitimè & iniquè interrogat. Et ita sanè dixe-
runt Nauarrus, Sayrus, Angelus, Syluester, & vt
vao verbo dicam innumeri Scholastici & Mora-
les Theologi. An non isti Catholici? Rectè igitur
responsum à Lessio est, Catholicos id dixisse.
Et eodem planè modo locutus est, hanc ipsam
hæreticorum in Catholicos calumniam retun-
dens Malderus *opusc. sæpè citato cap. 12. sect. 1. in*

responsione ad secundam calumniam. Nemoque in lectione Hærescologorū tam hospes est, ut ignoret familiarissimum eis esse præsertim cum Sectariorum calumnias diluunt, loqui ad eum modum; etiam si plerumque nihil minus cogitent, quàm venditare pro fidei dogmate sententiam quam à Catholicis extra septa fidei proponi referunt. Et ita planè Lessio contigit hac in parte. Sed nisi Barnesius in iis ipsis quæ sunt apertissima calumnias neciteret, non haberet quod in Lessio morderet. Itaque ut genuinum commodius infingeret, nec abs re concitari & efferuescere videretur, è re eius fuit, ipsi prope operis fronti, tam splendidum mendacium appingere. Dissimulo autem in præsentia, quod Barnesius §. 15. num. 2. sententiam suam cum plerisque Patribus ibi indicatis & sigillatim infra ex Maldonato proferendis, directissimè pugnantem, appellat *sententiam Catholicam*. Et §. 23. & 24. vocat sententiam Lessij *hereticam & errorem in fide sub anathemate in plerisque Concilijs damnatum*. Quæ quam sobriè scribantur infra demonstrabo. Nunc enim obiter duntaxat moneo, Barnesium vidisse festucam in oculo fratris, trabem in suo non perpexisse.

Fixum igitur esto ambas supra propositas in hac controuersia sententias inter Catholicos salua fide ventilari; ideòque unicuique in ea quam adamauerit perstare liberum esse, citra alterius censuram, & illiberalem ac abhorrentem à Christiana charitate & modestia sugillationem,

C A P V T IX.

Vera sententia de usu licito restrictionum mentalium ex idonea causa, cum sola veritas & simplicitas urgent, & sententiarum in speciem pugnantium proximè propositarum conciliatio.

1. **M**ihi verò penitus binas sententias hactenus propositas inspicienti, subit cogitatio, eas non nisi in speciem discrepare. Et ideo supra dixi Doctores in duas partes scindi videri, quia reipsa quoad præcipuum dubitationis caput consentiunt.

Doctrina prioris sententiæ.

Fatentur enim autores prioris sententiæ, fas esse locutionem mentaliter restrictam usurpare, cum ex circumstantiis constat aut constare debet, sensum à loquente intentum subesse aliquo tandem modo verbis quæ ab eo cum restrictione usurpantur. Ideoque aiunt non mentiri eum qui pressus illegitima interrogatione ad quam plurimum eius interfit non respondere simpliciter & apertè, eludit interrogantem locutione mentaliter restricta. v. g. qui interrogatus an occiderit eum qui in via cæsus deprehenditur, nullo superpetente indicio quod ipse sit cædis auctor, sicut

reuera est; responderet *se huius cedis rem non esse, nempe in foro humano quod non se extendit ad scelera omnino occulta. Similitérque statuunt, non mentiri adulteram quæ rogante marito auctori fidem occultè violauerit, inficiatur infidelitatem suam erga maritum, & coniugij inquinacionem, subintelligendo, ita ut teneat dicere.* Eam autem responsi sic restricti immunitatem à mendacio, inde astruunt iidem autores, quia ex circumstantiis constat, vel constare debet audienti, hoc quod dictum est, subaudiri; & verba in eam subintelleccionem quoquo modo cadere, quod sufficere fatentur ad expurgandum responsum labe mendacij, etiam si cortex ipse verborum subintelleccionem illam non exprimat, & voces prout exterius significantes audienti, nihil tale ferant euolutè ac distinctè. Recolatur numerus 2. in superiori capite.

Aequè iuuat posteriorem.

2. Hanc igitur prædictorum autorum doctrinam, omnes planè locutiones mentaliter ex iusta necessitate restrictas stabilire, perspicuum existimo. Quia similiter constabit audienti, vel constare debet; cum qui loquitur, aliquid iustè subtrahere in quod verba quæ profert implicite cadant, eo quod cadant in obiectum locutionis prout conuestitum suis circumstantiis, quarum semper saltem vna, est iusta necessitas locutionem exterius dimidiandi ob idoneam causam. Ac proinde cum nunquam liceat vti locutione mentaliter restricta, nisi suppetat idonea restringendi causa, quisquis

Conciliatio utriusque sententiæ propositæ. 171

quisquis ea suppetente adhibet restrictionem, nullo modo efficitur reus veracitatis violatæ, etiam de sententia autorum cum quibus agimus: quia circumstantiæ semper ferent, ut verba intelligantur vel intelligi certè debeant non cadere in obiectum quod distinctè exprimitur nisi prout conuestitum addito mentaliter reseruat. & ob istam causam non expresso explicitè. V. G. admittunt autores cum quibus agimus, si quis inquiret de aliquo mihi perspecto quod celatum oporteat, posse me ei respondere quasi nesciam, quia non debebat ulterius inquire quàm quatenus revelari potest: vnde sensus interrogationis indebitæ & exorbitantis à recto, accipi à me potest eo modo quo non exorbitet, nimirum illo ipso quo interrogatio proferri ab interrogante debebat. Atque ita rectè respondeo me nescire etiam si sciam, quia interrogans debebat huius secreti scientiam exigere cum ea restrictione, si mihi liceat id euulgare. Dicens ergo me nescire, eo scilicet modo ut liceat dicere, satisfacio importunæ interrogationi, cuiusque exorbitantiam quodammodo reduco ad modum debitum, nec mea restrictio est purè mentalis, sed aliquo modo in verbis indicatur. Appendi prope ipsas syllabas autorum prioris sententiæ.

Transfero igitur eandem doctrinam in rem nostram, & aio, quotiescunque loquendum, ac præsertim respondendum mihi erit de re quam iustè subticere possum aut debeo, fas mihi similiter fore dicere, quod nesciam, eo scilicet modo ut debeam dicere; At qui me interrogat, vel etiam qui

qui me audit, non debet in alio sensu verba mea accipere, quàm prout debent à me proferri. Igitur cum ob iustam causam interuenientem non debeam aliter de re loqui quàm prout loquor, id est, subticendo partem mei de ea conceptus, non potest respondens, vel audiens, aliter verba mea accipere, quàm prout implicitè cadentia in mentalem reservationem, seu quatenus exprimentia illud duntaxat quod possum vel debeo explicitè enunciare, & eo modo quo debeo rationabiliter verbis uti, qui in eo euentu fert, ut aliquid mente premam, quod apertè non prodam.

4. Neque verò autores prioris sententiæ contendunt necessarium esse ut auditor aduertat de facto hanc subintellectionem latere in animo loquentis. Sic enim frustrà permetterent vsum restrictionis expressæ tantum implicitè per verba, nec declinarentur incommoda, ob quæ concedunt fas esse non omnino exprimere verbis sensum in animo latentem. Itaque duntaxat volunt necessarium esse, ut auditor, suppetente ad id fundamento ex præsumpta per ipsum vel debitè præsumenda iusta necessitate loquentis, qui non tenetur sibi vel alteri locutione sua nocere; possit ex natura rei aduerrere ad subintellectionem loquentis, & censeatur ad eam aduerrere debere, cum velit secum agi rationabiliter. Hoc autem præsumendi debitum, quod iuxta autores cum quibus agimus sufficit ad honestationem locutionis restrictæ, locum habet in omni planè euentu in quo posterior sententia admittit vsum licitum locu

Conciliatio utriusque sententiae proposita. 173
locutionum mentaliter restrictarum: id est, quoties subest idonea causa sic restringendi, abestque præceptum urgentius quàm veracitatis & simplicitatis, quod locutione restricta interdicit. Toties etiam per locutionem illam restrictam, insinuat^rur implicite subintellectio, spectando quod audiens spectare debet; nempe naturam prudentis locutionis, quæ non fert ut loquens per eam sibi vel alteri irrationabiliter incommodet.

Quare existimo perspicuum autores prioris & posterioris sententiæ reipsa consentire, quantumcumque priores se à posterioribus dissidere arbitrentur. Sed certè posteriores numquam refugerent eam sententiæ suæ temperationem, quam retulimus ex prioribus autoribus à quibus impugnantur. Imo aliquoties eam insinuant in actu signato, & semper in actu exercito, cum dicunt subintelligi à loquente, *ita ut teneatur, vel debeat, aut possit dicere.*

Discrimen quoddam inter utramque sententiam capite 8. propositam.

4. Tantum potest inter utrosque autores discrimen aliquod assignari quod ab aliquibus subindicatum video, sed vel nullum est vel ad rem non facit. Nempe quod qui simpliciter admittunt usum restrictarum locutionum cum suppetit idonea causa eas usurpandi, non sunt solliciti quæ subintellectio fiat, sed dūmodo propositio externa, & quod subintelligitur, aptè cohæreant, & ut sic efficiant sensum verum, nihil præterea quaerunt. At qui locutiones restrictas admittunt, duntaxat

taxat cum verba exterius prolata ferunt aliquatenus sensum loquentis, ita ut restrictio non sit pure mentalis, consequenter docent eam tantum subintellectionem liberare à culpa, quæ aliqua tandem ratione innuitur externis verbis. Hæc autem videtur non esse eadem cum quis respondet ad interrogata, ac cum quis ultro se ingerit ad restrictè loquendum ex causa iusta. Nam cum quis duntaxat respondet, adestque iusta restringendi causa, semper potest restringere locutionem adhibita hac subauditione quæ responso rationabiliter intellecto insinuat, *ut teneat tibi dicere*. Qui enim non respondet ad interrogantis mentem expressè propositam, sed locutionem suam restringere statuit, præsumit eum qui interrogat petere responsum possibile salva lege Dei & obligatione virtutum, ac conuenienti cura rerum suarum vel alienarum. Vnde meritò, si virtus responsione interdicat, vel graue damnum ipsi respondentis aut alteri ex responsione plana iniuste immineat, respondebit, *nescio*, subintelligens ita ut dicere teneat, de quo vno est vel esse debet interrogatio rationabilis, qualis præsumi potest ab interrogante prolata; vel si de eius iniquitate apertè constet, verba nihilominus cadunt in eum interrogationis sensum quem ferret interrogatio si esset rationabilis: quia iuxta communem usum & publicam deputationem, quæ vocibus sensum quasi animam contulit, verba respondentis cadunt in responsionem prout rationabiliter propositam, nec æquum est ut eo sensu excidant, ob iniquitatem interrogantis. At cum quis non respondet ad interrogata, sed ultro se ingerit ad loquendum

Conciliatio utriusque sententiæ propositæ. 175

quendum restrictè, idque ferunt merita causæ ob quam statuit non omnino expromere conceptum suum, tunc restrictio tacita, videtur non esse quæ iam proposita est pro respondente, nimirum *ut tenear tibi dicere*, sed hæc non nihil diuersa, *ut possim tibi dicere*. Quia cum in hoc euentu, persona loquens non laceßatur ab alio, sed ipsa sponte se ingerat ad loquendum, non videtur posse subintelligi, & per talem externam locutionem aliquo modo insinuari, quod persona loquens non teneatur euolutè loqui, cum in eo euentu nulla fuerit homini iniecta obligatio loquendi, sed ipsemet ultro occæperit sermonem. Itaque subintelligi potius & aliquo modo indicari videtur per verba in eo statu prolata, quod persona loquens quia rationabiliter loquitur, non possit dicere quæ subicit. Nam siue lex Dei, siue obligatio virtutum, siue indemnitas propria, aut aliena, adigant eum ad loquendum cum restrictione, rectè subintelligitur exprimere mentem suam, tantum quatenus potest: non potest autem contra DEVM aut virtutem loqui, & censetur etiam non posse contra sua vel alterius commoda, mentem suam aperire. Quod enim magnæ difficultati subiaceret censetur moraliter esse impossibile.

Aut nullum est, aut negligendum.

5. Hoc inter utrosque autores dissidium, dicebam vel inane esse, vel non versari circa nodum propositum; & posito quod admittatur, esse tamen adeo leue, ut negligi ac pro nullo haberi meritò possit. Nam is quoque qui ad loquendum se ingerit,

gerit, quia subest iusta causa non promendi integre conceptum, ita reuera loquitur, sicut iuxta leges veracitatis & simplicitatis loqui tenetur, si id expromat quod potest sine incommodo expromere, & eius locutio debet rationabiliter accipi, ut cadens in hoc duntaxat. Ergo quamuis non interrogetur, potest tamen recte subintelligere se non teneri plus dicere, & verba eius apte consentur expromere quod concipit, in quantum debet illud exprimere. Atque adeo cum non teneatur aut debeat plus expromere, quam reuera faciat, subauditio illa apte purgat locutionem sic restrictam, & per verba aliquo tandem modo subindicatur, ac implicite exprimitur: & viceversa qui interrogatur de re quam celatam oportet, potest subaudire illud *ita ut possit effari*, quia si tenetur de ea silere, merito negat se posse de ea loqui. Itaque videtur discrimen illud subintellectionum duplici illi modo restrictè loquendi consentaneum, planè evanescere. Et quamuis solidum esset, tamen ad rem non faceret, quia ex eo non tollitur licitus usus restrictarum locutionum suppetente idonea causa, qui est cardo præsentis difficultatis, sed tantum determinatur quis conceptus mente premiendus sit in alterutro prædictorum modorum, quibus cōtingit usurpari locutionem restrictam quod ad rem præsentem non refert, videturque facilè dandum ab autoribus prioris sententiæ: præsertim cum moneant, satis esse rudibus qui non satis perspiciunt quid in quouis euentu subintelligendum sit, si illud subintelligant quod viri docti & timorati norunt posse subintelligi, & iuxta hoc locutiones suas ex idonea causa

Conciliatio sententiarum utriusque propositæ. 177
causa restrictas concinnent. Qua monitione satis innuunt, tametsi ferè negligant quæ cuique locutioni aptanda sit subintellectio in variis euentibus, non refugere tamen quominus talis apponatur, in quam verba exterius prolata utcumque cadant.

Utriusque illius sententia concordia firmatur.

6. Itaque maneat, utrosque autores adductos tametsi in speciem pugnantes sententias tueantur, putentq; priores se à posterioribus dissentire, tamè reuera eodem recidere, & saltem quoad principale punctum ipsaque difficultatis viscera idem affirmare. Nempe quod per se loquendo quoties iusta restrictè loquendi causa subest, fas sit aliquid subricere, & in speciem negare, quod alioqui affirmandum esset: vel affirmare, quod esset negandum, ob factam subintellectionem; quæcumque demum sit idonea illa subintellectio: quod non est necesse loquenti innotescere in specie, dummodo non ignoret esse aliquam quam vir doctus per orium aptè assignaret, & ad eam sic in confuso adhibitam substernat externam locutionem. Sed ut melius perspiciatur hæc autorum utriusque sententiæ concordia, in puncto difficultatis aduertendum videtur posteriorem sententiam propositam, duobus modis probari, & defendi posse. Primò absolutè, siue excludendo mendacium à locutione restricta, recurrendo duntaxat ad internam veritatem subintellectam, quam ipse loquens connectat & continuet cum oratione sua externa in speciem falsa. Secundò dicendo, ex-

M cludi

cludi mendacium, eo quod subintellectio insinuetur per verba exterius prolata, saltem quatenus sunt hominis rationabiliter loquentis. Priorem modum defendendi eam secundam sententiam, videtur inuisse Nauarrus; & in hoc dissenserunt ab illo aliqui, quod non satis caperent quomodo veritas intus abdita perfunderet externam locutionem secundum se falsam. Sed siue modus ille quo dixi videri Nauarrum secundam sententiam exponere ac rueri, idoneus sit, siue non sit; negari non potest quin sit difficilior secundo modo proposito: nec est certè necessarius ad defendendam assertionem quam intendimus: nempe quod ex idonea causa vsus locutionum mente restrictarum licitus sit; quia per secundum illum defendendi ac probandi modum hæc assertio commodius & facilius defenditur, declinatis nonnullis difficultatibus quæ priori illi modo coniunctæ sunt. Auctores ergo qui hunc posteriorem modum tuendi locutiones restrictas ineunt, etiam si modum illum priorem reprobant, non ideo discrepant quoad sententiam ab iis qui vtruntur priore illo modo probandi ac defendendi locutiones restrictas; sed tantum differunt ab eis, in modo probandi & explicandi licitum vsus prædictarum locutionum quem vtrique docent; quod non est sententiæ, sed probationum dissidium. Et quamquam iidem auctores qui posteriorem illum modum ineunt, interdum plus iusto in quibusdam exemplis arctent suam sententiam, negentque in eis admitti posse locutionem restrictam salva veritate, non tamen id faciunt, quod putent ad veritatem non sufficere subindicationem & implici-

sam

Conciliatio sententiæ utriusq; propositæ. 179

tam expressionem subauditionis tacitæ: id enim expresse & disertè tradunt: sed cum non occurreret eis via exponendi & defendendi quomodo alicubi interueniente iusta causa subtrahendi, posset dici subauditionem insinuari per locutionem externam in illis circumstantiis prolatam, (qualem viam nos aperuimus supra num. 70. & ostendimus interuenire quoties datur iusta restringendi causa,) negarunt tunc locutionem restrictam esse licitam; quod est rursus dissidium non in sententia sed in modo eam explicandi ac probandi. Atque ita puto patere autorum conciliationem.

Inanitas argumenti contra posteriorem sententiam propositi cap. 8. initio.

7. Cū autē autores posterioris sententiæ nihil negotij facessant prioribus, restaret dissoluendum argumentum quod à prioribus contra posteriores proferri retulimus superiori capite initio, sed quia illud argumentum crudè sumptum, omnes omnino restrictas locutiones æquè impetit, etiam eas quæ ab autoribus prioris sententiæ proponuntur, eoque à Barnesio omnium restrictarum locutionum exagitatore dirigitur, differam illud absolute excutere vsque ad eum locum quo depellam rationes quæ vsui mentalium reservationum inter loquendum ex iusta causa adhibitarum, obiiiciuntur. Nunc duntaxat dico, quantum ad rem præsentem attinet, seu quatenus prior sententia posteriorem eo argumento impetit, eneruatum manifestè esse argumentum illud ex proximè dictis. Urgebant enim priores autores, externam signifi-

cationem vocum quas exprimit is qui cum restrictione loquitur; eamque externam propositionis significationem, aiebant falsam esse, eo quod verba prout exterius prolata, atque adeo prout significantia, dissonent obiecto. Verum ipsimet differi non possunt, quin verbis prout exterius prolatis desit expressa significatio additionis subintellectæ, in euentu in quo ipsi admittunt subintellectionem verbis attingi, & implicite subindicari, eo quod præsumatur vel præsumi debeat ab audiente. Virgeri ergo contra eos similiter posset, interuenire tunc mendacium, quia homo profert pronunciatum quod scit non cohærere expressè cum mente quam exprimit, & quod quatenus exterius prolatum, ac proinde quatenus significans, dissonat obiecto, quæ erat ipsorum contra priores argumentatio supra proposita. Sicut ergo ipsi hoc facile retunderent, dicentes censeri expressum quod iuste subintelligitur, quia auditor debuit hoc præsumere, idque virtualiter siue implicite insinuat per verba prolata; ita autores posterioris sententiæ, non aliter respondebunt, sufficienterque elident hoc argumentum contra se intortum, si validè contritum fuit ab autoribus prioris sententiæ cum aduersus ipsos admoueretur. Quid verò ad illud argumentum, non ad hominem, vt nunc feci, sed absolute respondendum sit, dicam infra loco citato.

Iudicium de prioris sententiæ prima limitatione supra relata.

6. Perinde igitur est vtri ex duabus sententiis propo

Conciliatio utriusq; sententiæ propositæ. 181

propositis quis adhæreat. Ambæ enim idem docent, & ambabus communes sunt eadem difficultates. Ex limitationibus verò quas retuli cap. 8. num. 3. prima eatenus probanda est, quatenus sensus esse potest, longè plus exigi ut causa censetur idonea cum quis per seipsum infert sermonem mentaliter restrictum, quàm cum ab alio adactus & interrogazione pressus cum usurpat. Qui enim interrogat, laceffit interrogatum, eique vim quodammodo infert ad sic respondendum. Vnde immerito expostulat, se ab eo iustè adhibita subintellectione, verbis aliquatenus insinuata, delusum. At qui alloquitur sponte sua alium, non patitur, sed agit. Quare incumbit ei advertere, iustane ac sufficiens sit causa, ex qua simplicitati humanæ conuersationis incommodare aggreditur. Et quia in eum tanquam in primam originem refundetur quicquid contra leges simplicitatis eo restrictionum mentalium usu peccatum fuerit, si fortè non satis consultò ac consideratè adhibeatur: propterea sollicitior hic esse debet, quàm si temeratio simplicitatis, posito quod interueniat, deriuanda esset in alium.

Quod tamen fas sit, etiam non laceffito interrogazione aliena, adhibere sermonem mentaliter restrictum si iusta restringendi causa suppetat, existimò certum. Huiusmodi enim locutio, in eo euentu non est mendacium, ut constat ex dictis. Verba enim tametsi sponte prolata, tamen accipienda sunt in eo sensu quem ferunt quatenus instituta ad conuietum humanum, & rationabile commercium inter loquentem & audientem: unde quia supponitur adesse iusta causa reticendi

aliquid in mente adiunctum conceptui qui exprimitur, verba prolata cadent explicite in illud tantum quod rationabiliter aperiendum est, atque adeo implicite quoque attingent subintellectionem iustam. Quare nullum erit in ea locutione periculum mendacij. Præceptum verò affirmativum retinendæ verborum simplicitatis, cessat virgere ob interuentum iustæ causæ reticendi. Itaque non est vnde per se loquendo, seu spectatis solius veracitatis legibus, quas duntaxat hic moramur, deriuetur malitia in locutionem restrictam sponte prolata, si idonea restringendi causa non desit, definienda arbitrio prudentis, & admetienda ad ea quæ vniuersè circa illam constituimus, reprobantes omnem sermonem amphibologicum vel mente restrictum absque idonea causa.

*Reiicitur altera eiusdem sententia limitatio
adducta superius.*

9. Secunda limitatio superius item relata, est omnino ableganda. Eneruat enim & cassum prorsus reddit omnem prope restrictionum mentalium vsum iustum, & patentem ladicum aperit incommodis omnibus ob quæ declinanda vsus ille conceditur. Præterquàm quod euerit totum fundamentum, ex quo fas est, licitas aliquando ostendere inter respondendum restrictiones mentales. Declaro. Quotus quisque est, præsertim in iudiciis aut in negotio paulo grauiore, qui in expiscanda veritate omittat solemnia illa verba. *Age, profer quod nosti sine ambagibus, & nitidè effare sine ulla*

Conciliatio utriusq; sententia proposita. 183

ulla implexitate id quod est. Maximè verò qui inaudiuerunt quæ de amphibologicis & restrictis locutionibus à Nauarro & aliis prodita sunt, (ut vix est qui non inaudiuerit, nisi in re literaria & iudiciaria omnino hospes:) dubium non est, quin sint adhibitori modum interrogandi, quo vel ut plurimum in actu signato, vel in actu exercito, excludant omnem ambiguae ac restrictæ locutionis vsurpationem. Ergo liquet iuxta limitationem quam expendimus, irritum reddi omnem vsum responsionum mentaliter restrictarum & ambiguarum; adimique plerisque innocentibus, perfugium quo licitè declinare queant damnum sibi rebûsve suis imminens ab aliena iniquitate. Deinde malitia interrogantis, addentis interrogationi additamentum illud quo iniuste petit dimitti à respondente ambiguum, vel mentaliter restrictam responsionem; ea inquam malitia non facit, ut interrogatio sit rationabilis: unde cum sufficiat respondere ad interrogationem prout rationabilem, eo quod lex simpliciteris & veritatis non plus ferat, idque verbis responsionis, quatenus verba sunt, subindiceretur; perspicuum est responsionem restrictam fore idoneam, & cadentem super interrogationem quatenus rationabilem, etiam si interrogans excluderit irrationabiliter restrictionem. Idque nisi in hoc euentu admittatur, respondendæ similiter erunt vbilibet locutiones restrictæ & ambiguae. Quia si quid est, quod in hoc euentu ambiguitatem & restrictionem excludat, est voluntas interrogantis, nolentis secum agi eo modo, sed perspicuè & apertè. Atqui nemo esset qui interpretatiuè saltem & virtualiter, noller

agi semper secum candidè & absque vlla inuolutione. Nusquam ergo locus erit restrictis & ambiguis locutionibus, contra ipsummet huius limitationis autorem, quia aliena voluntas eas vbique excludet. Quod si opponas eam voluntatem plerumque esse irrationabilem ob iustam causam aliter loquendi & restringendi, & idcirco negligi salua honestate ; idem prorsus statuendum erit in re præsentì.

10. Quare meritò reliqui prioris sententiæ auctores , eam limitationem prætermiserunt. Imo aliqui expressè addiderunt, quantumcumque iniquus interrogator ingeminet , obtesteturque respondentem vt affirmet se candidè & sine vlla implexitate vel subauditione respondere ; saluum semper perstare ius respondentis, vt dicat se nulla vti ambiguitate ; inquantum scilicet idipsum explicare debet aut potest. Et idem latè habet Aragon. 22. *quest. 70. art. 1. conclus. 2.* quoad testem illegitimè interrogatum, quem admittit posse locutionem suam restringere mentaliter.

CAPVT X.

Esse aliquem locutionum mentaliter restrictarum licitum vsum ex idonea causa, cum sola veritas & simplicitas urgent, probatur Scripturæ autoritate.

1. **E**VICIMVS non nisi vnã esse Theologorum sententiam de vso licito locutionum

tionum mentaliter restrictarum; eosque qui concedunt illū, duntaxat si verba attentis circumstantiis cadant aliquo modo in restrictionem, non planè expressam, demonstrauimus consentire cum aliis, qui contenti sunt vero locutionis sensu, ex addito mente retento ob iustam causam. Quia quoties huiusmodi causa interueniet, locutio restricta, erit rationabilis: vnde verba quatenus instrumenta instituta ad conuictum rationabilem, cadent semper aliquomodo in restrictionem; quod iuxta quosuis prædictos autores, satis superque est ad mendacij declinationem, & immunitatem à quauis alia culpa, per se loquendo, vt nunc loquimur. Quare non erit quod in posterum simus solliciti de illo autorum in speciem pugnantium diffidio, sed quoscumque locutionem mentaliter ex idonea causa restrictam approbare compertum fuerit, veritati quam astruimus suffragatos esse iudicandum erit, præsertim contra Barnesium, qui omnes omnino restrictiones quomodocumque conditas, respuere videri vult. Priusquam tamen sententiam propositam Theologorum autoritate muniam, placet nonnulla Scripturæ & Sanctorum Patrum loca proferre, vt quæ est apud Catholicos arx veritatis, prima nobis eaque potentissima, pro veritate quam defendimus tela suppeditet, tametsi nō nisi selectiora quædam adducam studio breuitatis, dimissis aliis plerisque, vbique prostantibus, apud tractatores huius argumenti.

Denunciatio Ionæ restricta.

1. Ex veteri instrumento, optimus locus habetur

M s tur

tur Ionæ 3. vbi propheta Dei nomine denunciatur Niniuitis, subuersionem intra 40. dies, quæ tamen secutura non erat. *Adhuc*, inquit, *40. dies & Ninive subuertetur.* Quam subuersionem tamen aliqui mysticè accipiendam censuerint, prælucente D. Augustino in *psalm. 50.* ad illud *incerta & occulta,* & apertius 21. *Cinit. cap. 24.* tamen de materiali vrbis subuersione fuisse à Iona intellectam, indubitatum est ex metu Ionæ, ne condonante DEO ob consecutam animorum conuersionem & mysticam vrbis euersionem, ipse falsus vates haberetur: quod timendum illi non fuisset, si agnouisset in verbis suis, sensum illum mysticum. Fuisset enim ad manum responsio quam obiiicientibus falsum vaticinium obtruderet, se non de materiali, sed de mystica vrbis subuersione locutum. Apertè ergo Ionas in nomine Domini prænu-
ciauit materiale subuersionem vrbis Ninive, & eandem denunciari intendebat DEVS, vt obiectu impendentis ruinæ auerteret ciues illos à vita deprauatissima. Atqui huiusmodi prænu-
ciatio, absolute loquendo & vt verba sonant, falsa est, & dissona obiecto, neque enim consecuta est vrbis euersio *Niniuitis*, vt est apud Euchetium *hom. de initio quadrag. sententiam iam cadentem per pœnitentiam reuorquentibus*: & DEVS à quo Propheta ad eam locutionem impellebatur, satis nouerat non esse secuturam. Ergo vt sit saluus honor supremæ veritatis, necesse est in ea locutione subintelligere aliquid, quo ad verba exterius prolata adiuncto, locutio illa alioqui falsa, reddatur vera, vt optimè aduertit Gregor. in 1. d. 41. *quest. 2. artic. 2. ad 1.* & passim interpretes ad eû Ionæ locû, nempe

pe istud nisi ciues conuertantur & pœnitentiã agant.
3. Neque verò obtēdi potest id esse patens ex se,
atque adeo non subintelligi, sed illico incurrere
in oculos, ob prœiudiciũ cuique insitum de
summa Dei benignitate ad condonandum, si ho-
mo reueniat ad cor. Hoc inquam nō potest in prœ-
sentia obtendi. Nam quamuis DEVS pepigerit
cum peccatoribus de condonanda culpa quoties
ingemuerint, tamen quod attinet ad reatum pœ-
næ temporalis in hac vita luendæ, DEVS persæ-
pe non patitur se exorari: vt docuit pœna Dau-
idis in paruuli morte, & pœna Moysis ne ingrede-
retur terram promissam: idemque cernitur in aliis
plerisque exemplis quæ expendit S. Grego. 9.
Moral. c. 12. Consule in eandem sententiam Mich.
Medinam *l. de indulg. c. 8.* & Bellarm. *l. 4. de pœnit.*
cap. 3. Quia ergo triumphator sæpe non parcit
quoad has pœnas, nec suscipit pro redemptione
dona plurima, non potest elidi vis argumenti pro-
positi, dicendo, ex se patere quod posita Niniuita-
rum conuersione, DEVS robustam manum suam
in illos iam iam cadentem esset retorturus. Planè
ergo necessarium est subintelligere aliquid in eo
loco, ne, quod absit, diuina prænunciatio insimu-
lari queat mendacij. Atque ita habemus diuinum
exemplum, quo docemur fas esse ex iusta causa,
restringere mentaliter locutionem externam.

Item denunciatio Isaïæ.

4. Sed vt lucēs iam per se veritas, duplicata testi-
moniorū luce plus luceat, (vsurpabo enim & ipse
verba Cassiani *4. de Incarnat. cap. 3.*) simile in rem
nostram argumentū duco ex prænunciatione Isaïæ
in

in verbo Domini ad Ezechiam, Isaia 38. *Dispone domui tuae, quia morieris tu & non viues: & tamen postmodum iussus est Isaia regredi, & nuntiare Ezechiae, additos diuina liberalitate ad dies ipsius quindecim annos. Impossibile igitur est denunciationem illam mortis imminuentis, quae tamē postea tamdiu dilata est, indemnem à mendacio seruare, nisi subintelligatur aliquid, quod verbis expressè & apertè expressum non fuit, etiamsi in mente Dei prophetam ad loquendum mouentis, occurreret. Et ita id perspicuè intellexit S. Augustinus 6. de Genesi ad liter. c. 17. volens subintellectum quantum est ex vi morbi & spectatis inferioribus causis. Verba Augustini sunt. Multa secundum inferiores causas futura sunt, sicut ibi sunt; sed si ita sunt, & in praescientia Dei verè futura sunt. si autem ibi aliter sunt, ita potius futura sunt sicut ibi sunt, ubi qui praesent falli non potest. Nam futura dicitur senectus in iuvene, sed tamen futura non est, si ante moriturus est: hoc autem ita erit, sicut se habent aliae causa, siue in mundo contexta siue in Dei praescientia reservata. Nam secundum quasdam futurorum causas moriturus erat Ezechias, cui DEVS addidit quindecim annos ad vitam, id utique faciens quod ante constitutionem mundi se facturum esse praesciebat, & in sua voluntate seruabat. Non ergo id fecit quod futurum non erat: hoc enim magis erat futurum, quod se facturum esse praesciebat. Nec tamen illi anni additi rectè dicerentur, nisi aliquid adderetur quod se aliter in aliis causis habuerat. secundum aliquas igitur causas inferiores iam vitam finierat: secundum illas autem quae sunt in voluntate & praescientia Dei, qui ex aeternitate nouerat quid illo tempore facturum erat, & hoc verè futurum*

futurum erat : Tunc erat finiturus vitam, quando finivit vitam. Vides Augustinum apertissimè subscribentem mentali quarundam locutionum restrictioni.

Subscribit item S. Gregor. 12. *mor. c. 1.* eandem Isaiaë prænunciationem tractans, nisi quod aliam facit subintellectionem quam fecerit D. Augustinus. *Questio oritur, inquit S. Gregorius de Ezechia, quomodo ei per prophetam dicatur : Dispone domui tue quia morieris tu & non viues. Cui cum mortis sententia dicta est, protinus ad eius lachrymas est vita addita. Sed per prophetam Dominus dixit, quo tempore mori ipse merebatur: per largitatem verò misericordiae, illo eum tempore ad mortem distulit, quod ante secula ipse præsciuit. Nec propheta igitur fallax, quia tempus mortis innotuit (actiue pro denunciavit siue notificavit) quo vir ille mori merebatur, nec dominica statuta conuulsa sunt : quia ut ex largitate Dei anni vita crescerent, hoc quoque ante secula præfixum fuit, atque spatium vita quod inopinatè foris est additum, sine augmento in præscientia fuit intus statutum. En apertè quoque astipulantem instæ inter loquendum reticentiæ S. Gregorium. Cuius subintellectio in proposita Isaiaë locutione, tametsi diuersa est à subintellectione adhibita per D. Augustinum, eam tamen non excludit. Potuit enim Ezechias tempore per Isaiaam denunciato fuisse moriturus : & quia ita merebatur ob aliquas culpas, & quia causæ naturales ferebant ut tunc moreretur.*

Alia veteris Testamenti loca per Satyram.

3. Missam facio ingentem turbam aliorum veteris

ris

ris instrumenti locorum, quorum verbis secundum corticem falsis, subest veritas ex subintellectione aliqua. Sic enim Raphael *Tob. 1.* dixit se esse de filiis Israël, & Azariam Ananiz magni filium. Abraham *Genes. 22.* ad filij mactationem progrediens seruis denunciat reuersurū se ad illos cum puero postquam perfecisset sacrificium. Et percontanti filio ubi esset victima, respondit DEVM sibi victimam prouisurum. Iacob dixit se esse Esau, & fecisse quæ pater mandauerat. Iudith pleraque Holopherni dixit, verbo tenus falsa. Quomodo-cumque autem hæc loca exponantur, necessarium prorsus est subintellectionem aliquam facere vt veritas retineatur. Nam siue verba illa prolata sint in typo & imagine, siue spectata diuina ordinatione, siue iuxta notationem nominum, & denique quocumque alio modo ea verba à variis sacris interpretibus enodentur, manifestissimum est ea mendacio non vacatura, si nudus ipsorum cortex attendatur. Proindeque non excusantur nisi ratione congruæ subintellectionis.

6. Et de Raphaëlis quidem locutione, ambigi non potest salua fide quin vera fuerit. Itaque necessario aliquid subintelligendum est in illis eius locutionibus in speciem falsis, ac proinde mente restrictis. Abrahamum veteres in neutro responso damnant mendacij, & nefas sanè videri posset factum tam heroicum atque inter omnia Sanctorum heroica facta apud Patres celebratissimum, nominatimque apud Chrysostomum *hom. 3. in 2. Cor. in mor.* Basilium Seleuciz, Ephremum & Ambrosium locis mox allegandis, contaminari admissione mendacij eius splendorem infuscaturi. Qua-

re abigendus est Canus hæc Abrahami responsa
allatrans & mendacij damnans 2. de locis c. 4. con-
tra quàm passim fecere veteres qui eum mendacij
labe exemerunt utique ob iustam subintellectio-
nem ab eo locutionibus prædictis suppositam. Ex
eo porro quod non peruideret quem sensum ver-
bis eius Spiritus Sanctus occuleret imprudentem
prophetaſſe, grauissimi Patres dixerunt. Ita Basil.
Seleuc, orat. 7. *Imprudens quod futurum antedixit,
& dum eludit filium vera loquitur.* Pulchrè item S;
Ephrem sermone in Ionam prophetam. *Quemad-
modum Abraham suum cupiens consolari filium Isaac
inuitus prophetaſſe, sic quoque Niniuite inuiti vati-
cinabantur dum ipsi proprios consolari studebant fi-
lios. Isaac que ouis erat rationis compos sciscitabatur
de victima irrationali patrem: Pater mi (inquiens)
ubi est victima holocausti? Non mysterium reuelauit
Abraham ne illo tristitia affecto ipsius donum inqui-
naretur. Studebat Abraham immolare filium suum,
atque ut ex obscuris incertisque studebat, ita incerta
& obscura predicabat. Nam lingua Abrahe plus no-
uerat quàm cor, manebatque mens eius otiosa at lingua
vaticinabatur. Os cum soleat à corde addiscere, hic
cor edocetur ab ore mysteria futura. Ego & Isaac dixit
Abraham pueris suis postquam montem ascenderimus
reuertemur ad vos. Consulto enim Abraham ad pue-
ros dixit, ubi in montem ascenderimus ad vos reuer-
temur. Nam Abraham cum putaretur mentiri pro-
phetauit, non tamen mendax erat, quoniam veritatis
patrocinium gerebat. Egregiè Ambros. l. 1. de Abrah.
c. 8. *Prophetauit quod ignorabat. Ipse solus dispone-
bat redire immolato filio. Sed Dominus per os eius lo-
cutus est quod parabat.* Captiosè autem loquebatur*

*cum scruiis ne cognito negotio aut impediret aliquis aut gemitu obstreperet. Et mox tractans responsum filio datum. Et hic prophetat sermone non scientia. Ovis enim à Domino ad sacrificium parabatur, respondit denique similiter & Abraham. DEVS prouidebit sibi ouem ad holocaustum fili. Prophetauit igitur in his responsis Abraham, sed sermone tantum non scientia: idest quamuis liberè & ex certa scientia proferret verba quæ proferebat, non aduerte-
bat tamè sensum quem verbis illis obtegebat Spiritus Sanctus; & idcirco nisi iusta subintellectione aliquid in responsis illis suppressisset, non minùs potuisset mendacij argui (quod absit vt vel suspicemur) quam malignitatis & summæ nequitix re-
dargutus iure sit Caiphas, ea ipsa locutione quæ iuxta sensum illi à Spiritu sancto subiectum, prophetia erat. Vterque enim sermone tantum non scientia prophetabat. Iacobum autem, & Iuditham, aliosque similes in Scripturis memoratos, plerique intrepidè damnant mendacij. Sed melius graues plerique autores post S. Augustinum, omnia huiusmodi dicta purgant labe mendacij, eo quod existiment subiacuisse illis veritatè, congruæ alicuius subauditionis interuentu. Vide quos in eam sententiam adducunt Canus. 2. de locis cap. 4. Perer. in cap. 27. Genes. disp. 5. Magalianus in cap. 2. Iosue ad vers. 4. annot. 3. Serar. in cap. 13. Iudith q. 9. & 10. 7. Et quamuis constare certò non possit, verè ne huiusmodi personæ subintellectionem adhibuerint, & mendacium subintelligendo declinarint, vt autores prædicti affirmant; an subintellectione omissa mentitæ sint: tamen nemo nisi temerè diffiteri potest, quin sit probabile, quod plurimi lique
grauissimi*

grauissimi autores affirmarunt; nempe quod aliquid subintellegerint. Vnde enim constare vlli certò queat contrarium? Et cum is qui semper bonus est, non præsumatur malus nisi probetur, æquū est, vt personas, alioqui sanctissimas, & ipsius Spiritus Sancti testimonio in scriptura commendatas, habeamus pro innoxiiis, donec nocentes probentur; statuamusque eas quod facile fuit, & à SS. Patribus variisque Doctoribus concessum est, mendacij labem congrua subintellectione declinasse. Quare non modo locus ille Tobia in quo fixa est Barnesio crux, sed etiam cætera hominem adigent ad confessionem veritatis, nisi gratis irreuerentiam in Sanctas illas personas profiteri velit, & à Sanctorum Patrum ac Doctorum eas per congruam subauditionem à mēdacio liberantium, modestia desciscere.

Vna de plurimis restrictis Christi locutionibus.

8. E nouo Testamento cum possent plurima proferri, vnicum tamen locum vrgebo, sed palmarem, verèque ineluctabilem. Rogatus à discipulis Christus Dominus, qua die futurum esset vrbis Hierosolymitanæ excidium, facto inde transitu ad seculi consummationem docet Matth. 24. diem & horam consummationis illius, incompertam cuius esse, præterquam soli Patri. Et conceptis verbis apud Marcum *cap. 13.* additur, ipsum quoque filium nescire diem illum. Cum autem non liceat cum nonnullis veteribus hunc Arrianorum arietem extimescētibus, causari locum fuisse vitiatum; nec Christo siue quatenus Deo, siue quatenus ho-

N mini,

mini, possit sine scelere & hæresi, tribui diei illius ignoratio: eo quod quatenus DEVS sit ipsa Patris sapiëntia, quatenus autem homo est, habeat intra se omnes thesauros diuinæ scientiæ absconditos, proindeque eū quoque diē perspiciat quatenus homo, quāuis ratio perspiciēdi non sit humanitas nuda, sed eius cum Verbo cōiunctio. Cum inquam hæc ita se habeant, Sancti Patres & Catholici Doctores vno ore ac sensu docent, non esse ea Christi verba accipienda crudē ac secundum externum corticem duntaxat; quia eo pacto falsa essent: sed accipi debere cum aliqua subintellectione rationabili, quales varij varias proferunt vt videre est apud Bellarm. l. 4. de Christo c. 5. Molinam 1. p. q. 12. art. 8. disput. 5. membro 8. Didacum Ruis disput. 50. de Trinit. sect. 12. & passim apud alios. Omnes autem æquē causam nostram iuuant, sed illa maximē, quæ apud SS. Patres & DD. frequentior est & literæ congruentior, minusque cauillis patens, nempe quod *dies ille occultus etiam iudici dictus sit, non ad cognoscendum, sed ad prodendum.* verba sunt Sancti Augustini in psal. 9. ferè in fine. Qui item eodem omnino modo tametsi aliis vōcibus id exposuit conc. 1. in psal. 36. vtiliter, inquit, DEVS latere voluit illum diem, vt semper sit paratum cor ad expectandum quod esse venturum scit, & quando venturum sit, nescit. Quia verò Dominus noster IESVS CHRISTVS magister nobis missus est, etiam filium hominis dixit nescire illum diem, quia in magisterio eius non erat, vt per eum sciretur a nobis. Quid clarius aut in rem nostram expressius? Aut quid aliud dicunt, qui affirmant fas esse ex causa iusta scire aliquid ad cognoscendum non ad prodendum, & profiteri

Loca Scripturae pro usu licito restrict. 195
profiteri ignorantiam, eius quod nescias ad dicen-
dum?

Recidit planè eodem quod post longam con-
firmationem porrectæ ad hūc diem Christi scien-
tiæ dixit S. Hilar. 9. de Trinit. nempe professum
esse Christum huius dici ignorantiam, quia *tempus*
non erat loquendi. Et mox. *non nesciens intelligendus*
est nescire, sed loquens. Rursusque infra. *Agens ita-*
que se atque conformans hominem natum manens
DEVS Verbum, sapissimè in ea est professione qua ho-
mo est: cum tamen & protestatio Dei ea sit saepe qua
hominum, cum ea nescit qua aut non sint in tempore
confitenda, aut non agnoscuntur ad meritum. Intelli-
gendum itaque est cur professus est diem se nescire. Si
omnino nescire creditur, Apostolus ita contradicit. In
quò sunt omnes thesauri sapientia & scientia abscon-
diti. Est ergo abscondita scientia, qua quia absconden-
da est, interdum & nescientia confitenda est, ut possit
esse abscondita. Nam si erit in protestatione, non etiam
in secreto manebit. Negat ergo se scire, ut scientia
possit esse abscondita. Quod si idcirco nescit ut scien-
tia maneat abscondita, non per naturam nescit omnia
sciens, quod idcirco tantum ut absconditum sit, nescit.
Subiicit causam cur se Christus professus sit nes-
cire diem illum, quem optimè nouerat, aitque id-
circo ita factum, quia plurimum nostra intererat
ita fieri, ut expectatio indefinita, irremissam præ-
parationem teneret nostramque diligentiam acue-
ret. Quod elegantissimè quoque tradunt, hanc
ipsam expositionem verborum Christi confirman-
tes Basiliius l. 4. contra Eunom. Ambrosius l. 5. de
fide cap. 8. Hieron. in cap. 24. Matthæi, quem ibid.
exscribit creditus Anselmus, & Beda Marci 13.

Optimè Isidorus Pelus. l. 1. epist. 117. & Alcuinus 2. de Trinit. c. 12. & Cæsarius dialo. 1. aliàs q. Theologica 20. Nesciuit igitur Christus iudicij diem, non quod absolutè ignorauerit, sed quod nesciuerit ad dicendum, vel quatenus Magister, aut quia nostra intererat non detegi, vt prædicti Patres rectè tradunt. Eadem est plurimorum aliorum Patrum eum locum excutientium sententiâ: subscribuntque Scholastici & interpretes communiter, post S. Thomam 3. p. q. 10. art. 2. ad 1. Optimè à Castro V. DEVS *heresi* 8. Abul. in c. 24. *Matth.* q. 209. in fine, Guillaudus & Paulus de Palacio *ad idem caput in 6. expositione huius loci*, Franciscus Lucas Marci 13. & Anton. Peres *controuers.* 2. in *Euang.* cap. 15. quem Barnesius Magistrum agnoscit §. 32. Sed maluit esse discipulus super Magistrum.

CAPVT XI.

*Barnesij infixio in limo profundi, dum ex
Scripturis allegatis tentat emergere.*

1. **H**ÆSIT in his Scripturæ locis Barnesius, Hicòque ad rerum & solidæ responsionis defectum compensandum, ingens verborum profluium huc deriuauit. Congestis enim multis regulis, & corollariis ac documentis, quorum totus vsus est ad offundèdas lectori tenebras & obducendos oculos ne elabentem deprehendant, ac dum multa dicit, aliquid in rem dixisse existiment:
torrente

torrente quoque declamationis (sustineat lector hanc aurium vexationem, dum cum ineptiente ineptire cogor) contra semidoctulos obstrepentes & ad perdendam incognitam regionem mentalis referuationis, in disputatione corriuato, tanquam ad implendam fossam & aditu excludendam argumentationem nostram; difficultate præterea & obscuritate Scripturarum exaggerata, ne locum vllum communem prætermitteret à quo subsidium in tanta necessitate non peteret; etiam Luciani ope corrogata, ut quo familiarissime vitur (quod frequens allegatio ostendit) in hoc discrimine non careret adiutore: post longam denique lectoris vexationem & circumductionem; eo tandem deuenit ut diceret, absque mendacio sæpe fieri, ut verba non sumantur pleno & integro modo vsuali, sed in sensu aliquo præciso & formali, idque Prophetis notis, eo ipso quod prophetæ erant, concessum fuisse. Quod diuinum priuilegium Prophetis concessum, ut sæpe ingeminat, mox ipse autoritate propria, ad quemcumque virum grauem & probum extendit. Ex eo porro prophetico priuilegio factum vult, ut quandoque res aliter eueniant, quàm ferat prophetia, nec subfit tamen illi falsum, quia veritas prophetiæ salua est, sumendo verba secundum aliquam acceptionem præcisam in ordine ad præscientiam Dei, (quam propheta Deo mouente significat) & non in ordine ad rem absolutè & simpliciter acceptam.

Summa elusionum Barnesij ad loca proposita.

2. Sic igitur à Iona in sensu præciso prænunciata

ciatam Niniues subuersionem nunquam secutam, & ab Isaia mortem Ezechiae diuinitus impeditam. sic item Raphaël & Iacob in sensu præciso vero locuti sunt; Raphaël dum se Israëlitam & Azariam Ananiae filium dixit, quod ad literam falsum erat, sed verum in sensu præciso in totius quasi comediae exitu verificando, ad quod usque tempus Raphaël pium Tobiae tortorem, tentatorem & ludificatorem egit iuxta Barnesium, cui hic Raphaëlis iocus admodum arridet. Tamen si alium præterea profert præcisum sensum (cuius Angelo æquè ac Prophetis ius fuit) omnino verum. Nempe quod Raphaël se Azariam dixerit non natura sed repræsentatione. Quo item modo agnoscit in Iacobi verbis sensum præcisum quo se primogenitum & Esau appellauerit, nempe non natura sed priuilegio. Iudith præterea in sensu præciso, verè dixit quaecumque dixit in speciem falsa; quatenus non modo prophetica, sed etiam prophetice ex iussu Dei loquebatur, & more eorum qui à Deo aguntur, ac ex prophetico priuilegio, proferebat dicta in fine duntaxat totius locutionis verificanda, quasi ioco, ironice & ex Dei autoritate prolata. Denique Christus, magnus ille Propheta, in sensu præciso verè dixit, nescire se iudicii diem, non quod reuera & absolute diem illum ignoraret, sed quod nesciret illum, *in quantum erat purus homo*. Apage purum putum Nestorianismum, tot anathematismis in Concilio Ephesino & Chalcedonensi aliisque confixum. Sed Barnesius est qui loquitur §. 37. num. 6. Id si vel ipse, vel ex symmisticis eius aliquis, in libris Iesuitarum offenderet (quamuis intra paucas li-

neas ritè expositum) vt exultaret! vt & scripto & verbo proscinderet! vt vbiq; autorem, erroris & hæreseos infamatum vulgaret! Quod enim à Iustino in Tryphone de Iudæis Christianorum scripta vellicantibus dictum est aptè in Barnesium, eiusque symmistas quoad libros autorum Societatis IESV cadit. *Soletis sicut musca aduolare ad exulcerata, si qua inter plurima rectè dicta exciderint & vel unum quippiam quod aut vobis displiceat, aut non satis intelligitis, omissis ceteris egregiè dictis reprehendere, & quantumvis pusillum sit, tanquam impietatem insectari.* Ego contentus Barnesium inexcusabilis hæreseos arguisse, non insultabo prostrato, sed ea duntaxat supplicatione ad eum utar qua Hieronymus ad Augustinū epist. II. inter Augustinianas. *Oro te vt qui nostro vulnuscule medendum putas, quod acu foratum imo punctum vt dicitur, huius sententie medearis vulnere, quod lancea, & vt ita dicam, phalarica mole percussus est. Neque enim eiusdem est criminis in explanatione Scripturarum diuersas maiorum sententias ponere, & hæresim sceleratissimam rursus in Ecclesiam introducere.* Non inquam eiusdem est criminis Sanctorum Patrum & anteriorum Doctorum ac interpretum vestigiis insistendo agnoscere licitam esse posse æquiocationem ex iusta causa idque ex scripturarum vsu cōfirmare; quod ritè à Lessio factum; atque vt Scripturas perueras & quoquomodo eludere videre, quod hic strenuè factum ab aduersario, Nestorianismum diligentia Ecclesiæ iampridem sepultum altèque terræ infossum refodere. Summatim igitur ad Scripturas propositas, respondet quod retuli.

Barnesij battologia & mala fides.

3. Tantum porro abest ut cum in huiusmodi inuectione sensus præcisi, falsitatis insimulandum existimem, ut potius omnino approbandum statuum. Non tamen effugiet, quamvis præter insignis battologi notam, quam hoc maximè loco, quippe ipsi admodum impedito ac salebroso commeruit, dum sub verborum profusione rebus deficientibus latibulum aliquod captat; decus insuper ac prænomen reportet, vel hominis effutientis quæ non intelligit ut respondisse videatur cum nihil dixerit: vel certè mala fide ac nequiter agentis cum aliis, in quibus eam doctrinam tam acerbè & atrociter exagitet, quam ipse mutatis aliquantisper verbis tradat. Quid enim est locutiones propositas non esse sumendas in sensu verborum vsuali, sed in sensu præciso atque formali, nisi dicere locutiones illas fore quidem falsas si spectarentur secundum nudum corticem verborum, esse tamen veras quatenus spectatur in eis sensus aliquis latens, nec explicitè expressius, sed ad summum implicitè insinuatus per locutionem, ut in his circumstantiis & ex hac causa prolata? At hoc ipsum est quod locutionem mentaliter restrictam nominamus, & hoc totum repeteri dicimus in omni locutione quæ ex iusta causa non exprimat integrè exterius totum mentalem conceptum. Nam saltem quatenus est locutio hominis rationabiliter loquentis (quæ formalitas non potest à verbis ex iusta causa prolatis unquam seiungi) subindicat conceptum ex iusta causa

causa tacitum. Atque ita sensus ille præcisus, siue reduplicatiuus, cum non exprimitur explicitè per verba, sed ad summam subindiceretur & insinuetur per externam locutionem in his circumstantiis prolata, idem omnino est quod mentalis reseruationis quam hic Philologus tanto impetu exagitat.

4. Eia igitur Theologorum acuminatissime ac meritò compellande ea oratione qua Augustinus Maximinum affatus est l. 3. initio, *Quid tibi visum est tam multa dicere, & pro causa qua inter nos agitur nihil dicere; quasi hoc sit respondere posse, quod tacere non posse?* Quid verò intererat tam longa circumactione lassare lectorem in germani ac veri sensus Scripturarum propositarum inuestigatione, depulsis locutionum restrictarum (te quidem iudice) puris ac puris mendaciis, ut tandem ad idem punctum inutili molestia suscepta, pueriliter regrederere? Quomodo porro inter fundendum longo connixu & perdifficili parturitione infœlicem hunc fœtum, arctatum & miserè laceratum apparet ingeniū tuum (nam conscientiam in homine Monacho seponamus) dum si iudicij in te mica superfuit, & superfuisse volo, satis perspexisti hoc te longa contentione, & tua ac lectoris tui vexatione allecurum, ut eodem reipsa, miserrimè, volens nolens relabereris, unde aduersarios tanta cum ferocia & acerbitate deturbatos volueras? Sed sigillatim si placet consideremus, quæ vniuersè dicta minus peruaderes, aut te peruasisse dissimulares,

Sigillatim ad elusiones locorum Iona & Isaia.

5. Ionom dicis & Isaïam vera elucutos; quod tametsi neque Niniue subuersa est post dies 40. neque Ezechias vita functus nisi post annos 15. tamen prænnuntiatio Ionæ denunciantis subuersionem post quadraginta dies, ab ipsius Ionæ prima concione, vera fuit in sensu verborum formali atque præciso: quatenus scilicet sensus verborum erat, subuertendani ciuitatem nisi ciues mentem mutarent & conuerterentur ad DEVM. At hunc sensum præcisum non fuisse à Iona verbis expromptum distinctè & explicite, tu ipse annuis. Erat igitur occultus & subintellectus, & ad summum quoquo modo subindicatus verbis illis prænnuntiationis, vt prodeuntibus à Propheeta rationabiliter subtriciente sensum illum præcisum, quia nec certus erat eum subesse, nec diuinitus mandatum acceperat, vt eum euulgaret. Habes ergo etiam secundum principia & regulas quas ipsemet posuisti locutionem mentaliter restrictam in verbis Ionæ, non aliter fabricatam, quàm illi ipsi confici velint, de quorum exagitatione stipulatus es. In verbis Isaïæ ad Ezechiam ne eadem more tuo frustra regeram, eadem mentalis restrictio, aut (vt tu loqui mauis) idem sensus præcisus subintellectus, nec verbis expressus explicite, citra aliam expensionem se prodit. Et quanquam in sensu præciso harum Ionæ & Isaïæ locutionum apertendo, quod maximè faciendum fuerat, indigentiam tuam prodidisti, sed consultò quis ille sensus esset subtriciuisti, quia eo sensu exhibito,

mani

Infixio Barnesij in limo circa, &c. 203
manifestè deprehensus fuisses assertor mentalium
restrictionum, quarum vis haberi profligator; nos
tamen hoc ipso capite; sensum illum præcisum, ac
subintellectionem satis exposuimus, ut non sit ne-
cesse ultra hæreere.

*Ludus Barnesij ad dicta de Raphaële agente
cum Tobia.*

G. De Raphaële malè omnino meritis es, qui
eum & *tentatorem* facis, quasi te fugeret cuius id
Angeli nomen sit Matth. 4. & *tortorem* quod est
etiam Satanæ cognomentum apud eun-
dem Euangelistam cap. 28. & denique *pium ludi-
ficatorem*. Tantum non dixisti histrionem super
scenam non veritati sed fabulæ seruientem, aus
de triobolaribus illis spargyricis qui plebeculæ in
triuuiis imponunt, vnum; tamen non in compi-
tis multitudinem, sed priuatim Sanctos Dei fa-
mulos ludificantem. Quanquam & hoc ipsum
satis expressisti, cum ioco omnia ab eo peracta,
tibi excidere passus es. Quàm enim id grauiter
abs te consentaneè ad Angeli dignitatem scri-
ptum fuerit: quàm serio egeris tam plenum pie-
tatis ministerium in iocum vertendo non exag-
gero. Dissimulo præterea quàm insuper ineptè
addideris in illa locutione, *ego sum Ananias, Azar-
ie magni filius*, gessisse Angelum personam exa-
minatoris, cui doctrinam personæ, gradum ali-
quem literarium capeffentis exploranti, fas est
aliquid alias falsum asseuerare in speciem, ut ex
responso constet de candidati idoneitate ac do-
ctrina. Vel certè gessisse personam Magistratus,
qui

qui distentum in equuleo reum torquet, & adigit ad confessionem veritatis. Ita enim planè ferunt quæ habes §. 46. n. 8. iuncto §. 42. n. 9. Has inquam lectoris ludificationes, dissimulandas video: & condonandas homini, cui propositum non fuit difficultatem elidere, sed quoquo modo, aptè vel ineptè eludere, & respondentis personam sustinere nihil reuera respondendo, sed vt exitus patefaciet omnia per iocum, & vt fabulæ seruiret, agèdo. Quidni enim Barnesio liceat cum lectore, quod ab Angelo cum viro Sanctissimo vsurpatum comminiscitur? Obiter itaque tantum aduerto, quod est per se euentissimum, nihil in ea Raphaëlis locutione cum examine scholastico, nihil cum iudiciaria rei iniustè crimen celantis, ideòque tormentis subiecti interrogatione, commune esse. Sed dimittamus hæc de Sancto Angelo, partim irreuerenter, partim insulsè dicta.

7. Pergamus ad sensum illum præcisum, quem præterea in ea Raphaëlis locutione, vt veritatem eius tueri liceat, admittit Barnesius. Ait namque significatum esse, Angelum habere formam externam, repræsentationem, pietatem, & varia accidentia Azariæ. quo eodem sensu præciso, Angelus repræsentans DEVM, dicit se esse DEVM, Exodi 20. alibique infinities. Quamquam mox hunc ipsum sensum, euertit exhibito altiore, quo vult Angelum dixisse se Azariam & filium Israël, significando coniunctionem & necessitudinem quæ sanctis Angelis cum quibuscumque piis hominibus intercedit, & ratione cuius Angelus repræsentat pios homines, cuiusmodi erat Azarias. Què sensum præcisum, liquet euertere priorem, quia
hæc

hæc repræsentatio per charitatem seu verius coniunctio, quæ admodum distortè appellatur repræsentatio, cadit in omnes pios. Repræsentatio autè ratione externæ formæ, cæterorûmque sensibilibus Azariæ adiunctorum, erat peculiaris Azariæ. Vnde iuxta priorem sensum præcisum, Angelus, æque se Abrahamum, vel Noëmum, aut alium quemcumque pium hominem, dicere poterat: non item iuxta secundum sensum, qui ad Azariam arctatur. Vt ut sit quemcumque tandem sensum præcisum in illis Angeli verbis excogitet Barnesius, perspicuum est eum sensum cortice externo verborum non exprimi distinctè ac explicite, sicut erat in loquentis mente. Ergo per congruam subintellectionem supplebatur quod extremæ verborum faciei deerat; & ad summum per externa verba implicite subindicabatur. At hoc ipsum est, quod locutionem mentaliter restrictam dicimus. Vt proinde manifestum sit, totum illum laborem quo Barnesius in sensu præciso verborum Raphaelis aperiendo defungitur, infelicitè prorsus ei cedere, nec nisi ad confirmandam sententiam quam tanto nisu impetit, omniâque quibus aduersus eam vititur, eneruanda & labefactanda valere.

Ineptia circa dictum Iacobi, Ego sum Esau.

8. Idem prorsus statuendum de eo Iacobi dicto, *Ego sum Esau primogenitus tuus*. Vbi planè possum Barnesio occinere illa Thomæ Waldensis verba 1. 1. l. 1. c. 28. *luctatur cum argumento, sicut Iacob cum Angelo, quousque emarcuerit nervus in femore,*

femore , & sua ipsius responsione succumbat. Ait enim Barnesius sensum verborum illorum hunc esse, præcisum quidem sed verum, Ego sum primogenitus tuus Esau , iure ac privilegio , ita vt nomen Esau eo loco non designet personam & proprietates indiuiduales Esau , sed personam habentem ius primogenituræ ex diuina ordinatione. Et quamuis Isaac interrogasset de persona physica Esau , tamen attendendo practicam intentionem Isaaci, quæ erat elargiri benedictionem ei cui diuinitus destinabatur, rectè responsio Iacobi cecidit in interrogationem : quia verè ipse erat primogenitus, cui ex diuina electione debebatur benedictio. Quare concludit Barnesius , non esse quod ad tuendam veritatem dicti à Iacobo prolati censeamus nos adigi ad paradoxum restrictionis mentalis, cum sufficiat sensus præcisus verus quem ex Augustino eruit §. 38. n. 9. & 10. & §. 41. n. 8. vultque hunc esse , quod Iacob dixerit se esse Esau & cætera omnia in speciem falsa protulerit intendens sensum verum à Spiritu sancto ad ea verba mouente illis subiectum.

Verum si vlla vsquam fuit locutio mentaliter restricta, affabrè concinnata ; hæc certè est, etiam prout Barnesius eâ exponit. Neque Lessius, cuius sententiâ tanto impetu exagitandam suscepit, aliud reuera intendit. Sed ex hac Iacobi ad Isaacum locutione, eo qui nunc relatus est sensu spectata, & eisdem verbis expressa, duxit argumentum ad probandû licitum vsû locutionis mentaliter restrictæ ex idonea causa. Estq; verè potentissima argumentatio. Habetur enim in illis Iacobi verbis falsitas in speciem, siue spectando præcisè quod explicite & distin

distinctè significabatur per verba: quandoquidem Iacob nō erat Esau, primogenitus Isaac, quod vnū distinctè exprimebatur ea Iacobi locutione, cui nihilominus suberat veritas: quia Iacob, etiā si natura non erat Esau primogenitus, erat tamen munere ad quod diuina destinatione assumptus erat, idq; verbis illis subindicabatur, quatenus redditus ad interrogationem Isaac, factam rationabiliter, siue consentaneè ad voluntatē Dei & eum cui ex diuina voluntate debebatur primogenituræ ius & benedictio, quo etiam modo subintellectionem à Iacobo pressam expressit Ioannes de Celaya 4. *Ethic. cap. 7.* Cum autem hæc sit medulla totius doctrinæ de mentaliter restrictis locutionibus ex iusta causa, eamque doctrinam explicatissimè hoc loco tradat Barnesius, considerandum lectori relinquo, an non omnes anathematismi, & conuicia, ac probra, quibus Lessij sententiam singulis prope paginis onerat in ipsius Barnesij caput recidunt, valeatque hic illud Psaltis. *Caput circuitum eorum, labor labiorum ipsorum operiet eos.* Et fortassis vt hos suos anathematismos effugeret homoiocularis §. 46. n. 7. aliam responsionem confinxit, nempe hæc per iocum dicta à Iacobo. quæ solutio quanti facienda sit mox patebit.

Locus Barnesij circa Iudithæ dicta.

9. Iam verò quod Iudithæ ad Holofernem locutiones in speciem falsas, Barnesius inde à mendacio eximit, quod ironicè & irrisoriè ac per iocum prolatae sint, nec debuerint nisi in exitu & catastrophe agnosci veræ, nunc quidem non excutio,

cutio, quàm commodè ab eo inuectum sit. Video enim aperiri hinc aditum, omnibus quibus iusta causa suppetet verbis deludendi alium, qualis Iudithæ suppetiit, non difficilius deludendi, quàm per locutionem mente restrictam. Quare omnia incommoda quibus inuidiam constare satagit doctrinæ de locutionibus mentaliter restrictis, hac data porta ruent, non minus quàm si restrictiones & æquiocationes quæcumque admitterentur. Sed hoc vt dixi nunc non ago. Infra enim multipliciter patefaciam, quàm improuidè Barnesius, simplicitati humani conuictus consuluerit, obstructo fallaciarum aditu per locutiones ambiguas & mente restrictas, apertis autem pluribus ad fallendum ostiis, nec angustioribus, vel aditus operosioris, sed patentissimis & citra laborem peruiis.

Itaque hoc in præsentia dimisso, interrogo duntaxat, an Iuditha irrisoriè & per iocum ac ironicè omnia illa proferens quæ seriò prolata, falsa fuissent, innueret aliqua ratione exterius, nutu scilicet, gestu, aut certo vocis tono (vt fere iocantes & irrisoriè vel ironicè loquentes solent) se non seriò sed ioco & ironicè agere. Non opinor eò amentix deuenturum Barnesium, vt censeat prudentissimam scæminam hosti sæuissimo extorneri aliqua iocorum, ironiæ, ac derisionis indicia præbituram, cum præsentis capitis discrimine. Igitur iocus, irrisio, & ironia Iudithæ, latebat Holopherntem, quem ipsa alloquebatur, nec poterat Holophernes ex vlllo signo externo distincto à vocibus, reptare ad notitiam latentis ironiæ ac irrisionis. Ipsæ porro voces quas Iuditha proferebat, non
expri

exprimebant explicitè ac distinctè aliud, quàm quod Holophernes, aliique illi astantes percipiebant, quod à veritate longè aberat. Ergo fatendum est cum S. Thoma 2. 2. q. 110. art. 3. ad 3. verba Iudithæ veritatem tantum sortita fuisse, *Secundum aliquem mysticum intellectum*, quem si velimus esse irrisorium & ironicum, (quod non arbitròr rectè asseri, & saniori ac potiori interpretum parti meritò displicet) parum referet: nam etiam ironia & irrisio & quæcumque aliæ huiusmodi figuratæ locutiones obiecto in speciem dissonantes (de iis enim duntaxat id dicitur non de aliis verborum aut sententiarum figuris vt admodum pueriliter declamat Barnesius §. 38. à n. 11. ad 16.) vt veritatem retineant nec mendaciis annumerentur, necesse est vt per rationabilem loquentis subintellectionem externis verbis coniunctam, & per ea tantum quatenus sunt hominis rationabiliter loquentis subindicatam, conformentur obiecto quod enunciatur, cum quo alioqui dissonarent, essentque mendacia, nullo vt supponimus externo signo prædente contrarium eius quod verba ferunt. Nam si tale aliquod signum suppeteret, puta gestus, aut ea vocis inflexio quæ apertè denotaret antiphrasim, nulla esset subintellectio necessaria, ad astruendam huiusmodi locutionis veritatem. Quia signum illud vocibus adiunctum, exprimeret explicitè ac distinctè vocum antiphrasim, & contrariam vsui earum vulgato, acceptionem.

*Crux Barnesio fixa in Christi dicto,
De die illa, &c.*

10. Tandem circa dictum Christi profitentis suam de iudicij die ignorantiam, hæsit Barnesius æquè infixus in limo profundi, ac circa dicta anteriora hætenus expensa. Quamvis enim visus sibi est emergere interposito sensus præcisi subsidio, tamen cum sensum à subintellectione rationabili quæ in locutione restricta includitur, non differre, satis hætenus monstratum est: & ij ipsi qui locutiones mentaliter restrictas ex eo Christi dicto confirmant, non alium ei sensum tribuunt, quam quem Barnesius præcisum & formalem appellavit, ut iis verborum pedicis lectorem solutionis apparenti novitate defixum, facilius irretiret. Quod si reuera sensus ille præcisus, implicite tantum expressus, aliud esset quàm quem ex Patribus & Doctoribus superiori capite adduximus, oculatiorem se Barnesius tot SS. Patribus Ecclesiæ luminibus profiteretur; qui crassam hæresim ei loco inædificantibus, hinc Arrianis, inde Agnoitis, non potuissent ad hunc recensitum sensum advertere, sed beneficio tantum alicuius rationalis subintellectionis à Christo factæ qualem supra expressimus, prædictis erroribus occurrissent.

11. Est autem, priusquam hinc abeo, quod Barnesium moneam, tametsi dicam ei non impingam quod Christum prophetam appelleret, iuxta D. Thomam 3. p. quæst. 7. art. 8. & plurimos Patres quorum loca proferunt ibi Suarez d. 21. s. 1. Valsques *ad eum articulum* & alij, perperam tamen
ab

ab eo asseri, quod Christus in hac responsione qua Apostolis negavit notitiam diei nouissimæ, egerit prophetam. Si enim rationem aut etiam nomen ipsum prophetiæ considerasset, vidisset profectò, quàm procul à prophetica locutione absit dictum illud Christi; id quod etiam extendendum est ad pleraque cæterarum personarum de quibus egi-
mus pronunciata in speciem falsa, quæ Barnesius vt latibulum aliquod implexæ solutionis excogitet, prophetias esse diuinat. Incongruè præterea & vt mitissimè dicam, ridiculè, aliquoties in hac disputatione de Scripturæ locis facultatem loquendi reduplicatiuè, & in sensu præciso, nominat priuilegium propheticum de quo locutus sit Christus, aliique sancti homines, quorum hæcenus dicta expendimus. Vt quid enim priuilegium dicitur propheticum, quod cuius viro graui, probo atque veraci de quo non præsumatur quod mentiri velit, æquè competit, potestatem eius faciente Barnesio §. 37. num. 2. An diuinitus facta est Barnesio copia elargiendi propheticum spiritum, vnàque priuilegium propheticum, cuius viro graui ac probo & veraci? An propheticus afflatus iuxta quorundam errorem Barnesio fortè arridentem, merè naturalis est, vt proinde priuilegium propheticum potuerit ab eo soli grauitati & naturali veracitati, cuiusuis quomodolibet pro-
bi hominis adiungi? Vtrumuis eligat Barnesius, iudicio Catholicæ Ecclesiæ damnas erit.

*Rectène Barnesius circa loca hæc lenius expensa
statuat, posse DEVM sine culpa mentiri,
non item hominem nisi de eius licentia.*

12. Postremò quod aliquoties in expensione locorum Scripturæ circa hoc negotium allegatorum, admonet; si licuit Sanctis sensum aliquem verborum ab extima eorum veluti superficie alienum, intendere ex diuina concessione, fas similiter non esse cuius propria autoritate idem præstare: hæc inquam monitio, hominis est qui vel mendacij naturam non satis perspexerit, vel quod mendacibus sæpe incommodat, memoriæ infidelitate laboret. Nam si non licet cuius ex idonea causa sensum præcisum & formalem vocibus extimis duntaxat subindicatum, locutioni suæ appingere, ratio tantum est, quia qui ita loqueretur, mendacium admitteret. Id enim est vnicum Barnesij contra locutiones restrictas fundamentum. Atqui nec DEVS ipse mentiri, nec cum aliis, vt licetè mentiantur dispensare potest, cum mendacium sit suapte natura & intrinsecè malum, vt cum D. Augustino & communi sententia posui cap. 2. Ac ne de potentia quidem absoluta posse DEVM mentiri, latè confirmat Gregor. *in 1. d. 41. quest. 2.* & alij quos referunt ac sequuntur Suar. *disp. 3. de fide sect. 5. num. 6.* Valentia *2. 2. d. 1. q. 1. p. 3. conclus. 2.* contra Hibernicum, Alliacensem, Holcotum, Adamium & Gabrielem. Ergo nec DEVS ipse, eo modo loqui poterit, nec vllus ex eius concessione. Vel si DEO id licet, aut creaturæ ex eius consensu peculiari, æquè absque eo licebit:

Suffragium Patrum pro restrictionib. 213
licebit: dummodo nec positivus DEI dissensus
interponatur, nec desit idonea causa, quæ potest
absque dubio plerumque in humanis rebus, silen-
te DEO interuenire.

C A P V T X I I.

*Eadem licita usurpatio locutionum menta-
liter restrictarum ex idonea causa, ur-
gentibus duntaxat simplicitate & veri-
tate, Sanctorum Patrum autoritate com-
munitur.*

I. **S**ECUNDVM Scripturas, penes quas per
Ecclesiam fidei magistram ac regulam vi-
uam expositas, est summa autoritas apud Catho-
licos, magni omnino ponderis est autoritas SS. Pa-
trum, quibus Ecclesia plantatoribus, rigatoribus,
adificatoribus, pastoribus, nutritoribus crenit, vt Au-
gustinus rectè dixit 2. contra Iulianum. Quare per-
pensis in rem nostram Scripturæ locis, sequitur
vt quæ fuerit in præsentì controuersia mens San-
ctorum Patrum, hoc capite disquiramus. Quan-
quam liberauit nos bona parte huius laboris, ex-
pensio Scripturarum proximè propositarum, per
quam occasionem illustra & plurima Patrum cas-
adhibita mentali restrictione exponentium, loca
recensita sunt, quorum aliqua lapidiora regustan-
la exhibere aliisque additis lectoris mentem ad

instructissima quasi repotia adhibere suauissimum erit.

Mens Patrum in hanc rem prodita inter exponendum Scripturas propositas,

Igitur circa eum Christi locum, quo suam de iudicij die ignorantiam (tamen si eius reuera conscius,) profitebatur, dedi grauissimos Patres Hilarium, *latina eloquentia Rhodanum* nomenclatore Hieronymo; Ambrosium, *scriptorum inter Latinos florem speciosum*, iudice apud Augustinum Pelagio; Basilium *Spiritus sancti lusciniā* iuxta Nyssenum; *Catholicorum magistrum & diuinum Ecclesie uniuersae Lychnuchum* Hieronymum, iuxta Cassianum denique *fistulam aque viuae & venam fontis aeterni* Augustinum, ex Paulino. Alios praeterea posteriores addidi, quorum apertissima fuit sententia Christum per mentalem restrictionem dixisse, se nescire, non quod reuera nesciret, sed quod nesciret ad prodendum; vel quatenus Magister; cuius, cum rationabiliter discipulos alloquitur, tantum est docere vtilia auditori: atque ita cum futurum esset discipulis nobisque inutile, agnoscere diem illum vltimum, imo potius vtilissimum esset ignorari, *ut dum certa futuri iudicij momenta nescimus*; verba sunt Ambrosij s. *de fide cap. 8. semper tanquam in excubiis constituti, & in quadam virtutis specula collocati, peccandi consuetudinem declinemus, ne nos inter vitia dies Domini deprehendat*: affirmant praedicti Patres Christum dixisse se nescire, subintelligendo *ad dicendum*. Et consequenter admittunt fas esse cuique ex ido-

Suffragium Patrum pro restrictionib. 215

ea causa, similem loquendi cum aliis modum
surpare, & Christum qui vbique esse debet for-
sa nostra, imitari hac quoque in parte. Neque
nim id Christo speciali prerogatiua concessum
sunt Patres, nobis autem negatum. quando-
idem vt non ita multo ante argumentabar, si
obis id negatur, non aliam ob causam negatur,
iam quia mendacium est, si ita alium alloqua-
ur, vt dicamus nos nescire quod reuera scimus,
subintelligendo *ad prodendum*, vel tanquam Ma-
stros, quales esse respectu alterius non debe-
us, cum docere eum rem aliquam, sine nostro
vse damno non possumus. Atqui si semel ad-
mittamus id esse mendacium respectu nostri, fo-
et etiam mendacium respectu Christi: proinde
ie in eius ore esset inuentum mendacium con-
a Apostolum. Igitur plana & aperta predicto-
m Patrum sententia est, fas esse ex idonea causa
qui cum mentali restrictione. Aut vt omnino
inesij os oppilem, fas esse cum res fert, negare
impertum nobis esse quod est reuera comper-
m, subintelligendo *ad prodendum* siue *ad dicen-*
m ei cui dici non expedit.

Elucidant egregie hanc Patrum sententiam
rba Theophylacti in cap. 24. *Matthæi*, qui Chri-
m ea locutione homines imitatum, ac proinde
rum inter loquendum iustas subintellectiones
as habuisse, in hunc modum tradit, exponens
um Matthæi locum ad quem Patres eam quam
o doctrinam expresserunt. *Docet hoc loco di-*
pulos, vt discant non querere humanam naturam
transcendentia. Nam dum dicit neque Angeli, ad-
net eos ne discere attendant, id quod Angeli igno-

rant. Et dum dicit, Pater solus, prohibet eos anniti ut discant postea. Quod si dixisset eis; scio quidem, vobis autem dicere nolo, contristati essent utique, quasi despecti ab eo. Nunc autem dicit, quod neque filius novit, nisi Pater solus. Sicut & patres saepe continent quid in manibus, (cultellum v.g. aliudve quid quod prehensum noceret paruulo) deinde autem dum querunt hoc filij, & dare ipsi nolunt, occultant dicentes non habemus quod queritis, & sic plorantes filios compescunt. Ita & Dominus compescens Apostolos, ne discant de die illo & hora, dixit. Neque ego scio, nisi Pater solus. Scit enim & ipse horam & diem illum, &c. sed utiliter hunc non aperuit. Nobis enim scire non prodest quando erit consummatio, ne ignavi simus. Ignorantia enim nos facit alacres. Haecenus Theophilactus, disertissime ut vides Christi locutionem restrictam, ex humano loquendi more (quem proinde ratum habuit,) expressam docens.

Item ad locum ex capite 7. Ioannis.

3. Eum quem dixi sensum plurimorum Patrum in hac controuersia, eruere praeterea licet ex illis quae disputant circa locum illum Euangelij Ioan. cap. 7. quo Christus cognatis hortantibus ut ad diem festum ascenderet, nec caperet latibulum, quem aiebant quærere in palam esse; respondit. *Vos ascendite ad diem festum hunc. Ego non ascendendo ad diem festum istum.* Qui locus tametsi iuxta lectionem multorum Græcorum codicum, eum sensum faciat cui nulla subintellectio sit necessaria: legunt enim *ἐγὼ ἀναβαίνω, nondum ascende,*
non

non autē vt in vulgata legimus, *non ascendam*, vel *non ascendo*. Tamen si vulgatam lectionem retineamus, eiusque simplicem sensum qui & latinis prope omnibus apud Maldonatum, & Græcis plerisque placuisse videtur, multoque magis cohæret cum Christi consilio, vt idem Maldonatus rectè ponderat: omnino admittenda erit subintellectio.

Et quicquid sit an ipse locus eam exigat, quod nunc non ago, tamen bene multi Patres de quorum duntaxat mente hic sum sollicitus, censuerunt ad veritatem eius loci retinendam, & abigendum Porphyrium (quem inde Christum allatrasse prodit Hieron. l. 2. *aduers. Pelag.*) adhibendam esse subintellectionem, ita vt locutio sit restricta, quod cum veritate non pugnare satis agnoscunt prædicti Patres, eo ipso quod Christo eum loquendi modum tribuunt. Varias illas subintellectiones à plerisque Patribus ad illius loci interpretationem adhibitas, si quis scire auct, adeat Toletum annot. 10. ad illud caput Ioannis, & Maldonatum in eundem locum. Et vnā accomodatissimā suggerit Barnesius §. 48. num. 5. dum cupiens se ex eo loco extricare magis implicatur, tandemque turpiter euertit sententiam suam, dicens sensum Christi fuisse, *non ascendam* quousque tempus opportunum aduenerit. Quod cum verbis ipsis explicitè non prodatur, fatendum est subintelligi; atque adeo locutio, ipsiusmet aduersarij confessione, est restricta, si verus illius loci sensus spectetur, quem etiam aduersarius ex Francisci Lucæ correctionibus Romanæ Bibliæ, (pax sit Despauterij manibus quos hic Grammaticæ lanius toties turbat,) stabiliri posse contendit, Itaque potest

locus ille iuxta aduersarium, directè vrgeri pro veritate quam contra ipsum asserimus. Mihi tamen quod interpretem hic non agam, nec loci prædicti verus sensus nunc quæratur, sed tantum quid Patres eius loci occasione prodiderint de veritate locutionum mentaliter restrictarum ex idonea causa, longiore in hoc loco immoratione supersedendum existimo.

*Alia Patrum testimonia, Gregory inprimis
& Augustini.*

4. Sunt præterea apud aliquos Patres insignia in hanc rem testimonia, quibus absolutè docent, fas esse salua veritate & nullatenus violato numine, vsurpare locutionem quæ iuxta externum verborum corticem videatur falsa, à mendacio tamen semoueat per iustam subterfugientiam. Illustrissimè S. Gregor. lib. 6. in 1. Reg. cap. tertio, cum dixisset Tyrannorum versutiã atque sanitiã quandoque esse pia fraude deludendam, & obuienda eis quæ credant, ut nocendi aditum non inueniant: subdit, id ita præstandum esse, ut caueatur culpa mendacij, quod tunc bene perficitur, cum illud sit quod asseritur, sed quod sit sic dicitur, ut celetur; quia ex parte dicitur, & ex parte reticetur. Non potuit apertius & explicatius proponere quod hic asserimus.

Subobscurius D. Augustinus in psalm. 5. eodem tamen ut arbitror sensu, dixit, in discrimine alienæ vitæ corporalis aut etiam propriæ, non esse quidem vnquam mentiendum, fas tamen esse verum tacere & occultare. Quam occultationem & taciturnitatem, eandem necesse est admittere in hac Augustini sententia, quam in proximè relata

Suffragium Patrum pro restrictionib. 219

ata ex Gregorio, qui Augustinum imitari solet; hoc est taciturnitatem & occultationem quasi positivam per verba restricta vel ambigua, non autem merè negativam, quæ ægrè potest vsus illos habere, ad quorum assecutionem Augustinus verè occultationem concedit. Fauétque exemplum sine, quod innox Augustinus ad honestatem occultationis verè aperiendam adhibet: nempe eius qui furentis gladium apud se depositum habens, eposcante furioso negat se redditurum; quæ non est mera ommissio restitutionis vt per se patet, sed positiua inficiatio ob mutatum domini statum, & istam causam eum priuandi re sua. Quia ergo similiter Augustinus ait, cum res fert esse tacendum verum, & occultandum; de ea profectò taciturnitate & occultatione positiua videtur agere, uam verbis S. Gregorij proposuimus, & ipse Gregorius ex Augustino videtur expressisse.

Suffragium Synesij facto ipso & vsu collatum.

. Eruditionem sanctimoniamque Synesij Pro-
emaidis Episcopi nemo ignorat qui in politiore
literatura & Patrum lectione hospes non sit. Est
pud eum in rem nostram locus insignis *epistola*
os. quem proferre placet vt hominis sanctissi-
ni & sapientissimi facto os aduersarij contun-
lam, agnoscatque quos impetat cum in locutio-
es restrictas adeo petulanter bacchatur. Nititur
o loco Synesius omni cura subducere se Episco-
patui ad quod postulabatur. Itaque vt Theophilo
Alexandrino cæterisque quorum intererat inii-
eretur metus lupum pro pastore præficiendi ou-
i Christi, imparem se moli illi negotiorum quæ
Episcopale

Episcopale munus consequitur, multis præterea inolitisque sordibus inquinatum profitetur. Describit suam ad omne ludorum genus propensionem, alienam prorsus ab Episcopo, quem ait *diuinum esse hominem oportere, utpote qui ab omni ludo peraquè atque DEVS ipse alienus & inexorabilis esse debeat*. Addit coniugij se nexibus illigatum ad eam diem fuisse, & neque ab vxore prorsus se iungi velle, quod necesse foret præstare Episcopum; neque quod nefarium esset velle cum ea clanculum adulteri instar consuescere. Omnium verò maximè vrget fixum sibi ac certum esse dogmata quædam quæ Philosophus combibisset & demonstratione firmata haberet non abiicere, quâuis cum Christianis scitis non consentientia. *Etenim*, inquit, *nunquam profectò mihi persuasero animum origine esse posteriorem corpore. Mundum ceterasque eius partes, vnâ interire nunquam dixero. Tritam illam ac decantatam resurrectionem sacrum quippiam atque arcanum arbitror: longèque absum ab vulgi opinionibus comprobandis. Animus certè quidem Philosophia imbutus ac veritatis inspector mentiendi necessitati nonnihil remittit. Lux enim veritati, oculus vulgo proportionem quadam respondent. Et oculus ipse non sine damno suo immodica luce perfruatur. Ac vii ophthalmicis caligo magis expedit, eodem modo mendacium, vulgo prodesse arbitror, contra nocere veritatem ijs qui in rerum perspicuitatem intendere mentis aciem nequeunt. Hac si mihi Episcopalis nostri muneris iura concesserint, subire hanc dignitatem possim ita ut domi quidem philosopher, foris verò fabulas texam: ut nihil penitus docens sic nihil etiam dedocens atque in præsumpta*

Suffragium Patrum pro restrictionib. 221

*a animi opinione permanere sinens. Sin ita etiam
ouere se oportere dixerint, ac Episcopum opinio-
bus esse popularem, ego me illico manifestum om-
bus præbebo. Verba videntur subobscuriora, sed
nsus est: Etiam Philosophi interdum quamuis
ritatem introspiciant, captui tamen vulgi se ac-
ommodant & ei mendacia in speciem propinant.
go si annuant quorum interest vt quæ noui esse
mendacia, disseminem prout habentur pro fidei
acitis, nihil mutans in vulgari errore mihi per
philosophiam comperto, non abnuo fieri Episco-
is. Hoc si mihi negent quorum interest, velint-
ue vt philosophicam meam sententiam circa do-
mata prædicta abiiciam, non possum assensum
tæstare. Indicant magis hunc sensum quæ pro-
imè subiicit. Hæc nimirum, *si ad Episcopale mu-
us vocer, nolo ementi dogmata. Horum DEVM,
rum homines testes facio. Affinis est DEO veri-
us, &c.* Iterat quæ dixerat de sua ludendi appe-
tentia & immoderato equorum & venaticorum
anum studio, tandèmq; denuo inculcat se per-
ecta illa quæ retulerat dogmata nunquam ab-
ecturum, neque commissurum vt sibi in eis po-
ulo enunciandis lingua ab animo dissideat.*

Hanc viri Sanctissimi ad eiurandum Episco-
ale fastigium omni ope connitentis de suis do-
matibus & propensionibus contestationem qui-
nus perualerunt vt Euagrius *lib. 1. c. 15. histor.*
& Nicephor. *lib. 14. c. 55.* turpiter omnino hallu-
inati sunt, scriptis mandantes, Synesium Ethnica
dhuc fuligine oblitum quoad aliqua dogmata,
& in eorum assertionem obfirmatum, permissum
nihilominus inaugurari non modo Sacerdotio,
sed

sed etiam Episcopatu ; spe concepta quod plenè tandem ad Christi fidem esset accessurus , depositis omnino prædictis dogmatibus à Christiana fide abhorrentibus , vti tandem factum scribunt. Sed nescio quid illi vel ad Synesij infamiam grauius , vel ad Theophili Alexandrini hominis decretorum Ecclesiasticorum consultissimi supinitatem prodendam accommodatius comminisci potuissent. Synesius enim nulla ex parte infamari grauius potest quàm si in erroribus tam exploratis retinendis obfirmatus fuisse dicatur. Theophilus verò Alexandrinus qui Synesij electionem ratam habuit , bardus omnino censendus esset , huiusmodi hominem Ptolemæis præficiens Episcopum. Quare omnino agnouit Theophilus , agnoueruntque etiam qui Synesium postulabant Episcopum , has contestationes ab eo adhibitas non mendaciter , quod in tā graui materia nimis atrox esset , præsertim in homine eo ipso loco aliisque compluribus mendacium tam acriter infectante , sed per locutionem mente restrictam vt Episcopatus sarcinam excuteret. Nullis enim se artibus & machinis abstinuisse vt eam dignitatem à se amoliretur , fassus ipsemet postmodum est datis ad Ptolemaidis presbyteros literis , quæ inter eius Epistolas (ordine sanè perturbato) vndecimo loco leguntur. Detexit hoc Synesij artificium sagaciter Card. Baronius *anno Christi 410. in fine* ; id ipsum verbis à Synesio præstitum obseruans , quod S. Ambrosius cum ad Episcopatum postularetur factis patrauit : vt videlicet , profligati pudoris mulieres domum admitteret , & in fontes quosdam animaduerti iuberet , vt sanguinarius & impurus audiret,

audiret, sicque indignus Episcopatu haberetur. Quod tantum abfuit ut persuaderet, ut potius eo facto plebem virtutis Ambrosij probè consciam ad feruentiorem postulationem incenderet. Idem igitur Synesio accidit: in verbis & locutione restricta, quod perspicuè locum habet quoad contestationem de ludis & venatione ac non ineundo cœlibatu. Subnascitur tamen hic difficultas quoad propositiones spectantes fidei dogmata. cæterum quominus ob restrictā locutionē in materia fidei, Synesium eius culpæ insimulemus quā *cap. 4.* adnittendam diximus ab eo qui in re fidei æquivocatione vel locutionis restrictione utitur; obstare potest persuasio ab eo ut videtur concepta de honestate suæ illius locutionis in eo euentu: eo quod naneretur nihilominus vsquequaque intermeratus Dei honor & illibata fidei synceritas, quam probè perspiciebat nulla ex parte fœdandam contestationibus illis errorum quibus præferebat se adærescere: contra quā accideret ei qui coram Tyranno aut aliter quoties fidei vel diuino honori dispendium ex huiusmodi verborum plexibus immineret, vellet nihilominus eos vsurpare. itaque non vtor doctrina Archidiaconi in *cap. titulum 22. q. 2.* perperam existimantis fas esse ex graui causa profiteri exterius hæresim aut errorem adhibita locutione restricta, sed cum aliquem Synesij in ea locutionum restrictione ea ex parte æuum admittam, materiale potius quàm formale, quippe ex tali iudicio animi in solam eclinandi honoris cogitationem intenti profectum; ac proinde obiectiuè quidem næuum & valum, formaliter autem ob condiciones operantis

tis & à vera coram DEO culpa liberū, mitius tamen cum sanctissimo & doctissimo Præsule ago, quàm qui eum aliter quàm per restrictam & artificiosam locutionem in tanta (vt arbitrabatur) necessitate vsurpatam, locutum volunt.

7. Omnino igitur censuit Synesius locutiones restrictas ex iusta necessitate vsurpatas, nihil veritati, nihil virtuti per se loquendo incommodare. eaque ratione fas sibi duxit suum & equorum & canum venaticorum studium, & ludendi animique relaxandi appetentiam & rei vxoriæ cupiditatem obtendere declinationi Episcopatus. Quod si bona fide idem sibi in ea necessitate licere duxit circa quasdam fidei repugnantes propositiones, cum tamen in eo negotio nulli duplicitati aut implexitati locus esse debeat, perspicuum est quàm ille intrepidè ac securè idem in aliis materiis per se loquendo aliâque virtute non obstante quàm veritatis & simplicitatis: itémque eadem aut grauiore necessitate posita idem habiturus fuisset honestum & à vitio immune. Quid quod disertè & in actu signato homini Philosopho ne periculum plebi creet, facultatè datam agnoscit nonnihil cedendi necessitati mentiendi, hoc est urgente necessitate non exponendæ apertè mentis suæ, vsurpandi verba quæ nisi interna subintellectione supplerentur, ac si cortice tenus pensarentur mendacia apparerent. ideoque interdum breuitatis causa & ad longam circumlocutionem declipandam mendacia vno verbo dicuntur. quæ rigoris laxatio in vocibus *mentiendi* atque *mendacij* multis imposuit vt arbitrarentur à plerisque antiquis dealbatum mendacij Æthiopem & admissam

Suffragium Patrum pro restrictionib. 225

missam in necessitate eius honestatem, cum tamen antiqui illi mendacium propriè dictum iis ipsis locis quibus eam doctrinam proferunt exhorruerint, ut proximè in plerisque Græcis Patribus manifestum faciam. Hoc igitur sensu Synesius homini Philosopho urgente necessitate, V. G. ne turbas intempestiuè serat aliarum virtutum præterquam veritatis & simplicitatis obligatione seculum concessum supponit usum mentiendi, id est, ut implexè & restrictè loquendi vti ipsemet hoc loco fecit: quamvis mendacij propriè dicti dedecus & hoc loco prodita veritatis affinitate cum DEO & sub initium orationis de regno, veritatem verborum nobilitatem nominans, & alibi non semel exosum sibi ac inuisum esse apertè docuit.

Insignis locus Dorothei ex Agathone.

8. Exquisitè omnino hanc ipsam occultationem positivam per restrictam locutionem ex idonea causa adhibitam, mendacio eximit S. Dorotheus *doctr. 9. n. 7.* confirmâtque etiam Abbatis Agathonis autoritate, præmissa longa mendacij & dupliciter exagitatione, ne sit suspicio defensi per eos mendacij. Locum adscribo quia est in hanc rem planè luculentus. *Interdum alicuius rei necessitas incumbit, quam nisi parumper occultaueris dissimularis que, in maiorem turbationem & afflictionem conuerietur. Quando igitur huiusmodi casus occurrerit, & noveris homo coactum se eiusmodi necessitate, mutet verba, variet sermonem, ne grauior fiat afflictio, & maior ut dixi turbatio, maiusque periculum atque discrimen. Quemadmodum dixit Abbas Alo-*

nus Abbati Agathon. Ecce, inquit, duo viri iuxta te cadem patrarunt. Alter ad cellam tuam fugit. Ecce Princeps seu Iudex illum quærū, interrogat te utrum homicidium & cades illa coram te sit perpetrata, & apud te sit homicida. Nisi te moderate ac prudenter gubernaueris, ad supplicium mortis hominem trades. Quando igitur ait, discrimen aliquod ingens ingruerit, licere puto. Ita quidem habet Dorothei locus ex Chrysostomi Calabri Cassinensis Monachi interpretatione: sed apparet locum esse mutilum: & sensum non luxari modò, sed vix consistere. Sic igitur legendæ extremæ periodi, ex interpretatione Hilarionis Veronensis, quam Margarinus tomo 2. Biblioth. inseruit, respondetque Græco Dorothei contextui, qui habetur in Orthodoxographia. *Abs te petit ubi sit homicida. Numquid huiuscemodi hominem in mortem tradas, an verba committas? licere, ait, puto in tali articulo & necessitate.* Atque ita vides constare sensum Dorothei, qui alioqui hiaret. Pergo ex nitidiorē & synceriorē Calabri interpretatione. *Nec sis tamen usque adeo securus & supinus ac socors, sed resipisce, pœnitentiam age, lachrymas funde, & plora coram DEO: atque hoc tempus reputa ut tempus tentationis. Neque id sæpius ac frequenter agas, sed semel in multo tempore. Quemadmodum enim theriaca, vel aliqua purgatio; si quis ea frequenter utatur, ledit potius quam iuuat; si verò semel tempore necessitatis illam assumpserit, plurimum confert. Sic itaque re hac uti debemus, ut non nisi in summa & extrema necessitate, verba mutemus, non frequenter sed longissimo intervallo, nec sine magno timore ac tremore, ostendentes DEO & propositum & voluntatem*

Suffragium Patrum pro restrictionib. 227
veritatem nostram, & necessitatem urgentem. Dictum
Abbat̃is Agathonis, refert etiam Climacus gradus
2. illudque præmissa accurata mendacij exagi-
atione ratum habet, vt liquidò habetur ex Com-
mentario Ioannis Raythu antiqui monachi, ipsi-
que Climaco æqualis ad eum locum.

Ad vim porro huius testimonij, in quod tam
multi Patres consentiunt perspicendam, aduer-
tendum diligenter est de qua veritatis occulta-
tione licita, & à mendacio libera ob urgentem
necessitatem, agere proposuerit Dorotheus. Certè
non de alia quàm de ea quæ sit per mentionem
& versionem verborum. Quid autem sit mutare
verba apud Dorotheum eo loco, intelligitur ex
illis quæ paulo ante præmiserat n. 6. agens de
mentiente. *Si rem, inquit, quamlibet concupiscit, &*
appetit, non audet dicere, rem illam desidero. ac con-
cupisco; sed sermonem pervertit & amphibologia seu
circumlocutione vitatur (in Græco textu duntaxat
habetur, *σπέρφει λόγους*) *dicens; hoc patior, hac re*
mibi opus est, huic rei subditus & obnoxius sum: &
toties mentiri pergit, quoad desiderium & concupiscen-
tiam suam expleat. Hinc liquet mutare verba idem
esse quod mentiri reipsa vel in speciem. Vtroque
enim modo ea verba accipit his locis Dorotheus.
Nam mentitur reipsa, is quem refert verba mu-
tantes, ac pervertentes ad explendam concu-
piscentiam: mentitur autem in speciem, is qui ex
Abbat̃is Agathonis monito mutat verba ob ur-
gens discrimen, negans se nosse ubi sit quem non
ignorat domi delitescere, quod est vt Calaber
veritatem circumitu vti, & amphibologiam (vt aliqui
etiam loquuntur) insensibilem adhibere, id est,

locutionem restrictam. nec poterit abnuere Barnesius qui §. 8. n. 7. mutationem illam verborum cuius fit mentio Deuteron. 16. v. 19. de ea quam dixi mutatione vult intelligi, quamvis ea interpretatio admodum ineprè ei loco Deuteronomij aptetur. Quare manifestum videtur Abbatem Agathonem, vnàque Dorotheum, licito in necessitate restrictionum mentalium vsui astipulari. Quod enim idoneam restringendi causam exigant, non est quod moneam.

9. Tantum superest scrupulus circa eam pœnitentiam quam indicunt ei, qui etiam ex tanta necessitate quantam describunt, verba peruertit. Id enim indicare videtur lubesse peccatum ei mutationi verborum, siue restrictæ locutioni, tamen si factæ ex graui causa. Sed dicendum est, non deposci pœnitentiam ex eo quod peruersio illa verborum mala sit: stultum enim foret præbere consilium admittendi, quod mox largo lachrymarum imbre abluere cogaris. Idcirco igitur deposcitur pœnitentia & fletus ab eo qui ex iusta necessitate restrictè loquitur, quia periculum est ne limites concessos transgressus sit; aut ne causam restringendi, eiusque idoneitatem minus quam par erat æstimauerit. Item quia verendum est, ne à Deo in hoc tentationis tempus deuenire permissus sit, ob aliquod peccatum, quod proinde fletu ac pœnitentia congruente sit diluendum. Nec plura circa testimonium Dorothei. Cuius autoritas non debet videri modica, cum ob summam Scriptoris illius pietatem, & peritiam rerum Asceticarum, tum ob insigne syncerissimæ fidei ac sanctitatis eius testimonium quod extat apud lauda

Suffragium Patrum pro restrictionib. 229
 audatissimum Patrem, Theodorum Studitam in
testamento cap. 4. qui nihil se apud Dorotheum
 ierati dissonans, sed omnia potius bonæ frugis
 eprehendisse testatur. Quomodo tamen tempe-
 randum rectèque accipiendum sit, quod ait Do-
 rotheus, licitum esse vsum huius mutationis ver-
 orum inter respondendum Iudici, legitimè vt
 upponitur interroganti, discussum est supra c.4.
 O. Imitati haud dubiè sunt Abbas Agathon &
 Dorotheus, anteriores plerosque Græcos, quorum
 a fuit sententia, obductione veritatis per verbo-
 rum mutationem siue restrictionem, non secus
 utendum esse ac medicamento. hoc est non nisi
 ex iusta & proportionata causa, quæ necessitatem
 aliquam sic loquendi inducat: nec frequenter,
 sed perrarò adhibendam esse, quod periculi ple-
 nissimum sit huiusmodi artificio assuescere. Nam
 neque pharmaca adhibet quis, si sapiat & sanitati
 consultum velit, nisi ex necessitate: & qui eorum
 parci non sunt, facile valetudinem exterminant
 potius quàm foueant, aut promoueant. Et ita hu-
 iusmodi similitudinem aptabat paulò ante Doro-
 theus: quem propterea expressisse dixi anteriores
 Græcos Patres, quorum fuit in hoc negotio ea
 comparatio. Præcipui sunt, Origenes, Chrysosto-
 mus, Cassianus. Hunc enim saltem institutione
 Græcum, Græcis Patribus annumerare liceat, siue
 Græcè scripserit, quod Trithemio aliisque non-
 nullis placuit, siue (quod ipsemet in Institutionum
 præfatione testatur) latinè, vt propterea Photius
Cod. 197. eum Romanum scriptorem nominet.

Testimonium Origenis, & quid in eo reprehendendum hac in parte.

11. Origenis hunc locum ex lib. 6. *stromatum* refert Hieron. l. 2. *aduersus Ruffinum*, cuius testimonio liquet hallucinatum Salam 1. 2. tract. 14. d. 23. f. 9. cum negauit Origenem conscripisse libros *stromatum*. Indignantur, inquit Hieronymus recolens quod episto. 65. ad Pammachium data, scripserat, quare Origenistas scripserim inter se origis mendaciorum federari. Nominavi librum in quo hoc scriptum legerim, id est, sextum *stromateon* Origenis, in quo Platonis sententia nostrum dogma componens, ita loquitur. Plato in tercio de Republica libro. Veritas quoque sectanda magnopere est. si enim ut paulo ante rectissime dicebamus, DEO indecens & inutile mendacium est, hominibus quandoque utile, ut utantur eo quasi condimento atque medicamine, nulli dubium est, quia huiusmodi licentia medicis danda sit, & ab imprudentibus remouenda. Vera, inquit, asseris. Ergo principes urbium, si quibus & alijs hoc conceditur, oportet aliquando mentiri, vel contra hostes, vel pro patria & ciuibus: ab alijs vero qui ut mendacio nesciunt, auferendum est omne mendacium. Haecenus Platonis verba exscribens Origenes qui pergit. Et nos igitur illius precepti memores, loquimini veritatem unusquisque cum proximo suo, non debemus dicere; quis est proximus meus? sed considerare quomodo Philosophus cautè dixerit; DEO indecens & inutile esse mendacium, hominibus interdum utile: & quod ne pro dispensatione quidem, putandus sit DEVS aliquando mentiri. Sin autem com-

modum

Suffragium Patrum pro restrictionib. 231

modum audientis exegerit, verbis loquitur ambiguis, & per anigmata quæ vult profert: ut & veritatis nudum eum dignitas conseruetur, & quod noxium esset iterat, si nudum proferretur in vulgus, quodam tenui velamine proferatur. Homo autem cum incum-
bit necessitas mentiendi, diligenter attendat ut sic tatur interdum mendacio, quomodo condimento at-
ue medicamine ut seruet mensuram eius, ne excedat terminos quibus usa est Iudith contra Holophernem, & vicit eum prudenti simulatione verborum. Imitetur Hester, quæ Artaxerxis sententiam diu tacita-
entis veritate correxit. Et in primis Patriarcham Iacob, quem legimus benedictiones Patris, artifice im-
etrasse mendacio. Ex quo perspicuum est, quod nisi a mentiri fuerimus ut magnum nobis ex hoc aliquod
ueratur bonum, indicandi simus quasi inimici eius
ui ait, Ego sum veritas. Hac Origenes scripsit, sub-
it S. Hieronymus, negare non possumus: scripsit in
s libris quos ad perfectos & ad discipulos loqueba-
ur, docetque Magistris mentiendum, discipulos au-
tem non debere mentiri. Qui ergo bene mentitur, &
usque vlla verecundia quicquid in buccam venerit,
infingit in fratres; Magistrum se optimum pro-
bat.

2. Evidentissimum est, S. Hieronymum sen-
tentiam Origenis tanquam mendacio patrocinan-
tem abiicere. Ut tamen quæ verè fuerit Origenis
sententia perspicuum fiat, observandum est, quod
S. Hieronymus obiter attigit; nimirum conferri
lo loco siue componi Platonicum dogma de
mendacio, cum Christiano: & primum quidem
proferri quæ fuerit Platonis sententia de mendacij
officiosi honestate, mox autem temperari & ex

parte corrigi, vt aptetur ad vsum Christianis concessum. DEVM ergo negauerat Plato, approbante Origene, mendacium vsurpare, quod vt liquet ex *capite* libri secundi de Republica (quo se refert idem Philosophus in verbis ab Origene adductis ex initio libri tertij) non spectat ad mendacium verbale, sed ad mendacium vt ita dicam reale, quod à Poëtis DEO affictum exagitat eo loco Plato. Fingebant enim Poëtæ DEVM esse *præstigiatores*, & *veluti ex insidijs aliàs alia sub specie apparere*, & *aliquando quidem alium fieri, suamque speciem in multas formas commutare*, *aliquando autem nos fallere*, *inanésque de se species nobis ingerere noctu euagantes*, *peregrinis & variè transformatis assimilatos*. His omnino verbis mendacium à Poëtis DEO tributum refert Plato in fine libri secundi citati, & hoc est mendacium quod DEO indecens & inutile affirmat ibidem, & initio libri tertij, annuente vt retuli Origene : qui eo lubentius descendere in eam quoad DEVM sententiam videtur, quod Ethnici Philosophi non satis perspectam habentes assumptæ à Verbo humanitatis rationem, & certis argumentis persuasum habentes DEVM non posse substantialiter commutari in altam naturam, eo adigere se putabant Christianos, vt dicere deberent, Verbum non nisi tanquam præstigiatores exhibuisse se visendum hominis forma ac specie : non quod homo reuera esset, sed quod mendaci obiectu humanæ formæ, hominibus ludificatus, & homo habitus esset. Ita enim planè constat ex Celsi Philosophi contra Christianos disputatione, quam exhibet Origenes libro 4. *aduersus eundem Celsum*, non multis ab

initio

initio paginis. Tale igitur mendacium à D E O cum Platone ablegat Origenes, tametsi eodem libro 4. contra Celsum apertè docet, etiam si DEVS nihil tale pro nobis fecerit, vt de Christianorum sententia fingeat Celsus, tamen nihil fore absurdi si id faceret, & quod Medici erga ægrotos faciunt, dissimulata veritate, mendacio tanquam medicamento vsus, necessitati nostræ subueniret. Hæc Origenes eo loco.

Ex quibus lux affulget ei eiusdè loco, quem ex Hieronymo retulimus; constâtque quomodo accipiendum sit, quod ibi absolutè Platoniam sententiam referens de mendacio DEVM dedecente tradiderat. Nihilominus enim prudentem & ex hominis bono factam veritatis dissimulationem, quam mendacij nomine apertè donat libro illo quarto contra Celsum, vsurpari à D E O posse, perspicuè admittit. Dei autem imitatione, idem hominibus liberum esse vult & inter agendum quod aliis possit esse erroris occasio, & inter loquendum, dummodò attentè obseruent ne ex causa non idonea concessum sibi existiment huiusmodi vsum mendacij. Quo nomine quoad mendacium in verbis positum, intelligit locutionem mentaliter restrictam, vt docent locutiones Iudithæ & Iacobi quas in exemplum profert. Nec abs re nomen mendacij tribuitur huiusmodi locutioni, cum in speciem ac eo præcisè spectato quod explicitè proponitur, sensibûsque obiicitur, locutio restricta, obiecto dissonet.

13. Constare igitur existimo vsum restrictæ locutionis tanquam medicamenti, id est, non nisi ex necessitate & idonea causa vsurpatum, placuisse

P 5 Origeni;

Origeni : indéque S. Dorotheum , adhibita illa ipsa medicamento similitudine , idem tradidisse. At præsentio , non de fore qui existimet Origenis auctoritatem plus huic sententiæ officere , quàm commodare : quandoquidem nominatim S. Hieronymus hoc Origenis placitum repellit, tanquam Christiana puritate indignum. Verum censura Hieronymi , ut ex postremis verbis supra ex eo propositis manifestum est, cadit duntaxat in mendacium propriè acceptum, de quo verissimè dicitur esse indignum Christiana sinceritate , & omnino deuitandum Christiano. Infert enim ex hoc Origenis placito S. Hieronymus, fas fore effundi in mendacia, & pro arbitratu committi de aliis quiduis impium, moxque effutire. Origenes autem certos mentiendi terminos fixerat , iusta necessitate definitos. Quare aliter mendacium Origenes , aliter S. Hieronymus accepit. Et meritò tamen S. Hieronymus, illam Origenis sententiam reiecit, sumptam prout verba sonant, quod posset ea sententia crudè à plerisque accipi ; nec tantum mentalibus restrictionibus , quæ non nisi in speciem mendacia sunt , sed etiam propriè dictis mendaciis efferendis ansam præbent. Qua in re imitatum existimo S. Hieronymum, quod Aristoteles sæpe erga Platonem seruat , ac etiam erga alios antiquos , ut notat Franciscus Georgius in *Harmonia Cant. 1. tono 2. cap. 12.* ut nimirum ad præcidendam errorum causam, eumque philosophandi modum res iam satis per se obscuras verbis insuper obscurantem , eliminandum ; improbaret plerumque eorum sententias secundum verborum corticem spectatas, quod Platonis cir-

Suffragium Patrum pro restrictionib. 235
ca Ideas confutatio videtur euincere, vt plenius
traditur in natur. Theol. dist. 1. num. 43.

Loca ex Chrysostomo in rem nostram.

14. Venio ad Chrysostomum, qui locutiones restrictas Abrahami & Iacobi ex necessaria causa vsurpatas, approbat hom. 32. & 53. in Gen. sed optimè homil. 5. de pœnit. expendens responsum Rahab meretricis. Fide, inquit ex Apostolo, Rahab meretrix non perit cum incredulis, exploratores excipiens cū pace, & remittens alia via. Atque respice quomodo multa cum sapientia bonam eius inferunt voluntatem. Cum enim transmissi à Rege sunt qui exploratores quærerent, dicunt ei: si ingressi sunt ad te viri? Ipsa verò ad eos. Ita, inquit, ingressi. Prius veritatem edificat, atque iā mendacium inducit. Nequaquam enim mendacium ex se creditur, nisi praueniens veritatem ostenderit: propterea qui creduliter mentiuntur, prius vera fatentur, atque omnibus manifesta, deinde mendacium inducunt ac dubium. Ingressi ad te inquit exploratores? Dicit sic: si enim à primo dixisset, non; ad scrutinium prouocasset abeuntes. Sed ingressi sunt, inquit, & egressi eadem via; persequimini & comprehendite eos. ô bonum mendacium, ô bonum dolum, diuina non tradentem sed pietatem custodientem. Vides Chrysostomum apertè, locutioni restrictæ ex necessaria causa, atque adeo ad modum medicamenti vsurpatæ, patrocinari. Quod autem eam mendacium appellat, ad externam eius faciem respicit, qua mendacium apparet, vt de Origene iam dixi.

Copiosius, ac plenius in hoc argumento versatur

tur idem Chrysostomus, ad finem libri primi de sacerdotio, ubi expostulante Basilio, quod animum suum tanquam manu coram eo gestasset, illique tradidisset: ipse verò Chrysostomus è contra, dolum adhibuisset aduersus eum cuius dicta factaque omnia, *syncera, simplicia ac dolo ubique carentia, nunquam non expertus esset*, subinfert Chrysostomus, fraudem siue facto siue verbo dummodò recto animi iudicio admissam, reprehensione vacare, esseque laude dignam, & multis carò sterisse quod ea abstinerint. Ad extremum verò longam dissertationem de laudabili circumuentionis & fraudis usu hac clausula obsignat. *Fraudis quidem magna vis, modò ne fraudulentò animo fiat: quam ipsam tum, ne fraudem quidem nominandam putauerim, verum œconomiam quandam potius ac sapientiam artémque, qua possis è mediis iisque imperuiis desperatarum rerum angustiis, difficultatibusque, correctis & emendatis animi vitiis euadere.* Mox etiam huiusmodi fraudem in Iacobo laudat, qui se Esau dicens, patris benedictionem præripuit. Ut videas, planè Chrysostomum eo loco etiam fraudi illi quæ verbis mente restrictis perficitur, qualia illa Iacobi verba fuerunt, astipulari.

Hæc porro dicit non vnus aliquis è plebe Doctorum cuius cespitatione ac lapsus non sit graue concedere, sed is quem Ilido. Pelus. *Ecclesiarum omnium oculum*, nominat, lib. 1. epist. 156. *Quem ipsimet Ethnicorum sapientes, eodem referente l. 2. epist. 42. ad stuporem demirati sunt: Quem Proclus Constantinopol. in panegyri. Scriptura impolluta à Deo inspirata bibliothecam, diuinum thesaurum intelligentia, vehemens diluuium heretico-*

Suffragium Patrum pro restrictionib. 237

rum, hominem lingua cœlis altiore, Magistrum Evangelicæ tonitruæ temperantem appellat : Quem denique ipsius quondam alumnus Cassianus lib. 7. de Incarnat. cap. 31. ad Ioannis Evangelistæ similitudinem & discipulum IESU & Apostolum quasi super pectus Domini semper affectumque discubuisse, atque adeo purissimam & incorruptam doctrinam exhibuisse rectè dixit. Vt magis mirandum sit, cum recens apud vnum aut alterum, in hoc ipso negotio malè audire cœpisse.

Suffragium Cassiani.

16. Reliquus est Chrysostomi discipulus ac laudator, hic ipse quem modò retuli Ioannes Cassianus. In hunc præsertim tanquam in mendacij & falsiloquij patronum, calamos strinxere permulti: nominatimque Sixtus Senensis lib. 5. *biblioth. annot.* 107. Cuychius *ad eiusdem Cassiani collat.* 17. & ad eandem Ciaconius. Perspicuè sanè lib. 5. *insti. cap.* 37. Archebium, mendacio charitatis, (ita enim loquitur,) alios circumnueientem commendat. Vide & *cap.* 39. Sed plenissimè & explicatissimè *collat. illa* 17. *cap. uem* 17. ait taliter de mendacio sentiendum, atque ita eo utendum esse: quasi natura ei insit ellebori: quod si imminente exitiali morbo sumptum fuerit, sit salubre: ceterum absque summi discriminis necessitate perceptum, præsentis exitij est. Et mox prolato exemplo Rahab, quæ salubriter vsa fuerat mendacio, & Dalilæ cui mendacium è contrario fuit exitiale, concludit. Quando igitur graue aliquod imminet de veritatis confessione discrimen, tunc mendaciorum sunt recipienda perfugia;

perfugia ; ita tamen ut reatu humilis conscientie salubriter mordeamur. Vbi autem nulla conditio summa necessitatis incumbit , omni cautione mendacium velut mortiferum denitandum est ; quemadmodum de ellebori diximus potu , quod salubre est quidem , si tunc demum sumatur cum inenitabilis atque mortifera imminet agritudo : sin verò integra & imperturbata corporis sanitate sumatur , statim ad preoccupanda vitalia , vis pernitiōsa peruadit. Longum foret per censere cetera , quæ eodem & sequentibus capitibus disputantur in hanc sententiam.

Nihilominus Cassianum, mentaliter restrictam locutionem nomine mendacij eo loco appellasse, coniectura fit ex postremò relatis eius verbis tam apertè expressis per Abbatem Agathonem apud Dorotheum *doct. 9.* quum de restrictione mentali ageret, ut supra expendimus: Vnde etiā petenda est explicatio morius illius cōscientiæ quo Cassianus vult premi eum , qui ex necessitate mentitur in speciem , id est , mentaliter restringit locutionem suam. Lectum porro à Græcis Cassianum, tametsi Latine primò conscriptum , constat ex Photio. Ad hæc iam graua sunt , quæ ad mendacij ex iusta necessitate prolati honestationem, proferuntur bona parte collationis allegatæ, ut incredibile foret, sicut circa gratiam contigit, non etiam in hoc negotio fuisse euenturum ; nimirum ut impetiti hac collatione circa mendacium Augustini, suspectus factus Cassianus , alicuius in se Prosperi spiritum Augustini amulatorem concitaret , quod tamen nominatim quoad hanc mendacij in necessitate liciti occasionem , ab aliquo tentatum ante Dionysium Carthusianum, non

non memini legere. Itaque coniecere ex eo circa hoc punctum veterum silentio licet, compertum illis fuisse Augustinum de mendacio propriè dicto egisse, illudque meritò damnassee: Cassianum autem in necessitate approbassee duntaxat vsum mendacij, quod specie externa mendacium videatur, etiam si reuera non sit mendacium, sed locutio restricta.

17. Hæc est mea de Origenis, Chrysostomi, ac Cassiani, hac in parte recto sensu, opinatio: Tametsi ob erroris periculum, ac ne quis locutionem restrictam, quæ est latè dictum siue specie externa mendacium, confundat cum mendacio simpliciter dicto, quo contra mentem propriam itur loquendo; consultius omnino posteriores Patres ac Doctores modum illum loquendi castigarunt, & mendacij vsu prorsus repudiato, solas locutiones mente restrictas vel ambiguas, quibus veritas ex parte tegitur, vsurpandas in necessitate asseruerunt. Ac ne Barnesio stomachum moueam, qui eos Patres pro sententia vera adduxerim, quos ipse tanquam exploratos mendacij patronos damnat §. 26. duos illi S. Benedicti filios; opinionioni meæ suffragatos, profero: D. Claudiū Millhardum 1. 2. *directorijs Parochorum tract. de sacram. penitentiæ* c. 80. n. 3. & D. Alardum Gazæum *ad collat.* 17. *Cassiani cap. 8. litera b.* qui prædictos Patres in eum quem dixi sensum accipiendos docent.

Non abs re huic capiti finem imponam verbis Cæsarij dialo. 1. *Non quædam propriè mea lentæque protuli, sed quæcumque clarorum beatorumque Patrum præta peragrans de illorum roseto collegi. Quorum rosa, aqua latere Dei ac Verbi quod carnem assumpsit*

sumpsit manante, rigantur, & à iugi sanguinis indidem orti riuo, rubro colore tinguntur, totumque mundum suavi odoris fragrantia replent. Qui & splendore suo firmamenti luminaria vincunt & vite sermonem continent. Quorum ellychnium nunquam decedit, & lucerna non comminuitur, & oleum non absimitur, & lampas non quassatur, & flamma non extinguitur. Nam crucem gestant pro virga, Euangelia pro pera, charitatem pro pedo ac fistula, quibus omnibus Christi gregem rationis participem pascunt.

CAPUT XIII.

Anteloquium ad mox proferenda Doctorum pro licitis restrictionibus testimonia, ubi etiam de eminentissima apud Barnesium Genesij Sepuluedæ autoritate.

1. **S**I ad Doctorum suffragia veniatur, aduersarius insigni planè confidentia, triumphum sibi ante victoriam canit, vnus Genesij Sepuluedæ, cuius laudum frequens est buccinator, autoritate fretus. Eius enim testificatione, doctrina hæc de licito vsu restrictionum mentalium, admodum nouitia est, nec Gabrielis Bielis ætate vetustior; cum tamen constet Gabrielem non multo ante ipsum Genesium floruisse. Vnde modestè de more Barnesius, concludit, sententiam Lessij, *verè esse minorum & modernorum Theologorum commentum.*

Quantum

*Quantum momentum in Genesij Sepulveda
autoritate in hac causa.*

Nunc in grauissimis quos mox referam Doctolibus despiciendis ac despuendis typhum homine Monacho indignum, priusquam comprimo, & apertè ostendo quanta fuerit Genesij & Barnesij hallucinatio, præmonitū velim Barnesium, minùs fortassis ab ipso è re sua factum, quod in Genesij laudes tantopere totiesque effusus sit. Inprimis quia Genesius, *vir suo ipsiusmet iudicio valde doctus*, ut de eo etiamnum superstitè scribit Melchior Canus 11. *de locis cap. 2.* & autore Banne 22. *q. 10. artic. 10. dubio 4.* magis in humanis literis quam in diuinis eruditus, plerumque liberiore quàm Theologum deceat ingenio, doctrinæ non sanæ aut suspectus, aut notatus fuit. Quod intelligi potest ex censura Complutensis Academiæ quam Aluarus Gomesius *lib. 8. de Gestis Francisci Ximenij* pronuntiasse refert quamdam Genesij doctrinam non esse satis tutā, & librum ab eo cōscriptum suppressione damnassee, quod & à Regio Senatu comprobatum testatur. Idem intelligi potest ex parænesi ad eum Petri Serrani, monentis abrupta vitare, & tritam Theologis viam non dedignari. Nam etiam vacare culpa simplicem fornicationem, de eius sententia iactatum erat. Et ne rumoribus quos falsò in eum iactatos malo, videar hominis apud aduersarium eminentissimi famæ insidiari, non puto Barnesio incompertam eam Genesij temeritatem, ab ipsis Hispanis, Victoria, Cano, Molina aliisque omnibus cum contumelia reiectam; qua

aulicus Theologus, ut quos alioqui putabat non bono iure primum subactos Indorum plerisque, firmaret iis qui subegerant, & ad alios paricum res ferret iure subigendos aditum aperiret; nouos iusti belli titulos commentus est, quibus Hispano militi potestas fieret occupandi eorum regiones, à quibus ad eam diem liberis, nulla iniuria violatus esset. Non est igitur tantum auctoritatis pondus in Genesio, quin ut circa alium Doctorē ludit Olkot facile nō sit cuius illud abiicere, seque exonerare cum primum se eo grauati senserit. Ego sanè debitam Genesio laudem nec si mihi aduersaretur vllatenus imminutam velim, memor insignis sententiæ quæ extat apud Hiero. epist. 65. *Nec bonis aduersariorum, si honestum quid habuerint detrahendum est: nec amicorum laudanda sunt vitia; & unumquodque non personarum, sed rerum pondere iudicandum est.* Reuera tamen Genesius, politiore literatura imbutus, Caroli quinti non malus Historicus fuit, Theologus non fuit: quamuis quod Canus supra scribit, à Theologicis non abhorruerit, id est, ut cumque tinctus Theologicis studiis fuerit.

Barnesius iudice Genesio quem appellauit, minutus Theologus & commentorum fabricator.

2. Quid si verò Barnesium ipsum iudice Genesio minutis Theologis commenta in hoc negotio eudentibus annumerandum euincam? Expendat lector & iudicet. Negauit quidem Barnesius admittēdas esse eas restrictiones quæ sint puræ mentales

tales, seu quarum per externam locutionem nulla ac ne implicita quidem fiat expressio. Quæ autem restrictiones mentales aliquatenus verbis subindicantur, eo quod in ipsis circumstantiis proferatur enunciatio, in quibus necesse sit eam aliquatenus attingere conceptum mente retentum, nec nisi implicitè expromptū: huiusmodi inquam restrictiones à Barnesio admittuntur, vt patet ex §. 29. quantumcumque annitatur toto opere vt id regat, & omnes à se restrictiones exagitari persuadere conetur, quod pacta ab eo conuenta ferebant. Et quamquam non me latet quàm constanter perstet in hoc placito Barnesius, quem infra constabit cum nulla eum vrget autoritas vel ratio cui dissoluendæ ea aliquarum restrictionum admissio sit necessaria, stare pactis conuentis, & has quoque restrictas locutiones hîc à se extortas repudiare: tamen loco allegato & aliquoties alibi pressus autoritatibus vel rationibus eas admittit, quod ad præsens institutum sufficit. Nam neque Nauarrus, constantissimus restrictionum assertor: neque Lessius qui eas probabiliter concedi posse dixit & idcirco præ omnibus Barnesij contra restrictiones zelum ac stomachum sustinuit: nec denique vllus alius ex iis qui restrictiones aliquando admiserunt ac quibus cum Genesio lis fuit, vllas alias restrictiones reipsa admisit, quàm quas dixi ponere Barnesium. Quandoquidem vbicumque idonea restringendi causa suppetit; (suppetere autem necesse est omnibus consentientibus, vt restrictio sit licita,) accidit quod Barnesius ad honestatem restrictionis postulabat, nempe subindicatio restrictionis per locutionem externam, saltem prout

est hominis rationabiliter loquentis, vt latè discussum est cap.8.vbi etiam ostensum est diffidium quod inter aliquos Theologos intercedit quoad licitam restrictionum vsurpationem, non esse in ipsa sententia, sed in modo eam probandi quod consensui in ipsa sententia nihil officit. Sic igitur philosophatus de restrictionibus Barnesius, & in causa proposita miserè admodumque illiberaliter præuaricatur, & Genesij quem appellauerat iudicio, *minutus Theologus, commentorum fabricator* renunciatur. Nam hæ ipsæ restrictiones hæctenus propositæ, & de Barnesij sententia licitæ, vt liquet ex §. 19. à Genesio commenta minutorum ac modernorum Theologorum appellantur, & toto Theophilo dialogo exagitantur: vt nolit earum vsum concedi, etiam cum iudex iniquus veller peruersè de re prorsus occulta inquirere, & interrogare de crimine prorsus ignoto, ita vt non tantum autor incognitus sit sed etiam crimè sit prorsus occultum. Negat enim nihilominus Sepulueda, fas esse homini occultè conscio talis criminis, respondere se nescire, vt patet ex cap. 3. & 4. ac §. & 14 Hoc autem, contra Sepuluedæ toto eo dialogo intentum, admittit Barnesius: ergo est minimus Theologus, iudice Genesio, & commentorum fabricator.

*Ad Theologorum pro restrictionibus testimonia,
præmonitio.*

3. Nunc priusquam sigillatim recenseam Theologos cum Scholasticos tum morales, qui suffragio suo sententiam cui subscripsimus muniuerunt, aduerto variis in locis Theologos suam hac in par-

te mentem aperuisse : vt cum de regendo arcano ab aliis commissio differunt ; cum de modis restituendi famam detectione probri occulti violaram ; cum de reo contra iuris ordinem interrogato ; cum de Confessario quem quis sollicitat ad euulgationem secreti in Sacramentali confessione commissi, cum de iuramento per vim extorto, & si qui sunt alij huiusmodi particulares euentus , in quibus iusta necessitas loquentem vel respondentem urgeat ad non exprimendum & euoluendum vnde cumque conceptum suum. Nam vniuersè, vtrum subintellectio addita ex iusta causa eximat à mendacio locutionem cui adhibetur , pauci attigerunt præsertim ex antiquis ; sed tantum in variis particularibus exemplis & euentibus aperiunt circa hoc mentem suam.

Et nonnulli quidem Doctores , simpliciter & absolutè pronunciant , fas esse in prædictis euentibus adhibere restrictam mentaliter locutionem. Afferunt enim absque limitatione vel explicacione vlla, fas esse loquenti inficiari quod nouit, quod liquet non posse aliter à mendacio expurgari, quàm per mentalem restrictionem. Vnde hi apertissimè patrocinantur sententiæ quam approbamus neque enim repudiaret quod nos præterea contendimus, nèpe quod in omni tali locutione restricta subindicetur persona rationabiliter loquēs, & idcirco iustè reticens partem conceptus sui. Alij autem ita docent fas esse in euentibus propositis respondere, aut loqui ad mentem propriam ; elusis iusta de causa iis qui audiunt , vt dicant subintelligendum esse *ita vt teneat dicere*: qui item apertissimè à me sunt. Nam si ea subintellectio aliquando liberat

enunciationē externam mēdacij labe, qua alioquī
 fœdaretur, planē quoties æquē iustē adhibebitur,
 eūdem effectum præstabit. adhiberi autē quoties
 est iusta restringendi causa, quia homo tunc qua-
 tenus rationabiliter loquens, non tenetur aut non
 debet expromere omnino conceptum suum, iam
 frequentissimē inculcatum est. Denique alij in
 quibusdam exemplis conantur ostendere, locu-
 tionem externam attentis circumstantiis cadere
 aliquatenus saltē implicite in conceptum mente
 retentum: ex quo effici volunt ut locutio vera sit:
 etiam si spectata quoad externum verborum cor-
 ticem, dissonet obiecto, & falsitatem contineat.
 Sed hi quoque stant à veritate proposita, tamen si
 in fundamento & modo eam stabiliendi dissideant
 à reliquis. Postulant enim duntaxat illam subindi-
 cationem conceptus mente retenti, quæ fieri cen-
 setur eo ipso quod responsio datur consentaneē ad
 interrogationem rationabilem: vel quod enuncia-
 tio profertur consentaneē ad ius loquentis, cui
 semper prospicere censeatur qui rationabiliter lo-
 quitur. Vnde admittunt verē exterius dici, *nescio*,
 ab eo qui scit quod rationabiliter effari non potest,
 quia est Principis legatus aut Consiliarius, & saluo
 munere non potest arcanum resignare. Idemque
 dicunt de amico, cui amicus graue negotium cre-
 diderit, quod pressum oporteat. Quod enim sibi
 ea in parte nouit, aliis nescit: siue non scit ita ut
 illud dicere & effari possit. Atque ita loquēs qua-
 tenus potest iustē & citra culpam loqui, rectē affir-
 mat se nescire. Quia igitur hoc totum cernitur vbi-
 cumque datur facultas restringendi, hoc est ido-
 nea causa, absque lege vrgentiore restrictionem
 vetante

vetante ; manifestum est , hos quoque autores si veritas locutionis restrictæ non defendatur per coniunctionem cum interno conceptu (quod ipsi putant fieri non posse) sed per implicitam & aliqualem conceptus interni expressionem quam ostendi fieri quotiescumque licet restringere, non aduersaturos sententiæ vniuersaliter admittenti restrictionis vsum licitum ex quacumque idonea causa. Quare meritò eos cum reliquis in hunc syllabum conferemus ; præsertim quia Barnesium omnes confodiunt, quippe omnes omnino restrictiones in quocunque euentu & exëplo inficiantem nisi cum autoritas Theologorum cui succumbere se videat, vel fortis ratio quæ aliter declinari nequeat, hominem cogit ad approbandum vsum restrictionum subindicatarum per externam locutionem, vt contigit §. 29. supra allegato: alioqui enim omnes restrictiones tollit vt passim alibi, nominatimque §. 3. n. 5. etiam reum iniuste interrogatum negat posse restrictè respondere. Itaque contra huiusmodi vniuersalem restrictarum locutionum inficiationem adduci rectè possunt omnia autorum testimonia, quibus vel vna restrictio admittitur, quamuis iidem autores certas ob causas repudient aliquas alias locutiones restrictas.

4. Porro ex ipsis verbis vniuscuiusque autoris mox proferendi constabit quo fundamento nixus fuerit, & ob quam ex causis proximè propositis, in hunc syllabum relatus sit. Placet autem ipsa singulorum Doctorum verba fideliter appendere, ne quis detorta aut supposita loca cauilletur, quod à Barnesio pro contraria sententia mendaciter ac nequiter factum postea monstrabo. Ordo

porro inter allegandum seruandus, is fore maxime congruus videtur, quem ratio dignitatis ac temporis inducit: vt scilicet Scholastici primo loco in hoc capite, tum in sequenti Morales siue Summistæ proferantur; & in utroque cœtu, quod in discubitu fratrum Ioseph seruatum legimus, sedeat primogenitus iuxta primogenita sua, & minimus iuxta ætatem suam.

CAP V T XIV.

*Suffragium Theologorum Scholasticorum
pro eodem licito restrictionum mentalium
usu ex idonea causa cum sola veritas
& simplicitas urgent.*

1. **A**G MEN ducet Gulielmus Altissiodorensis l. 3. summe tract. 18. q. 2. sub finem, respondens ad tertium quoddam argumentum quo obiectum fuerat interrogante perfectum virum apparitore; noritne an Petrus cædis reus domi suæ degat; exorituram in eo perplexitatem, eo quod vel sit illi mentiendum, vel dedendus qui ad necem quæritur, respondet in hæc verba. *Ad illud quod obiectum est de perplexitate, dicimus quod vir perfectus non potest esse perplexus, neque perplexitate absoluta, neque conditionata; sed posito illo casu, neque debet tacere, neque debet prodere, sed debet deludere ipsos apparitores, sicut dicebat Præpositus, sic dicendo, Creditis quod si ipse esset hic, quod*

Autoritas Scholasticorum pro restrict. 249

ego dicerem vobis. (Gallismus , Croyez que s'il estoit icy , ie vous le dirois) *vel debet respondere sicut ille Sanctus Episcopus , de quo narrat Augustinus , hoc modo nec possum mentiri , nec possum esse proditor.* Habes in vnico testimonio duos perantiquos Scholasticos , Altissiodorensem scilicet & Præpositium , quem *Magnum Clericum* appellat S. Bonau. in 4. d. 22. art. 1. q. 1. sententiam quam sequimur Parisiis professos ante annos quadringentos.

2. S. Thomas in 4. d. 21. q. 3. art. 1. *questiunc.* 1. ad 2. & 3. manifestè admittit confessarium interrogatum de peccato in confessione etiam prout in ea audito , iurare posse quod illud nesciat , subintelligendo quod nesciat vt subiectus. Et in scripto secundo ad Hannibaldum in 3. d. 38. q. unica art. 2. ad 1. exponens quomodo Iacob non sit mentitus , dicens , *Ego sum Esau* ita loquitur. *Dicendum quod sibi primogenitura Dei electione debebatur , & ad illum intellectum cum dixit se esse Esau primogenitum , Spiritus sanctus eius verba ordinabat , cuius instinctu & intellectu loquebatur. vnde quia hoc significare intendebat ad quod Spiritus sanctus ordinabat verba , ideo à mendacio excusatur. Et eadem est ratio de verbis omnium illorum in quibus mendacium concedere nefarium videtur.* Itaque habemus iuxta D. Thomam , in vnica Iacobi & cæterorum similium locutione in speciem falsa , tacitam restrictionem vi cuius liberatur à mendacio. Quod si hæc est ea quorundam responsio quam tacito nomine refert Scotus in 3. d. 38. q. unica *litera H.* dicens quosdam falsas illas Sanctorum locutiones ita liberare à mendacio quia dicunt eos *DEVM* fuisse allocutos (vt sanè ipsi sibi

ma esse videtur :) non est ea antiquorum responsio repudianda , quamvis prout à Scoto proponitur explodenda sit. quia propositiones illæ expolitæ per modum collocationis cum D E O , non haberent restrictionem tacitam accommodatam, qualem habent sumptæ in eo sensu quem ex D. Thoma retuli. Ad extremum S.D. 22. q. 69. art. 2. *in corpore* ; affirmat reum non iuridicè interrogatum *posse subterfugere per appellationem vel aliter.* Ut autem rectè aduertit Sayrus *in Clavi l. 12. c. 17. n. 21.* & Nauarrus ad cap. *humana aures q. 2. n. 10.* seclusa appellatione , vix potest alius excogitari modus subterfugendi, quàm per locutionem amphibologicam & subintelligendo aliquid aliud quàm verba sonant. & ideo ex mente D. Thomæ fas tunc fore eo confugere , notat Bannes 22. q. 69. art. 2. *dubio 1. in fine.*

3. Scotus *in 4. d. 29. q. unica litera E.* agens de eo qui metu graui adaectus , v. g. intentata sibi morte, profert hæc verba *accipio te in meam* , cum tamen sciat ob vim illatam falsum esse quod accipiat, fiatque traditio mutua corporum ad matrimonium requisita , vt intendunt qui metum incutiunt : Respondet talem nihilominus non mentiri, proferendo simpliciter illa verba. Obiicit autem illico. *Si dicas, ergo ad hoc quod non mentiat, oportet dicere accipio te in meam si dominus permiserit.* hanc subintellectionis expressionem non esse necessariam, & in ea locutione prout restricta saluam esse veritatem, ita ostendit. *Respondeo, ista conditio semper intelligitur quantumcumque sit absoluta locutio. Et isto modo debet intelligi absolute verbum eius, accipio te in meam, supple quantum in me*

Autoritas Scholasticorum pro restrict. 251
me est, presupposita violentia ista. Itaque aperte ad-
mittit Scotus, fas esse in simili quocunque euentu
vel posita pari causa idonea, restringere mentali-
ter locutionem externam. Quod autem in 4. d.
15. q. 4. in fine corporis admissa locutione restricta
subdit tutum postea fore pœnitere de huiusmodi
locutione, eo quod dubium sit an in ea interue-
nerit culpa: quanquam posset intelligi eodem
modo, quo supra Dorothei & Cassiani simile di-
ctum exposuimus, tamen facilius exponitur de
dubio, non quo ipse Scotus ea in parte laboraret,
sed quo alij quidam Doctores: Vt propterea tu-
tum esse dicat, in omnem euentum pœnitere,
quamuis non sit necessarium. & ita Scotum in-
tellexit Landolphus apud S. Bernardinum *tomo 3.*
sermone in Dominicam 22. post Pentecostem art. 1.
de mendacio officioso c. 2. Videri etiam Scotum id
velle affirmat Soto *relect. de secreto membro 3. q. 3.*
concl. 2. Demum in 3. d. 38. q. unica *litera H* Scotus
non reiicit honestum vsum restrictæ locutionis,
sed tantum eum qui sine idonea causa fieret, & in
quo restrictio non cohæret cum verbis expressis.
4. Durandus in 4. d. 21. q. 4. n. 10. *Sciens aliquid*
solum per confessionem, si inducitur in testem & cogi-
tur iurare de veritate dicenda, potest sine scrupulo
conscientia dicere se nescire. quia cum loquatur ut
subditus, quia coactus, non tenetur respondere nisi de
his, quæ scit ut subditus. Et quia Sacerdos audiens con-
fessionem nulli est subditus, nisi Christo cuius vicem gerit;
ut subditus autem cuicumque alteri nihil scit de perti-
nentibus ad confessionem, ideo securè potest dicere se ne-
scire. Ergo similiter quisquis adigitur dicere quod
non tenetur, negare potest se scire; nempe quate-

nus subditum cogentis, quæ est vnica illa formalitas subintellecta, penes quam Durandus eximit à mendacio confessarium, negantem se scire quæ non nisi in confessione didicit. Item si ea subintellectio *quatenus subditus*, siue iniuste coactus, apta est ad refundendam veritatem in externam propositionem alioqui falsam, qua Confessarius negat se scire quod ea tantum via nouit, æquè perfecto idem præstare poterit omnis similis reduplicatio, secundum quam foris expressam aliquis verè posset dicere se nescire, quod alioqui scit secundum aliam formalitatem. vt si quis dicat se nescire amici arcanum, subintelligendo se nescire quatenus hostem, aut quid tale. Itaque Durandus apertè ponit fundamentum omnium restrictarum locutionum ex causa idonea. Verum est id mox ab eo limitari, ad eum qui interrogatur; nec id concedere sponte loquenti, siue in communi sermone. Qua in parte non loquitur consequenter, vt rectè contra eum ex Paludano notauit Capreolus in 4.d.21. q.2. *ad argumentum contra conclusionem.*

Adamus Goudam in 3.d.14.q. 5. *difficultate 3.* quærens an posito quod Christus dixisset, *A erit*, posset *A* adhuc non esse, ita loquitur. *Affertio non requirit scientiam, sed voluntatem sic exprimendi, & dandi sic intelligere auditoribus ac sentire sicut exprimitur. sed si hac expressio procedit in Christo secundum notitiam & voluntatem diuinam solum, tunc concedo quod hac est adhuc contingens, Christus asseruit Afore: quia dato quod A non erit, & quod Christus prædixerit Afore, non intendebat absolutè asserere quod Aforet, sed hoc dicebat sub aliqua conditione*

Autoritas Scholaſticorum pro reſtriſt. 253
zione intellecta, qua non erit ſecundum potentiam or-
dinatam, licet aliter eſſe potuerit ſecūdum potentiam
Dei abſolutam. Et mox *concluſ. 1.* referens quo-
rundam ſententiam quod in omni prophetia ſub-
intelligatur conditio aliqua tacita, ſiue certa ad-
iectio ſubintellecta, vt in illis locis, *Ego non aſcen-*
do ad diem feſtum, Ego veniam & curabo eum: non
id reiicit ex falſitate talis locutionis, quod fuiſſet
commodiſſimum & expeditiſſimum: ſed ſuppo-
nens quod ea locutio externa poſſet eſſe vera, op-
ponit tantum conſtare per reuelationem quod
ſæpe prophetia ſit abſoluta.

5. Gregor. Agimin. in 1. d. 42. q. 2. artic. 2. ad 1.
admittit D E V M aliquoties per Prophetas ſuos
vſurpaſſe locutiones reſtriſtas in quibus aliquid
non exprimebatur ſed à D E O ſubintelligebatur. Et
mox ſubdit alias quaſdam Dei locutiones ad in-
tellectum duntaxat Deiloquentis fuiſſe veras. Ac ne
aduerſarius cauilletur cum fuiſſe oblitum pice
Nominaliſtica, malè exponente rationem menda-
cij & illud D E O concedente de potentia abſo-
luta: latè eo loco Gregorius Hibernicum & alios
(vt aduerſarij phraſim piccatam retineam) ea pi-
ce Nominaliſtica ſordentes exagitat, docètque
D E V M de nulla potentia poſſe falſum dicere,
quod multis de more Auguſtini testimoniis con-
firmat. Oſtédit præterea inanem eſſe Hibernici &
Adami gloſſam exponentium vulgarem mendacij
definitionem de intentione inordinata, quaſi is
tantum mentiatur qui intendens alium fallere id
facit ex fine malo. Itaque doctrina Gregorij eo
loco vndecumque ſana eſt & Auguſtino confor-
mis, cuius doctrinæ ſolet eſſe & diligentiſſimus
veſti

investigator & tenacissimus assertor. Neque tamen
olfecit in locutionibus ex iusta causa restrictis
fœtorem illum iniquitatis quem Barnesius saga-
ciorè nare à se in eis deprehendi fabulatur.

Petrus Palud. in 4. d. 21. q. 3. art. 3. latè descri-
ptus à Capreolo supra, *De teste omnes concedunt
quod potest dicere iuratus se nescire id quod nescit
nisi per confessionem, quia nescit ut subditus, &c.
sicut in iure est argumentum scilicet quod veniens
inquantum alia persona contra iuramentum, quod
prestavit ut alia persona, non est periurus. Et mox.
Qui negat se scire aliquid omni modo dicēs nullo modo
sciendi scio illud, si scit illud aliquo modo mentitur, &
peccat si iuret: si tamen illa negatiua sit ita uniuersa-
lis secundum mentem, sicut est secundum verba. Alias
cum sermo sit subiectus intentioni, & non è contra,
quantumcumque verba sint generalia, si loquens in-
tendat se restringere, & audiens similiter debet in-
telligere, non est mendacium. Et sic est in proposito.
Quia qui confessionem audiuit non intendit de illis
loqui. Qui autem eum audit in communi locutione
vel in quacunque depositione coacta vel spontanea,
non debet intelligere de confessione, de qua non licet
respondere vel deponere. Sermones enim requirendi
& accipiendi sunt secundum materiam. Hæc tam
perspicua & uniuersalia sunt ut glossam vel ex-
tensionem non desiderent. Mox autem adducit
in hanc rem exemplum Christi quem expendit
dixisse. Ego non ascendam ad diem festum hunc, &
tamen ascendit, nec fuit mendacium, quia fuit verum
in manifesto. Similiter quando dixit, de die autem
& hora illa nemo scit nec filius hominis, verum est
secundum quod homo, & per scientiam acquisitam,
sed*

sed non per infusam.

6. Dionysius Cisterciensis q.1. *prologi ad argumenta contra quintam conclusionem propositione quarta* ait S. Petrum licitè & absque culpa non adhibuisse fidem dicto Christi prænùciantis quod negaturus ipsum esset, etiamsi namque S. Petrus iudicaret & iudicare planè deberet Christum in verbis illis non mentiri, tamen iudicabat eum vsurpare locutionem restrictam cuius veritas non esset attendenda penes corticem præcisum verborum exterius prolatorum sed etiam penes id quod in Christi mente subintelligebatur. Ideoque S. Petrus verbis Christi prout exterius tantum sonabant, fidem denegans, innoxius erat, alioqui si non iudicasset Christum restrictè loqui, impegisset Christo mentionem cum Christo negationem denunciante respondit *non te negabo*. Ita fere Dionysius supra, eodèmq; modo interpretantur datum Christo à Petro responsum Palacius *in 3.d.26.disp.2.ad 2. questionem annexam*, & Pesantius *22.q.22.art.1.disp.2.conclus.2*. Addit vniuersaliter Dionysius supra, omnem cui reuelatio fieret de sua damnatione, existimare debere locutionem reuelatione illa fœtam, esse restrictam & habentem alium sensum verum quam quem ingenerant verba exterius sonantia. Earundem locutionum mente restrictarum veritatem, apertè supponit *in 1.d.40.q.1.art.3.dub.2*.

7. Capreolus *dist. citata* omnia hæc quæ ex Paludano retulimus rata habet, & diligenter insuper ostendit quomodo non sit falsitas in locutione restricta, sumpta præcisè prout voce profertur, ut videbatur probari ex eo posse quod propositio
vocalis

vocalis contradictoria locutionis restrictæ vera est, duæ autem contradictoriæ non possunt esse simul veræ. Negat itaque Capreolus interuenire ibi contradictionem: quia duabus illis propositionibus vocalibus, propter multiplicem subintellectionem verbis appositam, non affirmatur & negatur idem de eodem, *nec totum quod affirmatur in una, negatur totum & totaliter in alia. Ideo utraque talium quæ videntur contradictoria, potest esse vera simul cum alia. Nec obstat si additiones & restrictiones quæ fiunt in mente non exprimuntur in voce, quia voces sunt ad placitum, & proferens vocem potest significare aliquid sibi ipsi, quod non significat, nec significare intendit alteri. unde voces illæ non contradicunt apud dicentem, etsi apud audientem contradicant, quia aliud significant audienti & aliud dicenti.*

8. Gabriel Biel in 4. d. 15. q. 16. litera M. agens de eo qui negat crimen occultum de quo interrogatur, subintelligens quod neget illud quatenus publicum & publicè probatum, etiam si hanc subintellectionem suam mente premat, fatetur eum non mentiri, *quia, inquit, non loquitur contra mentem.* Hoc autem nobis in præsentia sufficit, quia tota lis in qua versamur spectat ad veracitatem & an locutio restricta pugnet cum ea directè, sitque mendacium quod ut vides negat nobiscum Gabriel. Qui tamen addit, *difficile excusare talem locutionem à veniali, quia verba accipiuntur ut sonant, & secundum communem intelligentiam secundum quam non sunt vera.* Sed hoc non dicitur consequenter. Impossibile enim erit Gabrieli ostendere quæ culpa à mendacio distincta admit

admittatur in ea locutione, per se loquendo, & seclusa vrgentiore lege quàm veracitatis vt nunc loquimur.

Pelbartus à Themessvar in rosario tertij sententiarum V. Mendacium §. 9. proposita quæstione, vtrum interrogatus à iudice de secretis teneatur verum promere; respondet, si iudex procedat ex officio & factum sit notorium aut semiplenè probatum, teneri veritatem dicere, quando non agitur ad aliam pœnam quàm spiritualem. Si autem factum non sit semiplenè probatum non teneri parere prælato, vt confirmat ex Henrico quodlib. 1. quæst. 33. & idem mox subdit de eo qui à iudice interrogatur ad instantiam partis. Hæc ille ibi, de quibus ferendum est iudicium, conformiter ad ea quæ dixi tractans quæ sit per accidens obligatio abstinendi ambiguitate & restrictione locutionis. Opponit autem sibi in hunc modum. *Sed dicetne mendacium? respondetur, quod non, sed utetur aliis verbis duplicibus & simulatis.* quo nomine & locutiones ambiguas & restrictas designat.

9. Tartaretus in 4. d. 15. quæst. 4. art. 3. *Queritur vtrum si dicat iudex, venias, & dicas mihi veritatem,* (agit de prorsus occultis) *quid est faciendum.* Respondet Gerson de vita spiritali quod non tenetur sibi dicere veritatem. Ex quo sequitur quod accusatus de crimine occulto potest tacere veritatem. Sed an liceat negare veritatem, problema est, quia aliqui dicunt quod non, & aliqui dicunt quod sic. Et paulo ante in sexto dicto. De mente Scoti est, quod reus potest negare veritatem, sed propter hoc non mentitur, quia non negat simpliciter veritatem sed eo modo quo sibi proponitur, scilicet in publico. Ideo eligas

R. quod

quod tibi magis placet. Et ista opinio est magis misericors, quia si diceret veritatem, suspenderetur. Itaque vides cum tametsi vtramque huius controuersie partem iudicat probabilem, tamen magis inclinare in partem cui adhæremus, vel potius eam amplecti.

16. Ioannes Maior in 4. d. 15. q. 18. cum dixisset neminem teneri crimen suum omnino occultum prodere, concludit, religiosum non teneri tale peccatum suum dicere in capitulo, aut superiori extra confessionem. Et dato, inquit, quod iuraret superiori, se dicturum veritatem de interrogandis, & postea prelatus petit de tali occulto, non debet dicere: & eius iuramentum debet intelligi, dicam quæ possum dicere: hoc est nisi fortiori vinculo astringar ad propositum. Et mox. Si sim accusatus coram iudice de tali crimine, dicam; Domine iudex, noli querere talia transcendentia forum tuum. Rursusque post pauca. Sed pone quod iudex secularis vel alius dicat ei, responde ad interrogata, alias habeo te pro conuicto, & ipse dicit nego proposita, intelligens nego ea esse facta ut proponis, vel nego me fecisse hac ad tibi aperiendum, an iste peccet? Dico inprimis quod non mentitur quia non dicit unum exterius & habet aliud in mente. Sed an fallit imputabilius? Apparet quod non, cum alter interroget iniuste: & materia est odiosa ex parte iudicis. Datur ei responsio amphibologica. Ergo non imputatur ista falsitas dicenti. Et illud potest colorari, per excusationem mendacii Iacob. Idem distinct. 21. quæst. 2. ad 2. agens de interrogato de causa penitus occulta; ita loquitur. Si sit peccatum penitus occultum quod ego sciam solus, dicam iudici quod transcendit ratio-

nis limites talia quarendo : Et licet dicam me nihil super hoc scire , intelligens in mente ad significandum non pecco , nec mentior , nec propriè falko . Quod non mentiar patet sic . Solus ille mentitur qui unum ore vel scripto enunciat , aliud habens in mente , & ut communiter dicitur mentiri est contra mentem ire . Qualiter hoc sit verum alibi tangitur . Modò ille assentitur sicut profert cum expressione quam addit in mente . Et eodem modo potest respondere religiosus Patri Abbati quarenti in casu corollarij in fine argumenti precedentis illati . Hoc est si religiosus sciat peccatum occultum fratris sui quod nec est in damnum corporale nec spirituale aliorum , & Abbas sub pœna excommunicationis precipiat illud deiegere . Quod non fallat propriè , patet : fallere ut in primo diximus deformitatem importat , & propterea dicens quod licitè dicere potest non fallit : Et patet per casum Iacob qui non fefellit . Rursus eadem distinct. quest. 3. ad 9. agens de Tyranno vi adigente Confessarium ut reuelet Confessionem , respondet de Confessario . Dicit nescio , intelligens ad tibi significandum & semper hoc in mente intelliget . Et quando argumentaris , bene sequitur , scit illud in confessione , ergo scit illud & dicit se nescire illud , ergo duo contradictoria sunt ab illo concedenda . Respondetur illa non contradicunt , scit illud & nescit illud ad tibi significandum , quia non habent eadem predicata mentaliter quod ad veram contradictionem requiritur . Et si dicat Tyrannus , responde ad hanc , non scio illum tale crimen commississe . Si illam concedis cum contradictoria sit vera , duo contradictoria sunt vera . Quod illi contradicat , patet : Non est verius contradicere quam toti propositioni negatio-

nem anteferre : si nulla ponatur in fronte vel etiam si ponatur non curando de superfluitate. Respondetur cum proterue argumenteris proteruam mereris solutionem. Nego illam regulam vniuersaliter. Non est verius contradicere quam toti propositioni negationem praponere. ut patet hic : homo non est animal. non A homo non est animal ; & hominis A asinus quodlibet ridicibile est. Si A confundat confuse tantum terminum immediate sequentem. Contradictoria erga istius, Non scio ad tibi significandum, est hac. Scio ad tibi significandum. quæ est falsa capiendo significandum nominaliter ut tantum valet sicut dignum significari, participialiter autem non facit ad propositum.

11. Adrianus, postea Pontifex Maximus eo nomine Sextus, in 4. tract. de confessione quest. de confessore respondens ad 2. principale argumentum propositum initio quæstionis, quo probabatur videri aliquando confessarium debere confessionem reuelare, ut si iurauerit se dicturum veritatem quam nouerit de omnibus de quibus interrogabitur, mox autem de scelere in sola confessione percepto interrogetur ; ita loquitur. *Ad secundum principale dico quod non obstante iuramento, tunc debet dicere quod nihil scit de veritate articuli, quia intelligitur de scientia ex qua ei liceat reuelare. Vel certè quod plus limitat, intelligitur de scientia ex qua teneatur ad inquisitionem iudicis deponere. Vnde in iure occulto, quia non tenetur semetipsum prodere, adiuratus potest secundum omnes Doctores respondere quod nihil de facto illo nouit, vel certè quod non fecit, quia intelligitur sub limitatione predicta. Huius simile inducunt Doctores. Ioan. 7. dicit Saluator. Vos*

Autoritas Scholasticorum pro restrict. 261

Vos ascendite ad diem festum hunc : ego enim non ascendam : intelligens in aperto , vel quoad primos dies . Idem Adrianus quodlib. 11. ad 2. principale litera CC. agens de eo qui sub iuramento adigitur patefacere quod nouit de re prorsus occulta , cum negasset maiorem argumenti , qua assumebatur dicendum tunc simpliciter esse vt res habet , addit . Et cum petis argumentum , vel dicet se nihil scire de illo facto penitus occulto , vel tacebit , aut planè veritatem dicet . Si primum , mentitur ; dico quod non mentitur , quia solum intelligitur distributio fieri pro his que licet aliis pandere , quemadmodum & Sacerdos licitè dicit se hoc crimen non audisse ex eo , quamquam adderet etiam quod non in confessione Sacramentali , si loquens se restringere velit ad ea que licitè referuntur . Et mox allegato in eandem sententiam Paludano subdit : cum dicit Sacerdos se nullo modo sciendi scire , sic loquens , quantumlibet generalia sint verba , intendit se restringere , & audiens similiter debet intelligere , non est mendacium . Eadem repetit Adrianus in 4. questione de correctione fraterna , quam adiunxit tractatui de Sacramento Pœnitentiæ , estque illius tractationis postrema .

12. Caietan. t. 1. opusc. tract. 31. respons. 5. Illud præ oculis est semper habendum quod quemadmodum in communi præcepto inquisitionis , si quis scit , &c. subintelligitur , seruato iuris ordine ; ita cum quis inquiritur in genere de complicibus , subintelligitur secundum iura reuelandis , &c. Et propterea non peccant inquisiti , si omnino occultos tacent , aut dicunt se non habere complices aliquos , habendo occultos tantum . Quia responsiua verba intelligenda sunt iuxta

sensum interrogationum. Intentio tamen oportet quod sit infra iuris limites. Et in summa V. Confessoris necessaria, ait, confessorium posse, non ad mentem interrogantis, sed ad suam liberè iurare. Ego nihil scio, nulla expressa limitatione. Quod autem 22. quest. 89. art. 7. circa ad quartum sub finem, negare videtur mentales restrictiones, intelligendus est de illis quæ nullo modo verbis subindicentur.

Alphonfus de Castro lib. 5. *aduersus hæres. hæresi 8. in fine*, tractans dictum illud Christi, *de die illa & hora nemo scit, neque Angeli in cælo, neque filius, nisi solus Pater* ita hæc verba à Christo dicta vult, non quod ipse nesciret simpliciter, sed quia etsi sciret non tamen ut illis reuelare deberet, de quo loco iam satis supra. Subditque: *Quemadmodum si aliquid tibi secretè commissum est ut nulli alteri reueles, & postea aliquis te de illa re sciscitetur, respondebis & merito, te nescire: quoniam etsi scias, non tamen sic scis, ut reuelare possis.*

13. Ioannes Medina C. de confessione tractat. 2. *quest. 45. expendens an Confessarius urgente impio Iudice possit sigillum Confessionis violare, reiectis quorundam aliis responsionibus, respondet. Dicendum quod Confessor possit dicere in casu se nihil scire, idque sine mendacio quia illa verba admittunt hunc sensum, scilicet nihil scio super hoc ad reuelandum vobis prout Augustinus interpretatur quod Christus de seipso dixit scilicet filius nescit diem iudicii, nimirum ad reuelandum hominibus. Aut sic interpretatur. Scilicet nihil scio de hoc super quo intendis me interrogare. Et verè respondet sicut debet responderi ad mentem interrogantis. Mens autem interro-*

Autoritas Scholasticorum pro restrict. 263

interrogantis hac debet esse scilicet inquirere de his que in foro illo tractanda sunt & quorum cognitio ad potestatem ipsius Iudicis pertinet. Modò autem que in sola confessione scita sunt non sunt de his qua in illo foro sunt tractanda, nec de his qua ad potestatem humani Iudicis pertinent ut constat, quia ad illud forum non pertinent nisi qua alioqui possunt in illo foro probari, & quorum testificatio seu depositio possunt ad illud forum deferri, qualia non sunt qua in sola Confessione sciuntur. Quod si mens Iudicis sit interrogare Sacerdotem si sciat de casu proposito aliquid etiam per Confessionem, iam excedit potestatem sibi concessam & non oportet ad mentem illius quam habet respondere sed ad mentem quam debet habere. Corollarie sequitur quod si crimen alicuius sit omnino occultum aut fidei alicuius sub secreto commissum de quo nec iudicia nec clamosa insinuatio nec semiplena probatio precessit, interrogatus à Iudice non teneatur se prodere si reus sit, nec reum possit prodere qui sub secreto rem illam accepit sed possit uterque respondere, se nihil scire ad sensum scilicet prædictum, id est se nihil scire in hoc quod ad forum suum pertineat. Et ita verè respondet ad mentem interrogantis. Nam hac debet esse eius mens ut de se satis constat. Nihil facilius quàm omnem hanc Medinæ ratiocinationem ad omnes euentus in quibus est iusta subtrahendi causa transferre.

14. Dominicus Sotus relect. de secreto membro 3. quest. 3. conclus. 4. & l. 5. de iust. quest. 6. art. 2. conclus. 7. admittit testem qui præter ius falsque interrogatur de crimine, respondere posse absque mendacio nescio, & iurare quod nescit, etiam si secretò cognouerit; dummodo concipiat intra se,

nescio ut dicam tibi. Adscribo Soti verba ex q. illa 3. conclus. 4. eo loco qui maximè implexus videri potuisset, hoc est quo agit de responsione testis non simpliciter interrogati sed cum exclusione restrictionis, facta per interrogantem volentem ut responsio detur simpliciter siue sit ius restringendi siue non sit. Ait enim nihilominus fas tunc esse respondere æquè ac si non fuisset exclusa restrictio & dicere nescio nempe ad dicendum quia ad id non teneor. Et adducta Genesij Sepuluedæ censura damnantis eam responsionem tanquam pulchrum commentum cap. tertio Dialogi Theophili, eam censuram reprobatur. Non solum, inquit Sotus, tenentur iudices inquirentes exceptionem exprimere de occultis sed quando iniquus iudex illam non faciat, iure ipso intelligitur facta, & ideo illa verba, Nihil scio, iure ipso restricta sunt, ut intelligantur de illis criminibus quæ iuridicè possunt inquiri, in quibus reuelandis testis subiicitur tali iudicio. Unde licet non respondeat ad intentionem iudicis iniquitatis, interrogantis sine exceptione, respondent tamen ad illam quam iure deberet habere. Et confirmatur hoc: quia si probus iudex & sapiens me interrogaret in uniuersum quicquid scio, optimè responderem: nihil scio (quamuis aliquid secreto scirem,) quia conicerem intentionem suam esse solum interrogare ea quæ iure potest: Ergo eadem ratione quando improbus aliquid præter ius interrogat, qui respondet ad intentionem iuris, non mentitur. Sed quid si in particulari me interrogat, virum Petrus occidit Ioannem, (quod ego solus vidi.) Videtur esse mendacium si respondeam, Nescio: nam non apparet quomodo illud verbum restringatur à iure. Respondetur quod iure

Autoritas Scholasticorum pro restrict. 263

iure possum respondere : Nescio : quia iure intelligitur : Nescio ut dicam : aut nescio eo modo quo iure debeam dicere. Nec hoc fert tam pulchrum commentum quam nonnulli existimant : nam cum voces sint signa eorum quæ sunt in anima, ut inquit Aristot. 1. Perihier. nemo potest respondere nisi illud quod scit. Et ideo perinde est, quempiam interrogare de aliquo facto, ac si interrogetur quid sciat de illo facto. unde sicut iniuste interrogatus quid sciat de hoc homicidio, potest respondere : Nihil : nam iure intelligitur, quod debeam scire : ita interrogatus an Petrus fecit hoc homicidium, potest respondere : Nihil scio : quod est ; nihil deo dicere. Nec abs re certè adducitur huc, illud Mar. 13. de illo die nemo scit, nec filius hominis. Nam quamvis multifariam à Doctõribus exponatur : ut adnotat S. Thomas 3. par. q. 10. art. 2. (Origenes enim exponit de corpore Christi mystico : quia Ecclesia nescit illum diem : alij glossant de Christo secundum scientiam acquisitam, secundum quam Christus non novit illum diem, atque aliter alij :) Tamen profecto germanus sensus illius verbi est quod Christus nescit illum diem ut dicat in hac vita : non modò propter auctoritatem Sanctorum ita exponentium, sed quia textui nullus alius sensus coheret. Eadem latè habet occasione Confessarij in 4. d. 18. quest. 4. art. 5. ad 3. Addit quidem Soto non posse testem dicere non vidi aut non audiui subintelligendò addicendum, eo quod his negationibus non possit aptari ea restrictio. Qua ex causa Barnesius contendit eum restrictis locutionibus aduersari. Sed malè contendit ut patet ex iis quæ priore loco ex eo adduximus, nam ibi perspicuè admittit locutionem restrictam, in responsione testis non iuridicè

dicè interrogati. Limitatio ergo quam subdit, *spe-*
ctat duntaxat ad restrictionem conuenientem,
 quæ possit vtcunque subindicari verbis, qualem
 Soto putauit non esse eam quæ proposita est, re-
 spectu negationum illarum, *non feci, non vidi.*
 Id autem dissidium non spectat ad proprium hu-
 ius difficultatis punctum. Quanquam hallucinari
 Sotum in ea aptatione subintellectionis prædictæ,
 nempe *ut tibi dicam, vel ad reuelandum*, nec capi
 satis posse cur neget verbis *audiendi, videndi, fa-*
ciendi posse adiungi restrictionem subintellectam,
 quam fateretur adiungi posse verbo *nesciendi*; nota-
 runt post Sotum permulti, vt Sayrus l. 12. *clauis*
regia cap. 17. num. 24. ex Nauarro, Salonio, Ban-
 ne, Valentia, Azorio, itémque Suarez l. 3. *de iuram.*
cap. 10. num. 3. ex Caietano, Adriano, atque To-
 leto. quibus adde Palacium in 4. d. 21. *disp. 2.* At
 verò Barnesius vt Sotum valdè commendaret
 §. 54. num. 5. post multa ex eo hinc inde congesta
 concludit eum loco quidem citato admisisse re-
 strictiones, postea tamen sibi contrarium ceci-
 nisse palinodiam tantum quia ipsi Barnesio ita
 videtur.

15. Michaël de Palacio in 4. d. 21. *disp. 2.* multa
 habet in confirmationem liciti vsus restrictionum
 ex idonea causa, occasione quæstionis de Confes-
 sario interrogato de criminibus in confessione au-
 ditis quem concludit posse profiteri ignorantiam
 eorum quæ in confessione audiuit. Per eam verò
 occasionem excurrens ad alias quoque iustas re-
 stringendi causas, confirmat eas exemplo Christi,
 qui ex aliqua iusta subintellectione negauit se
 scire diem iudicij. Tum delabens ad singulare
 exemplum

exemplum iudicis illegitimè interrogantis siue de peccatis in confessione auditis siue de aliis de quibus nullum ius habet interrogandi quia v. g. sunt prorsus occulta, ait communem sententiam quæ in eo euentu ait interrogatum posse sine mendacio respondere *nescio* idque iuramento confirmare quamuis re ipsa sciat id de quo interrogatur, explicandam esse in hunc modum. *Observabis Iudicis huiusmodi duplicem considerari posse intentionem: alteram quam habet de facto, alteram quam debuisset habere ex iure. Ex facto enim intendit scire quod confessum est. Ex iure autem debet solum intendere scire quod sui fori est. Cum ergo confessio non sit sui fori sed valde alieni quia est fori interni pœnitentialis, ideo Confessor iurans se nescire, verum iurat si intendat ut debet intendere se nescire quæ interrogantur in foro illo exteriori. Nam si intendere iurare se nescire quæ sunt sibi confessæ falsum iuraret. Respondebit ergo rectè se nescire quia tamen si non respondet iuxta intentionem Iudicis quam de facto habet: at respondet ad intentionem Iudicis quam ex iure debuisset habere. Neque tenetur respondere ad intentionem quæ est contra ius sed ad eam quæ est secundum ius. quia hanc semper poscit Iudicis tribunal, ut omnia quæ respondentur & quæ interrogantur secundum iuris rationem interrogentur & respondeantur. Et simili modo quando exquiritur ab aliquo crimen occultum quod fecit, agendum erit.*

16. Michaël Salon 22. quæst. 69. art. 2. controuersia 11. *Testis verè dicit, nescio, cum verè sciat, quia testis non tenetur respondere Iudici secundum suam iniquitatem, sed secundum id quod potest ut Iudex, & secundum mentem quam debet habere, etiam si illam*

illam non habeat, secundum quam verè hic dicit, nescio, cum iure debeat habere Iudex hanc mentem ut respondeat illi testis quod scit, præter occulta. Confirmatur quia si priuatus per vim vellet extorquere secretum quod scio de Petro, possum dicere me nihil scire: Ergo & iudici quando contra ius interrogat; quia cum autoritas eius sit alligata iuri, ubi agit contra ius, &c. Marci 13. de die illa nemo nouit neque filius hominis quia scilicet nouerat non ut diceret, quia ut sic ea tantum nouerat ad reuelandum que redemptioni erant necessaria. Est regula omnium Doctorum in cap. Sacerdos. (sic D. Thom. in 4. d. 47. q. 1. art. 1. questiunc. 3.) de pœnit. dist. 6. Idem Salon eodem loco, ratione quarta. Cum quis non tenetur omnem suam mentem alteri exprimere, potest sine mendacio proferre orationem cuius veritas pendeat ex particula tacita. Id probat Salon plerisque Christi dictis quæ absque particulæ tacitæ subintellectione falsa fuissent, cuiusmodi fuit illud, nemo scit neque filius hominis, nempe ad dicendum. Et illud, non est mortua puella nempe respectu meæ potestatis. Et illud, non ascendo ad diem festum, nempe palam ut vos velletis. Et illud. Qui minor est in regno celorum, maior est illo. nempe Christus Ioanne, nam quamuis falsò Christus diceretur minor Ioanne re ipsa & de facto, tamen verè dixit se minorem subintelligendo secundum æstimationem & iudicium Phariseorum. Hinc infert Salon, parum sibi consentire negat, cum fatetur illud Christi dictum nescio diem iudicii, verum esse subintelligendo ad reuelandum, & tamen negat eandem subintellectionem habere locum circa illud responsum rei illegitimè interrogati ac dicentis non feci quamuis reuera

Autoritas Scholasticorum pro restrict. 263

reuera fecerit. Infert præterea cum quis aliquid fecit quod exterius videtur esse contra legem nec violauit legem posse iuridicè respondere non feci, scilicet quod teneat declarare in iudicio. Nam occisor inuasoris potest accusari & denunciari per semiplenam probationem, & cum non habeat testes per quos possit probare suam inculpata tutelam, & se purgare, in hoc casu, licet iudex iuste interroget, licet respondere non feci, quia in criminalibus, interrogatio iudicis semper est intelligenda de facto quod sit crimen & peccatum, quod non commisit iste. Vnde est sensus. Non feci quod tu inquiris. Inquiris enim delictum quod non feci. Sic qui accipit alienum in extrema necessitate vel cum ignorantia inuincibili, vel quod sibi debebatur. Et paulo post. Infertur secundo, cum soleant Iudices cum interrogarunt innocentem iuxta ordinem iuris de delictis que non commisit, & ille negauit, rursus interrogare de aliquibus circumstantiis veris ex quarum confessione conuincetur vel de delicto vel de suspitione ob quam incurreret innocens graue damnum: In hoc casu non tenetur innocens confiteri tales circumstantias nec debet respondere ad mentem Iudicis, quia licet Iudex interroget legitime, nititur false presumptioni, vel infamie & in foro anime veritas debet præualere presumptioni que nascitur ex falsa probatione. l. illicitas §. veritas ff. de officio præsidis. Maxime in fauorem rei innocentis l. absentes ff. de pœnis & cap. ult. de senten. & re iudicata. Tandem in responsione ad primum Soti. Respondeo, quando quis voluntariè & liberè loquitur debere uti vocibus iuxta communem sermonem. At quando vis vel fraus ei infertur non teneri sed posse partem mente retinere.

17. Dominicus Bannes. 22. q. 69. art. 2. in 3. parte *commentarij dubio*. 1. fusissimè stabilit veritatem quam confirmamus: adducitque pro ea Adrianum & Caietanum. Refert item Salmanticæ eam tradidisse Penam & alios multos. Profert præterea pro ea plures rationes quibus euinci putat rectè omnino & verissimè apponi posse restrictionem locutioni in speciem fallæ, ita vt per eam subauditionis appositionem excludatur mendacium. Abstineo verborum adscriptione, quod prolixiorum esse oporteret, & liber sit cuius ad manum, nec latuerit Barnesium quid Bannes in hac controuersia censuerit in quem propterea stomachum effundit §. 25.

Petrus à Nauarra Toletanus in opere de restitutione, sæpè numero admittit restrictiones mentales ex iusta causa. vnus locus erit instar omnium. *lib. 2. cap. 4. n. 379.* agens de restitutione famæ violatæ detectione veri criminis, sed occulti, ait infamatorem illum simpliciter dicere posse, se falsum dixisse & mendacio infamasse; subintelligendo crimen publicum, ita vt sensus sit, falsum ei crimen affixi prout publicum. Sicut (inquit) confessarius potest simpliciter asserere, se nihil scire de peccato quod in confessione audiuit, quia verè nescit illud ad dicendum publicè; idemque est de omni alio secreto. Idem confirmat ex eo quod possit quis negare peccatum suum occultum, negando illud vt publicum idque subintelligendo. Qua item ratione iudex, innocetem publica scientia compertum nocentem, pronunciare potest nocentem, subintelligendo publicè & secundùm allegata.

18. Ludouicus Carbo tract. de restit. q. 19. concl. 8. Qui in iudicio verum crimen negat, quando iniuste accusatur, nullum videtur peccatum committere. Hac conclusio alibi in materia de iudiciis latius explicanda est: nunc breuiter dixerim hoc modo accipiendam esse. Cum iste negat crimen de quo accusatur, debet eo sensu negare quo à iudice interrogari potest; qui ex communi Doctorum sententia non potest interrogare de crimine quod ad suum iudicium non pertinet, cuiusmodi sunt omnia crimina que probari in iudicio nequeunt. Quando igitur reus negat se crimen fecisse, id in animo habere debet, ut neget se non commississe tale crimen de quo iudex interrogare debeat. Hac posita declaratione allata conclusio hunc confirmatur in modum. Si iste peccat maximè ratione mendacij. At hic nullum intercedit mendacium, quia negat crimen secundum rationem accusationis seu interrogationis, qua quis de publico aut aliquo modo notorio crimine reus agitur. Igitur cum non mentiatur non peccat. Et idem est dicere, non feci hoc crimen, ac si diceret, non publicè feci, quod verum est. Et cum hac responsio sit vera, nullum erit peccatum, etiamsi intercedat iuramentum. Quando itaque quispiam interrogatur vel accusatur contra ordinem substantialem iuris, potest negatione vti sine vlla culpa.

Petrus Aragon 22. q. 70. art. 1. quærens an testis præter ius interrogatus possit respondere se nihil scire, affirmat posse: aitque id clarum esse si iudex tantum inquirat de iis quæ non sunt occulta, testis autem non nisi occulta norit. Sed & si iudex iniquè interroget de omnibus quæ testes simpliciter & quomodolibet nouerint, ait Aragonius, testem se scire negantem, excusari à mendacio, quia respondet

sponder ad intentionem quam Iudex habere deberet, etiamsi de facto aliam habeat. De reo aliud dixerat hic autor *ibid. q. 69. art. 2. in fine*, quia putat subintellectionem illam, *ut dicam*, non cohære-
re cum locutione externa rei dicentis *non feci*,
quamvis cohæreat cum locutione externa testis,
dicentis *nescio*, quia *nescio* dicit ordinem ad dicen-
dum vel non dicendum, non item effectio vel non
effectio. Et hanc ob causam Barnesius initio Galli-
cæ editionis Aragonium Lessio obiicit. Sed omni-
no inconsultè. Nam ut dixi Aragonius quoad te-
stem disertissimè impugnat commentum Barnesij,
qui etiam locutionem restrictam à teste malè in-
terrogato prolatam inficiatur. Deinde quoad reum
fatetur Aragonius sententiam quæ docet illum
quoque posse restrictè respondere & negare se fe-
cisse subintelligendo ut dicat esse probabilem : ita
enim disertè tradit *q. 70. art. 1. conclus. 2. in fine.* at
Lessius hoc ipsum duntaxat dixit. Incongruentissi-
mè igitur de more aduersarius, Aragonium Lessio
cōmittit. Itaque quamvis Aragonius aliquas locu-
tiones restrictas negat, quia putat subintellectionem
eis appositam non satis subindicari per verba
(quod ut supra aduerbi spectat tantum ad modum
diuersum probandi & explicandi restrictiones,
non autem ad dissidium in sententia quoad eas :)
fatetur tamen dari posse locutiones restrictas om-
ninò veras, quod contra Barnesium satis est.

19. Petrus Lorca 22. q. 1. art. 3. disp. 9. membro 2. n.
24. respondens ad argumentum n. 20. propositum
apertè admittit vsum licitum restrictionum. Argu-
mentum erat huiusmodi. *Ne reueletur secretum vi-
detur fas esse mentiri. Siquidem si aliquis interroga-*

tur in iudicio aut extra de re occulta quam manifestare non debet, potest etiam cum iuramento affirmare se nescire aut non fecisse. Hoc fuerat argumētum. En responsionem. Ad secundum respondetur, secretum quod manifestare non licet sine mendacio negari, quoniam responsio negans intelligitur iuxta formam interrogationis. Nam qui interrogat solum censetur inquirere quod iure & recte interrogare potest, & ideo responsio aequatur interrogationi & sine mendacio profertur non esse aut non fecisse, intelligitur enim eo modo ut manifestare debeat.

20. Alexander Pefantius 22. q. 70. art. 4. disp. 1. sententiam Nauarri de licito vsu restrictionum ex iusta causa earumque si opus sit confirmatione per interpositum iuramentum, latè approbat tota conclus. 1. aitque esse communem sententiam omnium Theologorum & Canonistarum, agentium de reo & teste, præter iuris præscriptum interrogatis.

Consulto omitto Societatis IESV Scholasticos; ne Barnesius quod maximè intendit; imo quod vnum in Lessij exagitatione propositum habuit, hanc doctrinam domi ipsorum natam criminetur & eo nomine eos iure repudiatos obtendat quod sint ex Societate. Quasi apud Patres Societatis, ut religionis & charitatis, ita & sententiarum quantumvis singularium fœderatio inecatur. Quæ quantita sit falsitas, libri eorum, quicquid Barnesius subgrunniat, liquidò docent. Nihilominus, eo quod proposui consilio, Scholasticos Societatis IESV, in hac causa missos facio, & in iis duos omnium calculis eminentissimos & probatæ semper ac solidæ doctrinæ; Franciscum Suarem l. 3. de iuram. c. 10.

ac t. 4. 3. p. d. 33. f. 6. n. 6. & 7. & Gregorium de Valentia 22. d. 5. q. 13. p. 2. Nunc si placet ad Summistas accedamus, si prius obiter Barnesium hoc Scholasticorum exercitu ostentato verbis illis Augustini 2. in Iulia. commonuerimus, Ne tui stomachi follis, indigesta maledictorum cruditate rumpatur, in hunc euome si audes calumniosas tuas vanitates & insanias mendaces.

CAPUT XV.

Moralium Theologorum, siue Summistarum, testimonia pro eodem usu licito locutionum ex idonea causa mentaliter restrictarum.

1. **I**Nter Summistas, agmen ducet Guido de monte Rotherij, quippe qui anno 1333. *manipulū* (ut inscripsit) *curatorū* euulgauit. Ibi tract. 3. *secundae partis cap. 11.* agens de sacerdote qui interrogaretur de crimine audito in confessione ait; *Ipse debet iurare se nihil scire de ista materia, super qua interrogatur. Nec periurat, quia ipse nihil de hoc scit. Esto enim quod sciat istud crimen sibi esse confessum, nescit tamen utrum confitens in confitendo dixerit verum, vel falsum, & ideo potest verè dicere se nihil scire. Sed quid si index erit capillosus & interrogabit eum per iuramentum, utrum audierit aliquid de crimine de quo agitur. Dicendum quod iuramentum non ligat eum ad dicendum aliquid in hac materia &c. Unde potest*

Sūmiste restr. locutionib. astipulantur. 275
*potest licite iurare nihil se audivisse. Et intelligat quod
nihil audiuit ut homo, vel per modum quo debeat re-
stificari. Hæc vltima subintellectio æquè locum
habet in omni materia in qua quis testificari non
debet, atque adeo in qua suppetit iusta causa ob-
tendendi ignorantiam, cum lex superior non vrget.*

*Astensis 1. p. summa l. 1. tit. 36. in fine quærens an li-
ceat mentiri ad tuendam alterius vitam, negat li-
cere: Ait autem fas esse celare veritatem, sophisticè
deludendo quærentes, id est, per restrictionem men-
talem locutioni externæ appositam. Et mox ex Ho-
stienſi subdit, posse responderi. si talem quæris curre
illhuc citò, ita tamen quod sibi ostendatur alia via
quam fugiens teneat, vel alius locus quam ubi latet.
Vel sic. multi domum istam intrant & exeunt quos
non video, nescio ubi sit, id est, in quo angulo domus.
Vel sic. non vidi eum diu, est. Possum enim intelligere
illud diu sicut volo. Vel sic: non est hic, id est, in loco
ubi sum. Harum responsionum pleræque, spectant
potius ad locutionem amphibologicam de qua
cap. 5. in prima tamen est manifesta restrictio. Idē
Astensis 2. p. l. 5. titulo 20. agens de Confessario
qui compelleretur dicere an aliquis ipsi confessus
sit aliquod peccatum; respondet, teneri dicere se
nunquam audivisse & se de hoc nihil scire, etiam si
verè audiuerit & sciat. Addit item posse ab eo dici
quod nihil sciat per viam confessionis, qua subin-
telligitur nesciri ut ab homine, vel ad reuelan-
dum. Qua ratione Christo dictum, ignotum sibi
esse diem iudicii, nempe ad reuelandum. Deni-
que 1. p. l. 1. tit. 18. ex Rodonensi ait eum non
peccare qui adactus ad iurandum aliquid quod
præstare non tenetur, ad eludendam malitiam exi-*

gentis iuramentum *vitur verbis duplicibus*, *intelligens in alio sensu quàm ipse*. quæ sint autem ea verba duplicia nec pertinere ad amphibologiam sed ad restrictam locutionem liquet ex Angelo in *Summa v. iuramentum 4. initio* cum Astensis locum allegante.

2. S. Antoninus 2. p. titulo 10. cap. 1. §. 1. *Videtur posse absque vitio mendaciy uti verbis sophisticis seu locutione duplici ad obuiandum malis*, cum scilicet quis dicit aliqua verba quæ intelligi possunt dupliciter, & ad unum quidem intellectum dicit, alium autem intellectum intendit imprimere in mente auditoris. *Ut si de aliquo qui ad mortem queritur, interrogatus utrum transiuerit per illam viam, qui hoc nouit dicat, non transiuit hac, intendens loqui de loco in quo ipse est. Quod utique verum est. Similiter si quis Clericus interrogatus in porta ciuitatis, utrum habeat aliquid de quo debet solui gabella, & ille habens respondet quod non, intendens quod non obligatur ipse ad gabellam soluendam, non dicit mendacium, quamuis ille aliter intelligat verbum quàm proferens. Vnde & Angelus Raphaël interrogatus à Tobia quis esset, & de quo genere, respondit ex filiis Israhel ego sum, Azarias Ananie magni filius, quod verum est secundum interpretationem illorum nominum, secundum Magistrum in historiis, & non aliter.* Primum exemplum spectat ad locutionem ambiguam per homonymiam. cætera ad locutionem restrictam.

3. Angelus de Clauasio in *Summa, V. iuramentum 4. initio*, *Cum ab aliquo iniquè confessio exigitur, potest iurare secundum suam intentionem, quod est verum, licet secundum intellectum audientis sit falsum.*

Summist.e restrictis locutionib. astipul. 277
falsum. In quam sententiam citat Rodonensem
& Astensem ac Richardum; iuxta quem obste-
trices potuissent omne peccatum declinare si non
respondissent ad mentem Pharaonis, sed ad suam,
restringendo locutionem qua ille deluderetur.
Subdit Angelus. *Similiter quando quis ex iura-*
mento exigit ab aliquo quod ipse non potest sine pec-
cato implere, potest habere intentionem cum iurat,
illud facere, scilicet quantum poterit sine peccato.
Sicut similiter que habet impedimentum, excommu-
nicata, quia non potest probare in mortis articulo
cum oporteat eam iurare de stando cum viro, debet
intelligere sic. Scilicet quantum poterit sine peccato,
& non periurat. Rursus v. iuramentum §. num. 9.
agens de iuramento metu extorto, ait nullum
contrahi peccatum si quis ita iurauerit, non in-
tendens se obligare, sed tantum declinare vim in-
iustam, dummodo iurando habuerit animum solum
inducendi ad reuerentiam Dei, non ad obligationem
suam, & in mente habuerit aliquam circumstantiam
debitam qua verum iurabat, puta promitto quod da-
bo tibi centum, cum ista subauditione, scilicet si sum
tibi obligatus ex debito & non aliter, licet hoc non
exprimat, & huiusmodi, quia sic utitur simulatione
qua licet ut in cap. utilem 22. q. 2. Idem V. Confes-
sio, ultimo num. 4. Quid si interrogetur Sacerdos an
sciât aliquid de eo quod audiuit in confessione, vel
præstetur ei iuramentum ut dicat si aliquid audiuit in
confessione? Respondeo secundum Scotum in 4. d. 21.
q. 2. & ibid. Richardum quod debet respondere se ni-
hil scire, vel audiuisse, supple ad reuelandum. sicut
& Christus dicit Matth. 24. quod nec filius hominis
scit de die iudicii, intelligitur ad reuelandum genera-
liter.

luer. Vnde non debet tacere ut dicunt aliqui, & male, sed audacter dicere quod nihil scit, & quod nihil audiuit, quia subintelligitur ad reuelandum. Et in hoc concordat S. Bonau. eadem dist. & communiter DD. & Panormit. in cap. dilectus, de excess. pralat. licet quidam dicant quod potest dicere se nihil scire ut homo, sed ut DEVS. Ita dicitur in cap. Sacerdos de offic. ordin. Melius est ut dixi, scilicet ad reuelandum, quia non potest negari quin sciat ut homo.

4. Baptista Trouamala in summa Rosella V. Confessionis celatio num. 8. Quid si Presbyter compelleretur dicere utrum de aliqua persona sibi confessa, audiisset aliquod crimen? Respondeo in isto casu tenetur dicere se nunquam audiuisse, & se de hoc nihil scire, & verum dici, quia subintelligitur ut homo, vel nihil scit quod sit reuelandum.

Ioannes Nider in preceptum 8. decalo. cap. 2. proposito dubio de eo qui interrogaretur ubi sit aliquis iniuste quæsitus ad mortem, respondet ex Altifiodorense, debere deludere quærentes dicendo. Creditis quod si ipse esset hic ego dicerem vobis. Recole locum ipsius Altifiodorensis supra adductum num. 108.

Ioannes Chappius in Summulam Raymundi tract. 4. parte 2. c. 3. n. 12. agens de confessario compulso testificari de peccatis in confessione auditis, dicendum est quod si sciat illud solum per confessionem Sacramentalem, iurare potest se nihil scire, &c. scit enim peccata in confessione Sacramentali tanquam vicarius Dei & non tanquam homo, & sic licet potest iurare se nihil scire, hoc tamen intelligat quod non scit ut homo, vel per modum quo possit testimonium dare.

Summistæ restrictis locutionib. astipul. 279

5. Syluester V. *iuramentum*. 3. q. 2. docet, cum à quo iniquè exigitur iuramentum, possit iurare ad mentem suam, subintelligendo aliquid quod si exprimeretur verum sensum efficeret. Verba adscribere supersedeo, quia descripsit Angelum in primo loco quem supra ex eo dedi, & in fine eiusdem quæsti, idem vniuersaliter tradit de iis qui iurant se non fuisse in loco ubi pestis grassatur, quamuis ibi fuerint, sed adeo breui tempore vt contagium haurire nequiverint. Rursus V. *iuramentum* 4. q. 7. agens de iuramento metu extorto, describit prope verbatim secundum locum ex Angelo adductum, approbatque eius doctrinam, quamuis eum non nominet. Eum enim qui iurauit intendens in aliquo sensu facere quod iurauit, licet non in sensu eius cui iurabat, negat peccasse. *vt qui iurauit dare centum, subaudiendo in animo suo, si debuero, tunc non peccat, quia non tenetur iurare secundum intentionem eius, cum non sit suus iudex sed utitur simulatione licita quæ licet vt in cap. utilem 22. q.* Tandem V. *mendacium* q. 6. quærens vtrum liceat aliquando celare veritatem, respondet *quod si homo non sit obligatus respondere secundum intentionem alicuius, potest veritatem celare multipliciter.* Primò scilicet per responsionem ex verbis ambiguis compactam. Secundò dando vnâ responsionem ex pluribus quæ possunt ad vnâ interrogationem dari. Tertiò per locutionem duplicem habentem duplicem sensum, quorum in vno est vera & in alio falsa. Hic modus vt sit à primo distinctus, debet accipi de locutione restricta. Et ita patet ex exemplo quod subdit. *Si clericus interrogatus in porta*

an aliquid habeat de quo sit soluenda gabella, & ille respondeat quod non, scilicet de quo sit soluenda à Clerico. Et mox in quarto modo celandi veritatem ait, quando aliquis interrogatur de aliquo quod dicere non expedit, dicere potest se illud nescire, subintelligendo ad reuelandum: exemplo filij hominis, qui iuxta Marcum dicit se nescire diem iudicii, quod secundum Doctores ideo dicit, quia illud non scit ut reuelandum nobis. Eandem doctrinam habet V. confessio 3. q. 11.

6. Ioannes Tabiensis V. iurare num. 14. latè tradit eum qui iniuste ad iurandum adigitur, ut si vir adigeret uxorem ad iurandum de reuelando adulterio; vel si aliquis vrgeret alium ad præstandum iuramentum de aliquo quod non potest fieri cum bona conscientia; vel exigeret iuramentum ab eo qui non est ipsi subditus; vel in eo casu in quo secundum ordinem iuris non potest exigere; iurare posse secundum intentionem ac in mentem suam restrictam, deluso iniusto iuramenti exactore. Idem V. mendacium q. 6. inter casus quos ait esse claros circa mendacium, ponit quod sit mortale mentiri ad pervertendum iudicium. Et subdit. *Intellige quando index procedit iuridicè, & ipse tenetur respondere, alias melius tamen dicitur quod potest sophisticè respondere, id est, secundum mentem suam & non iudicis.* Et V. confessio 3. q. 1. docet confessarium interrogatum de peccato in confessione percepto, posse iurare se illud nescire, etiam per viam confessionis: quia intelligitur quod non scit ut homo, in quantum est homini subiectus. Moxque addita alia restrictione mentali eiusdem dicti ex Angelo, nempe, quod nesciat ad reuelandum, ait eam quoque bonam

Summiste restrictis locutionib. astipul. 281
bonam esse & licite vsurpandam etiam posito
quod confessarius interrogetur formaliter, an ali-
quid de eo peccato sciat per viam confessionis Sa-
cramentalis.

Franciscus Victoria in *summa de Sacramentis*
n. 184. *Quid faciet Confessor cum interrogatur de*
peccato quod audiuit in confessione? An posset dicere
se nescire? Respondeo secundum omnes, quod
sic. Sed quid si cogatur iurare? Dico quod potest
& debet iurare se nescire, quia intelligitur se nescire
extra confessionem, & sic verum iurat. Sed fac quod
Iudex vel Prelatus ex malitia exigat à me iuramen-
tum an sciam in Confessione? Respondeo, quod con-
fessus iuret se nescire in Confessione, quia intelligitur se
nescire ad reuelandum, aut taliter quod possit dicere.
Sed contra: si iuraret se scire in Confessione iuraret
verum, ergo cum iuret se nescire in Confessione, iurat
falsum, quia sunt contradictoria. Respondeo quod non
sunt contradictoria; quia in illa negatiua intelligitur
conditio subintellecta, scilicet, quod non scit tali modo
quo possit illud dicere.

Bartholo. Fumus in *armilla V. Confessor n. 5.*
agens de Sacerdote qui peccati alicuius est con-
fiscus per confessionem, ait: *Si requiratur sub qua-*
cunque poena, an tale quid sciat, potest dicere se nesci-
re absolute, quia nescit ut homini subiectus & hoc
potest iurare. Et V. iuramentum n. 16. tradit, cum
is qui iuramentum exigat, iniuste illud exigat,
posse concipi iuramentum non ad intentionem
eius; ostendendo verbis vnum, & iurando aliud.

7. Cosmas Philiaricus in *Enchiridio cum de re-*
stitutione fama pag. 178. agens de eo qui accusa-
tus est de crimine vero, sed quod probari nequit,

S 5 ideo

ideoque illud inficiatur, ita loquitur. *Cum peccatum est occultum & accusator ac Iudex non procedit iuridice, accusator non tenetur respondere secundum Iudicis intentionem. Potest ergo secundum suam intentionem respondendo verum dicere, & sic suam famam iniuste ereptam recuperare & conseruare.* Eadem plenius apud eum & explicatius in rem nostram tradita habentur *tom. 1. de officio Sacerdotis parte 2. lib. 3. cap. 14.* Decerpo ex longiore disputatione nonnulla in rem nostram expressius & manifestius tradita. Quando quis indebitè & contra iustitiam cogitur iurare, non tenetur iurare secundum intentionem cogentis, seu ad iurandum inducentis; neque ob id mentiri debet & contra propriam intentionem iurare, quia esset periurus, & peccaret mortaliter: sed potest ita accommodare verba, quod sint vera secundum propriam intentionem & falsa secundum intentionem iuramentum exigentis. Quibus autem verbis id facere possit, difficultas est propter Sotum, qui dicit quod potest occultare verum verbis equiuocis, sed non verbis planis, secundum communem intellectum, id solum significantibus: ut interrogatus an aliquid viderit, audierit, fecerit, non potest respondere; non vidi, non audiui, non feci, intelligendo tali die, tali hora, vel anno, vel ut tibi dicam: quia licet non teneatur respondere ad intentionem interrogantis, tenetur tamen eis verbis secretum celare, quæ in aliquo sensu recepto apud vulgum vel apud sapientes sint vera; alias mentiur: Et oratio, non feci, facit sensum vniuersalem, nunquam feci; unde si iurando sic respondet, est periurus: sed debet uti verbis equiuocis. Et dat exempla si dicatur alicui, iura mihi, potest respondere. Vro absque l si interrogetur

Summistæ restrictis locutionib. astipul. 283

interrogetur an commiserit homicidium occultum, potest respondere iuro me neminem occidisse, quia potest esse sensus, me à nemine fuisse occisum, at si detecta equiuocatione magis in particulari interrogetur, an ipse occiderit, dicit quod si non occurrit equiuoca locutio, non potest respondere, non occidi, intelligendo tali die, vel ut tibi dicam, sed si non potest alia via subterfugere, debet simpliciter confiteri se occidisse & potius pati mortem quam mentiri. Quæ Soti sententia Nauarro videtur durissima. Ideo cum alijs dicimus, supposito quod cogatur respondere & iurare, quod potest respondere se nescire, intelligendo ut illi dicat, & se non fecisse, nec vidisse, nec audiuisse; intelligendo ut illi dicat, vel tali die, tali hora, vel anno; & sic respondendo non mentitur, nec est periurus. Nam formalis ratio mendacij non sumitur ab intentione falsitatem in alterius mente constituendi, nam alias qui ad celandam veritatem uteretur verbis equiuocis, mentiretur; sed consistit in hoc, quod aliter dicitur quam sit in mente, unde mentiri est contra mentem ire. Qui ergo secundum suum sensum, verum dicit, licet alij credant esse falsum, non mentiuntur. Hactenus Philarcus, & mox post propositas ex Syluestro cautiones necessarias, ut huiusmodi locutio restricta, vacet culpa; nempe ut interueniat iusta necessitas compensans vel excusans illud simplicitatis dispendium; absitque scandalum, & secludatur obligatio alicuius alterius virtutis, restrictione interdicens: post has inquam cautiones propositas, subdit: hac sententia est magis pia, quatenus liberat ab infinitis scrupulis. Nam hominum curiositate & importunitate qui aliorum facta scire volunt, sapissime ita respondendum est ut eis occult

occultetur veritas ex qua saepe multa oriuntur scandala : & hac ratione obuiatur scandalis , & sic respondentes liberantur à mendacio. Ita tenent inter alios Adrianus, Syluester, & Nauarrus, & Angelus de Perusio & Ioannes de Anania, citari à Nauarro. In huius confirmationem, citant responsionem Sancti Francisci. Nam rogatus qua perrexisset quidam homicida qui iuxta eum transierat, manus per manicas immittens, respondit non transisse illac, scilicet per illas manicas. Ad quod etiam facit illud Matth. 13. de illo die nemo scit nec filius hominis, scilicet ut reuelet. Et cap. humana aures 22. q. 5. subdit plerisque particulares casus in quibus vsus est huius doctrinæ. sic enim criminofum à non Iudice vel non iuridicè interrogatum ; Confessarium item interrogatum de auditis in confessione, vxorem à marito interrogatam de adulterio, aliosque huiusmodi, docet posse sibi huiusmodi restrictis responsionibus consulere.

8. Matthias Felisius in 8. decalo. præceptum c. 27. agens de eo qui quærit aliquem ad iniustam eandem ait posse deludi, approbâtque Adriani doctrinam supra relatam qua locutiones restrictæ manifestissimè asseruntur.

Bartholom. Medina in institut. confessar. l. 2. c. 4. ait, confessarium posse iudicem iniquè rogantem de peccato in confessione audito, eludere, negando se quicquam eorum scire. subditque esse etiam opinionem probabilem, quod si iudex pergat, urgeâtque an per viam confessionis aliquid tale re sciuerit, dicere possit confessarius ; Ego ne per confessionem quidem hoc accepi, & ne ea quidem via id scio. Rationem subiungit Medina, quia

Summist.e restrictis locutionib. astipul. 285

quia Confessarius verè id nescit ad dicendum.

Martinus Eisengrein in *confessionali cap. 7. q. 11.* tractans idem dubium, ait: Confessarius in tali casu dicere potest se nihil scire, idque sine mendacio, quia illa verba admittunt hunc sensum scilicet nihil scio super hoc ad reuelandum vobis, prout Augustinus interpretatur quod Christus de seipso dixit scilicet filius nescit diem iudicii scilicet ad reuelandum hominibus. Addit & aliam optimam restrictionem nempe quod confessarius negare potest se scire peccatum in confessione narratum, quia potest subintelligere se nihil scire quod respondeat ad iustam mentem interrogantis, quae sistere debet in ijs de quibus potest inquirere. unde si eos limites interrogando excedat, responderi ei potest nō secundum mentem quam habet, sed secundum mentem quam debet habere.

9. Ludouicus Lopes 1. p. *instructorijs conscientiae cap. 37. in fine.* Marito interroganti de adulterio mulieris confesso, potest confessarius si opus est iurare nullum adulterium sibi confessum, concipiendo intra se, eo scilicet modo quo dicere teneat. Idem *ibid. c. 42.* mulier in mortis articulo constituta, nesciens impedimentum matrimonij si compulsa fuit excommunicatione reddere debitum viro, potest iurare se facturam ut absoluator, concipiendo intra se si id sine peccato fieri possit, nec erit periurij rea si cum conualuerit non redierit ad maritum nec debitum ei reddiderit. Solet hic autor allegari contra vsum licitum restrictionum mentalium quando secundum ius aut vsum in quibusdam materiis acceptio verborum secundum mentem respondentis non est conformis communi conceptioni. ita enim habet eadem 1. p. c. 42. Verum disertè idem autor se explicat

plicat de restrictione quæ adhiberetur sine causa vel iniuste, vt patet ex his eius verbis. *Peccat mulier qua sine causa iurat carere se crimine adulterij eo quod egerit poenitentiam illius, nisi maritus iniuste ad id iurandum eam compelleret.* Et mox. *Solum licet uti æquiuocatione sumit hoc nomen pro mentali restrictione vt liquet ex antecedentibus & non respondere ad mentem rogantis quando secundum ius aut usum in tali materia talis sensus verborum pro vero accipitur: alias non, ubi cessat coactio iniusta.* Ergo coactione iniusta interueniente concedit id licere, & idem diceret de iusta quauis necessitate; profitetur enim se sequi Syluestrum qui eam extensionem admittit. Nec sanè interuentus violentiæ aliud confert patienti quam iustam causam restringendi. Eam verò æquè suppeditat, iusta quæuis necessitas.

10. Emanuel Rodericus in *summa* t. 1. cap. 190. n. 7. ampliat hoc Lopesij dictum ad quamcumque idoneam causam. Eius verba sunt. *Si aliqua persona priuata aut metu aut importunis precibus compellit aliquem iurare, tunc qui iurat potest iurare ad mentem sui, non verò illius, quamuis secundum mentem interrogantis non sit verum.* Sic dicit Nauarrus cum communi. Et relata contraria Syluestri, Cordubæ, & Lopesij sententiâ, quod id non liceat si vis abfuerit, subdit. *Sed ego sequor opinionem Nauarri tanquam probabilior.* vnde infert multa corollaria. v. g. non esse periurum qui interposito iureiurando negat se habere rem quam alius mutuam petit; intelligens vt eam det mutuam: & alia pleraque, in quibus ob tacitam subintellectionem, responsio exterius falsa vacat mendacio.

Idem

Idem c. 246. *eiꝫdem tomi n. 3.* aliis multis exemplis hoc ipſum confirmat: & addit n. 4. loquendo hoc modo vitari quàm plurima peccata quæ paſſim admittuntur propter ignorantiam liciti uſus reſtriſtionum. *Quia ſæpe*, inquit, *interrogamur, quid comedimus, quot habemus nummos, quid dixit nobis N. &c. & poſſumus reſpondere, intelligentes nonnulla quibus dicamus veritatem, & negemus quod petitur à nobis. Sicut ſi dicat quis ut dicamus ei aliquid noui, poſſumus dicere nihil ſcire noui, intelligentes interius, quod conueniat dicere alijs, ut dicit Nauarrus, quæ doctrina debet notari. Eandem denique doctrinam ratam habet & receptam eſſe docet lib. de ord. iudiciali c. 10. n. 1. & 4.*

11. Gregorius Sayrus Anglus, Ordinis S. Benedicti, fuſiſſimus eſt inſtabilienda ſententia de qua agimus; cum aliis occaſionibus tum maximè lib.

12. *Clauis regie cap. 17. n. 21. & ſeqq.* docètque eſſe ſententiam omnium in caſu de reo coptra ius interrogato, *vno*, inquit, *excepto Geneſio Sepulveda.*

Et vniuerſaliter addit poſſe aliquem uti amphibologia ex iuſta cauſa, etiam cum reſpondet iudici aut ſuperiori, etiam adiuratus, & per obedientiam adactus.

Quia quamuis regulariter adiuratus reſpondere debeat adiuranti iuxta mentem eiꝫ, fallit tamen ea doctrina, quando alia mente quam debet adiuratur: tunc enim ſufficit, ut reſpondeat verum, ſecundum mentem & intentionem ſuam, licet falſum ſit ſecundum mentem interrogantis, & adiurantis.

Nomine porro amphibologiarum, comprehendit etiam reſtriſtiones mentales: imo expreſſius de eis agit ſub prædicto nomine. Eadem habet Sayrus

eodem opere *lib. 11. cap. 5. n. 6. & cap. 4. n. 24. ac sæpe aliàs.*

Malè omnino habet Barnesium, quod hominem Anglum ac eiusdem instituti professorem, & verò hominem doctissimum, tot à se diris toto opere deuotum, ac contumeliis proscissum videat, cum iis quorum sententiam Sayrus tutatur. Itaque ad hominis excusationem, ait, inprimis eum à Magistris quos iuuenis adiit deceptum, dissentanea passim hac in re, aut malè digesta, consuere videri. Deinde addit, eum incautè loqui cum admittit illam restrictionem *nescio ut dicam tibi*. Præsertim verò Barnesium pupugit, quod scripsit Sayrus, ex omnium præterquam Sepuluedæ sententia, licitum esse vsum restrictionis prædictæ ex causa iusta. Hic ego si pro Sayro aduersus imitem fratrem à quo impetitur stare velim, facile inprimis dicam, ostendisse in aliis plerisque locis Sayrum, quàm nullius addictus iurare in verba Magistri, quàm exsolutus alienæ cuiusvis doctrinæ iugo, sententiam suam aperiat, cum res fert. Fuerit verò Sayrus, cum iuuenis Magistros adiret, iisdem credulus, eaque docilitas iuventuti condonari meritò possit; At hominem ætate grandæuum, post diuturnum magisterium, cum deberet & ipse Magister esse per tempus, essetque meritissimò, in iis ipsis quas iuuenis combiberat falsis opinionibus consensescere, stupiditas esset ac ruditas non ferenda. Sed enim sicut autore Augustino, *sententiam falsam nunquam tenere prima laus est, secunda mutare*, ita non circumferri omni vento doctrinæ, sed in ritè concepta perstare, nec de ea dimoueri temporì seruiendo, vel ad gratiam à diuina

Summistæ restrictis locutionib. a stipul. 289
diuina diuersam escamve aliquam captandam,
sapientis Theologi est, cuiusmodi omnino Sayrus
fuit.

12. Iacobus de Graffis ex eadem S. Benedicti
familia, l. 1. *decisio aurearum cap. 23. n. 3.* docet Sa-
cerdotem inquisitum de culpa in confessione per-
cepta, respondere verè posse, se nescire, & iurare,
subintelligendo quod nesciat tanquam homini
subiectus. Quod si compellatur, vt respondeat,
non per verbum *scio*, sed per verbum *audio*, ait
posse respondere se nihil tale in confessione au-
disse, subintelligendo *tanquam purum hominem*,
Quod si perstet impius quæsitior, vrgeatque con-
fessarium vt respondeat an audierit vt *DEVS*, ait
respondere posse se non audiuisse eo modo, sub-
intelligendo, *ad modum cause principalis*. Et idem
repetit n. 24. agens de eo cui ex simplicitate fit
confessio in necessitate tanquam Sacerdoti, cum
tamen sit laicus, & vt talis agnoscat.

Claudius Millhardus ex eadem S. Benedicti
familia, *tomo 2. summe Parochorum cap. 79. n. 1. 2.*
& 3. vsum licitum restrictionum mentalium aper-
tissimè admittit. Et plenius c. 80. n. 2. vbi agens
de eo qui à non superiore interrogatur, ait fas esse
ei si causa idonea subsit respondere se nescire id
de quo interrogatur, exemplo Christi qui rogatus
à discipulis de die iudicij, respondit se illum nescire,
vtique *ad reuelandum*. Similitérque ait eum
à quo res mutua petitur, quam ipsius interfit non
concedere, respondere posse, *non habeo*, nempe *ad*
commodandum. Vterque locus est illustris, & li-
ber hîc in Gallia teritur omnium manibus, proin-
dèque sat fuerit cum indicasse.

13. Alardus Gazzus eiusdem Benedictinæ familiæ alumnus, *ad collat. 17. Cassiani c. 8. litera B.* non mentitur qui utitur amphibologia vel tacita restrictione, quia non intendit dicere falsum, aut loqui contra mentem: sed vel mentem suam aliter exponere quàm alter intelligat, vel non totam exprimere, sed solum ex parte. Eadem habet *ad lib. 5. instit. c. 37. litera B.* Cum autem de sola mendacij culpa possit esse per se loquendo in hoc negotio controuersia (supponendo quod non desit iusta causa restringendi;) eamque culpam excludat autor prædictus, perspicuum est eius suffragium contra Barnesium. An & istos homo qui è regione vniuersorum fratrum suorum fixit tabernacula papillæ adhuc adhærescere, & doctrinæ mendaciorum quam iuuenes à magistris hauserint, necdum renuntiasse, causabitur?

14. Bartholomæus à S. Fausto Congregationis Fulienfis in *speculo Confessorum disp. 21. q. 55. n. 2.* Si reus iniuste accusatus, vel denunciatus de vero crimine, respondet simpliciter se crimen obiectum non commisisse, aut falsum id esse quod ei tribuitur; non mentitur; nec peccat, etiam venialiter. Ratio est quia quando iudex non habet ius ad interrogandum, non tenetur reus se prodere, sed potest veritatem occultare; nec sic respondendo non feci, aut non commisi crimen, mentitur: quia nihil falsi dicit secundum mentem suam, negat enim crimen ut est obiectum: scilicet ut est publicum, & iuridicè probandum: sed reuera est occultum & probari non potest, ut supponimus; ergo non mentitur. Idque verum est, non solum quando interrogatur sine iuramento, sed etiam quando adhibuit iuramentum, ut tenet Nauarrus, &c.

Anton.

Anto. Fernandus de Moure part. 1. exam. Theol. Moral. c. 5. §. 1. n. 8. ait amphibologia uti licere, imprimis cū quis non iuridicè interrogatur, cum per metum, iniuriam, vel nimiam importunitatē cogitur iurare. Hac est doctrina communis & ferme absque controversia. Ut autem appareat eum loqui de amphibologia illa quam aliqui vocant insensibilem, id est, de locutione restricta, subdit, eo ipso modo Christum dixisse se nescire diem iudicii, id est, ad dicendum. Ita D. Tho. & alij sacri interpretes. Quamobrem licet uxori adultera, iurare marito amphibologice, nunquam tale crimen à se commissum, intelligendo ad illud detegendum. Ea etiam uti licet cum iustè quis interrogatur, si datur rationabilis causa non respondendi ad mentem interrogantis. Hoc autem eveniet cum index iuxta legem præsumptivam rogat aliquem de aliquo actu de quo ex præsumptione lex sinistrè indicat. Si ille qui talem actum operatus est, rectè coram DEO illum egit, interrogatus de eo, potest amphibologia uti, & iurare se nihil fecisse. Eveniet iidem, cum quis rogatus, an habeat accommodandam rem vel mutuo dandam, causam habet non illam dandi: si videat nimirum inde odia, dissidia, rixas, similitates prodituras, nisi mutuo det aut neget; apud se habere potest amphibologice iurare rem talem apud se non esse: nempe ea amphibologia de qua hactenus siue ad mutuo dandum. & ita ut rationabiliter debeam illud detegere.

15. Antoninus Naldus in Summa v. interrogatus n. 1. Interrogatus in iudicio an debeat centum sibi mutuata quæ verè secreto restituit potest respondere se nihil debere causa mutui intelligendo intra se quod verè non soluerit. Et mox n. 2. Interrogatus an de-

beat centum cum verè debeat tantum 50. potest negare petita prout petuntur, nec in hoc dissentit Connarruias si rectè ipsius verba perpendantur. Ait enim quod sic interrogatus non confitens partem debiti liquidi non incurrit crimen periurij nec mendacij. Sed nec crimen ullum admitteret intelligendo intra se aliquid verum secundum intentionem suam, iuxta adnotata per Nauarrum cap. humane aures 12. q. 5. Eandem doctrinam in alio exemplo confirmat n. 3. allegato Michaële Salon quem nos quoque supra retulimus, & huic doctrinæ discretissimè suffragari vidimus.

Martinus Bonacina disp. 4. de leg. q. 1. p. 12. in primis negat admitti mendacium quando verba faciunt verum sensum ex additione in mente proferentis retenta. Ratio est quia non itur contra mentem. Addit tamen admittendum fore peccatum contra præceptum affirmatiuum veracitatis, nisi aliqua iusta causa persuadeat vsum restrictionis tacitæ: qualem n. 3. ait esse quoties aliquid incommodi vel iniuriæ nobis imminet si loquamur ad mentem interrogantis. Itaque, inquit, si quis à te petat ut illi commodas librum, vel mutues pecuniam, negare putes te pecuniam habere, si tu illa indigeas; aut timeas fore ut mutuatarius serò vel difficulter restituat; aut periculum sit ut commodando patiaris aliquod incommodum; modo restrictionem aliquam in mente addas, negando scilicet te eam habere, ut illi commodas vel mutues. In eandem sententiam plurima subdit multis illatis corollariis n. 4. & 5. Inculcat quoque eam doctrinam eodem tractatu disp. 10. q. 3. p. 2. n. 6. dicens reum non iuridicè interrogatum posse dicere se nihil scire, vel se illud non commississe,

commisisse, adhibita restrictione in mente, ita ut teneatur illud aperire. Quoties enim iusta de causa æquiuocatio vel restrictio adhibetur, nihil fieri presumitur contra rationabilem iudicis voluntatem.

Ioannes de la Crux in *Directorio Conscientiæ*, circa octauum Decalogi præceptum q. 3. art. 3. proposita quæstione an reus iuridicè interrogatus teneatur confiteri crimen, respondet. *Dum non constat reo se iuridicè interrogari, non confiteatur crimen etiam sub iuramento & excommunicatione quaesitus.* Ita Soto, Nauarrus, Caietanus, & Bannes quos citat. Tum subdit. *Et sic reus tunc utatur verbis æquiuocis, dicendo non feci, non dixi, cum sic verum dicat iuxta mentem Iudicis interrogantis de crimine in ordine ad iudicium & scientiam publicam, cum eius crimen sit occultum. Imo etsi Iudex dicat se interrogare non solum ut Iudicem sed ut personam priuatam, non tenetur reus respondere ei nisi ut publica personæ. Item quoties reus non potest probare suam innocentiam, etsi alias à Iudice ob ignorantiam sine peccato interrogetur, potest reus uti dictis verbis æquiuocis, ut si Petrus occidit suum inuasorem cum debito moderamine, & interrogatus an illum occidit, non potest probare tale moderamen, licitè dicit non occidi.* Hæc ille, subdens postmodum reum consciuum quod iuridicè interrogetur, teneri candidè & sine vllis æquiuocationis ambagibus respondere ad interrogata. Perspicuè porro verba æquiuoca vsurpauit: pro mentaliter restrictis quæ alij appellant æquiuoca insensibilia.

Et hîc quoque Societatis I E S V Summistas ut prætermittam, facit Barnesij aduersus Societatem

IESV vt quàm mitissimè dicam austeritas. Confestim enim huiusmodi suffragatores quasi ex condiceto in sententiam Lessij venissent, repellendos decerneret. Sunt tamen ea apud doctos omnes (pax sit Barnesij auribus) eruditionis ac solidæ doctrinæ fama, vt nulli suæ ætatis secundi in hoc genere audire meritò possint, nominatim Card. Toletus *l. 4. summa c. 21. n. 6. 7. & l. 5. c. 58. n. 3.* & Thomas Sanches *l. 3. in decal. c. 6. n. 15.* Videtis præterea Reginal. *l. 24. praxeos cap. 1. n. 10.* & Filiuc. *tract. 25. cap. 11. q. 3.*

CAPVT XVI.

Præcluditur effugium, quo nonnulla ex proximè propositis Scholasticorum & Moralium Theologorum testimonijs, declinantur.

I. **E**X testimonijs propositis utroque proximo capite, ea duntaxat quæ ex Confessarij responso negatiuo ad interrogationem de peccatis in confessione expositis recensita sunt, videntur posse declinari absque subintellectione & restrictione quam quærimus. In cæteris quippe omnibus manifestè locū habet tacita subauditio, cuius interuentu prospicitur veritati propositionis externæ in speciem falsæ. Quod si ea subauditio in exemplis illis quæ autores adhibent, dicatur consignificari & subindicari, attentis circumstantiis negotij,

Vana declin. quarundā autorit. propos. 295
 negotij, vel personæ loquentis, parum id referet, nam similiter dicemus, eo ipso quod quis rationabiliter ac iustè aliquid reticet, subindicari & consignificari personam rationabiliter vsurpantem verba sua, & eatenus verè negantem se scire, quod reuera sibi scit. Itaque vbicumque dabitur iusta restringendi causa, locus erit eidem vel simili subauditioni, quam autores apponunt variis locutionibus restrictis quas admittunt in prædictis testimoniis. Semper enim licebit similiter dicere de re, quam quis scit, sed iustè reticet, quod eam premit quatenus non obligatus eam expromere; vel quatenus non subiectus interroganti in ea interrogatione irrationabili, & præter ius fasque instituta; quæ fere sunt subauditiones ab autoribus memoratis propositæ in variis euentibus & exemplis quæ expendebant. Quia ergo hæ ipsæ vel similes subauditiones, æquè semper locum habent in omni locutione iustè restricta, meritò ex singularibus illis exemplis in quibus autores hactenus recensiti admittunt veritatem locutionis restrictæ saluam esse per subintellectionem, colligimus idem quoque iuxta eos in omni iustè restricta locutione statuendum esse.

*Effugium ad declinandas autoritates nixas restrictione Confessarij, negantis se scire
 quæ in Confessione percepit.*

2. In solo, vt dixi, exemplo Confessarij negantis, ac iuramento si libet confirmantis, se aliquid de peccatis in confessione expositis rescivisse, excogitandum sibi putavit Sepulueda quod exci-

peret. Quod enim videret intutum fore hominī Catholico, negare veritatem responsi illius negatiui ab omnibus Doctoribus receptam, quorum plerosque supra retuli, & multos præterea adducit Henriques *in summa morali lib. 6. c. 19. n. 7. in glossa*, & Bonacina *disp. 5. de sacram. q. 6. s. 5. puncto 4. n. 31.* eo deuenit vt diceret, longè aliam esse rationem Sacerdotis negantis se scire quod in confessione accepit, & cæterorum quacunque ex causa inficiantium res sibi perspectas, Discriminis aliquot causas profert cap. 3. dialogi sæpe allegati, Prima est quod DEVS, & Ecclesia, ipsaque ratio naturalis, arcanum sacræ confessionis quod multis scriptis legibus nominatim est sancitum, tam Sanctum esse voluerint, vt in nulla, dummodo prudenti & coacta, sic cognitorum peccatorum inficiatione, possit esse mendacium, propter Sacramenti huius maiestatem & maximam publicamque religionis Christianæ perturbationem, quam existere necesse esset, nisi vndecumque occluderetur aditus ad notitiam à Confessario ex confessione perceptam. Quis etiam non deterreretur à confessione peccatorum, si quo modo quæue ratione Confessarius ea posset euulgare, inconsulto nec annuente eo ipso qui exposuit? Alia discriminis causa à Sepulveda proponitur, quod Sacerdos aliam personam induat dum Sacramentum administrat, aliam dum assumitur in testem peccati per confessionem percepti. Aduocatur enim in testem, prout persona priuata est, & magistratui aduocanti subiecta: confessionem autem exceptit, & scientiam peccati comparauit, tanquam Christi administer, nemine in terris inferior. Sicut ergo
quæ

Vana declin. quarundā autorit. propos. 297
quæ quisque tanquam publica persona promiserit
ac etiam iuramento firmaverit, iis præstandis
astringi desinit, cum primum abit Magistratu, ita
qui negat se scire quatenus priuatus est, quæ no-
uit vt Dei administer, non mentitur. At ea perso-
narum diuersitas, nulla est in reliquis exemplis,
quorum veritati sola subauditione consultum pu-
tatur. Tertiam denique discriminis causam esse
ait, in qua maximè conquiescit, quod nimirum
instiguta confessione, protinus Apostoli nullo in-
terposito medio tempore, edixerint ac institue-
rint, vt Sacerdoti liceret eorum quæ per confessio-
nem percepit notitiam inficiari; idque à Chri-
stianis magno consensu comprobatum, posteris
quasi per manus voce traditum, & ad hanc diem
vsu receptum esse. Hanc publicam Christiano-
rum doctõrum iuxta ac indoctorum interpreta-
tionem, omnium maximè Sacerdotis inficiationi
suffragari, affirmat Genesius, & subscribit Barne-
sius §. 28. n. 4. quod ea declaretur non alium sub-
esse sensum inficiationi Sacerdotis, quàm quod vt
Sacerdos tantum illa nouerit, quæ celata oporteat,
non euulgata.

*Præcluditur, & prima discriminis ratio
repellitur.*

3. Hæc hominis difficultate impediti subterfu-
gia, non est difficile præcludere. Inprimis verò
prima discriminis causa, est apertè inanis. Si enim
est mendacium inficiari quod noueris, non est in
Ecclesiæ, imò neque in ipsius Dei potestate, quo-
cumque tandem ex fine efficere, vt Sacerdos

licitè inficietur quæ nouit : cum mendacium sit intrinsecè malum, ac ne DEO quidem concedente, admitti possit. Non igitur ea ex parte defendi potest honestas inficiationis Sacerdotis, quod DEVS vel Ecclesia eam inficiationem arctissimè præcipiant. Prius enim ostendendum est, præcipi posse, quod fieri nequit si sit cōtra veritatem.

Item secunda.

Secunda discriminis causa, est etiam friuola, nam quod Sacerdos diuersam personam induat, quatenus Sacramentum administrat, & quatenus ad testificandum compellitur, non est semper verum. Posset enim iniquus inquisitor, etiam de notitia per confessionem parata, velle doceri per confessarium. Et idcirco S. Thomas, & alij auctores quorum plerique supra adducti sunt, constanter affirmant, ne tunc quidem cum confessarius interrogaretur qua confessarius, & vt administer Sacramenti, compellereturque sub ea formalitate affirmare vel negare an crimen rescuerit, abstinendum esse negatione, posito quod verè confessarius peccatum rescuerit ea tantum via. Deinde concessa ea duplicis personæ in confessario consideratione, quis non videt confessarium criminis conscium, cū absolutè negat se nosse quod quaeritur, subintellectione iusta vti, quam explicitè non exprimat, & eatenus verè profiteri se nescire quod nouit? Similiter ergo in quibusuis aliis iustæ reticentiæ occasionibus, distinguenda erit in quolibet restringente locutionem suam, duplex persona. Altera secundum quam restringit, nempe

pe quatenus persona rationabiliter loquens, aut quatenus persona non subdita interroganti, vel astricta ad tacendum. Altera verò secundū quam absolutè rem nouit. Neque enim rem nouit quatenus obligatus eam premere. Atque ita duæ omnino personæ considerari in eo facile possunt, ac mente præscindi. Quod si ea duplex consideratio, Confessarium, de se sub vna negantem, quod sub alia perspectum habet, liberat à mendacio, æquè liberabit quemlibet alium, iustè eodem modo inficiantem vno titulo, quod altero asserere deberet, nisi idonea ex illo alio titulo inficiandi causa occurreret.

Et tertia; admistumque ei fermentum.

4. Tertia denique discriminis causa, & apertè commentitia est & aliquid fortasse continet vel supponit dissentaneum Catholicæ fidei. Quod enim Apostoli sensum vocabulorum respectu Confessarij peruerterint, edixerintque vt inter Christianos; vox *nescio* prolata à Confessario de peccatis in confessione perceptis alium sensum faciat quàm quem fert communis vsus, est omnino ridiculum & gratis confictum. Quis enim eam Apostolicam verbi illius deputationem agnouit: veterum; aut ante Genesium ac Barnesium tale quid commentus est, ad explicandam veritatem dicti, quo Confessarius inficiatur accepisse se quicquam eorum quæ pressa esse necesse est? Hostes sanè Catholici nominis, ad quos ea traditio permanasset æquè ac reliquæ, ream iampridem egissent Ecclesiam, peruersionis in ipsa quoque vocabula

bula inueſtæ; cum tamen duntaxat expoſtulauerint de ſubintellectione appoſita verbo *neſcio* per confeſſarium prolato. Non obſcuro argumento hunc eſſe germanum Eccleſiæ ſenſum, qui Sectariis arcani Sacramentalis ea ratione expoſiti iuratis hoſtibus diſplicuerit.

Illud verò addebam ſubolere aliquid minùs boni apud Catholicos odoris, quod habetur in eo tertio diſcrimine. Nèpe Apoſtolos fuiſſe, qui cum uſum verbi *neſcio*, ſtatim à confeſſione inſtituta mandauerint, vt arcano confeſſionis & incolumitatis Sacramenti proſpiceretur. Hoc, ſi ipſi Apoſtoli Sacramentum Confeſſionis inſtituerunt, non improvidè dictum eſt. Sed Chriſtum ipſum, eſſe omnium omnino nouæ legis Sacramentorum, atque adeo huius etiam autorem, certa fides docet. Itaque illius quoque fuit, ſecreto confeſſionis proſpicere, non autem Apoſtolorum. Cum igitur tanti referre dicatur, ad arcani Sacramentalis integritatem & immunitatem retinendam, vt ea ſignificationis nouitas, vocali ſacerdotis inſiciationi ſubiiceretur, omnino par fuit, non Apoſtolos illico ab inſtituta Confeſſione, nullo prætercurrente medio tempore, vt fabulatur aduerſarius in tertia illa diſcriminis cauſa, ſed ipſummet Chriſtum, autorem nouitatis illius fieri, ne non ſatis prouidus videretur, ſi ad eius inſtitutiones Apoſtoli illico conſummatoreſ accurrerent. Quare non obſcurè in eo tertio diſcrimine, quod ab illo Apoſtolorum edicto repetitur ſupponi vel affirmari ab aduerſario videtur, Apoſtolos eſſe autores & inſtitutores Sacramenti Pœnitentiæ, eoque inſtituto adiunxiſſe illico ſigilli munimen, vt Sacramenti incolumitati

Vana declin. quarundā autorit. propos. 301
luminati prospicerent. Quod si Barnesium Genesij
suffragatorem & encomiastem later, moneo sub
anathemate damnatum in Tridentino *sess. 7. can. 1.*
de sacram. in genere, & sess. 14. can. 1.

*Restrictio Confessarij, ceteras ex idonea causa
factas stabilis.*

5. Itaque maneat, eo exemplo Sacerdotis, inficiantis comperta sibi esse quæ in Confessione accepit, omnino validè confirmari vsum licitarum iusta ex causa restrictionum, & meritò autores qui eam Sacerdotis inficiationem licitam admittunt, pro honestate iustarum restrictionum allegatos esse. cum idcirco tantum Sacerdos verè inficietur se nosse quod nouit, quia iustè subintelligit se id non nosse ad dicendum, vel quatenus personam rationabiliter enunciantem sensa sua; ac proinde cui ius sit partem eorum subtrahere. Cuicumque ergo similiter ius erit non expromendi integrum conceptum suum, poterit eodem modo iusta subintellectione mente retenta, nec nisi implicitè verbis quatenus rationabiliter prolatis significata, locutionem suam restrictam liberare à mendacio, seque indemnem & eorum malorum quæ imprudentem euulgationem consequerentur, expertem præstare. Et ita rectè, stabilita validè paritate, intulit Nauarrus in *cap. humana aures q. 1. n. 8.*

Nunc tamen in disputatione Theologica, Theologorum autoritas satis superque esse debet, tamen ad cumulum largitatis qua erga Barnesium uti placet, iuuat præcipuos quosdam Iuris præsertim Canonici consultos, huc aduocare. Quod tamen

metri minùs exquisita tradendæ veritatis & naturæ rerum excutiendæ ratione vti soleant quàm Theologi, non careant tamen insigni autoritatis pondere, & recepti vsus ac sensus, testes idonei iure sint censendi.

C A P V T XVII.

Iuris utriusque consulti, eidem iustæ restrictionum mentalium usurpationi astipulantur.

I. **S** TET primus in hac acie Henricus Hostiensis in *summa lib. 5. tit. de pœnit. n. 49. §. dixisti unquam.* Proposita enim hac quæstione. *Quid si quis querat à me hominem latitantem in domo mea, intendens eum occidere, numquid debeo mentiri, & dicere nescio ubi sit?* refert varias ad eam quæstionem responsiones Doctorum; tandem ex mente sua ita eam soluit. *Dicas, quod sic possum respondere. Si talem quæris, curre quàm citiùs illhuc; ita tamen quod ostendam ei aliam viam quam fugiens teneat; vel alium locum quàm intraverit latens, & dicam ei quod nisi citò currat, forte non poterit ipsum consequi, nec etiam inuenire. Vel sic: frater multi intrant domum istam & exeunt, quos ego non video neque scio: si esset hic, ita bene posses tu vel alius ipsum videre, sicut ego. Si multum instet, quarens, nec ei verba ista sufficiant, & domus spaciofa sit, potero dicere: Deus scit, nescio ubi sit, id est in quo angulo domus latitat: sic debeo intelligere. Et si possum ipsum tenere in verbis*
his

his vel similibus, ita quod nullum periculum imminet, bene erit. Et mox. Finaliter debeo informare meam conscientiam ad negandum, & dicere non vidi ipsum, diu est: possum enim diu intelligere sicut volo; vel dicam simpliciter informata conscientia, non est hic, id est, in loco ubi tenco pedes meos. vel etiam si simpliciter negem, non peccabo, conscientia informata nec dicam mendacium, quod nihil aliud est quam contra mentem ire.

2. Baldus in rubr. C. de fide instrum. docet mihi ex falsa mutui scriptura in iudicium deducto, non licere aliquo modo falsum solutionis instrumentum producere. Iniquè tamen conuentum in iudicio ad centum quæ actor verissimè asserit se mutuo dedisse, cum tamen eidem à me clam soluta fuerint, posse veram illà mutationem negare, subintelligendo ita vt ultra ei sim obnoxius quod traditur etiam à Iasone in §. bonæ fidei. de actionibus n. 81. & à Barb. in cap. 1. de mutuis petition. n. 84.

Hippolitus de Marsiliis singul. 177. sub initium. Dixit singulariter D. Anton. in cap. 1. de mutui petit. quod si mutuaſti mihi decem quæ tibi restitui in secreto, si tu iterum illa petis possum licitè negare & dicere nihil à te habuisse. Quod etiam tenet Petrus de Ancharano in cap. 2. de reg. iur. in 6. & in dictum caput cupientes. ad quod etiam faciunt dicta per Baldum in dictam Rubr. C. de fide instrum. 8. columna. 10. incidenter etiam quero. Habet lector in hoc vno testimonio trium insignium Doctorum suffragium pro restrictis locutionibus, prætermisso nunc Baldo de quo paulo ante: nempe, Antonij, Ancharani & ipsius Hippoliti. Annuunt Barb. l. 2. consil. 12. Ioannes de Anania cap. qui cum fure. de furtis,

furtis, Angel. de Perus. in cap. cupientes de elect. in 6. & in l. idem §. sit ubi ff. de condict. ob turpem causam tractantes euentum de quo supra, & cum quo quis interrogatus an occiderit Petrum, inficiatur eum à se occisum, eo quod occiderit eum in sui defensionem, subintelligatque Petrum non fuisse iniuste à se occisum, vel ita vt eadem abs se iuste factam teneatur aperire deficientibus probationibus quibus se exposita veritate indemnem præster. Quinimmo addunt hi Doctores eum qui in prædictis euentibus restrictè locutus fuerit & negauerit abs se factum quod reuera fecit, aut habuisse se quod reuera habuit, posse inficiationem firmare iuramento absque timore periurij ob appositam subintellectionem iustam.

3. Couarruias 1. var. cap. 2. num. 3. & 4. multa habet, quibus confirmet inficiationem rei cognitæ ex iusta inficiandi causa, posse mendacio vacare, si subintelligatur aliquid ratione cuius verum sit quod homo inficiatur. Sic cum Sempronius petit à me centum, quæ verè dicit se mihi mutua dedisse, ego tamen ei occultè reddidi, iuste & sine culpa nego petitionem ac debitum, subintelligendo ita vt sim vltra ei obnoxius. Nam ego, inquit Couarruias, qui verè centum ab actore petita illi solui, iniquè ad iudicium trahor, iniuste interrogor: unde possum versutiam iniquè interrogantis, eludere, responsione quadam quæ interpretationem, intellectumve quem ex animo illi dederim, congruè patiatur. Sic sanè dum ipse nego positionem quæ mutui dationem ponit, intelligo me dicta centum cum effectu mutuo non recepisse: vel quia illa mutuatio quæ verè contigit, solutione est rescissa, eiusque obligatio soluta.

Consensus Iuriss. in restr. ex iusta causa. 305

soluta : vel quia non dicitur mutuum accepisse , qui illud iam reddiderit : vel ex eo quod in ea positione asseritur , me centum mutuo accepisse , in eum sensum ut illa non reddiderim , sique ex ea mutui datione obligatus , cum ad hoc intendat mens interrogantis : & tamen eo sensu positio falsa est , quo sit ut licet negari possit.

Simancas in *Cathol. institut. titulo 42. num. 13.* agens de hæretico occulto qui in generali inquisitione nulla præcedente ipsius infamatione interrogatur à Iudice an sciat aliquem hæreticum esse , respondet. *Potest huiusmodi reus iuste celare crimen , dicens , nescire se quis fecit , quia non sic scit ut dicere teneatur.*

4. Ioannes Gutierrez in *qq. Canon. cap. 11. n. 40. & 41.* ad eandem quæstionem iisdem verbis respondet , approbatque responsum illud *non feci* , quamvis verè fecerim , modò subintelligam *ita ut dicere tenear.* additque : *Quare contra ius nequisiti possunt ac debent quacumque uti amphibologia quam usitatus sermo circa mendacium ferre possit.* quibus verbis manifestè significat eam restrictionem *ita ut dicere tenear* , quam ibi admittit attexi posse locutioni externæ eius qui iuste inficiatur quod fecit , importari verbis inficiationis iuxta communem & usitatum sermonem. Inde autem manifestum est omnes iustas restrictiones , ita stabiliri posse ut non sint purè mentales , sed ipsis quoque externis verbis importentur , quatenus rationabiliter prolatis.

Martinus Alphonsus Vivaldus in *supplemento aucto.* cap. 12. num. 18. si Iudex cadauere inuento compellat vicinos omnes iurare inter quos & me qui

illum ovidi possum tunc iurare sine peccato me illum non occidisse, dicens in corde meo, ad dicendum tibi vel similia. Multos ad id autores profert hic auctor; supponit tamen quod & nos supponi volumus iudicem non seruare ordinem iure præscriptum. Nam si eum seruaret, respondendum esset reo ad Iudicis mentem ut præmiserat num 6. & nos supra confirmauimus cap. 4.

Salsedo in *practica criminali Canonica* cap. 126. cum dixisset reum præter ius interrogatum posse iudicem eludere; Idem, inquit, pari ratione in teste asseuerandum censeo, qui non teneatur ad testificandum. Potest enim iudici interroganti dicere, se non teneri ei respondere, quamuis sciret id de quo interrogatur: & si illum cogere velit, appellare potest, præterquam si iuste timet iudicem in eum sanituum. Quod si timet, respondere potest se nihil scire, intra se tamen intelligendo quod dicere teneatur. Ita scribit Martinus Nauarrus in *manuali confess.* cap. 25. num. 43. cuius opinio verissima est & amplectenda, licet contrariam tenuerit Genesius à Sepulveda de ratione redd. testimo. cap. 13.

§. Binsfeldius in *Enchir. Theo. pastoralis* p. 3. cap. 6. si iuramentum extorqueatur per metum vel importunitatem ab eo ad quem non spectat, vel etiam à iudice non seruato ordine iuris, potest iurans secundum propriam mentem verum iurare, & falsum secundum intentionem exigentis iuramentum. Exempli gratia, si quis aliquid secreti ab aliquo querat quod non debet, & exigat iuramentum de scientia, quamuis sciat, potest iurare se nescire; intelligendus in mente, ut tibi teneatur reuelare. Eadem est ratio, petat aliquis ab illo rem dono vel commodato, quam non

vult

Consensus Iurisp. in restr. ex iusta causa. 307
vult dare vel accommodare, potest iurare quod non
habet, intelligendo in mente non habeo ut tibi donem
aut accommodem. Quanti verò facienda sit glossa
destruens textum ad eum locum recens assu-
ta constitit cap. quarto huius disputationis. Ean-
dem doctrinam iterat Binsfeld. *cap. 29. conclus. 6.*
agens de reo iniuste interrogato, quem ait respon-
dere posse, se nihil scire, subintelligendo intra se quod
dicere teneatur, aut etiam se non fecisse, scilicet men-
te concipiendo ut se prodere debeat. Hunc autorem,
in opere alioqui Theologico annumeravi Iuristis,
eodem iure quo mox Nauarrum. Vterque enim
tamen quædam ad Moralem Theologiam spe-
ctantia scripserit, tamen rationem potius scriben-
di Iuristarum secutus est, & suam in Iuris peritia
facultatem aliis quàm plurimis circa eam scriptis
orbi prodidit.

Antonius Barbosa in *Collectaneis Doctorum in*
librum 5. Decretal. ad cap. qualiter de. accusat.
verbis illis, *qua inordinate sunt acta.* Notatur ad
hoc, inquit, quod reus iniuste contra iuris ordinem
interrogatus aut denunciatus, iuxta conscientiam ac sine
ullo peccato, etiam cum iuramento asserere potest se
non fecisse crimen illud.

6. Martinus Nauarrus, quem post pleròsque
refero, non tam ætatis aut dignitatis habita ratio-
ne, (quippe quem Couarruuias Magistrum quon-
dam suum agnoscit,) quàm quia omnium plenif-
simè & explicatissimè hac de re disputauit; Tam
multa in hac rem dixit variis locis supra allega-
tis cap. 8. num. 5. ac præsertim commentario ad
caput humana aures 22. quest. 5. qui est de veritate
responsi partim verbo expresso, partim mente conce-

pro redditi; vt frustra sim ex eo adscripturus plagulas. Consulat lector commentarium prædictum, nec habebit quod ultra in huius veritatis confirmationem iure desideret. Non potui autem admodum diu satis mirari, quid causæ fuerit quamobrem Barnesius qui tantis conuitiis vnam & vix alteram Lessij de hoc negotio columnam lacesiuit, Nauarri integrum Commentarium & alia pleræque loca ne memorauërit quidem: præsertim cum Lessius non nisi vt probabiliorem tradat eam sententiam, quam Nauarrus tam constanter & assueueranter tradit: Causas notati nominatim Lessij, Nauarro dissimulato, meditabar. An quod puduerit celeberrimum Europa vniuersa Doctorem, tam tetri dogmatis quantum Barnesius videri voluit, quod in Lessio oppugnabat, patronum agnosci? An quod Barnesij intererat, non veritatem indagari in hac causa, sed iis seruire quibus calamum locauerat? At iis Nauarrus amicus, certè non inimicus erat, quod luminibus non officeret. Lessij dispar ratio fuit. Nam quod per amicos facimus, facere per nos ipsos censemur. Veram causam, saltèmq; radicalem, docuit tandem relatio adducta in aditu ad disputationem: vnde constitit hinc illud in Lessium Barnesij cordolium extitisse, hinc has prorupisse lachrymas; quod thesis quodlibetica in Belgio proposita Ioanne Barnesio recens ex Hispania in Belgium appulso, ista fuerit. *An Ioannes in Hispania infamis, possit alibi infamis detegi absque peccato.* Hanc thesim reduce in Belgium Barnesio, non proposuerat Nauarrus, & idcirco intactus abiit.

Nauarrum nominatim approbavit in hac controuersia vir clarissimus ac doctissimus nec Theologiæ dūtaxat sacræ antiquitatis, sed etiam iuris Pontificij, quod varia eius scripta produnt, consultissimus, Ioannes Molanus, quem idcirco Nauarro adiunxi, ut eius mens esset indubitata. Nam cum Nauarrum liquido constet fuisse in sententia, quæ locutiones mente restrictas ex iusta causa, vacare mendacij & cuiusuis alterius culpæ labe proficetur, exploratissimum erit adhæsisse Molanum eidem sententiæ, si ea ipsa ratione illam abs se tradi profiteatur, qua tradita ante fuerat à Nauarro. At id disertissimè scripsit Molanus *lib. de fide rebellibus seruanda cap. 8.* cuius verba placet adscribere. *Vicina questio est, an captiuus prædonis, teneatur de lytro suo iurare secundum intentionem petentis. Dico, ad id eum non teneri, quod prædo per violentiam & iniuriam ab eo lytrum & inuicementum extorqueat, ideoque equiuocè ei respondere potest, & aliud intendere, quàm intendat ille cui iuratur, quomodo Martinus Nauarrus Azpilcueta, post alios docet, responderi posse iudici incompetenti, aut præter ordinem iuris interroganti.* At Nauarrus fusissimè & explicatissimè locis allegatis admittit in his euentibus, eam responsionem æquiuocam, cuius veritas non nisi per subintellectionem iustam, salua esse queat. Eadem igitur apertissimè fuit mens Molani qui Nauarro ea in parte subscribit. Indèque etiam constat de Molani mente quod *tract. 2. Theol. par. cap. 29. num. 47.* hæc verba habet. *Si iudex præter ordinem iuris aliquem examinare audeat, citra mendacium respondere potest, non feci.* Quæ responsio, ut est euidentissimum,

non potest aliter liberari à mendacio, quam per subintellectionem.

Probrosus Barnesij mendacium in allegatione Molani.

7. Placuit nominatim Molanum adducere, tum quod grauis scriptor sit, tum quod Barnesius Molani auctoritate Lessium premat, impudentius nescio an mendacius. Syncerè enim loquendum est, & cum Basilio ficum ficum, vuam vuam dicere par est. Affirmat itaque Barnesius §. 30. Molanum toto prope opere *de fide hereticis seruanda*, in Lessij de mentalibus restrictionibus sententiam inuehi: quod ostendit delibatis hinc inde eius operis euidentioribus locis, cuiusmodi sunt *caput quintum, & decimum, ac decimum tertium, ac decimum quintum, libri primi*. Nam *cap. illo quinto* Molanus iuxta Barnesium docet Theologos illos qui fas esse volunt, nos posse quandoque licitè operari contra fidem, mendacij naturam approbare contra claram definitionem Innocentij tertij, & sententiam Augustini, ac reliquorum Patrum, & iuris Canonici *cap. super eo, de vsuris*: ubi statuitur, non licere pro alterius vita mentiri. Ex quibus ait Molanus, retundi carnalem quorundam sensum qui putant officium charitatis & prudentiæ aliquando exigere, vt aut nos ipsos, aut alios, mentiendo iuueamus. Ac ne solidis Molani paginis exscribendis & me & lectorem grauem, quod fusè fecit Barnesius eo §. 30. placet apponere breuiculum censurarum Molani in Lessij sententiam, ab ipso Barnesio confectum, *in prefatione ad lectorem n. 5.* ubi Molanum scriptorem Catholicissimum *sequi-*
ribus

Consensus iurisp. in restr. ex iusta causa. 311
ribus scriptoribus, id est, hæreticis, adiungens in
 censura sententiæ Lessij, (esse enim scriptoris dam-
 nati eam censuram quam Molani censuræ præ-
 mittit, infra docebo,) ita scribit. *Molanus infra*
citandus libro primo de fide hæret. seruanda cap. 5. ait
sententiam à Lessio defensam esse carnalem hominis
cogitationem, ubi cum mendacio concurrat liberalis
animi hypocrisis. Et cap. 13. ait esse id quod impius
Macchianellus in libro de Principe scripsit. Et cap.
16. ait esse contra SS. Patres, quibus subscribunt om-
nes Theologi Scholastici. Et cap. 25. ait esse contra
Vniuersitates, Concilia œcumenica, & ipsam Roma-
nam Ecclesiam. Hec ille de Lessij sententia. Habes
referente Barnesio quod fuerit Molani iudicium
de Lessij sententia.

Renincitur.

8. Ego verò Barnesij stuporem, cum malignita-
 te ac nequitia certatè demirari satis non possum.
 Quod enim tam fungus fuerit vt. non aduerteret,
 posse se consulto Molani libro redargui, stuporis
 fuit non vulgaris. Ad nequitiam verò spectat quod
 liberum sibi ac securum duxit, calumniari, ac effu-
 sè de Lessij sententia, & Molani censura mentiri.
 Vt ergo Barnesij mendacium ipsis Solis radiis feri-
 ptum lector & videat & attrectet, ac ad tantam
 frontis attritæ impudentiam, erubescat pro impo-
 stura non sua, audiat quæso ipsummet Molanum,
 nec grauatè ferat quod excutiendis iis Molani ca-
 pitibus, quæ Barnesius Lessium ferire scripsit, tan-
 tisper insulam. Sic enim vt est apud Hilarium lib.
 3. de Trinit. mentientis absolutiore dedecore, menda-

cia ipsa proficiunt veritati. Ducam initium à libri primicap. 5. quod primo adducit Barnesius.

¶ Titulus capituli est. *Mentiendum nunquam esse.* Id Molanus multis omnino & autoritatibus Scripturæ & D. Augustini ac Innocentij testimoniis, diligenter confirmat. Tum subdit. *Denique his accedat, quòd omnes Theologorum Scholæ, Augustini & Innocentij doctrinam insequentes, eam ex sacris literis & solidis rationibus defendunt, neque pro servanda pudicitia, neque pro vita temporali tuenda, neque vlla omnino alia de causa, mentiri permittunt. Quæ omnia diligentissimè à nobis, considerata sunt, tum ut intelligamus quàm grave peccatum sit fidem publicam violare, quando ne mentiri quidem vlla ex causa liceat; tum etiam ut retundatur carnalis quorundam sensus, qui putant officium charitatis & prudentia aliquando exigere, ut aut nos ipsos, aut alios mentiendo iuvemus.* Nec plura eo capite Molanus. Quæ quàm impudenter de Lessij sententia, ex iusta causa locutiones mente restrictas concedente, scripta à Molano dicantur, frustra docerem. An non enim Lessius diligenter, mendacium quodcumque & quocumque ex fine prolatum, illicitum pronuntiavit lib. de Iust. cap. 47. n. 36. & 37? An non idem, omnem promissionem seriò factam & acceptam, obligare graviter, latè confirmat eiusdem libri cap. 18. n. 55. Ac nominatim de fide hæreticis data idem scribit in disp. de Antichristo n. 32. Neque verò Molanus, ut §. illo 30. comminiscitur Barnesius, vllus Theologi esse ait, carnalem illam cogitationem quam impugnat de mendacio quandoque licito: sed conceptis verbis lib. illo i. c. 5. à Barnesio in hanc rem allegato, testatur damnari ab vniuersis

vniuersis Theologis, tantumque ab hæreticis primò iactatam, & Catholicis affectam *cap. 1.* scribit; nonnullis postea doctis politicis vt Bodino aliisque eiusdem operis libro quarto refellendis, placuisse.

9. Iam *capite 13. eiusdem libri primi*, è quo Barnesius præterea deprompsit Molani censuram aduersus Lessium, illud duntaxat querit Molanus, quod capitis titulo præfertur. *Vnde nata sit disputatio, an hosti fides sit seruanda.* Docetque, inde aliquos malè sibi persuasisse, non esse hosti seruandam fidem, quod ex promissiones, vi obligandi destituantur, quibus in se aut in causa sua adiungitur turpitudine: Adiungi autem videatur ei fidei quæ data sit perduelli. Præterquam quod aliqui pertaxi fidei datæ, cum res suas commodiore statu esse vident, quàm cum pepigerant, facilè causantur aliquid postea accidisse, quo vinculum antecedentis promissionis rescindatur. *Hoc est*, inquit Molanus, *quod impius Macchiauellus scripsit, nunquam deesse colores & subterfugia ad excusandam perfidiam.* Non plura eo capite Molanus, quem proinde vides, solita fide ac synceritate à Barnesio allegari, damnantem eo capite Lessij sententiam Macchiauellismi. An enim Lessius vsipiam cum Macchianello dixit, fas esse colores perfidiæ querere, & obtendere confictam rerum mutationem ad violandam fidem datam, quod ibi in Machiavello damnat Molanus? sed Barnesius licitum sibi esse ducit vocare ea quæ non sunt, tanquàm ea quæ sunt. Ita enim congruit magno veritatis defensori, & mendaciorum auerruncatori.

Capitis 16. apud Molanum, titulus est, *hosti si-*

dem seruandam esse. Id ille ex Augustino & Ambrosio, omniumque, vtriusque, Scholasticorum doctrina, confirmat; quam exprimit verbis S. Thomæ docentis, seruanda esse hostibus promissa. Nec verbum præterea habet Molanus eo capite. Quæ fronte ergo audet Barnesius calumniari tam atrociter, ac fingere damnari eo capite à Molano Lessij sententiam, tanquam omnibus Patribus & Scholasticis Theologis repugnantem? Nisi vniuersum opus quod similibus strophis scatet, abiudicandum Barnesio Monacho foret, existimarem fratri, quem fertur Euangelij reformati Ministrum habere, tribuendas tam pingues calumnias ex Molano contra Lessium confarcinatas, nec fucata sed purissima mendacia. Solemne enim esse Calviniani Euangelij popinonibus, ad promotionem causæ Euangelicæ & Catholicorum, nominatimque Iesuitarum infamationem, mendacia nullo rubore prodigere, experimento frequenti, testatissimum est, & esse antiquam hæreticorum omnium praxim fingere de hæresum impugnatoribus quæcumque libuerit, obseruat S. Aug. *Epist. 137.*

10. Denique *capitis 25.* quod Barnesius postremo loco adducit, titulus apud Molanum, hic est. *Hereticos homines mendaciter nobis obijcere, quod doceamus eis fidem seruandam non esse.* Id ita confirmat Molanus vt inprimis expostulet quod hæretici, qui sine pace & sine fœdere sunt, audeant de sua fidelitate, homines apertè perfidissimi, gloriari, & omnem perfidiæ inuidiam in nos retorquere; non tantum in priuatos Doctores, sed in vniuersitates, in Concilia Oecumenica, in ipsam Romanam Ecclesiam. Ab his enim omnibus proficisci dicunt illud dogma,
hæreticis

Consensus Iurissp. in restr. ex iusta causa. 315

hereticis fidem seruandam non esse. Sic illi ex suo prauo ingenio, de alijs indicant. Hæc Molani eo loco verba. Qui tantum præterea addit reliquo capite, mentiri Hæreticos, cum populis obtrudunt Catholicorum doctrinam esse, non esse fidem Hæreticis seruandam. Nihil autem hæc omnia ad Lessium; qui cum Molano omnibusque Catholicis, seruandam esse hostibus, etiam hæreticis, fidem affirmat.

● *Concluditur quatenus Barnesio fidendum: Eiusdem erga Molanum insulitas notata.*

Itaque tenemus Barnesium in manifestissimo mendacio, & quidem per totidem paginas expulso, quot sunt, in quibus Molanum Lessij sententiæ aduersantem inducit. Et quia *semel mendax deprehensus, non modò mendacium dicere præsumitur, sed etiam non modica suspitione circa alia malorum genera laborat*, vt ostendit Mascardus. *de probationibus conclus. 1043. n. 11.* Itémque quia vt idem addit num. 12. *semel mendax, & in præteritum præsumitur mendacia dixisse, & in futurum dicturus*, exoratum velim Lectorem vt pronunciet de Barnesij fide in obscuris aut longè positis referendis, deque synceritate in oppugnando Lessio, & viro-
rum Doctórum auctoritate grauando: qui non erubuerit, in re tam aperta, protritum sibi ruborem prodere. Omitto insignem contumeliam ad extremum §. illo 30. n. 4. irrogatam Molano, quem pueriliter facit sibi ipsi contrarium, in ea ipsa sententia, quam ab eo totis quatuor libris exagitatam, commentus erat. Cum enim disertè
Molanus

Molanus *lib. 4. toto cap. 8.* Nauarri sententiam de locutione mente restricta inter promittendum prædoni lytrum, admiserit, ac satis fusè confirmauerit, vt ante etiam retuli; id Barnesius à se satis absterfum credidit, dicendo *hoc incautè Molani calama excidisse.* Quod est Molanum intolerabilis omnino oscitantiae insimulare, & omnibus illis fulminibus subiicere, quod ab ipso Molano in Lessij sententiam contorta, e mentitus fuerat aduersarius.

C A P V T X V I I I.

Consensus Moralium Philosophorum circa eundem restrictarum locutionum usum tabis expertem per se loquendo si idonea causa interueniat.

I. **C**VM virtus veracitatis spectet ad Moralem Philosophum ad cuius etiam iura pertinet mendacij discussio tanquam defectus cum veritate pugnantis; operæpretium videtur in hac disquisitione circa restrictarum locutionum honestatem, Morales Philosophos non prætermittere: Commodè autem in hunc locum cadet eorum prolatio, quod Iurisperitia ciuili cuius Doctores proximè adduximus; vel subalternetur Morali Philosophiæ, vt Piccolom. *in introduct. ad Moral. cap. 10.* & Ocham *quodlib. 2. q. 14.* alique affirmant; vel portio quædam eius sit vt docuit Aureol.

Aureol. q. 1. *prologi in respons. ad obiecta quarto loco*, & Bannes in *prolo. ad qq. de Iust. & iure concl. 2.* quod alibi exponendū ac stabiliendū est. Vtrumuis autem in ea controuersia amplectamur, perspicuum est rectè coniungi Morales Philosophos Iurisperitis ciuilibus; Nam si Iurisperitia pars est disciplinæ moralis, rectè professores vnius portionis adiungentur iis qui vniuersam summam exequentur. Si autem Iurisperitia dicatur subalternari Philosophiæ Morali, non minus aperta erit connexio vtriusque disciplinæ eiusque professorum: cum scientia subalternata vt pulchrè tradit Seneca epist. 88. *Superficiaria sit adificetque in alieno; nec per se eat ad verum*, vt facit subalternans, cui vt idem ait *non est precarium fundamentum sed est sui iuris, nihilque ab alio petens totum opus à solo excitat.* Hoc igitur consilio Morales Philosophos Iurisperitis subnectam.

2. Verum priusquam sigillatim Morales aliquos Philosophos probatoris notæ præferam, statuendum est perperam Iauellum in librū 4. *Ethic. tract. 7. cap. unico*, affirmare, iuxta Morales Philosophos, & vt mox subdit, *loquendo moraliter*, id est, secundum scita Moralis Philosophia, fas esse mendacium propriè dictum (quod tamen perniciosum non sit sed duntaxat iocosum aut officiosum) absque probro & culpa vsurpare, dummodo causa subsit; nempe vt bonum aliquod consequamur malūve declinemus; quamuis secundum Christianam veritatem illicitum semper sit mentiri, vt idem ostendit 2. p. *philoso. Christ. tract. 3. cap. 3.* Hoc ego nunquam admittam & esset sanè falsissimum si sensus esset mendacij alicuius prolationem

tionem quæ illicita est secundum veritatem Christianam, vacare culpa secundum veritatem philosophicam. Vera enim moralis Philosophia nõ dissentit à Christiana, sicut neque vllum verum alteri vero repugnat, vt habetur in Concilio Lateranensi aduersus eam reprobam philosophandi rationem quam Pomponatius & alij eiusdem furfuris Philosophi per ea tempora inuexerant. Nec duntaxat damnanda est honestatio cuiuscumque mendacij propriè dicti secundum veritatem solam philosophicam; sed quod potius videtur intēdisse lauellus, negandum est Morales Philosophos errore lapsos sensisse fas esse mentiri propriè, quæcumque tandem mentiendi causa interueniat, si paucos erroris ea in parte, non morum Magistros demas. Aristoteles enim, optimus sanè Moralis Philosophiæ Doctor expressè reprobatur mendacium tanquam suapte natura vitiosum & homine indignum vt supra retuli. Ipsèque lauellus *ad lib. 7. Ethic. tract. 1. c. 2.* rectè obseruauit Aristotelem ex Sophocle reiicere mendacium etiam ad alicuius commodi captationem prolatum. & loco ante allegato luculentum in hanc rem Aristotelis locum profert quem supra expendimus cap. 1. Subscripserunt Magistro reliqui fere Morales Philosophi præter paucos minutos vt liquet ex iis quæ eo capite 2. obseruauimus.

3. Hoc ante omnia monitum oportuit ne quis Morales Philosophos quos nunc proferemus, cauilletur idcirco concessisse licitum esse restrictarum locutionum vsum iis quas toties iterauimus cautionibus adhibitis temperatum, quod mendacio sint patrocinati iuxta Moralis Philosophiæ

phiz principia. Id enim & falso assumeretur ut ostendi, & nullo colore de Moralibus illis Philosophis diceretur qui in tanto Christianæ veritatis splendore morum disciplinam philosophicam illustrare aggressi sunt quales duntaxat hoc loco referam. Suspicio quidem esse potest Platonem, cum Magistratibus aut aliàs ex graui causa licitum esse mendacij vsum admisit, de mendacio improprie & late dicto, siue de ambigua & restricta locutione esse locutum; quandoquidem nonnulli Patres quibus compertissimum erat ex Scripturis virus mendacij, Platonem laudantes candemque vsurpantes loquendi formam, restrictas locutiones sub nomine mendacij late dicti comprobauerunt, ut fusè supra expensum est: Quamuis igitur suspicio sit Platonem ita sensisse & posse pro veritate quam stabilimus allegari idemque de nonnullis aliis eodem modo dici possit: tamen dimissis testimoniis quæ suspicione tantum nitantur, possintque facile enervari, præstat aperta duntaxat & ineluctabilia posteriorum Moralium Philosophorum dicta referre, cuiusmodi in hoc negotio esse duntaxat possunt quæ ex Christianis adducuntur. Et alia quidem est in huiusmodi Scriptoribus, Christiana doctrina, alia philosophica, iuuant tamen se inuicem ambæ: debetque Christianæ luci Moralis disciplina & vniuersè naturalis quælibet veri notitia, quod variis erroribus quibus in Ethnicis tenebrescebat, impermixta iam sit & libera, ut tutius proinde præsertim quoad res morales Christiani Philosophi quàm externi audiantur. Sic prolocuti, veniamus ad rem nostram.

4. Hieronymus Angelus lib. 2. de virtut. cap. 4. puncto tertio documento 6. corollario 7. agens de adultera à qua maritus exigit iuramentum an peccauerit, damnanſque nimix duritiei eos qui negant eam iurare poſſe quod culpa vacet, perque eam occasionem quaerens falſe ſit iuramentum adhibere verbis duplicibus, & in quem ſenſum accipienda ſint huiusmodi iuramenta, ſubdit hæc verba. *Hæc habenda eſt regula. Verba quæ exiguntur in aliquo foro ſuſcipiunt interpretationem ſecundum qualitatem fori. Quare ſi reus in iudicium vocatus interrogetur à Iudice ſuper factò omnino occulto & ab eo iuramentum exigatur eſt opinio probabilis valde, illum poſſe licitè ſimpliciter iurare non feci. Neque eſt periurus quoniam illud iuramentum interpretationem ſuſcipit ſecundum qualitatem illius loci, ſcilicet publici. Ita quod illa propoſitio ſimpliciter prolata ſubordinatur iſti mentali. Non feci hoc in tali foro in quo me interrogas. Et ſecundum hanc intentionem ſuſcipit DEVS illud iuramentum, neque debet Iudex ulterius inueſtigare. Nam debet interiora relinquere quæ ad forum eius ſufficienter deduci nequeunt. Rurſus eodem capite puncto 4. docum. 4. coroll. 2. Iudice exorbitante ac ſuper crimine prorsus occulto precipiente ſub iuramento reſponderi: alius pro conuicto ream haberi de morte, licitum eſt rei intrepidè & vocaliter abſolutè iurare, non feci; modo mentaliter habeat fori modificationem; nec mentitur aut peierat; verba enim accipienda ſunt ſecundum fori qualitatem. Ita igitur Dominus DEVS illam recipit reſponſionem iuxta hanc modificationem, non feci iuxta qualitatem fori in quo me interrogas, videlicet manifeſtè; nec hanc modificationem expedit exprimi*

exprimi iudici, nam alterum suspectum haberet.

§. Gulielmus Manderston parte 2. Opusculi moralis de virtutibus tract. de Iustitia commutat. agens de iuramento dolosè præstito §. sed circa istud, excerpfit syllabatim priorem locum ex Angesti relatum. Rursus infra tract. de iust. distribut. in quarto puncto, sententiæ quæ ex altero Angesti loco proposita est, iisdem ex parte verbis subscribit in hunc modum. *Non est licitum iudici interrogare de occultis sed solum de manifestis in forum suum deducibilibus. Quod si interroget index aliquid de crimine occulto soli ipsi reo noto & cogat iuramentum præstare, licitum est illi reo categoricè iurare non feci, neque per hoc est periurus quoniam verba que in aliquo foro exiguntur recipiunt interpretationem secundum qualitatem illius fori. Quare illa propositio secundum etiam diuinam interpretationem subordinatur isti, non feci hoc in tali foro in quo me interrogas.* Apparet querelas Angesti de expilato opere suo de virtutibus per hunc Manderstonum, iustas omnino fuisse. Quamuis enim opus ab isto editum nonnullis mutationibus & additionibus ac interpolationibus discrepet ab Angesti opere, tamen magnam partem consentiunt. Placuit nihilominus Manderstonum quoque adducere, quia ratam habuit Angesti in re nostra sententiam, iuuatque eius suffragium ad perspicendum quis esset per ea tempora Doctorum Parisiensium sensus circa locutiones restrictas. Neque enim Manderstonus qui hoc tantum quærebat ut plagium celaret, prætermisisset occasionem mordendi & damnandi eam Angesti doctrinam si malè audiuisset eo tempore.

Iacobus Faber Stapulensis in introductione ad *Ethicem cap. de veritate*. hanc questionem nono loco proponit. *Nonne verax aliquando falsum dicit?* Resp. cum nulli noceat, at prosit multum grandeve futurum bonum immineat falsum dicere nonnunquam videbitur expediens: inhonesta tamen mendacia nunquam expediunt. Hic nomine falsi quod aliquando expedit dicere, siue mendacij honesti quod expediat vsurpare, intelligitur locutio quæ re ipsa quidem mendax & falsa non sit, foret tamen falsa & mendax si spectaretur tantum cortex verborum foris sonantium. Cæteroqui enim non ignorabat Faber, & cum aliis locis tum eo ipso quem retuli paulo post tradens præcepta, perspicue prodidit; mendacium propriè dictum, fugiendum esse, reiectis quibuscumque obtendiculis utilitatis, aut damni alioqui imminentis. Sed Fabri mentem clarius perspiciet lector ex sequenti testimonio.

6. Iodocus Clyctouus *Commentario in Fabri Ethicen* loco allegato, ita scribit. *Interdum dicere falsum nulli nocet & prodest multum, & grande ex illo futurum bonum imminet; ut liberatio innocentis à morte. Igitur veraci expedit interdum dicere falsum. Commendantur enim obstetrices Aegyptiorum quod pueros Hebraeorum viuos seruauerint contra crudelissimi Regis edictum cui causabantur falso mulieres Hebraas peperisse antequam aduentarent & idcirco gratiam à Domino obtinuisse leguntur. Commendatur & Rahab quod exploratores missos à Io suè ad urbem Hiericoni saluauerit occultaueritque dicens Regi illos ad supplicium poscenti quod abierant. Si enim factò licet nonnunquam aliquid fingere, & David simulauit insaniam quo inimicorum manu euadere*

evaderet; Et merito commendantur illa coninges quæ carcere detentos viros visitantes, commutatis vestibus in carcere permanserunt & viros suos habitu muliebri amictos abire permiserunt; Cur id verbo fieri non poterit? Neque talis falsi enunciatio dicenda est mendacium. Nam mendacium importat annexam malitiam, scilicet fraudulentam deceptionem ad alterius detrimentum sicut fornicatio & adulterium. Licet enim omne mendacium sit falsum dictum, non tamen contra omne falsum est mendacium. Et hîc quoque falsum latè sumitur, nempe pro eo quod in speciem falsum est & veritati aduersans, quamvis re ipsa non aduersetur, cuiusmodi est locutio restricta.

Iustus Lipsius lib. 4. civilis doct. cap. 13. & 14. fraudis & dissimulationis usum aliquem concedit licitum esse & factis & verbis. Triplicem enim fraudem distinguit; leuem, mediam, magnam. Vocat fraudem leuem quæ haud longè à virtute abit, malitiæ rore leuiter aspersa. Mediam quæ à virtute flectit longiùs, & ad vitij confinia venit. Magnam denique quæ est malitiæ iam robustæ & perfectæ. Levis itaque fraus apud hunc autorem, cum verbis admittitur, continetur locutione restricta: quam malitiæ rore leuiter respergi ait, si absque idonea causa vsurpetur, nec nisi veritatis obligatio urgeat. Nisi si malitiæ rorem appellauit externam illam malitiæ faciem quam restricta locutio præfert, quandoquidem mox subdit actionem illam ne aduitij quidem confinia pertinere. Quamvis autem modus loquendi huius auctoris non placeat, nec videatur commodum fraudes aliquas vitio vacantes agnoscere, tamen eius

sententia videtur planè quam dixi & catenus veritatem continet. Apertius id deprehendet quisquis duo illa quæ adduxi capita attentè legerit.

7. F. Ioannes Marquez in Salmanticensi Academia Theologiæ professor in institutione hominis Politici expressa ex vita Moysis & Iosue libro 2. c. 7. agens de legato Principis & quærens an rogatus ab externo Principe de iis quæ cum celata oportet mentiri possit, respondet negatiuè; additque hæc verba, fideliter expressa ex Gallica interpretatione Nanceij edita. *Legatus Rege apud quem legatione fungitur illum sponte sua interrogante de negotijs Principis cuius legatum agit poterit duplici remedio uti. Primum est adhibere verba amphibologica quæ apud ipsum loquentem multo minus significant quàm apud audientem. Alterum est sincere dicere Principem suum abundare omnibus ad bellum necessarijs ut militibus, equitatu, argèto & auro in stipendia, Ducibus peritis, Consiliarijs, omni denique bellico apparatu esse instructissimum, meditando intra seipsum restrictionem tacitam quæ verborum prout exterius sonantium sensum commutet. v. g. dicendo Princeps meus omnibus prædictis instructissimus est, & subintelligendo si spectentur vota & desideria subditorum qui eum cui subsunt cuperent omnibus finitimis antecire. Aut si dixerit Principi suo homines suppetere copia maiore quàm egeat, subintelliget comprehensis paruulis & lactentibus, permittens ut qui audit existimet multitudinem illam hominum, uniuersam esse bellatorum. Hac est communis doctrina inter Doctores Catholicos, Syluestrum, Angelum, Nauarum & alios qui omnes in hoc puncto consentiunt quoties interrogatio est iniuriosa, aut is qui respondet habet*

bet iustam causam tacendi veritatem fas esse usurpare huiusmodi locutiones, & addunt posse etiam interponi iuramentum, id quod S. Thomas 22. q. 89. art. 7. ad 4. expressè admittit si verba eius bene pensentur. Nemo autem inficias iuerit quin licet interrogatio in re proposita experta sit iniuria tamen habeat legatus iustam causam non aperiendi veritatem rei de qua interrogatur, quandoquidem intendit pacem inter duos Principes fouere & occurrere damnis utrique Principatui obuenturis ex dissidio Principum. Habemus huius restrictionis exemplum evidentissimum in verbis Christi ad discipulos De die illa nemo scit, neque Angeli in cælo, neque filius nisi solus Pater: subintelligebat enim Christus se nescire ad reuelandum vel nescire ut legatum Dei ad homines eorumque Doctorem à Deo datum quamuis sibi sciret. Subdit paulo post negligendam esse ingenerationem deceptionis per accidens consequentis in audiente, quandoquidem iusta restringendi causa implexitatem illam locutionis honestat, purgatque à labe qua alioqui inquinaretur. Quanto peius verò hic autor à mendacio & illicita simulatione abhorreat, legere licet lib. 1. eiusdem operis c. 14.

8. Elias Pitardus in *Morali Philosophia* Gallicè conscripta & Parisiis cusa ante annos aliquot, dissertat. 5. parte 3. cap. 7. præmissa definitione veracitatis, ita loquitur. Huic virtuti opponitur per excessum quidem mendacium, per defectum verò suppressio veritatis cum esset aperienda ex obligatione: quod addo quia sæpe possumus & agere & loqui aliter quàm cogitemus eo quod non teneamur plenè promere quod animo versamus si expressio illa inte-

gra veritatis vel nobis noxia vel alijs damnosior sit futura quàm veritatis suppressio. Vnde colligendum est mendacium vitiosum non esse simpliciter definien- dum penes pugnam verborum & mentis, sed insuper exigi ut ea contrarietas malum aliquem finem spe- tet. Ratio fundamentalis est quia usus verborum in eum finem concessus est hominibus ut possint cogita- tiones suas ac sensus secum inuicem communicare, ad humane societatis bonum. Si igitur accidat euentus in quo ad magnum aliquod bonum accersendum, in- gènsve malum auertendum, necesse sit veritatem ta- cere aut aliquid ei aduersans effari, tunc absque cul- pa est ea suppressio vel locutio. v. g. qui eadem pa- trauit non peccabit si Iudici eamne admiserit inter- roganti respondeat, non feci. Qui item innocentem à sicarijs ad necem quesitum domi apud se habet, nullius culpe reus erit, si ab eis rogatus ubinam sit, nescire se dicat ubi sit.

Quod hic autor ait de reo qui à Iudice inter- rogatur, arctandum est ad Iudicem vsurpatorem iudicij, qui scilicet ingerat se ad iudicandum sine potestate, vel ad eum iudicem qui quamuis ha- beat alioqui potestatem iudiciariam, tamen inter- rogat non seruando formam iuris cui ipsemet Iu- dex subest. At cum Iudex legitimè interrogat, nego fas esse, ei respondere vel æquiuocando vel mente restringendo, sed necesse est candidè fateri quod est. Et quamuis sententia cui hic autor ad- hæsit, quæ scilicet negat reum legitimè interro- gatum teneri candidè respondere, fuerit etiam aliorum quorundam Doctorum quos supra retuli cap. 4. tamen ibidem eam reieci, secutus D. Tho- mam & Patres Societatis quos allegaui eo loco,
Em

Emplastrum præterea adhibendū est verbis huius auctoris quibus admittit mendacium. non contineri contrarietate verborum & mentis. Id enim si crudè accipiat, abhorrebit planè à vero. Nam mentiri est contra mentem ire, quocumque tandem ex fine id fiat. Sensus igitur esse debet eam locutionem vacare labe mendacij, quæ ex iusta necessitate profertur aliud exterius sonans quàm ferat vna aliqua loquentis cogitatio: Tamen illa cogitatio cui ea locutio subordinatur nèpe cuius pars est restrictio quæ supprimitur, consentiat cum externa locutione. Sed hi næui non incommodant præsentī causæ, ad quam sufficit quod hic auctor apertè admittat honestatem locutionum ex idonea causa restrictarum.

9. Fredericus de Marselaër lib. 1. de legato disert. 39. post multa contra Macchiauelli & aliorum Neopoliticorum mendacitatem, ita concludit. *Legatus itaque in omnem partem simulatione animum muniet sed conditâ, si non semper iure & veritate, zelo saltem bono, nimirum ut suismet negotijs rectus sufficiat: sic magis ut iuuet quàm ut offendant ipse inoffensus, imo magis ut domi prosit quàm ut noceat foris. Qui sacram legit historiam nouit sepe admissam, receptam, laudatam fuisse rebus exigentibus huiusmodi simulationem. Ipse Christus, ait Euangelista, finxit se longius ire. Apostolorum Princeps, ter maximus Paulus, magnusque item Athanasius hoc simulationis inuolucro non semel vsi sunt. Moyses in fratre & sorore, Abrahamus in coniuge, Iacobus in matre simulauit, finxit David stultitiam, Saul neglectum suorum. Et huiusmodi scilicet hodie non ignota quibusdam mentalis restrictio. Quod hic*

autor videtur simulationem approbare iure & veritate non conditam, nequaquam potest ita accipi ut velit fas esse aliquando aduersari iustitiæ aut veritati: sic enim hæc clausula conuelleret quæ vniuersa dissertatione habentur, perperamque subiungeretur huiusmodi simulationem in Scripturis sæpe admissam & vsu receptam laudatamque. Sensus ergo esse debet secluso alio quouis iure, tantum ut propria negotia quæ tegi par sit, non euulgentur, posse legatum (& seruata proportionem quemcumque alium) uti restrictione mentali, & usurpare locutionem externa specie falsam atque adeo eatenus veritate non conditam: quamuis reipsa spectatis omnibus ad eam locutionem pertinentibus quorum pars in mente reticetur, veritate facta sit & à mendacio aliena.

10. Perspicuè hunc sensum ferunt quàm plurima in eandem sententiam ab eodè autore disputata sequenti dissert. 40. his præter cætera. *Quemadmodum intexta quadam serica plume item in panis aut columbis prout diuersimodè Solem excipiunt redduntque, discolores apparent cum nequaquam sint: Ita & verbis commodus interdum color queritur & adhibetur, & in consilijs, iudicijs actionibusque humanis videri possunt utilia quæ damnoſa sunt, laudabilia quæ execrabilia, vera quæ falsa.* Et mox. *Quidni liceat legato, Reipublica causidico & oratori, suæ causæ & intentioni inservire, tenebris lumen, lumini tenebras miscere, dummodo veritati non tam quid detrahatur, quàm non satis lucis adferatur? Audeo. Licebit legato necessitate coactò orationis & actionis ambiguitate interdum rebus & externo Principi imponere: aliquantisper inquam à vero, à recto recedere dummodo non discedat;*

discedat : diuersus non aduersus , utpote sine religionis , sine honestatis damno adeoque ut artificiosum istud siue ingenium siue exercitium pio zelo & scopo condiaur. Etenim cum id agitur ut publica utilitas promoueatut innocentiæque subleuetur , quacumque ambigua sunt & ab improbitate remota , excusari possunt. Quippe odio coloris amoto manebit sola & eadem rei integritas , nec distinguitur lingua manus-ve obsequium dummodo bona mentis interpret aut ministra sit. Hæc ille de legati in respondendo prudentia & iustis restrictionibus, conformius sanè ad ea quæ de illicito semper & vbique mendacio tradit sana doctrina, quàm alius & quidem lulentus scriptor , legato mendacij officiosi vsum concedens cap. 5 4. tractationis de legato.

C A P V T XIX.

Quid in rem præsentem ex testimoniis hætenus propositis eruatur.

1. **N**ON equidem is sum, cui sententiæ , ut est apud Hieronymum, quasi vina, annositate probandæ videantur. Multo minùs turbam autorum alicui placito suffragantium , trahi volo in perspicuum ac certum veritatis argumentum. Neque enim me later, turbam plerumque turbam esse, & cui se mancipauerit, cuius nomen tulerit, in eius sententias nō venire tantum, sed etiam præcipitare. Antiquitatem quoque id interdum sententiis con-

ferre, vt antiquatæ ac exoletæ audiant, neminē fugit: nec tam quærendū esse quantū antiquus quàm quantum rationē subnixus, error sit, disputat aduersus Ethnicos Lactātius 2. *Instit. c. 7.* Itaque quid ex tam conferta autorum grauissimorum multitudine quantum dedi superioribus capitibus; quid ex multorum inter eos veneranda canitie colligendum existimem, breuiter subiicio: Erītque hæc veluti meta discursationis prolixioris, & breuiculus post diffusiozem disputationem non inopportunus. Vt quod matribus in vsu esse obseruat Chrysostomus *hom. 3. de verbis Isaia*, idē nos quoque præstemus: solent illæ, ne aliquid eorum quæ data sunt per incogitantiam excidat, contractam vndique tuniculam paruulo reducere, & cingulo subiicere, quo sint in tuto, quæ elargitæ sunt Idem post largiorem dissertationem faciendum monet Chysostomus. Sic enim meliùs perspicī, firmiùsque lectoris animo infigi, quod productione orationis non difficile dilabi aut non admodum altè demitti contingeret.

Summa argumentorum à multiplici autoritate pro restrictionibus ex idonea causa.

2. Hactenus igitur Scripturarum autoritate monstrauimus, ab ipso Deo in veteri Instrumento non semel, & illustrissimè in nouo, vsurpatas esse locutiones restrictas; quæ in speciem quidem & spectata præcisè explicita significatione verborum, falsæ fuissent; per tacitam tamen subauditionem liberabātur à mendacio. Expendimus, ipsū Christū professum aliqua sibi incomperta tamen reue-

ra comperta essent ad sciendum, sed non ad pro-
dendum, vt D. Augustinus dixit. Et quia *sapientis*
oculi in capite eius, id est, interprete D. Gregorio
Nysseno *hom. 5. in Ecclesias*, Christianorum piorum
oculi, in Christi capitis imitationem defixi, hoc in
seipsis exprimere honestissimum ducunt, quod ab
eo vsurpatum animaduertunt; inculimus fas om-
nino esse & à mendacio omnique culpa alienum,
prælucente ipso Christo, in cuius ore non est in-
uentum mendacium, adhibere ex iusta causa locu-
tioni suæ subauditionem tacitam, quæ tamen ea-
tenus saltem subindicetur semper per verba, qua-
tenus sunt verba hominis rationabiliter, & non in
suum aliorumve damnum quod vitatum oporteat
verba fundentis. Hoc Sanctis Patribus Scripturas
illas exponentibus; hoc iisdem etiam scorsim vi-
sum cum libera esset eorum oratio, nec scripturis
interpretandis astricta. Hoc Scholasticis antiquis
iuxta ac recentioribus, ex omnibus Religiosis or-
dinibus, hoc moralibus quoque Theologis, ac de-
nique Iuriconsultis, & Moralibus Philosophis
placuisse, appensis fideliter eorum verbis demon-
stratum est. Hinc igitur vnum & alterum conse-
ctarium deduco, quod à lectore expensum velim.

*Indignitas conuictorum Barnesij in Lessij sen-
tentiam colligitur.*

3. Primum est irreuerentem planè ac infrunitum
eum & animum & calamum fuisse oportere, quem
non puduerit sententiam his quæ proposui firma-
mentis munitam, & tantæ autoritatis septo robo-
ratam; non modò reijcere, quod cuius salua cha-
ritate

ritate & modestia circa alienas sententias (quæ quidem sententiæ tantum sint nec fide sanciantur,) liberum est, & circa hanc quoque liberum esse volumus; sed quod Euangelij reformati mititatem & rusticam progeniem sapit, innumeris etiam conuitiis, iisque atrocissimis, proscindere ac lacerare. Neque id semel tantum, vel per occasionem, sed continenti prope oratione, ab ipsa Epistola, ad Pontificem Maximum Christi vicarium, è gurgustio vt scriptor profitetur, (heu in gurgustio monachum:) ab epistola inquam, è gurgustio data, ad ipsam vsque operis clausulam. Sertum ex istis floribus lectori porrigam, in huius disputationis fine, vt pronunciet an oletum illud, à religioso homine in tot Doctores quot superioribus capitibus recensui aliósque innumeros eis suffragatos, effundi adeo contumeliosè ac impudenter debuerit.

Cætera si placet dissimulemus in præsentia. Illud verò cuius sapientiæ ac mentis esse dixerimus, quod homo qui Catholicum & monachum profitetur, veritus ne in conuitiis ieiunior videretur, ab iis etiam scriptis maledicentiæ suppetias corrogauit in præfatione n. 5. & §. 13. extremo, quæ Catholicorum Theologorum scriptis exagitata non ignorabat, & in eius libri defensionem edita sciebat quem Concilij Seronensis sub Illustrissimo ac æternæ memoriæ Cardinali Perronio Senonensi Archiepiscopo, rursusque Aquis Sextiis alterius Concilij prouincialis autoritate ac tandem Romæ, quæstorum sacrorum decreto, suffixum reprobaturumque probè nonerat. En impuri pectoris caco-chymiam. *Doctrina equiuocationis, est hæresis Sathànica, Thalimudistica, ex aduerso repugnans cum le-*

ge Dei, doctrina Patrum, decretis Pontificum. Has verborum sordes, adeo adamavit Barnesius, ut & præfatione n. 5. & §. allegatum iis illinendum censuerit.

4. Et quia præstans pietate & doctrina Theologus Andreas Duuallius, in procemio operis de Pontificia potestate, & in præfixa eidem operi epistola dedicatoria, autoritatem qua censor ille Thalmudicus apud Catholicos pollere debebat; minus, ut video, Barnesio probauit, addam commendationis auctarium ac veluti superpondium ex opere quod Septembri incunte, cum ad hanc scriptionem animum appuli, è vicina Hæresum sentina, clam perlatum mecumque communicatum est. Eo opere quod non euentito nomine ut aliàs assolet, sed palam & apertè cufum Geneuæ, in limine ipso proditur, inducitur euocatus de cælo Caluinistico Orator, multa in Pontificem, multa in Catholicos, plurima in IESUITAS de more vomens, nominatimque æquiocationum ex causa quâdoque, vsurpabilium doctrinam iis probris conuiitiisque proscindens quæ Orcum & reformatam charitatem meritò deceant. Ibidem ut muli mulos libenter scabunt, Thalmudistica illa censura, summoperè commendatur. Quinetiam Barnesius, (quod sælix ei faustumque sit) à zelo & eruditione, in Lessij & æquiocationum tam strenua & Ecclesiis tam necessaria exagitatione laudatur: Tantique eius doctrinam fecit Geneuensis Archisynagoga, ut breuiculus operis Barnesij, & ipsum florem conuictiorum eius contra Lessium studiosè excerpere ac pusilli gregis naribus ferti illius fragrantiam, hauriendam exhibere dignum duxerit. Ego vicissim Barnesij

Barnesij labores, tanti applausus renunciatione, solari, dignum & iustum esse existimaui. Egregium verò solatiū homini Monacho agnoscere certam spem sibi factam, cum plenè desipere & mente prorsus emoueri decernet, præfecturæ ministerialis in aliquo Caluini stabulo indubiè ac perbreui ob hæc de Lessio spolia, adipiscendæ.

*Lessij sententia saltem probabilis ex tanta
testium nube.*

§. Alterum confectarium, quod è tanto testimoniorum numero, quantum superioribus capitibus exhibui, apertè sequitur, istud est. Sententiam quæ tot & tam grauibz autoribus placuit, nec congrua ratione destituitur, vt postea euincam, omnino esse saltem probabilem. Vt enim Sayrus *in clau regia lib. 1. cap. 6.* Sanches 1. *in decal. c. 9.* & alij quos referunt, fusè disputant, ea demum censeri debet sententia probabilis, quæ communiter reputetur non continere errorem, sitque vnus saltem auctoris probi & docti, & ratione nitatur quæ non apertè falsa sit, sed rationabiliter saltem sententiam illam suadeat. Eritque eo probabilior sententia, quo & auctoritatis Doctorum & rationum, intra probabilitatis latitudinem, maius momentum fuerit. Optimè porro aduertit Sayrus *supra n. 7.* posito Doctoris grauis, aut plurium Doctorum pro aliqua sententia suffragio, ratione congrua munito; etiamsi aliquis contra eam sententiam rationibus niteretur quas putaret insolubiles, nihilominus abstinere debere notatione illius sententiæ, tanquam improbabilis, eo quod

quod nemo tanti se suumque iudicium facere debeat, ut ad eius amissim dirigendam censeat sententiatum probabilitatem, eaque omnia placita tanquam improbabilia reiiciat, quæ cum eius sensu ac iudicio non cohærent: cum quotidiano experimento doceamur, viros eruditos, earum rationum vitium tandem deprehendere, quas firmissimas & ineluctabiles arbitrabantur.

6. Ex hoc igitur fundamento, apud morales Theologos firmissimo, perspicuè habetur, sententiam quæ restrictiones mentales ex causa idonea vsurpari posse asserit, esse saltè probabilem, quandoquidem tot grauium Doctorum autoritate nititur, & ratione non incongrua astruitur, ut postea planum faciam. Atqui certum est, in moralibus tutum esse ac omni culpa liberum, operari ex sententia probabili. Intolerabile quippe foret in tantis tenebris, maiorem ad rectè operandum lucem ab homine exigere, quàm quæ à probabili sententia, intellectui affulget. Ergo quisquis, ex hac quam dico, tot & tam grauium Doctorum sententia, non leuibus rationum præsidiiis suffulta, vsurpabit locutiones restrictas, occurrente idonea causa, & seclusa vrgentiore lege quam veracitatis per accidens iis locutionibus interdicens, non peccabit; sed honestè operabitur. Ergo impudentissimè Barnesius eam sententiã tam atrociter notauit, & aduocatus ab eo Thalmudisticus censor damnauit hæreseos: Et quidem *Satanica*, quasi aliqua sit hæresis non *satanica*, ut hoc peculiare elogium vni alicui hæresi appingi possit absque batrologia & crassa ignorantia. Hæc ratiocinatio vndecumque firma erit, si rationem congruam

gruam prædictæ sententiæ non deesse constet,
quod proximo capite euictum eo.

CAPVT XX.

*Eadem licita restrictarum locutionũ usur-
patio ex idonea causa cum sola veritas
& simplicitas urgent, stabilitur ratione,
omnes in eis malitiæ fontes obstruente.*

1. **E** *Venit vt omnibus bona magna & occulta disce-
re cupientibus, non aperiatur nisi autoritas ianuã,*
ait S. August. 2. de ord. c. 9. Tum demum conse-
qui admonens, vt percipiat intellectus, *quanta ra-
tione prædita sint ea ipsa que secutus est ante ratio-
nem, & quàm valida sit ratio quam post autoritatis
cunabula, firmius & idoneus iam sequitur atque com-
prehendit. Præmissio igitur autoritatis tam multi-
plicis firmamento, sequitur vt rationem adiun-
gamus.*

*Ratio Nauarri primaria pro restrictionum
honestate.*

Illam Nauarrus *comment. in caput humane au-
res q. 1. n. 2.* in prima acie collocat., quam ducit
ex apta mixtura locutionis internæ ac externæ:
vt quemadmodum iuxta omnes Dialecticos, da-
tur terminus purè vocalis, & purè scriptus ac
mixtus ex his; ita dari rectè possit oratio purè
mentalis,

mentalis, & purè vocalis, vel scripta, ac mixta ex illis, cuius veritas vel falsitas non sit pensanda penes vnam eius partem, sed penes totum compositum, ex variis illis veluti segmentis compactum. Quod confirmat Nauarrus, quia propositio ex quibusdam verbis ore prolatis, & quibusdam tantum mentalibus constructa, potest esse hæretica. Quis enim dubitet, hæresis notare eum qui quamvis verbotenus illas duntaxat voces protulerit, *DEVS est*, mentem tamen addat, *Angelus*? & è contrario, illa oratio vocalis, *DEVS non est*, Atheismi labem omnemque omnino notam effugiet, si mente subticceatur, *Angelus*. Falsissimum quippe est, *DEVM esse Angelum*, & verissimum è contra, *DEVM non esse Angelum*. Multus est in huius rationis examine Suares l. 3. de iuram. c. 10. à n. 5. tandemque n. 7. saluam ei vult probabilitatem suam.

Non placet.

2. Mihi vt ingenuè fatear quod percipio, ea ratio non videtur admodum commoda, fere enim gratis assumit dari absque culpa posse, orationem mixtam ex terminis vocalibus & mentalibus, cum tamen hoc ipsum sit de quo controuertitur, quòdque probandum incumbit ei, qui huiusmodi subintellectiones vult sufficere ad euitandum mendacium. Nam quod termini solitariè ac seorsim sumpti, & purè vocales & purè mentales esse possint, non probat posse ex eorum coniunctione existere absque culpa vnam totalem orationem, vnica veritate ambas illas partes afficiente constan-

tem ; cum in eo coalitu honesto partium heterogenearum, possit esse repugnantia, ob illarum partium disproportionem. Præsertimque cum ratio signi, conceptui interno (quippe insensibili,) nequeat competere ; competat verò orationi externæ ; necessarium autem videatur , orationem ad alium directam, cuiusmodi est ea de qua agimus, constitui totam in ratione signi. Probandum igitur ac declarandum fuerat, illam compositionem orationis ex parte vna vocali aliâque mentali siue ex signo & nō signo, aptè cohærere. Quod quantum video, non præstitit ea argumentatione Nauarrus. Et indubitatum quidem est, coram DEO, hæreticum fore eum, qui subintellecto prædicato illo, *Angelus*, mentaliter adiuncto, in has duntaxat externas voces erumperet, *DEVS est*. Tamen qui ita sentiret, non esset hæreticus ob mixturam externorum illorum terminorum cū interno quem subticet, sed ob internam totalem propositionem ; cuius pars vocalibus illis terminis, pars prædicato mente retento responderet. In ea enim vnus textura ac veluti coloris oratione, esset aperta oppositio cum contraria propositione, subnixâ infallibili testimonio supremæ veritatis, atque adeo hæresis. Contrarium proportionem seruata statuendum est, de illa alia enunciatione suppressa ex parte, *DEVS non est*, subintelligendo prædicatum, *Angelus*. Itaque allaborandum est vt ostendamus, coalitum illū orationis externæ & internæ in vnā totalem orationem veluti heterogeneam, non modo physicè fieri posse, quod est perspicuum, & ab omnibus efficitur quæ locutiones restrictas vsurpant ; sed etiam moraliter aptè cohæ-

tere: Ita ut quamvis oratio externa & vocalis ad alium dirigatur, sitque ei signum, tamen nullo modo dehonestetur ex adiunctione alicuius complementis veritatem enunciationis illius, externæ, quod ratione signi vacuum sit, quippe insensibile & animo abditum.

Ratio nostra & obstructio fontium cuiusvis malitiæ in restrictiones derivanda.

3. Sic igitur argumentor. Dimidiata illa conceptus expressio, suppetente iusta eius causa, & urgentiore lege quam veracitatis illam non ventante; vel esset illicita, quia non est expressio totius interni conceptus quem efformavit qui loquitur, vel quia est expressio contra mentem loquentis, vel quia pugnat cum iure eius qui audit, tollitque simplicitatem & candorem conversationi humanæ debitum ex virtute veracitatis. Atqui in proposito rerum statu, locutio mentaliter restricta, ex nullo prædictorum capitum est illicita: Nullo igitur modo est illicita.

Major videtur perspicua. Neque enim vllum aliud caput proferri potest, ex quo deriuetur malitiæ in locutionem externam mente restrictam. Quod autem aliqui præterea dicunt, eam locutionem esse vitiosam, quia est mendacium, non conuellit maiorem syllogismi propositi. Nam si subterfugia adiuncta locutioni partem conceptus expromenti, efficit mendacium, idcirco tantum hoc habet, quia est contra mentem loquentis, vel contra ius audientis, aut quia non est expressio totius interni conceptus: quæ sunt tria illa ma-

litia capita, in maiori argumentationis proposita comprehensa. Atque ita maior illa est omnino vera.

Minor autem facile probatur, percurrendo singula capita proposita. Nam inprimis certum est, neminem teneri totum suum conceptum internum aperire, etiam posito quod partem eius aperiat. Vnde enim hæc obligatio si ius alterius remoueamus quod nondum attendimus, nec item spectemus obligationem loquendi ad mentem, quæ sunt alia capita de quibus mox? Igitur præcisè spectando ipsam conceptus expressionem, sicut non tenetur quis partem mentis suæ aperire, ita neque totam. Et carò plerumque vñiret integra illa mentis expressio, ac proinde nemo ad eam obstringitur, præcisè attendendo quod in mente formauerit conceptum illum parialem quem celat.

Certum præterea est, eum qui ita loquitur, non loqui contra mentem suam. Verè enim in mente habet conceptum quem exterius profert, etiam si alium præterea habeat, quem iusta de causa premit in mente. Is autem duntaxat contra mentem suam loquitur, qui aliud mente iudicat quàm voce enunciet, quod constat hîc non interuenire. Nam, v. g. Christus negans se scire diem iudicii, & subintelligens *ut reuelaret*, siue negans se eum diem scire tanquam Magistrum cui demandata esset cura arcanum illud euulgandi, non ibat contra mentem suam, quia non intendebat verbis negare eam veritatem quam concipiebat alloquens discipulos: sed potius verè mens eius ferebat, quod diem illum nesciret, non absolutè & simpliciter,

citer, sed *ad dicendum*. Atque ita locutio Christi exterior non dissentiebat ab interna. In omnibus porro mentaliter restrictis locutionibus, res eodem modo se habet, & pars quæ præmitur, & illa quæ exprimitur, ambæ habentur in mente. unde expressio externa unius, non est contra mentem, nec dissentit iudicio interno, in quo dissensu verborum atque iudicij, sita est ratio mendacij.

4. Restat tertium caput, ius scilicet audientis, contra cuius mentem esse aduertitur dimidiata illa expressio conceptus interni. At hoc in præsentia non obest. Quia æquè daretur alteri erroris occasio, atque adeo æquè videretur violari ius alterius, si prolata priora parte conceptus alta voce, illico submisè adderetur expressio vocalis & externa reliqui conceptus mentalis; vel si præmissa tacitè expressione illius conceptus quem loquens non vult ab audiente percipi, subiiceretur contenta voce & distinctè; quod loquentis interest, audienti innotescere; ut si quis primùm apud se submurmurans, *dico & affirmo hanc propositionem*, subiiciat disertè & intelligibiliter, *non feci*. Quæ enunciatio esset verissima, quamvis qui loquitur, reipsa fecisset quod negatur in dicto illo, *non feci*. Nihilominus enim verissimum esset, affirmari ab huiusmodi homine, quod non fecerit id quod fecit. Atque ita enunciatio pronuncians de ea affirmatione, omnino vera esset. Quamvis autem per eam distinctam & claram solius dicti prolationem, ingeneraretur error in animo audientis, rati affirmari dictum, cum tamen aliquid potius de ipso dicto affirmetur, nempe quod ipsum dictum enunciatur: Nemo tamen idcirco

affirmauerit, ius alterius semper ferre, vt qui loquitur, eodem tenore vocis ac contentione cum eo loquatur, quasi violet ius eius, si exterius quidem proferat omnia verba, non tamen omnia æquè alta voce. Ergo neque ius eius semper violabit, si partem mentalis conceptus foras promat, partem mente reconditam seruet, prout iusta necessitas tulerit. Sicut neque ius audientis violat, qui iusta de causa vsurpat verba ambigua in alio sensu quàm quem videt audienti ingenerandum, vt facile potest accidere cum sensus ille est minus receptus. Imo quamuis auditor, ad primam verborum prolationem aduertens eorum ambiguitatem, postularet ambigui responsi verba arctari ad vnum sensum è pluribus quos videt subesse posse tali verborum cortici; nihilominus omnes æquè consentiunt fas adhuc esse loquenti, illaso iure audientis, vsurpare verba illa in sensu quem ex se habere queunt, si iusta causa harendi in ambiguitate suppetat, desitque fortior obligatio nitidam & planam locutionem indicens. Similiter igitur, neque in re præsentì censendum est violari ius alterius per dimidiatam illam expressionem conceptus formati à loquente, ob consecutum in audiente errorem.

Ratio vniuersalis horum omnium est, quia ius alterius non obstringit semper & vbique, sed tantum cum fieri potest absque graui proprio incommodo, vel alieno, quod meritò magni pendendum sit; & præ quo violatio simplicitatis debite humano conuictui, meritò censeatur non attendenda iudicio prudentis. Plerumque autem accidit, vt ea expressio facta verbis æquè clarè & altè

altè prolatis, vel exterius integra & adæquata conceptui interno, in magnum aliquod incommodum nostrum vel alienum cessura esset. Prudenter igitur & citrà culpam ullam in eo euentu, conceptus mentis vel inæqualiter per ordinem ad audientem, vel diminutè & cum restrictione aliqua expromitur, permittiturque error, qui in audiente consequitur ex occasione subministrata, dimidiando aut variè afficiendo expressionem. Si tamen iusta causa interueniens non exolueret loquentem obligatione præcepti affirmatiui mandantis simplicitatem & candorem humani conuietus, non est dubium quin violandum esset aliquale ius alterius, ad apertam & integram colloctionem menti eius accommodatam; admittendumque peccatum; non quidem mendacij, (ob defectum dissensus inter locutionem restrictam & mentem loquentis, in quo dissensu sita formalissimè est falsitas significationis mendacio interna;) sed indirectè impetens veracitatem, eamque veluti infuscans, ablegatione candoris & synceritatis in conuietu humano necessariæ ex præcepto affirmatiuo, urgente quoties deest iusta causa synceritatem ac simplicitatem dimittendi.

Pressius ostenditur mendacium à restrictis locutionibus exulare.

Hactenùs prima ratio nostra, quam libuit vndecumque firmare, vt præclusis omnibus effugiis & singulis propositionibus ritè stabilitis, perspicua & certa esset conclusio proposita. Nempe vacare culpa contra veracitatem & simplicitatem

humano conuictui debitam, eas locutiones, in quibus ex iusta causa aliquid subtrahitur, nec totus conceptus mente abditus, foras per verba expromitur; quamuis cum eo conceptu qui expromitur vnam totalem ac integram mentalem orationem eiusdem veritatis enunciatiuæ subiectum ac fundamentum conficiat; cum nulla possit in huiusmodi locutionibus culpa notari, præter mendacium aut violationem simplicitatis: vtraque autem validè ab eis semota sit, per varias partes argumentationis propositæ. Nunc vt penitus perspiciatur vtramque illam culpam deesse in vsu illo moderato locutionum restrictarum quem asserui, seorsim confirmo, & mendacium deesse in vsu prædicto, & iniustam simplicitatis temerationem. Quæ duo si euicero, exploratissimum erit, vsum locutionum restrictarum ex causa idonea, esse omnino honestum per se loquendo, vt nunc loquimur; quia nullus in eo vsu defectus extogitari potest, qui ad illa duo capita non reuocetur, vel etiam directè pertineat.

6. Deesse igitur mendacium in restrictis locutionibus ex idonea causa vsurpatis, confirmo ducto argumento ex vna aliqua speciali locutione restricta, cuius deinde paritatem cum reliquis omnibus facile euincam. Interrogetur reus contra iuris ordinem, vel à non habente in eum potestatem, sed illam sibi per vim arrogante; cui reus iniquitatis & iniustitiæ interrogantis conscius, inficietur quod reuera fecit, subintelligens ita vt exponere teneatur. Perspicuè ostendo eam inficiationem vacare mendacio. Quia si reus explicite sic diceret, *Ego prout astrictus obligatione tibi respon*

respondendi, non feci id de quo sciscutaris, verum diceret. Formaret enim propositionem negatiuam de subiecto non supponente, vt loquuntur, atque adeo omnino verè pronunciantem de vtriusque extremi dissociatione. Atqui reus, cum ad eam interrogationem non iuridicam responderet, *non feci*, perinde se habet ac si diceret, *Ego prout astrictus obligatione tibi respondendi, non feci id de quo interrogas.* Nam cum contingit ex circumstantiis negotij, aliquas particulas vocales innotescere, frustra ponuntur expresse, perindeque est ad mendacij declinationem, siue eo implicito modo, siue explicitè & in actu signato adhibeantur. v. g. cum is, qui solet frumenta vendere, distracto iam omni frumento quod venale habebat, saluòque duntaxat sibi necessario ad familiæ vsum, respondet interroganti, habeatne frumentum; *non habeo amplius frumentum*; verè omnino responderet. Quia ex negotij & personarum circumstantiis, intelligitur, quod non ultra frumentum habeat ad vendendum. Similiter ergo cum reus præter ius fasque interrogatus, responderet, *non admisi crimen de quo me interrogas*, responsio est vera, quia ex circumstantia negotij, intelligitur, quod non admisit ita vt hoc ipsum fateri debeat, vel quod non admisit vt subditus interrogationi non iuridicæ. Vel denique quod non admisit per ordinem ad forum in quo fit interrogatio. Hæc enim omnia eodem recidunt, faciuntque eundem omnino sensum, cum illa simpliciore & expeditiore multorum subintellectione, *ad prodendum tibi indebitè interroganti.* Ergo responsio illa rei, & inficiatio facti quod reuera admisit, quia non admisit ita vt

dicere teneatur, vacat mendacio, etiam si ea ratio veritatis propositionis in speciem falsæ, non exprimat in actu signato, sed tantum ex circumstantiis negotij deprehendatur, aut deprehendi certè possit; ideòque censeatur non omnino intacta exterius, quia verbis prout ab ea persona in illo articulo prolatis, subindicatur. Et in hoc si Genesium Sepuluedam excipias omnes consentire ait Sayrus vt supra notavi.

7. Esse autem paritatem inter hoc exemplum, & quævis alia, in quibus loquens ex idonea causa restringit mentaliter locutionem suam, perspicuum omnino videtur. Nam similiter omnes concedunt, ex circumstantiis personæ ac negotij, cum quis de amici arcano quod celatum expediat, interrogatur; fas esse profiteri ignorantiam, eaque professione satis insinuari circumstantiam amicitia, ratione cuius premendum sit arcanum. Nemo item est qui non admittat Principis legatum aut Consiliarium, de iis agentem quæ tacita esse plurimum Principis intersit, licitè profiteri ignorantiam eorum quæ operæpretium sit non euulgari, quia de personæ conditione satis intelligitur, non inficiari notitiam eorum absolute, sed quatenus prudenter euulgandum. siue quod idem est, intelligitur dicere quod nesciat ea arcana ad dicendum, vel quod nesciat ea quatenus rationabiliter & ex legibus boni Consiliarij agendo, debet ea habere secreta. Quod si id Consiliario & legato conceditur, qui non nisi alienum negotium gerunt, multo magis concedendum erit ipsi Principi, vt de negotiis illis quæ ipsius intersit tegi, profiteri possit ignorationem, nempe
ad

ad dicendum. Quia si Consiliarius & legatus quatenus negotij alieni procurator, induit personam secundum quam licitè & verè negare potest, perspectum sibi esse certum negotium, nempe ad illud euulgandum, multò magis Princeps ipse, qui non sui negotij procuratorem sed primum curatorem agit, eodem iure profitendi cum res feret ignorantiam negotij alicuius, potiri debet. Idque mihi planè extra controuersiam esse videtur. Atqui similiter vnusquisque priuatus, Curator est negotiorum suorum. Et plerumque, non minoris interest priuatorum, ad rectam & prudentem rerum suarum administrationem, celari aliqua ad ipsos attinentia quàm inter sit Principum premi quædam eorum arcana, proportionè seruata. Ius igitur est vnicuique, quatenus prudenti Curatori rerum suarum, aut alienarum procuratori, profiteri ignorantiam eorum quæ simpliciter, sed sub alia consideratione & quatenus aliam personam sustinet, perspecta habet: quia quatenus rationabiliter loquens, & rebus suis alienisve inter loquendum prospiciens, verè proficitur se nescire quod subicit. Qua ratione omnes omnino locutiones restrictæ, usurpatæ ex iusta causa, loquentem aliosve quos indemnes præstare debeat attingente, liberantur à mendacio per eam subintellectionem, variis locutionibus variè verbo tenus, sed re ipsa eodem sensu aptandam.

Nulla in restrictionibus propositis vitiosa simplicitatis violatio.

8. Iam vero non violari simplicitatem eo moderato

derato vsu restrictionum quem concessi, (quod secundo loco specialiter confirmandum assumpseram num. 154.) suadet ex grauitate incommodi in quod plerumque cessura esset plena & integra expressio conceptus mentalis. Præceptum enim affirmatiuum, quo astringimur ad tuendam & curandam in conuictu simplicitatem per apertam colloctionem, non obligat adeo arctè, quin pro circumstantiarum varietate, ob damnum quod eius obseruationem consequeretur, eneruetur vis eius, quæ plerumque etiam altioris & vrgentioris virtutis interuentu præpeditur, vt est frequens in aliis quoque præceptis affirmatiuis. Nam v. g. iubetur vnusquisque nostrum opitulari proximo egenti, & tamen si ea opitulatio aliquando cessura sit alicui in graue damnum; puta quia ipse pari necessitate vrgetur, eliditur opitulandi obligatio. Similiterque si parentes aliive propinqui, eadem qua extraneus quispiam subuentionis indigentia premantur, cessat vinculum obligationis erga extraneum, & omissio beneficentiæ erga eum, est extra culpam. Similiter ergo quamuis simplicitas astringat vnumquemque ad candidè colloquendum vitandamque sermonis implexitatem, & latebras subticentiæ; tamen si rationabilis rerum propriarum cura, quæ vnicuique propior est, vel rerum alienarum, quæ iudicio prudentis meritò præponderet obseruationi simplicitatis in sermone, eique aliquali iuri quod ad eam habet auditor, deponat implexitatem illam, aut diminutionem expressionis; omissio candoris in colloctione vacabit culpa.

C A P V T X X I.

*Confirmatio doctrinae propositae, expensione
priuatorum publicorumque incommo-
dorum aliqui indeclinabilium : &
quàm ridiculè iis à se prospectum cen-
suerit aduersarius.*

1. **I**V V A T doctrinae propositae vsum exhi-
bere in quibusdam singularibus exemplis,
ac veluti ad praxim eam renocare ; quod res Mo-
rales iuxta Aristotelis monitum, melius perspi-
ciantur in singulari, vnde liquebit in quanta se
incommoda induat aduersarius.

*Priuata incommoda ex negatione re-
strictionum.*

Sit ergo qui singularem amicum, aut si placet
patrem, quem vnicè diligit & colat, quæri videat
ad necem iniustam ab hoste rabiei ac furoris ple-
no, cui obsistere per impotentiam non liceat, nec
pateat perfugium ad Magistratum, aliave reme-
dia, vt plerumque accidit in re subita. Superue-
niens ergo hostis furore percitus, nec nisi tam cha-
ri capitis sanguinem anhelans, sciscitetur de eo
quem dixi patris obseruantissimo filio, vbinam
pater sit, quòue effugerit qui paulo ante aderat.
Quod hîc consilium filio dabimus ? Patrem pro-
dere,

dere, immanitas esset plusquàm ferina. Mentiri nulla ratione licet, ne ad patrem quidem certæ morti, vel etiam Tartaro subducendum. Omnes aliæ trucis quæstitoris eludendi viæ, præclusæ supponuntur. Nec silentium ipsum satis commodum perfugium præbet. : Tum quia ipsius filij vita, verso in rabiem hoste, ob silentium, quod contemptum interpretabitur, adibit apertum discrimen : Tum quia plerumque vt rectè in simili vidit Angelus, agens de sigillo, & Richardus *in 4. d. 21. art. 4. quæst. 2. ad 3.* silentium æquivaleret manifestationi. Velim de Barnesio rescire, quid in illis angustiis consilij caperet, si patrem eo quem dixi loco positum haberet : & an tunc consultum duceret, rigorem illum retinere nihil prudenter subticendi ; mallétque patrem in oculis suis crudeliter confossum cernere, quàm vsurpare locutionem restrictam, qua commodè hostem posset auertere, dicendo, *non vidi*, utique ad tibi prodendum. Idem esto iudicium de vxore quæ fidem coniugij violauerit, interrogeturque à marito, verène ab ea tanto dedecore affectus sit, quod confestim demerso intra pectus gladio sit expiaturus si illa apertè fateatur ; cum tamen mentiri etiam in tanto discrimine nullo pacto liceat. Idem denique dictum esto de reo contra ordinem iuris interrogato, & certa ac acerba morte mulctando, si quod admisit, apertè fateatur.

Incommoda publica ex eadem negatione.

2. Verum quia aduersarius Theologiam nundinatur, & exempla politica gratiora accidunt homini

mini de politia malè sollicito, quem non puduit
sententiam quam tuemur, tanquam rei politicæ
periculosam traducere, age in eo quoque rerum
genere statuamus exemplum. Sit igitur qui norit
aliquid, ex cuius simplici & aperta detectione
meritò timeatur multa & magna publica mala: v. g.
defectio à Principe, ipsiusve Principis adductio in
discrimen, cū tamen eius salus, cuius bono subdi-
to, sua ipsius salute & capite charior esse debeat.
Quid huic faciendum censebit Barnesius, si quis
importunè illum percontetur de re, quam tanto-
pere interfit celatam esse; & ita percontetur, ut
non possit tergiuersatione vel contemptu eludi:
v. g. quia interrogat, intentans sicam illico in
viscera adigendam, aut immania tormenta nisi
quam primum respondeam, & quidem apertè, &
simpliciter affirmando aut negando. Affirmare,
esset aperire viam grauissimo illi quod dicebam
discrimini, & reum fieri atrocissimi sceleris. Exte-
rius negare, subintelligendo *ad dicendum*, vel ali-
quid simile, iuxta Barnesium est mendacium:
Quod tamen si in eo euentu officiosum atque le-
uissimum, tamen si verè mendacium est & pec-
catum, constat nulla omnino ex causa admitti
posse, quæcumque tandem & quantacumque ma-
la imminere supponantur. Idem virgeri poterat de
Consiliario cui grauissima regni arcana comunissa
sunt, vnde plerumque Reipublicæ incolumitas
pendet. ea enim altissimè tegi pernecessarium
est. Ut propterea Romani quod Vegetius l. 4. c. 4.
& Festus Pompeius prodiderunt, Minotaurum
signis militaribus appingerent innuentes, quàm
abditum esse oporteat Ducis ac capitis publici
confi

consilium. Si ergo quis vi intentata de Consiliario hoc arcanum exquirat, in quas coniicietur angustias si nec tacere potest ob imminens sibi discrimen, nec apertè eloqui ob dispendium publicum consecuturum? Sed quia exemplum de salute Principis est palpabilius, satis existimo inter publica incommoda quæ Barnesij sententiam consequuntur, illud virgere.

*Quomodo his incommodis ab aduersario
prospectum.*

Audio quid consilij præbeat Barnesius §. 53. Ait, prodicionem Principis in eo euentu auerti debere, *non mendacio, nec equiuocatione nec pusillanimitate & silentio, sed prudentia ad declinandum periculum Principi imminens, adiuncta cum heroica patientia, & magnanima constantia, qua munietur quis ad perferendum quauis tormenta, potius quam veritatem ledet aut Principem prodet.* Addit ea tormenta, vel etiam mortem generosè exceptam, cessuram in magnum bonum & æternam salutem excipientis, qui mori delegerit potius, quam mendacio vel æquiuocatione fœdari. Potius etiam ex Augustino (vt ait) expectandum in illis angustis miraculum à Deo, quam æquiuocandum aut restrictè loquendum. Sed quod diserte tradit Augustinus, proposita hac ipsa circa mendacii necessitatem difficultate, respondendum esse ait Barnesius in omnibus euentibus & discriminibus propositis. *Scio quid scit, sed tibi non teneor ad hæc respondere.* Quo vno emplastro, omnibus malis quibus timebamus certum remedium apponi conclu-

concludit Barnesius, extollitque Augustini sapientiam qui veritatem in charitate dilexerit iuxta Paulum, nec adamarit sapientiam huius mundi à Deo perditam, & stultitiæ damnatam, nolueritque sapiens esse ut faceret malum; & solertia iniqua, mentiendi & mendacium per æquiocationes docendi, desciscere à regulis æternæ sapientiæ; ut illi faciunt quos venerandam barbam & canos admirandi illius hominis, (si fas sit miraculum hominis hominem appellare,) insipienter ac procaciter vellicant, in re quam Patres omnes, & scholastici sequiores Augustino, ex Augustini autoritate & rationibus tutati sunt. Hæc ex Barnesio prope verbatim. Qui ut mitissimè ageret cum aduersariis, iustamque eorum offensionem declinaret, subdit *numero quinto §. illius § 3.* vocem illam eorum, qua autores sunt homini in augustiis propositis constituto, ut æquiuocando seruet vitam suam vel alienam, esse *vocem molliusculam.* Et continenter quasi laxati perpetui hætenus in aduersarios rigoris, & promissæ mititatis pertæsus, addit vocem *esse Christiano homine indignam.* (Insupérque condonet lector, si spurcam hominis vocem, quam ille non erubuit chartis suis prius illinere, cogor adscribere, malens de rubore quàm de veritate periclitari.) Insupér inquam addit, *eam vocem indicio cordatorum esse, Cynædorum effaminatorumque, potius quàm sapientum obiurgationem,* atque querelam de Theologis omnibus, imo & Patribus ac Pontificibus, vitam veritati postponendam dicentibus.

Turpiloquij castigatio.

3. Nolo cum Barnesio asperius agere, & has verborum spurcicias, qua par esset austeritate depellere. Tantum velim, homini Monacho non excidisset illud Apostoli Ephes. 5. *omnis immunditia nec nominetur in vobis, sicut decet Sanctos, aut turpitudine, aut stultiloquium, sed magis gratiarum actio.* Vellem & illud Chrysostomi hom. 44. in 1. ad Cor. expendisset. *Linguam, cœnum verborum profundentem, os, latrina fistulam ac etiam latrinam, imo latrina quavis abominabiliorem cloacam, reddere.* Illud denique sibi ab eodem Chrysostomo hom. 6. in 2. ad Cor. aliisque turpiloquis grauissimè inculcatum, vtinam pensasset. *Satiùs est purulentiam ab ore demittere, quàm verbum obscœnum.* Nunc si forteat os, ne cibum quidem vnâ capere sustines. At cum tantus fœtor sit in animo (cum enim hæc verba produnt) dic mihi audes communicare mysterijs? At si quis vas impurum alicunde capiat, deponatque in mensa tua, fustibus illum exacturus sis. Porro DEVM in ipsius mensa; (nam mensa illius est os nostrum Eucharistia plenum) cum verba afferas quouis impuro vase sordidiora, obsecro te non putas ad iram prouocari? Et quomodo id fieri possit? Nihil enim perinde offendit sanctum ac purum, vt eiusmodi verba. Nec alia res aequè improbos & inuerecundos facit, vt talia vel dicere vel audire. Nihil ita dissoluit nervos pudicitie, vt per hac emicans flamma. Vnguentum in ore tuo posuit DEVS, tu verò cadauere fœtidiora ibi reposuisti verba? Ita planè. Quantopere enim non cordatorum modò, sed quorum

quorumuis paulo honestiorum sensu, spurcæ illæ voces, fœtidæ sint, & ex Christiani, nedum Monachi ore ablegandæ, quippe indices rei quam iudice Apostolo *turpe est & dicere*, non est quod doceam. Nec defuit vir cordatus, qui ad pudendi huius ac propudiosi conuitij lectionem in Barnesij libro, venerit in suspensionem, ignoratæ ab eo significationis huiusmodi vocum; quod non videatur verisimile hominem Monachum, tot pios ac probos aduersarios quot supra commemoravi & ex sua familia nonnullos; ea verborum spurcitie resperfurum, si vim vocis peruasisset: cum certum ac indubitatum sit, nō modò qui talia agunt, sed etiam qui scientes loquuntur, inquinari supra modum ea illuue ac cœno verborum, nec modica aspergi suspitione voluntariæ inhæSIONIS in eo volutabro per cogitationem aut opera, qui maligna loquuntur, aut etiam recordantur. *Qui enim non recordatur*, ait Chrysost. *hom. 14. in ad Hebr. neque considerat: qui non considerat, neque loquitur: qui non loquitur, neque operatur.* Absit verò vt scrutari penitus Esau & inuestigare abscondita eius consilium ineam, ne forte ab hoc verborum propudio ad perspicienda opera quædam tenebrarum, ad quædam vt Clemens in protreptico appellat, *digna nocte & igne arcana* improuidè peruadam: cogarque subito honore tactus exclamare, quod ibidem ad profanum mystem Clemens. Verecundantem vel potius horrescētem ab alieno probro calamum retraho; illudque duntaxat Barnesio qui hunc finem, hoc oletum lectoris naribus obiecit, regero ex Synesio *Epistola 44.* quod an in ipsum aptè cadat, (hominem toties

ob instantem necessitatem, ac si taceat demittendam sibi in pectus à rabiente marito sicam non teneatur sigilli præcepto? An desperavit de legitima argumenti ex eo exemplo petiti dissolutione, ideoque quamvis illud exemplum inter proponendam rationem dubitandi recensuisset cum cæteris, pro quibus respondendi formulam præscripsit, in solutionibus tamen illud dimisit intactum, tanquam insolubile? Hoc postremum benignius & verisimilius videtur, ideoque amplectendum. Nam rapiendam esse occasionem que præbet benignius responsum, Paulus Iuricons. lib. 1. ad Plautium, pro effato posuit. Nunc ad prædicta exempla expendenda accedamus.

*Quam in tuto sit viator à latrone iuxta
Barnesium.*

5. Responsio qua Barnesius vult ut viatorem à latrone interceptum, ridicula est. Finge enim instantem mercatori in via grassatorem, iam iamque gladium miseri visceribus capulo tenus commissurum, nisi promittat & iuramento firmet lytrum ingens, quod si serio promittat euertendus sit fortunis omnibus. Certum est non licere viatori mentiri, & in hoc omnes Catholici convenimus. Tantum quaerimus, qua arte eludere possit grassatorem, ut salva vita & declinato presenti periculo non redigatur ad egestatem, exsoluendo promissum. Ego cum Molano lib. de fide rebellibus servanda cap. 8. dico respondere posse *dabo quod petis*, idque etiam si opus sit iuramento confirmare, subintelligendo *si debeam*. In quam sententiam

rentiam idem Molanus laudat etiam Nauarrum. Barnesius è contra, quia restricta locutio est ei purum putum mendacium, eam responsionem restrictam, ne ad aures quidem admittit. Autor igitur est viatori, vt in hunc modum expediat se à grassatore. *Scio quid sit, sed tibi non teneor ad hac respondere, ac propterea tibi nec pro affirmatiua nec pro negatiua etiam parte, aliquid de hac re monstrabo.* Egregium verò responsum, quo miser viator immani carnificinæ apertè obicitur. Nec aliter censuerim de quopiam latroni forte obuio, & quærenti de via mercatoris bene nummati, illhac antegressi, ac nisi mercatoris iter prodat funestissimum ac præsentissimum exitium denunciantis, quo pacto aduersarius hunc casum proposuerat, aliter quàm in solutione postea facit.

Itémque adultera à marito.

6. Iam in exemplo adulteræ, quis risum sustineat, audita responsione quam Barnesius miseræ adulteræ in os ingerit, in illo æstu conscientiæ, quâ sceleris admissi atrocitate lancinatæ, quâ mariti in rabiem acti & domesticum dedecus tori-que fœdationem, vltice sica eluere parati, si scelus comperiat, habeâtque fatentem ream. *Zelus enim & furor viri, vt est apud Sapientem Prouerb. 6. non parcat in die vindictæ, nec acquiescet cuiusquam precibus, nec suscipiet pro redemptione dona plurima.* Æstuantem igitur ad viri præsentiam, infœlicem adulteram, & pressam vt respondeat, scelûsne admiserit, an non, bonus consiliarius Barnesius in tuto ponit hac responsione, *scio quid sit, sed tibi*

derato vsu restrictionum quem concessi, (quod secundo loco specialiter confirmandum assumpseram num. 154.) suadet ex grauitate incommodi in quod plerumque cessura esset plena & integra expressio conceptus mentalis. Præceptum enim affirmatiuum, quo astringimur ad tuendam & curandam in conuictu simplicitatem per apertam collocationem, non obligat adeo arctè, quin pro circumstantiarum varietate, ob damnum quod eius obseruationem consequeretur, eneruetur vis eius, quæ plerumque etiam altioris & vrgentioris virtutis interuentu præpeditur, vt est frequens in aliis quoque præceptis affirmatiuis. Nam v. g. iubetur vnusquisque nostrum opitulari proximo egenti, & tamen si ea opitulatio aliquando cessura sit alicui in graue damnum; puta quia ipse pari necessitate vrgetur, eliditur opitulandi obligatio. Similiterque si parentes aliive propinqui, eadem qua extraneus quispiam subuentionis indigentia premantur, cessat vinculum obligationis erga extraneum; & omissio beneficentiæ erga eum, est extra culpam. Similiter ergo quamuis simplicitas astringat vnumquemque ad candidè colloquendum vitandamque sermonis implexitatem, & latebras subiticiæ; tamen si rationabilis rerum propriarum cura, quæ vnicuique propior est, vel rerum alienarum, quæ iudicio prudentis meritò præponderet obseruationi simplicitatis in sermone, ei que aliquali iuri quod ad eam habet auditor, depōscat implexitatem illam; aut diminutionem expressionis; omissio candoris in collocatione vacabit culpa.

C A P V T X X I.

Confirmatio doctrinae propositae, expensione priuatorum publicorumque incommodorum alioqui indeclinabilium; & quam ridiculè iis à se prospectum censuerit aduersarius.

I. **I**VVAT doctrinae propositae vsum exhibere in quibusdam singularibus exemplis; ac veluti ad praxim iam reuocare; quod res Morales iuxta Aristotelis monitum, melius perspiciantur in singulari, vnde liquebit in quanta se incommoda induat aduersarius.

Priuata incommoda ex negatione restrictionum.

Sit ergo qui singularem amicum, aut si placet patrem, quem vnicè diligat & colat, quæri videat ad necem iniustam ab hoste rabiei ac furoris pleno, cui obsistere per impotentiam non liceat, nec pateat perfugium ad Magistratum, aliave remedia, vt plerumque accidit in re subita. Superueniens ergo hostis furore percitus, nec nisi tam chari capitis sanguinem anhelans; sciscitetur de eo quem dixi patris obseruantissimo filio; vbinam pater sit, quoue effugerit qui paulo ante aderat. Quod hic consilium filio dabimus? Patrem prodere,

dere, immanitas esset plusquàm ferina. Mentiri nulla ratione licet, ne ad patrem quidem certæ morti, vel etiam Tartaro subducendum. Omnes aliæ trucis quæstoris eludendi viæ, præclusæ supponuntur. Nec silentium ipsum satis commodum perfugium præbet. : Tum quia ipsius filij vita, verso in rabiem hoste, ob silentium, quod contemptum interpretabitur, adibit apertum discrimen : Tum quia plerumque vt rectè in simili vidit Angelus, agens de sigillo, & Richardus *in 4. d. 21. art. 4. quæst. 2. ad 3.* silentium æquivaleret manifestationi. Velim de Barnesio rescire, quid in illis angustiis consilij caperet, si patrem eo quem dixi loco positum haberet : & an tunc consultum duceret, rigorem illum retinere nihil prudenter subticendi ; mallétque patrem in oculis suis crudeliter confossum cernere, quàm vsurpare locutionem restrictam, qua commodè hostem posset auertere, dicendo, *non vidi*, utique ad tibi prodendum. Idem esto iudicium de vxore quæ fidem coniugij violauerit, interrogeturque à marito, verène ab ea tanto dedecore affectus sit, quod confestim demerso intra pectus gladio sit expiaturus si illa apertè fateatur ; cum tamen mentiri etiam in tanto discrimine nullo pacto liceat. Idem denique dictum esto de reo contra ordinem iuris interrogato, & certa ac acerba morte mulctando, si quod admisit, apertè fateatur.

Incommoda publica ex eadem negatione.

2. Verum quia aduersarius Theologiam nundinatur, & exempla politica gratiora accidunt homini

mini de politia malè sollicito, quem non puduit
sententiam quam tuemur, tanquam rei politicæ
periculosam traducere, agè in eo quoque rerum
genere statuamus exemplum. Sic igitur qui norit
aliquid, ex cuius simplici & aperta detectione
meritò timeatur multa & magna publica mala: v. g.
defectio à Principe, ipsiusve Principis adductio in
discrimen, cū tamen eius salus, cuius bono subdi-
to, sua ipsius salute & capite charior esse debeat.
Quid huic faciendum censebit Barnesius, si quis
importunè illum percontetur de re, quam tanto-
pere intersit celaram esse; & ita percontetur, vt
non possit tergiuersatione vel contemptu eludi?
v. g. quia interrogat, intentans sicam illico in
viscera adigendam, aut immania tormenta nisi
quam primū respondeam, & quidem apertè, &
simpliciter affirmando aut negando. Affirmare,
esset aperire viam grauissimo illi quod dicebam
discrimini, & reum fieri atrocissimi sceleris. Exte-
rius negare, subintelligendo *ad dicendum*, vel ali-
quid simile, iuxta Barnesium est mendacium:
Quod tamen si in eo euentu officiosum atque le-
uissimum, tamen si verè mendacium est & pec-
catum, constat nulla omnino ex causa admitti
posse, quæcumque tandem & quantacumque ma-
la imminere supponantur. Idem virgeri poterat de
Consiliario cui grauissima regni arcana commissa
sunt, vnde plerumque Reipublicæ incolumitas
pendet. ea enim altissimè tegi pernecessarium
est. Vt propterea Romani quod Vegetius *l. 4. c. 4.*
& Festus Pompeius prodiderunt, Minotaurum
signis militaribus appingerent innuentes, quàm
abditum esse oporteat Ducis ac capitis publici
confi

consilium. Si ergo quis vi intentata de Consiliario hoc arcanum exquirat, in quas conicietur angustias si nec tacere potest ob imminens sibi discrimen, nec aperte eloqui ob dispendium publicum consecuturum? Sed quia exemplum de salute Principis est palpabilius, satis existimo inter publica incommoda quæ Barnesij sententiam consequuntur, illud virgere.

*Quomodo his incommodis ab aduersario
prospectum.*

Audio quid consilij præbeat Barnesius §. 53. Ait, prodicionem Principis in eo euentu auerti debere, non mendacio, nec æquiocatione nec pusillanimi reticentia & silentio, sed prudentia ad declinandum periculum Principi imminens, adiuncta cum heroica patientia, & magnanima constantia, qua muniatur quis ad perferendum quævis tormenta, potius quam veritatem ledet aut Principem prodet. Addit ea tormenta, vel etiam mortem generosè exceptam, cessuram in magnum bonum & æternam salutem excipientis, qui mori delegerit potius, quam mendacio vel æquiocatione fœdari. Potius etiam ex Augustino (ut ait) expectandum in illis angustis miraculum à Deo, quam æquiocandum aut restrictè loquendum. Sed quod disertè tradit Augustinus, proposita hac ipsa circa mendacii necessitate difficultate, respondendum esse ait Barnesius in omnibus euentibus & discriminibus propositis. Scio quid scit, sed tibi non teneor ad hæc respondere. Quo vno emplastro, omnibus malis quibus timebamus certum remedium apponi
conclu

concludit Barnesius, extollitque Augustini sapientiam qui veritatem in charitate dilexerit iuxta Paulum, nec adamarit sapientiam huius mundi à DEO perditam, & stultitiæ damnatam, nolueritque sapiens esse ut faceret malum; & solertia iniqua, mentiendi & mendacium per æquiuocationes docendi, desciscere à regulis æternæ sapientiæ; ut illi faciunt quos venerandam barbam & canos admirandi illius hominis, (si fas sit miraculum hominis hominem appellare,) insipienter ac procaciter vellicant, in re quam Patres omnes, & scholastici sequiores Augustino, ex Augustini autoritate & rationibus tutati sunt. Hæc ex Barnesio prope verbatim. Qui ut mitissimè ageret cum aduersariis, iustamque eorum offensionem declinaret, subdit *numero quinto §. illius § 3.* vocem illam eorum, qua autores sunt homini in angustiis propositis constituto, ut æquiuocando seruet vitam suam vel alienam, esse *vocem molliusculam.* Et continenter quasi laxati perpetui hætenus in aduersarios rigoris, & promissæ mititatis pertæsus, addit vocem esse *Christiano homine indignam.* (Insupérque condonet lector, si spurcam hominis vocem, quam ille non erubuit chartis suis prius illinere, cogor adscribere, malens de rubore quàm de veritate periclitari.) Insupér inquam addit, *eam vocem iudicio cordatorum esse, Cynadorum effeminatorumque, potius quàm sapientum obiurgationem, atque querelam de Theologis omnibus, imo & Patribus ac Pontificibus, vitam veritati postponendam dicentibus.*

Turpiloquij castigatio.

3. Nolo cum Barnesio asperius agere, & has verborum spurcicias, qua par esset austeritate depellere. Tantum velim, homini Monacho non excidisset illud Apostoli Ephes. 5. *omnis immunditia nec nominetur in vobis, sicut decet Sanctos, aut turpitudine, aut stultiloquium, sed magis gratiarum actio.* Vellem & illud Chrysostomi hom. 44. in 1. ad Cor. expendisset. *Linguam, cœnæ verborum profundentem, os, latrina fistulam ac etiam latrinam, imo latrina quavis abominabiliorem cloacam, reddere.* Illud denique sibi ab eodem Chrysostomo hom. 6. in 2. ad Cor. aliisque turpiloquis grauissimè inculcatum, vtinam pensasset. *Satius est purulentiam ab ore demittere, quàm verbum obscœnum.* Nunc si fœteat os, ne cibum quidem unâ capere sustines. At cum tantus fœtor sit in animo (cum enim hæc verba produnt) dic mihi audes communicare mysterijs? At si quis vas impurum alicunde capiat, deponatque in mensa tua, fustibus illum exacturus sis. Porro DEVM in ipsius mensa; (nam mensa illius est os nostrum Eucharistia plenum) cum verba afferas quouis impuro vase sordidiora, obsecro te non putas ad iram prouocari? Et quomodo id fieri possit? Nihil enim perinde offendit sanctum ac purum, vt eiusmodi verba. Nec alia res aequè improbos & inuerecundos facit, vt talia vel dicere vel audire. Nihil ita dissoluit neruos pudicitie, vt per hæc emicans flamma. Vnguentum in ore tuo posuit DEVS, tu vero cadauere fœtidiora, ibi reposuisti verba? Ita planè. Quantopere enim non cordatorum modò, sed quorum

Probatio honest. restr. ab incommodis. 355

quorumuis paulo honestiorum sensu, spurcæ illæ voces, fœtidæ sint, & ex Christiani, nedum Monachi ore ablegandæ, quippe indices rei quam iudicè Apostolo *turpe est & dicere*, non est quod doceam. Nec defuit vir cordatus, qui ad pudendi huius ac propudiosi conuitij lectionem in Barnesij libro, venerit in suspensionem, ignoratæ ab eo significationis huiusmodi vocum; quod non videatur verisimile hominem Monachum, tot pios ac probos aduersarios quot supra commemoravi & ex sua familia nonnullos; ea verborum spurcitiæ respersurum, si vim vocis peruasisset: cum certum ac indubitatum sit, nō modò qui talia agunt, sed etiam qui scientes loquuntur, inquinari supra modum ea illuuiæ ac cœno verborum, nec modica aspergi suspitione voluntariæ inhæSIONIS in eo volutabro per cogitationem aut opera, qui maligna loquuntur, aut etiam recordantur. *Qui enim non recordatur*, ait Chrysoſt. hom. 14. in ad Hebr. *neque considerat: qui non considerat, neque loquitur: qui non loquitur, neque operatur.* Absit verò vt scrutari penitus Esau & inuestigare abscondita eius consilium incam, ne forte ab hoc verborum propudio ad perspicienda opera quædam tenebrarum, ad quædam vt Clemens in protreptico appellat, *digna nocte & igne arcana* improuidè peruadam: cogarque subito honore tactus exclamare, quod ibidem ad profanum mystem Clemens. Verecundantem vel potius horrescētem ab alieno probro calamum retraho; illudque duntaxat Barnesio qui hunc finem, hoc oletum lectoris naribus obiecit, rehero ex Synesio *Epistola 44.* quod an in ipsum aptè cadat, (hominem toties

mendacij aduersus Lessium aliòsque hoc opere conuictum, eaque falsa de iisdem spargentē quæ pertusam Monasticæ huius personæ conscientiam liquido prodant) discussione eius permitto. Synesij verba sunt. *Nulli aq̃e mores DEO execrabiles sunt ac famigeratoris qui ex obscuro vulnus infligit. Ignauissimus enim cum sit, maxima infert mala & quoddam ys inesse fatum dicitur vt in Cinadorum gregem adscribantur. Idque ipsum inter cetera eius artis esse precipuum: Sunt enim & alijs in multis callidi & solertes. Quare si quis rumores falsis de rebus spargere deprehendatur, hoc ipsum neque rogaueris, neque dubitaueris, sed quamlibet firmus ac constans esse videatur, audacter hominem pronuntia seminare, purum putum Corytonis affeclam. Hoc viri & Sanctissimi & eruditissimi monitum si audiamus, non erit quod ad ferendum de ore tam graui iudicium expectemus cum illo apud Dionem orat. 33. physiognomo, vt Barnesius sternuat.*

Excussio Barnesij remedium in singularibus exemplis, & cur de Confessario tacuerit.

4. Vt vt sit, frustra tentauit Barnesius, ea cœni ac turpiloquij deriuatione in disputationem, vim argumenti propositi labefacere. Perstat enim inconcussus. Quod vt euidentius fiat subdo ipsa Barnesij verba eo §. 3. n. 5. *Ex his paret quid prestare debet subdijs Regi, ubi eum tutandi nulla sispere est via. Constat uem quid Christiane respondere tenentur ex Augustini doctrina, accusatus iudici, cuius raptori milui; uxor marito zelotypo; viator lauro,*

latroni, casu quo veritatem rei dicere nefas sit. Respondeant enim illud Augustini. Scio quid sit, sed tibi non teneor ad hac respondere, ac propterea tibi nec pro affirmatiua, nec pro negatiua etiam parte, aliquid de hac re monstrabo. Hæc ille, redigens in summam quæ fufius dixerat, dum expedire se argumento propositò satagit. Obsecro autem lectorem vt apud se diiudicet quàm præsens remedium prædictis incommodis, ea per Barnesium præscripta responsione sit adhibendum. Percurram singula exempla ordine retrogrado, si vnum ante exposuero, quod mihi nec immeritò, dubitationem ingerit. Non enim satis perspicio qua fide vnum exemplum tacuerit quod numero 1. in tertio casu propositum fuerat cum cæteris. Exemplum inquam confessarij, cui mors impendeat nisi secretum Sacramentale resignet sacrilegè & impiè, vt si maritus Confessarium vxoris quam de violata thori fide suspectam habet vrgeat intentata sica ad euulgationem adulterij sibi in Confessione expositi. Nam si eadem responsio in hoc exemplum quadrabat, quorsum dissimulatum est inter respondendum, cum exemplum illud apud Doctores omnes, in hoc genere sit solemnissimum, & in eo maximè euentu prodenda sit Christiana illa fortitudo à Barnesio in cæteris exemplis commendata mortem & quæuis incommoda Sacramenti violatione & sigilli temeratione, potiora ducens. Quod si ea responsio non quadrabat in illud exemplum, aliqua certè assignanda fuerat, qua incolumitati Sacramenti saluo Confessarij periculo, prospiceretur. An Barnesius fas esse duxit Confessario, violare sigillum, eo quod

ob instantem necessitatem, ac si taceat demittendam sibi in pectus à rabiente marito sicam non teneatur sigilli præcepto? An desperavit de legitima argumenti ex eo exemplo petiti dissolutione, ideoque quamvis illud exemplum inter proponendam rationem dubitandi recensuisset cum cæteris, pro quibus respondendi formulam præscripsit, in solutionibus tamen illud dimisit intactum, tanquam insolubile? Hoc postremum benignius & verisimilius videtur, ideoque amplectendum. Nam rapiendam esse occasionem quæ præbet benignius responsum, Paulus Iuricons. lib. 1, ad Plautium, pro effato posuit. Nunc ad prædicta exempla expendenda accedamus.

Quam in tuto sit viator à latrone iuxta Barnesium.

5. Responsio qua Barnesius vult vii viatorem à latrone interceptum, ridicula est. Finge enim instantem mercatori in via grassatorem, iam iamque gladium miseri visceribus capulo tenuis commissurum, nisi promittat & iuramento firmet lytrum ingens, quod si serio promittat euertendus sit fortunis omnibus. Certum est non licere viatori mentiri; & in hoc omnes Catholici convenimus. Tantum quærimus, qua arte eludere possit grassatorem, vi salua vita & declinato præsentis periculo non redigatur ad egestatem, exsoluendo promissum. Ego cum Molano lib. de fide rebellibus servanda cap. 8. dico respondere posse *dabo quod petis*, idque etiam si opus sit iuramento confirmare, subintelligendo *si debeam*. In quam sententiam

rentiam idem Molanus laudat etiam Nauarrum. Barnesius è contra, quia restricta locutio est ci putum putum mendacium, eam responsionem restrictam, ne ad aures quidem admittit. Autor igitur est viatori, vt in hunc modum expediat se à grassatore. *Scio quid sit, sed tibi non teneor ad hac respondere, ac propterea tibi nec pro affirmatiua nec pro negatiua etiam parte, aliquid de hac re monstrabo.* Egregium verò responsum, quo miser viator immani carnificinæ apertè obiiicitur. Nec aliter censuerim de quopiam latroni forte obuio, & quærenti de via mercatoris bene nummati, illhac antegressi, ac nisi mercatoris iter prodat funestissimum ac præsentissimum exitium denunciantis, quo pacto aduersarius hunc casum proposuerat, aliter quàm in solutione postea facit.

Itémque adultera à marito.

6. Iam in exemplo adulteræ, quis risum sustineat, audita responsione quam Barnesius miseræ adulteræ in os ingerit, in illo æstu conscientiæ, quæ sceleris admissi atrocitate lancinata, quæ mariti in rabiem acti & domesticum dedecus torique fœdationem, vltrice sica eluere parati, si scelus comperiat, habeâtque fatentem ream. *Zelus enim & furor viri, vt est apud Sapientem Proverb. 6. non parcat in die vindictæ, nec acquiescet cuiusquam precibus, nec suscipiet pro redemptione dona plurima.* Æstuantem igitur ad viri præsentiam, infœlicem adulteram, & pressam vt respondeat, scelusne admiserit, an non, bonus consiliarius Barnesius in tuto ponit hac responsione, *scio quid sit, sed tibi*

non teneor ad hac respondere, ac propterea tibi, nec pro affirmatiua, nec pro negatiua etiam parte, aliquid de hac re monstrabo. Nemo profecto est adeo exoculatus, qui non videat, responsum quod Barnesius adulteræ suggerit, eo tantum pertinere, ut auctiorem faciat viri furorem, & misera mulier, citius ac funestius pereat. Quare qui Nauarro, & subintellectionibus ex idonea causa adhibitis minus fauent, ut Ioannes Azor *tomo 1. moral. institut. lib. 1. cap. 4. q. 5.* alique, in eo tamen exemplo admittunt licitam esse locutionis restrictæ usurpationem, quod videant alioqui apertum exitium miseræ adulteræ imminere.

*Et virgo à stupratore, ac reus ab inique
Iudice.*

7. Exemplum virginis quæsitæ ad stuprum, cuius pudicitia aliter consulere nequeam, quam eludendo interuentu responsi ambigui, vel ex parte suppressi libidinem stupratoris, eodem modo virgendum est, quo paulò ante exemplum viatoris, de quo prædo sciscitatur, quâ transierit mercator, cuius marsupio vel sanguini imminet. At in exemplo rei iniuste ac contra iuris ordinem interrogati planè insignis est aduersarij inconstantia & temeritas. Inconstantiam dico, quia Barnesius ad utrumque declinandam Sayri autoritatem, ac ne cui suo & eiusdem Benedictinæ familiæ Theologo, tot & tanta probra Lessio impasta, communia faceret; admittit in eo exemplo, verè à reo responderi, *non feci*, eo quod ex circumstantiis temporis & loci ac personarum, perspicuum sit reum inficiando

inficiando scelus suum de quo contra ius interrogatur, perinde se habere ac si diceret, Ego quatenus obligatus tibi respondere, non feci id de quo quæris. Estque certa omnium planè Theologorum doctrina, vno excepto Sepulveda, ut Sayrus notauit, bene multos pro ea autores adducens, in *Clauis Regia lib. 12. cap. 17. n. 21.* fas esse reo iniquè interrogato, cum aliter iniquitas iudicij declinari nõ potest, eludere iniquum Iudicem locutione æquiuoca vel restricta: eo quod ex negotij circumstantia reus intelligatur respondere ad mentem iustam interrogantis, secundum quam rectè habet responsio iudicem iniquum deludens. Eamque Sayri doctrinam sic expositam, admittit Barnesius §. 29. n. 2. & 3. Quorsum Igitur nunc, eo §. 53. quem excutimus, negat reo facultatem sic respondendi, eamque vnã responsionem illi reliquam facit, quia per tormenta ad exprimendam confessionem illata, miserè excarnificandus est, iniqui iudicis decreto. *Scio quid sit, sed tibi non teneor ad hac respondere, ac propterea tibi nec pro affirmatiua nec pro negatiua etiam parte, aliquid de hac re monstrabo.* Insignem verò temeritatem qua ut est apud Nazianzenum homo *vnus diei Theologus*, niti contra torrentem ausus est, præclusa miseris reis omni alia responsione contra communissimũ hæctenus sensum Doctorum, æstimabit apud seipsum æquus lector. Nihil porro hinc decedere Christianorum Iudicum iuribus, quos bonos & æquos iudices esse nolle, suspicari absque scelere non liceret, euici supra capite quarto. Tametsi Barnesius cuius Theologia escæ ac gratiæ seruit, aliter per crassum errorem, sentire visus sit.

Et salus publica à sicarij rabie.

8. Denique in exemplo de Principe, cui alicuius aperta locutio periculum creare queat, eo periculosior est Barnesij doctrina, quo Principis salus, cuiusvis alterius salute pretiosior censi debet, ac studiosius curari. Sit igitur homo impius, nefariusque parricida, à cuius immanitate timendum meritò sit Principis capiti; dùmque perficiendi horribilis facinoris occasionem opportunam captat, interroget aliquem forte obuium vbinam Princeps sit, quem paulò antè à turba semotum illic conspexerit. Nec Princeps procul absit, sed inermis, & viribus sicario eiusque si lubet asseclis impar, in loco vicino delitescat; opprimendus barbari prædonis immanitate, si detegatur ab eo quem diximus obuium factum, & interrogatum vbinam Princeps sit, & quo diuerterit illic visus paulo ante. Barnesius iubet, vt obuius illè, hoc tantum sicario respondeat. *Scio quid vel ubi sit, sed tibi non teneor ad hæc respondere; ac propterea tibi nec pro affirmatiua nec pro negatiua etiam parte aliquid de hac re monstrabo.* Ego hoc responsum periculosa alex plenum, & malè securum pronuntio. Numquid trux ille prædo, tergiuersationem, nec immeritò, interpretetur affirmationem? Aliquando enim vt vidit etiam D. August. lib. de mendacio cap. 13. venit ad huiusmodi articulum, vt non interrogemur ubi sit ille qui quaeritur, neque cogamur vt eum prodamus, si sic occultatus est vt inueniri facile nisi proditus nequeat: sed quaeritur à nobis utrum illo loco sit, an non sit. Vbi si esse scimus,

Probatio honest. restr. ab incommodis. 363

scimus, tacendo eum prodimus, vel etiam dicendo nequaquam nos esse dicturos, utrum ibi sit an non sit. Ex hoc enim colligit ille qui querit, ibi eum esse. Quinetiam acui eodem modo potest interrogantis curiositas, & rabies, si respondeatur, scio ubi sit sed non enuntiabo. Ut tacēam eluisionem damnorum, quæ illa responsio in respondentis caput deuocaret. Sed neque idcirco præcluderetur Principis periculum, vel malis propositis medicina fieret, Barnesiano illo responso. Scio ubi sit, sed non teneor tibi ad hæc respondere, &c. Quid si enim qui interrogatur, conscius sibi sit fragilitatis suæ, iisque viribus quas in se experitur, diffidat in tanta tempestate fortiter excipienda; nec immerito putet se tormentis succubiturum, adigendumque ad simplicem & apertam detectionem, inuecturam eam quam dixi malorum molem! An etiam perstat Barnesius in rigore illo suo, & Principis salutem, fragilitati cuius sibi conscius est qui interrogatur, committendam decernit?

Vides quàm sapientia carnis mors sit, & quàm cæcutiant, qui sententiam Theologicam vel hoc nomine commendandam quod salutis publicæ longè commodior sit, vocare nituntur in inuidiam eorum quibus fucum faciunt. Ego itaque in euentu proposito, quicquid in contrarium effusiat Barnesius, cuilibet de quo sicarius percontaretur autor omnino essem ut securè ac intrepide responderet, *non vidi, vel nescio ubi sit*, subintelligendo *ad dicendum tibi omnium mortalium sceleratissimo*. Ad tormentorum verò ac ipsius mortis præelectionem, pro singulari Barnesij opinione, salutis Principū adeo periculosa in tali euentu, nemo

nemo prudens illum astrinxerit. Multo minus fideiufior illi sim pro Barnesio miraculum spondente de suo capite, nullis prolatis diuinis literis quibus promissum firmet.

Sollicitudo Barnesij pro barba D. Augustini & de Firmi apud eum responso.

9: Neque idcirco Augustini barbam & admirandos canos vellico, vt Barnesius de more ineptiens dixit. Nisi si Augustini barbam & canos, vel vellicarunt vel vulserunt, omnes omnino Theologi, dempto Sepulueda Theologastro atque Barnesio, velluntque etiam hodie, Reucrendissimus Malderus, Barbosa, alique supra allegati, qui in casu de reo contra iuris ordinem vel absque autoritate interrogato, vno ore aliam responfionem reo suggerunt, quam quæ à Barnesio venditatur vt Augustiniana, nempe *scio quid sit sed tibi, &c.* Cum tamen Augustinus, quod locus ille poscebat id vnum asseruerit, nefas fore mentiri, quocunque damno ingruente. Prudentis autem declinationis damnorum, quæ quamuis necessaria non sit, in aliquibus tamen euentibus vsui esse possit, exemplum protulerit eam responfionem quam Barnesius perperam iactat vt vniuersalem ex mente Augustini. Et vt melius perspiciatur quod dico, nec obtendat Barnesius dissimulatam difficultatem, audiamus si placet Augustinum *lib. de mendacio cap. 13.* narrantem exemplum Firmi Episcopi Tagastensis, quod in hanc rem celebre est apud autores, & à Barnesio ad nauseam ingeritur. *Episcopus quondam Tagastensis Ecclesia,*

Ecclesia, Firmus nomine, firmiter voluntate, cum ab eo quæreretur hominū iussu Imperatoris, per apparitores ab eo missos, quem ad se confugientem diligentia quanta poterat occultabat; respondit quærentibus, nec mentiri se posse nec hominem prodere, passusque multa tormenta corporis, (nondum enim erant Imperatores Christiani) permansit in sententia. Deinde ad Imperatorem ductus, usque adeo mirabilis apparuit, ut ipsi homini quem servabat, indulgentiam sine ulla difficultate impetraret. Quid hoc fieri potest fortius atque constantius? Hoc quisquis fortiter factum negaverit, truncus profecto fuerit. Itaque suspicienda omnino & commendanda est Firmi firmitas mentis, & generosa responsio, ut sapientissimè fecit Augustinus. Ad eam tamen omnes astringere, quod Barnesius facit, & negare aliam præterea superesse honestam rationem, declinandi proprium alienumve discrimen, hoc nego ex Augustini mente esse, sed à Barnesio de vulsa ab aliis Augustini barba sollicito, ei affingi contendo. An enim Augustinus in eo euentu, repudiaret eam saltem ambiguitatem verborum, duplici significatione præditorum, quam in Abrahamo Saram sororem suam appellante, toties commendat? At tacuit Augustinus de illa alia respondendi ratione, quam admitto. Bellum argumentum, & Barnesio dignum, ab autoritate negativa petitur, quod triobolare esse Logici rudimentarij non ignorant.

10. Itaque planè Augustinus, in id vnum intentus ut mendacij virus aperiret; commendat & merito, Firmum, quod constanter professus sit, non sibi licere mentiri: fortiterque & constanter

negauerit, prodendum à se, quem occultabat. At tamen alia illi superesset respondendi ratio, non dicit Augustinus; tamen negatiuam partem ei affingit Barnesius pro sua in æquiuocationibus impugnandis veri paritate, & mendaciorum prodigalitate: cui hoc loco eam quoque supinitatem adiunxit, vt verba aduersarij cum quo Augustinus disputat, allegaret §. illo 17. num. 1. pro sententia Augustini à quo mox diluuntur. Sed obiectionem pro solutione citare, non est Barnesio nouum, nec mihi in eo vltra, mirum. Sanè nisi iam fastidirem tantum dedecus Religiosi hominis, quantum in isto deprehendo; vt videlicet nulla videatur tangi cura veritatis, & mendaciis rem suam ac causam promouere, eodem loco ponat quo idoneus disputator argumenta valida, facile omnino possem, tribus quatuorve præsertim locis quibus Firmi factum ex Augustino videret, nempe §. 17. & 18. rursusque §. 2. & §. 3. ex facta à Barnesio semente, magnam & vberem mendaciorum messem legere: Quæcumque enim à mendacij officiosi defensoribus, & contra eos apud Augustinum habentur, ipse transmutato pro potestate mendacij vocabulo, in nomen restrictæ locutionis vel æquiuocationis, tanquam dicta à prioribus pro æquiuocatione, vel aduersus eam ab Augustino; fuci quem lectori facit negligentissimus, profert in medium. Quæ quanta sit hominis malignitas, plenius aperiam proximo capite.

*Qui potest vitam retinere, semper tenetur
iuxta Barnesium.*

11. Nunc illud in ea de Firmo narratione, ab isto assertum, bona parte §. *decimiseptimi*, consideratione aliqua dignum videtur. Continet enim fermentum non bonum. Ait Barnesius, Firmum si licitum ei fuit æquiocatione aliqua declinare tormenta, & vitam non proiicere, obligatum omnino fuisse adhibere æquiocationem. Non secus ac qui perpetuam & inuiolabilem carniū abstinentiam profitentur, si incidant in extremam necessitatem, ita ut alioqui sit eis fame pereundum, tenentur carnibus vesci ut satisfaciant obligationi tuendæ vitæ, quæ est naturalis & maxima obligatio. Aut non secus ac Monialis, quæ ex voto astringitur manere inclusa, tamen grassante incendio, quia licitè exit, cessante ob summum discrimen, voti lege, exire tenetur; idque ni faciat aduocati sibi viuicomburij rea erit. Similiter ergo concludit Barnesius, Firmum & alium quemlibet, in pari vel grauiore discrimine constitutum, si æquiocare vel mentaliter locutionem restringere licitè potuit, omnino debuissè ita facere ad tuendam vitam, immaniave illa tormenta à se auertenda: Quia quicquid facere licet ad vitæ conseruationem, faciendum est ex iuris naturalis obligatione.

Quam id falsum.

Ain Barnesi! Itaque te iudice, reus damnatus
ad

ad perpetuam inedia, quia si cibi clanculum ei offerantur, licitum ei est illos comedere, ut rectè censuit S. Thom. 2.2. *quest. 96. art. 4.* & Henric. Gandau. *quodlib. 9. quest. 26.* & alij, tenebitur comedere, nec poterit mortem ad quam iuste damnatus est, velle excipere amore iustitiae. At posse id velle cum laude, etiam si non teneatur, cōsultiore s Barnesio Theologi rectè pronunciant, Maior in 4. d. 15. *quest. 2.* Tol. 5. *instruct. sacerdot. cap. 6.* Petrus à Nauarra 2. *de restit. cap. 3. num. 72.* Sayrus in *Clauil. 7. c. 9.* & alij quos ij proferunt. Adhæc si homo priuatus, & cui nullo speciali titulo astringar, sit in aperto vitæ periculo, possimque illum inde liberare cum periculo meo pari, possum de eius exitio non esse sollicitus, meque periculo subducere. Ergo iuxta Barnesium, tenerer quoque id facere, nec possem ingens illud bonum quod mihi ex charitatis Christianæ & fortitudinis exercitatione obueniret, anteponeere vsuræ aliquorum dierum incertorum. Contrarium docent D. Thomas in 3. d. 29. *quest. unica art. 5.* Durand. in 4. d. 17. *quest. 6.* Victor. *relect. de homin. num. 27.* Petrus à Nauarra 1. 2. *de restit. cap. 3. num. 27.* & alij quos allegat sequiturque Ægidius Coninck *disput. 25. de actibus supernat. num. 81.* Item is cui mors imminet ex membro putri, cuius sectio inferet cruciatus grauissimos, potest eum cruciatum excipere ad vitam retinendam. Ergo iuxta Barnesium tenebitur eum subire. Contrariam sententiam rectè tradit Bannes 2.2. *quest. 65. art. 1.* & ibid. Salōn *controu. 2.* ac passim cæteri. Præterea nobili viro quem aliquis ex improviso adoritur, licitum est fugere, & eo modo planè in tuto

tuto vitam ponere. Ergo iuxta Barnesium tenebitur id facere, & cum æternò dedecore salutem in pedibus locare. Contrarium docent Sayrus in *clavi lib. 7. cap. 10. dub. 8.* Arag. 22. *quest. 64. art. 7.* Iulius Clarus §. *homicidium num. 26. & 32.* Tiraq. *de nobilit. cap. 20. num. 64.* & communiter Doctores. Similiter fas est cuique, iniustum fortunarum suarum inuasorem, non repellere demersò in viscera ferro, si opus sit, quamvis portio bonorum quæ prædo diripit non sit prorsus exigua. Itaque auctore Barnesio, qui ita diripitur, cogetur in oculis suis spectare direptam domum, nec poterit prædonem direptione prohibere, ne vitam periculo ex prædonis violentia exponat. Contrarium docet Caiet. 22. *quest. 64. art. 7.* Couart. *ad Clem. si furiosus p. 3. §. unico num. 6.* Torres 22. 1. 2. *disp. 27. dub. 2.* & communiter DD. Denique licitum est urgente persecutione migrare aliò, per se loquendo; ergo quoties fuga esset licita, esset etiam necessaria iuxta Barnesium. Contrarium est indubitatum. Vide Malderum 22. *q. 3. art. 2. memb. 2.*

12. Possum Barnesium innumeris similibus exemplis obruere, de quibus latè Victor. *relect. de homicidio à num. 24.* sed hæc satis superque ad institutum: cum perspicuè inde habeamus, cum (ut phrasi ipsius utar,) *panem Theologicum malè ruminaſſe*, nec aduertisse non esse tam arctam homini obligationem ex iure naturæ ad tuendam vitam, quin fas aliquando sit prudenter (etiam secluso præcepto & nullius virtutis opere urgente ex obligatione ad sui exercitium, sed potius facta homini ad utrumlibet potestate,) vitam discrimini

obiicere, tametsi aliàs quia cessat idonea causa vitæ prodigendæ, non sit gratis adducenda in discrimen, vel apertum exitium, vt contingit in exemplis Carthusiani & Monialis, quibus Barnesius ex puris particularibus argumentando, colligebat idem quoque contingere in quouis vitæ discrimine, per restrictam locutionem declinabili, si vsus restrictionum licitus esse concedatur. Tametsi in eo exemplo Carthusiani, admittendum esse contrarium ei quod Barnesius contendit, sententia est non ignobilium autorum, quos refert Ioan. Salas 1.2. tract. 14. d. 11. num. 28. & 29. quibus bona cum Barnesij venia adiungo Lessium 1. de Temper. cap. 3. num. 12.

*Concluditur iudicium de proposito Firmi
responsio.*

Licuit igitur S. Firmo, licet & cuius alteri in simile discrimen coniecto, eripere se morti vel cruciatibus, per æquiuocationem vel locutionem restrictam; nec tamen inde sequitur obligari ad æquiuocandum vel restringendum. Quia bonum quod elucet in perfectione candoris & synceritatis perpetuæ in conuersatione, tanti apud aliquem esse potest, vt prudenter iudicet præstare, corporis exitium vel cruciatus alieno scelere inferendos permittere, quàm synceritatem lædere, tametsi hoc quoque culpa vacaret in prædicto euentu. Non enim quod vitio caret, æquat confestim perfectione actum oppositum, cum quo comparatur. Quid si verò S. Firmus, ex ignorantia inuincibili censuit deesse sibi aliud euadendi mediũ?

Neque

Probatio honest. restr. ab incommodis. 371

Neque enim D. Augustinus affirmat eum ut voluntatis firmitate & sanctimonia præstantem, ita eruditione quoque præcelluisse. Nec paucos antiquos Episcopos sanctitate clarissimos, modicè literis tinctos fuisse, extra controuersiam est. Potuit etiam contingere ut S. Firmus, quamuis probè conscius liciti vsus restrictarum locutionum, agnouerit tamen vel non expedire, vel etiam illicitum esse in eo euentu illum adhibere. Quia v.g. poterat timere, ne fortassis aduersariis curiosius indagantibus, nec ad restrictam responsionem abscedentibus; aut aliquo ex domesticis seducto, vel facto proditore, tandem perueniretur ad latebras, non absque infamia Christianitatis apud Ethnicos; quibus persuasum nunquam fuisset S. Episcopum locutione restricta vsu fuisse, sed mendacio vsu planè calumniati fuissent. Quod probum Christianorum pastori, perque illum Christianis omnibus ad eius ductum & mores vitam confirmantibus, non irrogari ab Ethnicis, intererat Christianæ rei: ideoque per accidens S. Firmus, in eo euentu potuit iudicare, se teneri abstinere æquiocatione, & restrictione tamen si per se loquendo licitis, quod in aliis quoque euentibus frequens esse, dixi capite 4.

Frigida Augustini laudatio à Barnesio.

13. Missam facio aliam responsionem, quam ex capite ultimo libri primi retractationum ad hunc locum, aliâque ex Augustini libro de mendacio petita, colligere sibi poterit Barnesius: nempe quod liber ille iudice ipsomet Augustino admodum im-

plexus sit, nec satis in eo plerumque appareat quid D. Augustinus ex suo, quid ex eius, cum quo disputat sensu prodat; ut magnus Diui Augustini æmulator Gregorius Ariminensis rectè obseruauit in 1. d. 39. q. unica artic. 2. conclus. 1. sub finem. Hanc inquam ad locum propositum responsionem ab ipsomet Augustino subministratam tanquam non necessariam, prætermitto. Non possum tamè prorsus præterire frigidum encomium quod Barnesius eodem §. 51. *veneranda barba & canis Augustini*, panxit. Quem *admirandum hominem, (si fas sit miraculum hominis hominem appellare,)* in re quam Patres omnes, Scholastici sequiores Augustino, ex Augustini autoritate & rationibus tuentur, expostulat vellicari ab iis qui ipsius Barnesij barbam non demulcent, nec restrictionibus mentalibus & æquocationibus quibusuis, ipso verba præterente, anathema maranatha intorquent. *Quasi iuxta istos non dilexerit Augustinus charitatem in veritate, exosamque habuerit sapientiam huius mundi, & solertiam iniquam mentiri docentem.* Non potuit scilicet in suscepto venerandæ Augustini barbæ præconio, diu insistere homo maledicentissimus; sed mox ad mendacia & probra conuersus, imponit iis, quos impugnat, quod mentiri doceant. Cumulatque hoc mendacium, alio non ignobili: quod videlicet omnes Scholastici & Patres Augustino sequiores, (dissimulo plenum temeritatis & arrogantæ iudicium, de aliis Patribus ad Augustinum comparatis, quia verisimile est non calluisse Barnesium, quid ea vox ferat:) omnes inquam Scholastici & Patres, cum Augustino doceant, locutionem mente restringere, vel ambiguum sermonem

nem vsurpare, idem esse quod mentiri. Hanc atrocitatem calumniæ toto opere perpetuam, proximo capite aperiemus.

Nunc obiter illud duntaxat expostulo, quod homo ineptus, adorsus Augustinum laudare, tam frigide tamque ieiunè in diuite argumento versatus sit, ut nisi dextra *venerandam barbam & canos hominis admirandi*, si fas est hominem miraculum hominis dicere: sinistra autem, consueta mendaciorum & calumniarum telaprehendisset, Augustinum illaudatum dimissurus fuisse credendus sit. Quod si Phauorinus apud Agellium l. 19. cap. 3. turpius esse dicebat, exigue atque frigide laudari quam insectanter & grauius vituperari: quod qui maledicit, quanto id acerbius facit, tanto infirmioris aduersus eum quæ impetit autoritatis efficitur: qui verò ieiunè ac infœcundè laudat, destitui à causa videtur, & cum amicus haberi velit, nihil tamen posse reperire credatur, quod iure laudet: quid hoc Augustini laudatore faciemus, qui præter *venerandam barbam* (quam discere ex Baronio poterat vellicationibus vix patuisse), non habuit quod in Augustino commendaret, nisi religioni duceret, eum appellare hominis nomine: cum posset ei elogium verum & cumulatam contexere; ex Cælestino Papa l. *epistola ad Gallie Episcopos*; Ioanne 2. item Papa *epistola ad Ausenum*; Prospero in *sine libri contra Collatorem*; & initio *Epistole ad Ruffinum*; & carmine contra ingratos cap. 2. & 3. ac initio *libelli ad obiectiones Gallorum*; Fulgentio lib. 2. *de verit. prædest.* Paulino *epist.* 31. *inter Augustinianas*; & ibidem Seuerio *epist.* 37. aliisque passim.

CAPVT XXII.

*Vniuersè, cuiusmodi sint Barnesij argumen-
ta contra vsum licitum locutionum men-
taliter restrictarum ex causa idonea.*

1. **S**picilegium hîc instituere poteram si libuis-
set. Nam magnam partem quæ vrgeri in
contrarium possunt, demessa iam in superioribus,
& validè contrita sunt. Itaque paucis duntaxat
quæ merentis manum hæcenus effugerint, suble-
gendis, ritè functus officio videri possem. Placet
tamen breuiter in vnum quasi acervum coniectos
exhibere, quoscumque Barnesianum solum pa-
liuros verius & tribulos quàm lætas legètes fudit,
tamen si præcedenti labore demessos, imò stirpitus
eradicatos. Nihil enim vllius momenti, imò quia
omnia nullius sunt momenti, nihil planè ab ad-
uersario propositum, sinere intactum, mei mun-
eris duco. Memor illorum S. Hilarij verborum
lib. 2. de Trinit. in argumento octauij libri. *Parum
est sola ea ad satisfactionem afferre quæ propria sunt;
quia plerumque blandientes sensum fallunt. dictorum
nostrorum inexplorata assertiones, nisi etiam propo-
sitionum aduersarum demonstrata inanitates, fidem
nostram in eo ipso quod ipsa ridicula esse arguantur,
affirmant.*

Est tamen quod initio generatim lectorem
moncaui, dolere me quod cogar toties lectori
ostentare, hominem Monachum pessima fide &
nulla

Cuiusmodi sint Barnesij argum. uniuersè. 375
nulla conscientia cum Lessio agere, ita vt planè videatur pudorem abiicisse præ calumniandi libidine. Cum enim certum ex fide sit, nulla ex causa licere mentiri, idque tam perspicuè Lessius cum omnibus Catholicis profiteatur; audet tamen Barnesius, quasi trunci essent qui ea lecturi erant quæ scribebat & vt de Adimanto scriptum est ab Augustino capite contra illum 15. *securus de negligentia generis humani ad occultandas deceptiones suas*, impingere Lessio mendacij patrocinium: & perinde ac si Lessius docuisset, fas esse æquiūocando vel mentaliter restringendo mentiri, omnia quæ contra mendacium alicubi congesta reperit, nominatimque apud Iosephum Langium in Polyanthia, (sic enim homo ad Grammaticæ contumeliam natus, opus illud allegat §. 15.) sententiæ Lessij opposuit. Perinde omnino faciens ac si quopiam rem inuentam domino vacantem sibi vendicante post præmissam debitam diligentiam, vt fert sententia probabilissima grauium Theologorum, probaret aliquis alterius sententiæ partiaris, illicitum id esse, quod furandum non sit. Aut si aliquo sub inculpatæ tutelæ moderatione defendente seipsum, vel res suas, & in ea iusta cura prædonem obruncante; probaret alius nefarium id esse, quod cædes hominis iniusta, sacris testimoniis profanisque reproberetur. Quæ quantæ foret fatuitas, non est quod fufius exponam.

2. Sicut ergo in iis exemplis, qui alteram partem eo quo dixi modo probandam susciperetur; vel ignorantiam suam mentisque hebetudinem, vel nequitiam, vel denique vtramque proderet; ita in præsentī probare, quod illicitum sit æqui-

uocationem aut restrictionem ex iusta causa adhibere, quia scriptura & Patres damnant mendacium, hominis est à ianua aberrantis: cum hoc exploratissimum sit, mendacium esse vitiosum; quaeratur autem an æquiuocatio & locutio restricta, ad mendacium accedant, vel ab eo elongentur, ad quod institutum ineptè accommodantur testimonia quæ exploratum mendacium reprobant. Sicut in priore exemplo proposito, ineptè omnino ad reiiciendam honestatem vsurpationis rerum inuentarum, adducerentur testimonia probantia, furtum, quod quidem verè furtum sit, esse illicitum. Nec minus insulsè in controuersia circa posterius exemplum propositum, adducerentur loca quibus exaggeratur crimen homicidij iniusti.

Quinetiam posito quod supponeremus euinci ab aduersario interuenire mendacium in locutionibus restrictis vel quomodolibet ambiguis, necdum tamen effugèret notam inepti & extra orbitam vagantis disputatoris. Nam quandoquidem vtraque pars præsupponit mendacij malitiam; planè ineptit, qui ea data, probationes accumulât ad eam euincendam. Sicut in exemplis propositis, ex quo vtrinque conuentum est, furtum & homicidium esse actus illicitos, nisi interueniat causa eximens acceptionem alieni & eadem hominis è classe furti & homicidij illiciti; si semel euincatur causam illam deesse, frustra proferentur rationes quibus inhonestas actuum illorum suadeatur, quæ præmissa vtrinque supponitur, eo ipso quod probatur deesse causam illam, quæ sola poterat expurgare malitiam actuum prædictorum, ut etiam conuentum erat. Et video quidem
aliam

aliam superesse generalem responsionem, ad omnia testimonia quibus Barnesius aduersus Lessium abutitur. Nam si luberet gratis admittere, aliquem aliquando Patrem vel Doctorem ex illis quibus iste Barnbalio mendaciter opus suum suffarcinauit, impugnasse æquiuationes & locutiones restrictas, facile responderetur impugnacionem illam, cadere in æquiuationes vel locutiones restrictas idonea causa non suppetente, quas nos quoque damnamus. Hæc tamen responsio necessaria huic loco non est, quia vt dixi nullus Patrum aut Doctorum egit de æquiuatione & locutione restricta, in locis allegatis à Barnesio, sed tantum de mendacio.

3. Quare omnia prope quæ Barnesius à §. 4. ad §. 1. (id est, præcipua operis portione) contra Lessij sententiam opponit ex Scripturis, Patribus, Pontificibus, ac Doctoribus mendacium reiicientibus, vna continenti linea ab initio ad finem ducta, obduci debent, vno hoc verbo præfixo. *Impertinenter*; aut certè hoc alio non minus appposito; *Malignè*, vel *Nèquiter & per calumniam*. Nam vt malignitati potius hanc disputationis obtorsionem, quam stupori vel hebetudini tribuam, saltémque vt malignitatem non abfuisse certum habeam, facit longitudo deflexionis. Vt enim fungus fuisset, tamen in tanta prolixitate & mora, non potuisset non aduertere exorbitationem, nihilque à se afferri ad institutum. Sed quod seruandum esset conductoribus venalis huius Theologiæ, nec parum ad faciendum imperitiæ plebeculæ fucum referret, opus pactum aduersus Lessium paulo spissius euadere: neglexit inspicere yn-

de illud inferciret. Itaque tumultuariè congeffit, quæcumque apud imperitos quibus facultas deesset causam diiudicandi, visa sunt opportuna fore ad molem operi conciliandam, & premendum invidia aduersarium, nullo conscientiae respectu, nullo pudoris. Hoc ita esse, vt æquus Lector non tam coniiciat, quàm attrectet, iuuat subiicere specimen argumentationum Barnesij ex vnoquoque enumeratorum capitum, non quidem eo inordinato ordine quem ipse Barnesius tenuit, orsus ab autoritate, moxque intermixtis rationibus ad auctoritatem regressus: sed debito ordine, qualem supra in veræ sententiæ confirmatione seruauimus. Et quia confusissimè iisdem argumentis impetiit æquiuationes & restrictiones, cum tamen sit earum tam diuersa ratio, cogar permixtim argumenta contra vtrasque soluere prout argumenta ferent. Struices verò & aggeres ineptiarum, parergorum, cauillationum; adde & errorum nec qualiumcumque sed pinguium quos argumentationibus admiscet, cogar hoc loco fere præterire, ne disputationis filum nimium abrumparam; demonstraturus infra hominis ea in parte genium & ingenium indice tertio ad opus eius.

C A P V T X X I I I.

*Digestio ac depulsio argumentorum Barnesij
à multiplici auctoritate, contra usum li-
citurum locutionum mentaliter ex causa
restrictarum.*

I. **E**X Scripturis infinita congerit, diligentiam
fortassis probaturus, allegatione tam multi-
plici. Verum ad populum phaleras. Cui enim ta-
met si rudissimo, Scripturarum, adhibito Indice
Biblico Hugonis Cardinalis, & Conradi Albersta-
stij, quingentorumque aliorum Monachorum,
siue ut passim loquimur Concordantiis, difficile
foret ingentem fascem conficere huiusmodi lo-
corum, ut apertè ab isto factum in ea inutili acer-
uatione locorum quæ apud eum legere licet §. 4.
§. 6.

Primus ordo argumentorum ex Scripturis.

Omnis illa igitur Scripturæ locorum confar-
cinatio à Barnesio contra Lessium adhibita eo de-
mum pertinet ut intelligamus semitam mendacij
esse odio dignam, & calliditatem siue malitiam in
promittendo, prætereaque hypocrisim, dolum in
lingua, labia dolosa & mendacia, os, lingue vitu-
perari ac numini displicere, falsa testimonia coin-
quinare; linguam mendacem & cor machinans
cogita

cogitationes pessimas, linguam quæ iniquitatem
 facit, loquentes vana & videntes mendacia, testes
 mendaces nequiter humiliantes se, abominationi
 esse DEO. E contra autem simplicitatem cordis
 DEO placere, & sanctam ac honestam esse iuxta
 Apostoli oraculum, quæ Christiani iubentur non
 seruire ad oculum quasi hominibus placentes, sed
 in simplicitate cordis. Accedit sartago exemplo-
 rum ex variis Scripturis, quibus doctrinæ propo-
 sitæ quasi praxis continetur, & idcirco cumulan-
 tur à Barnesio. Seligam pretiosiora, delibans quæ
 ab eo verbosissimè congesta sunt. In primis ipse
 DEVS præstat quæcumque loquitur; quæ ore
 promittit opere complet, & idcirco Iosias punitus
 est quia non acquieuit sermonibus ex ore Dei, &
 vniuersi non attendentes testimonia Dei, quæ re-
 stificatur in eis, addicuntur supplicio. E contra
 verò Iudith laudatur, quia omnia quæ loquebatur
 vera erant, & non fuit in sermonibus ipsius vlla
 reprehensio. Sancti quoque Prophetæ veraces.
 Sacerdotes item & homines seruant in loquela
 veritatem, idque illis à DEO frequenter inculca-
 tur. Et in nouo Testamento iubemur proferre
 bona de bono thesauro, abiicere autem verba
 otiosa, de quibus ratio reddenda est. Et Christus
 de se professus est, se palam locutum esse mundo,
 docentem in synagoga & in templo quo omnes
 conueniunt, nihilque in occulto locutum, quia vt
 Apostolus de eo scripsit, venit in mundum vt te-
 stimonium perhibeat veritati, & omnis qui est ex
 veritate, audit vocem eius. Sed & Apostoli re-
 pleti Spiritu sancto cœperunt loqui linguis prout
 Spiritus sanctus dabat eloqui illis, iuxta illud præ-
 ceptum

ceptum Paulo impositum ; loquere ne taceas, qui idcirco nihil subtraxit vtillum quominus annunciarer & doceret publicè testificans : nec subterfugit quominus annunciarer omne consiliū Dei. Et idcirco etiam idem Apostolus iubet idipsum omnes dicere , esseque perfectos in eodem sensu & in eadem scientia , efficique azyma synceritatis & veritatis, abdicando occulta dedecoris, non ambulantes in astutia, sed in manifestatione veritatis absque sermone adulationis & vaniloquio , quos sectantur qui non intelligunt neque quæ loquuntur, neque de quibus affirmant ; & idcirco non sunt operarij probabiles & inconfusibiles rectè tractantes verbum veritatis, sed speciem quidem pietatis habentes, virtutem autem eius abnegantes, resistentes veritati nec vnquam peruenientes ad scientiam eius, contradicunt fidei sermoni secundum doctrinam, & doctrinæ sanæ. Se dicunt enim Apostolos & non sunt, inveniuntur enim mendaces & non loquentes modò sed etiam facientes mendacium. Hæc omnia de fide sunt. Habentur enim totidem verbis in variis scripturis, quas operosè annotatis & capitibus & versiculis signauit Barnesius, ad hanc conclusionem inferendam. *Ergo locutiones restrictæ, imo & quomodo libet æquiuocæ, reiiciendæ sunt utpote mendaces, dolosæ, & quæ audiri ab homine nequeant.*

*Exempla sacra æquiuocationum iuxta
Barnesium.*

2. Confirmatur strenuè toto §. 6. quia serpens Diabolus vsus est oratione amphibologica. &

Adam ex quo peccauit, quæsiuit latebras, absconditque se à facie Domini Dei, in medio ligni Paradisi. Item homicida Cain mendaciter dixit fratri, egrediamur foras, & Deo de fratre percontanti, respondit *nescio*. Sara item diffidens Deo, eumque irridens, & Abraham ac Sara ex timore mentientes, quòd agerent æquiucando, siue vt Scriptura loquitur mentiendo, taxantur à Deo & Abimelech. Iacob præterea censuram patris subiit, quod fraudulenter egisset, id est, æquiucationem adhibuisset. Simeon item & Leui taxantur, quod ad redimendam vexationem dolosè egissent, & turbassent patrem. Filij Iacob quod proditoriè fratrem vendidissent: Thamar quod meretricium incestui adiecisset. Eadem censura dolositatis notantur vxor Putipharis, obstetrices Ægyptiæ, Rahab meretrix, Gabaonitæ, Sifara, Ephratai seditiosi, Philistina Thamnathæa vxor Sampsonis, ipsæque Samson amoribus meretriciis inescatus, Dalila meretrix, Michol illudens patri, Saül traditor Dauidis, Ioab homicida interficiens Abner & Amasan, Rechab & Baana sicarij, David Vix cædem moliens, Ionadab suasor nefarij concubitus, Ammon raptor, & stuprator sororis, Absalon ifratricida, Thecuitis procuratrix Ioab & Absalonis, meretrix coram Salomone litigans, vxor Hieroboam, Iezabel. Necdum medium attingi paragraphum. Itaque quia reliqua loquacem delassare valent Fabium, vniuersè concluditur antecedens confirmationis propositæ, enumeratione omnium virorum diabolicorum & seductorum, ariolorumque & coniectorum, & vt est in Hebræo, malum oculum habentium, & denique

que hypocritarum, quorum singularia exempla & facta dolosa, ex Scripturis variis capite & versiculo signatis profert Barnesius. subnectiturque tantæ molis conclusio, *E R G O* locutio restricta omnisque æquiuocatio reproba est & maledicto proxima quippe principium confusionis Babylonica, verus idololatria partus, res propria diaboli, prototypus septem tenuium vaccarum Pharaonis, ac tenebrarum Egyptiacarum, ac germana ebrietas, & cisterna fracta, luis friabilis & volutabri suis, imago. Quæ argumentationis propositæ lumina, copiose ostendit Barnesius §. 7. 8. & 9.

Allegatio. Scripturarum propositarum in rem presentem, saltatio extra chorum.

3. Videt lector specimen argumentationum Barnesij. Hic enim est succus qui ex tam vberi ac copiosa conferturq; ratiocinatione, exprimi potuit. Itaque agnoscit lector rectene an secus de Barnesij fide ac loquacitate pronunciauerim. Solutionem autem argumenti tam operosi, & tam longo anhelitu fusi, exhibeo verbis Hieronymi epist. 61. *Vetus narrat historia; Quidam cum disertè diceret, ferreturque impetu & volubilitate verborum, causamque omnino non tangeret; prudens auditor & iudex. Bene, inquit, bene, sed quo istud tam benè.* Hæc ipsa responsio aptè cadit in Barnesij argumentum. Quorsum enim probat displicere Deo labia mendacia, & dolum malum, placere autem ei veritatem & simplicitatem? Quid hoc ad præsentem causam aut quorsum exaggerati illi locorum inutilium cumuli? Itaque ea vna sponsia totum

tum argumentum obducendum est. *Nihil hoc ad rem*, tametsi non præter institutum Barnesij, quandoquidem strues illa verborum, amplificando operi & lectori deludendo, seruire poterat. Nec plura ad palmare hoc Barnesij argumentum & confirmationem eius.

Tantum quoad confirmationem rescire cupere quis illi demum renunciauerit insidentem serpentitentatorem, Cainum item & exercitum integrum virorum diabolicorum quem eduxit in aciem, non planè iuisse contra mentem, sed tantum fuisse vñm æquivocatione vel locutione restricta. Illud item doceri vellem è quo Genesios codice didicerit Barnesius Saram irrisisse DEVM, & Abrahamum mendacij fuisse in Scriptura insinuatum cum Saram sororem suam dixit. Iacobum item mendacij notatum in surreptione paternæ benedictionis, & idcirco paternam censuram passum. Et Simeonem ac Leui vasa iniquitatis bellantia de redimenda vexatione cogitasse. Quod enim Sara Deum irriserit est apertus error & contra Scripturam. Quod autem Abraham & Iacob mentiti sint, negat ipse Barnesius §. 39. & 41. Oportebat ergo mendacem esse memorem, nec ex eodem ore calidum simul & frigidum efflare. Simeon & Leui de vltione, non de redimenda vexatione cogitabant. Quorsum enim vexationem redemisse dicantur qui omnia quæcumque voluerunt à Regulo Sichem extorserunt.

4. Quod verò in ea confirmatione, sententia Lessij, omnium omnino criminum à mundi exordio admissorum rea agitur à Barnesio, ut insignem eius in amplificando vim prodit, ita suspicio esse

potest.

potest, ab eo quippe multæ & antiquæ lectionis homine, expressum è libello ante annos aliquot typis edito, cuius hæc inscriptio. *Horribilia scelera IESVITARVM à constitutione mundi.* Eo libello IESVITÆ (atque adeo etiam Lessius) lapsus Adami & Eux autores affirmabantur. Iisdem, Abelis cædes per Cainum adscribebatur: præsertim cum extraordinariam à lectionibus vacationem eo fine concessisse arguerentur, vt esset Caino opportunitas seuocandi fratrem in agrum; & contunden- di duritiam Abelis qui cum ad se prolestantibus IESVITIS, auscultare renuisset. Omnia turpia & horrenda, vbiuis quandoque patrata, præsertim verò parricidia & cædes illæ quas vel nominare boni ciuis lingua, vel audire aures horrent, eodem libello signatim & distinctè, IESVITIS incento- ribus aut etiam opificibus tribuebantur. Nomi- natimque quod Saul Sacerdotes gestantes ephod neci dederit, quod Amnon sorore fœdata vltorem Absalonem fratricidam expertus sit, quod pleri- que pij Reges è Davidis stirpe gladiis impiorum occubuerint, quod multi sancti Prophetæ in occi- sione gladij mortui sint, quod S. Ioannis Baptistæ caput in salticæ lucar cesserit, non absque coo- peratione IESVITARVM patratum arguebatur, commodato per eos quem apud se hæreditario iure per manus transmissum habere prodebantur gladio Goliathi, quo non esse meliorem David ipse postea perhibuit. Suspicio igitur esse potest, vniuersam illam Barnesij declamationem, qua omnia scelera in Scripturis recensita, de Lessij placito circa mentales restrictiones & æquioca- tiones progerminasse asseruntur, ex eo libello ex-

pressam esse. Hoc verò est Lessium scrutari perquam nauiter & inuestigare abscondita eius. Sed ò si Barnesius qua humanitate nuper Geneuensis Bibliopolæ commentarium contra IESUITAS ditauit breuiculo argumentorū & conuictiorum aduersus Lessium, eadem annuëret vt secunda Commentarij illius editio tam insignis libelli accessione vendibilior prodeat.

Secundus ordo argumentorum pro Barnesio, ab autoritate Pontificum.

§. Pergo ad secundam Barnesij argumentationem ex Summorum Pontificum testimonio ductam. Nam quamuis ille, Summos Sanctissimosque Pontifices in angulum §. 27. coniecerit, hunc tamen eis locum à me concessum tãquam Christi Vicariis, Patres quoscunque dignitate superantibus, non grauatè vt arbitror feret, nisi si manet alta mente repostum, Iudicium anterius, spretique iniuria libri. Intelligit Barnesius quod dico, nec solus intelligit. *Qua enim vsquam gentes ignorarent, quod Roma didicisset?* vt est apud S. Leonem *serm. 2. de principibus Apostolorum*. Profert ergo Barnesius post medium §. citati n. 21. inter SS. Pontifices, cuiusuis æquiocationis, sed præsertim deterioris, hoc est, restrictæ locutionis hostes, inprimis S. Gregorium cuius est ea regula probata D Thomæ 2. 2. q. 89. art. 7. ad 4. *Humane aures talia verba nostra iudicant, qualia foris sonant*. Addit n. 22. bene multa capita ex Decreto Gratiani 22. q. 4. & 35. q. 5. Varia item capita decretalium, quibus statuitur debere iuramentis inesse firmitatem, &

rem

Ad auctoritates à Barnesio propositas. 387

rem iuratam à iureiurando firmari, nec esse tutum contra iuramentum suum venire. Congerit item varia exempla delatorum per Pontifices iuramentorum, & intermixto loco Innocentis, verantis ne Sacerdos ob crimen prohibitus celebratione, fingat duntaxat se celebrare, etiam in casu necessitatis, & ad irreuerentiam vitandam : Concludit addita regula Alexandri Tertij, vt in dubio verba vsurpentur in eo sensu quem communiter ingenerant rectè intelligentibus. Itémque addito alio loco, ex *causa 22. q. 2.* à quo ex Hieronymo dicitur, si veritas non sit iuramenti comes, iurantem peierare. Vnde intulit Gratianus, qui falsum iurat, mentiri ; mentiendo autem iurare, nihil aliud esse, quàm peierare : & illum falsò iurantem mentiri, qui scit falsum esse quod iurat.

Nihil pro Barnesio apud Pontifices.

6. Hæc Barnesij ex Pontificibus & Sacris Canonibus argumentatio, contra æquiuationes & locutiones restrictas, eiusdem est farinae vel fufuris, cuius superior proximè discussa. Itaque concedo omnia quæ proposita sunt. Verissimū quippe est iuramentum debere esse firmissimum, & rem iuratam firmari iuramento. Hoc quis negat vel negare potest si sanus sit ? Et idem statuo de reliquis à Barnesio assumptis. Inde tamen concludere, ergo æquiuationes & locutiones restrictæ, tametsi idonea causa interueniat, vetatur in Iure Canonico prædictis capitibus, hanc esse dico illationem quam centum iuga bouum simul adhibita, ex illo antecedenti non eruerent, vt alicubi

lulit Caietanus. Nec aliter sanè quadrat ei antecedenti prædicta illatio, quàm quadret ista quam subiicio, cum suo antecedente, tametsi verissimo. Monachus exlex, & qui omnia domi turbat ob inquietum ingenium, pugnátque aduersus matrem suam, pessimus est monachus, verèque Sarabaita, aut etiam deterior. Ergo Barnesius non est pertæsus angustiarum Duacensium, nec ob eas peierauit. Antecedens est certissimum. Nihilominus insulsè omnino, ex eo verissimo antecedente, quódque multis Canonibus astrui facile posset, concluditur consequens nullatenus cum antecedere connexum. Eodem planè modo contextitur tota Barnesij argumentatio proposita. Circa quam proinde nihil aliud addendum est.

Obiter duntaxat moneo locum Gregorij quem Barnesius eo priuilegio quod Tertullianus diabolicum nominat, truncatum dedit, si integer proferatur visum Nauarro efficacissimū ad astruendas restrictiones mentales, ideóque ei loco Gregorij, disputationem suam de veritate verbi partim expressi, partim mente retenti, inædificasse. Ita enim habet S. Gregor. 26. *moral. c. 7.* & refertur cap. *humana aures* 22. *q. 5.* *Humana aures, verba nostra talia iudicant, qualia foris sonant. Diuina verò iudicia, talia ea audiunt, qualia ex intimis proferuntur. Certè nouerit ille qui intentionem & voluntatem alterius varijs explicat verbis, quia non debet aliquis verba considerare, sed voluntatem & intentionem. Quia non debet intentio verbis deservire, sed verba intentioni.* Agnoscis cur circumcisum Gregorij locum exhibuerit Barnesius? Nimirum quia qualis ab eo exhibitus est, etiam si nihil ad rem faciebat,

faciebat, tantumque iuuabat ad libri molē, tamen non oberat. Si autem integer non exhibeatur, continet quod Barnesium exerceat. Moneo præterea in fictione illa criminosi Sacerdotis, quam iste verba in ventum effundens, vocauit æquiuatoriam, malè obtendi à Barnesio necessitatem ad vitandum sacrilegiū, vt inde inferat quantum sit virus æquiuationis, quando Pontifex eam deteriorē statuit sacrilegio. Nulla sanè ibi est necessitas fingendi consecrationem, cum possit Sacerdos vel Confessione Sacramentali, si sit Sacerdotis copia, vel eo deficiente, per contritionem habilis fieri ad ritē & absque culpa sacrificādum: vt proinde meritò fictio illa, quæ tamen ab æquiuatione infinitis parasangis secluditur, à Pontifice reiecta sit ab adoratione in spiritu & veritate.

*Classis tertia argumentorum Barnesij, ex
Concilijs.*

7. Tertiam Barnesij contra locutiones restrictas & quascumque æquiuationes argumentationem, duco ex Conciliis quæ allegat §. 23. & 24. Prioris titulus est. *Æquiuationes & perinuria per eas facta expressè damnantur à Concilio Toletano quarto, quinto, sexto, & septimo.* Quæ Concilia præsertim quartum, esse certæ fidei, & approbata à Romania Ecclesia, inde concludit, quod eorum decreta pleraque habentur inserta decreto Gratiani, quod est ius Romanæ Ecclesiæ. In illis ergo Toletanis Conciliis, dicitur esse *perfidia animi, vt subditi fidem Sacramento Regibus promissam*

sam seruare contemnant, & pro simulent iuramentis professionem, mente retinentes perfidia impietatem. Vnde examina malorum secutura, & in illis Conciliis traditur, & vnusquisque per se videt. Ac propterea in eo Concilio Tolerano quarto, quod fuisse vniuersale affirmat Barnesius, colligitque ex subscriptione Selux Narbonensis Archiepiscopi pro regno Gallicano deputati; subiicitur dito anathemati qui Sacramentum Regi præstitum temerauerit, vel in aliquo Maiestati regiam violauerit. Colligit inde Barnesius (appendo ipsa eius verba) notari debere doceri à prædicto Concilio approbato & vniuersali, sententiam Lessianam esse errorem, prophanationem Ecclesie Catholicae, impietatem damnatione dignam, eosque ad prauam Societatem diaboli pertinere, & Iudæ, Iscarioth, & æternis supplicijs condemnatorum, qui contra definitionem dictam, præsumpserint dicere, posse equiuocari in iuramentis præstitis pro patria, statu, regique salutis conseruatione. Tam horrendum anathema roborauerunt aliæ pleræque Synodi Hispanicæ.

Hoc primum Barnesij ex Conciliis telum. Secundum profert §. 24. cuius hic est titulus. Equiuocationum damnatio per Concilium Generale Constantiense sess. 15. In eo Concilio damnantur qui dixerint quoslibet Tyrannos posse & debere licite occidi, per quæcumque; etiam per clancularias insidias, & subtiles blandicias, vel adulationes, non obstante quocumque præstito iuramento. Colligit inde Barnesius, eam Concilij censuram, percellere fraudes & deceptiones mentalis retentionis, quæ passim videntur ij, qui in Reges & alios sub prætextu tyrannidis insurgunt. Subditque hanc rationem esse.

Ad auctoritates à Barnesio propositas. 391
 esse à loco intrinseco & apodicticam, facileque esse
 conclusionem propositam à genere distributo affirmati-
 uè concludere, ex hac didascalica, & consequenter
 vniuersali damnatione mendaciorum; Omnia men-
 dacia damnantur, ergo & mendacium æquiuocationis.
 Neque verò Ioannes Paruus in eò Concilio
 damnatus, per subriles blanditias & mendacia
 quæ approbasse refertur; aliud intellexit, iuxta
 Barnesium quàm æquiuocationes. Ex his omni-
 bus in hæc verba concludit Barnesius. *Æquiuoca-
 tio ergo Lessiana, est mendacium illud quod percellit-
 tur fulmine Constantiensis censure: ac ideo non mo-
 dò hereticum & scandalosum est illam defendere, sed
 etiam ut Concilium ait, ad illam viam dare.*

*Quam multa in ordine argumentorum proposita
 dissimulanda.*

8. Respondeo. *Qui nutritur mendacijs, ut Sapiens
 dixit, hic pascit ventos, idem autem ipse sequitur aues
 volâtes.* Vereor ut nō satis sobrius hæc omnia scri-
 pserit Barnesius, & fallente oculo, mentēque aber-
 rante: cū æquiuocationes legerit, vbi mendacia, per-
 iuria, perfidiæ, in Conciliis prædictis legenda erāt.
 Priusquam tamen ipsa argumenti propositi veluti
 viscera peruadamus, attingamus obiter quæ illi in-
 malè consarcinata argumentatione, condonemus.
 Dissimulemus ergo in præsentia, ignorantiam ho-
 minis, qui Gratiani decretum confundens cum
 Decretalibus Pontificum, existimauit omnia De-
 creta illi inserta, eo ipso facere summam fidem, ac
 veluti canonizari ab Ecclesia. Quæ est puerilis
 cespitatio. Nam Romana Ecclesia, curauit qui-

dem quàm emendatum edi Gratiani decretum: non plus tamen ei tribuit autoritatis, quàm habeat is è quo Gratianus testimonium aliquod depromit. Alioquin malè sanè ageretur cum plerisque; à quibus Gratianus corrigitur ac repellitur non semel. Idque maximè cuperent hæretici; quos inter veterator Kemnitius, Gratiani hallucinationes tanquam Romanæ Ecclesiæ placita obtrudit. vide ne plura loca annotem, vnum planè insignem quem Valentia 3. p. d. 7. q. 9. p. 2. *sub finem* probè excutit. Non est igitur Gratiani decretum, apud Catholicos, quale à Barnesio Kemnitium imitato proponitur. De Decretalibus, quia ipsorum Pontificum rescripta continent, alia ratio est. Sed hæc, vt dixi, ignorantiam, concedamus homini cui plus licuit versare Lucianum quàm ius Canonicum, Illam quoque ignorantiam, tametsi admodum crassam, hoc loco prætereamus, qua sua autoritate, Seluam Narbonensem Archiepiscopum, in Hispaniam ad Concilium deputat, pro vniuerso Regno Gallicano. Quæ quanta sit rerum confusio, & audax quidlibet ad nutum comminiscendi libertas, nihil attinet dicere; cum norint qui nondum ære lauantur, quorsum Narbonensis Præsul, illis temporibus in Hispaniam cum Hispanis Episcopis, Concilio Nationali celebrando proficisceretur. Sed Barnesius nisi semper aliquod commentum cuderet, malè à se locatam operam arbitraretur. Insignem præterea prauitatem in PRAVA SOCIETATE, ac SOCIIS, & iis qui SOCIANTUR per Concilium Toletanum configendis, in huius disputationis clausula patefactam dabo. Eam denique temeri-

tatem qua homo effrontissimus sententiam tot Catholicorum & grauissimorum Theologorum cuiusvis ordinis & ætatis, hæreticam & scandalosam decernere ausus est, dimittamus in præsentia; ab iis seuerius castigandam, quorum interest hanc tantam linguæ petulantiam, & in notandis sententiis procacitatem, coercere.

*Densitas mendaciorum & calumniarum
in eodem.*

9. Nunc ut argumenti propositi solutionem planam demus, concessis omnibus antecedentibus, negatur consequentia. Conceditur inquam perfidiam aduersus Sacramentum Principi præstitum, detestabilissimam esse, & diro anathemate, omnibusque suppliciis merito plectendam, Item horribile scelus esse violare quoquo modo principis maiestatem. Adhæc impium esse, profiteri, quoslibet Tyrannos posse & debere licitè occidi per quemcumque, etiam per clancularias insidias, & subriles blanditias, vel adulationes, non obstante quocumque præstito iuramento. Hæc inquam omnia quæ Barnesius statuit pro antecedenti, & tradita sunt in Conciliis prædictis verissima sunt, nec possunt nisi impiè negari. Sed quod inde concludit Barnesius, Ergo Lessij sententia reiicienda est, hoc dico inferri ab homine non sobrio. Vbi namque Lessius aliquid tale docuit, quale est quod in prædictis Conciliis damnatur? Est verò mendacium Barnesij luculentissimum, quod vel Concilia prædicta de æquiocationibus & mentaliter restrictis locutionibus ege-

rint ; cum apertissimè agant de perfida & mendaci infractione iuramenti præstiti ; vel Ioannes ille Paruus æquiocationes & restrictas mentaliter locutiones defenderit, & iccirco damnatus sit.

Et mirum est in re tam perspicuè à Gallicis omnibus Historicis prodita , ausum tam liberè mentiri Barnesium. Legatur. Nicolaus Ægidius in *Chronico* ad annum millesimum quadringentesimum octauum, & ad eundem annum Belleforestius *lib. 5. historie*, in Carolo Sexto : Meyerus *lib. 15. Annalium Flandrie*, ad Christi annum millesimum quadringentesimum septimum, Monstreletus *volum. 1. cap. 39.* Ac ne plures frustra conquiram, testis omni exceptione maior, nec auritus sed oculatus & à quo Duci Aurelianensi laudatio funebris dicta est (teste Ægidio supra) Ioannes Gerson 1. *p. operum*, assertiones omnes Ioannis Parui, earumque damnationem referens, his verbis conceptum tradit errorem Ioannis Parui. *Quilibet Tyrannus potest & debet licitè & meritorie occidi à quocumque suo vasallo & subdito, & per quemcumque modum, maximè per insidias & per flaterias, non obstante quocumque iuramento aut confederatione facta apud eum, non expectando sententiam aut mandatum iudicij cuiuscumque.* Habet Lector fidelissimè quid in Ioane Paruo reprobatum & meritissimò damnatum sit ; vnàque habet quæ fide Barnesius in rebus abditis acturus sit, qui in tam perspicuis pudorem omnem adeo irreuerenter profliget, & pro sua in fingendo potestate perfidiam, ac iuramenti infractionem, insuperque reterrimum homicidium in locutionem ex iusta & legitima causa restrictam commutet. quæ tam
porten

portentosa est Metamorphosis, vt Ouidianas omnes monstrositate superet. Et cum omnes Historici, & oculati testes referant Ioannem Paruum venalem Theologum, exploratæ perfidiæ ac per-
iurio & sceleratissimæ cædi patrocînatum, audeat tamen effrontissimè prodere, damnatum Paruum, quia docuit locutiones ex iusta causa restrictas, vitio vacare. At meminisse oportebat Barnesium canonis à Fabio 4. *institut. c. 2.* positi ad mendaci-
loquorum instructionem. *Fingenda meminerimus ea quæ non cadunt in testem.*

10. Ad extremum quod ait Barnesius, teterri-
mos parricidas qui in Principes nefariè insurgunt, mendaciis parcentes, vsurpare locutiones restric-
tas, prodit Barnesij stuporem cum pari maligni-
tate coniunctum: qui putauerit vlli se aliquando
persuasurum, monstra illa hominum, quæ ad illud
criminum fastigium nunquam pertingerent, nisi
per omnium scelerum gradus antea scanderent,
omni honestate protrita; in ipso tamen immanis
parricidij procinctu, adeo sapere, vt caueant ire
contra mentem, sed subterfugia æquiuationum
& mentaliter restrictarum locutionum conqui-
rant, cor transfixum negligentes, & de reduuia
solliciti. Concludo igitur apodicticè, & per om-
nes cum intrinsecos tum extrinsecos locos, di-
dascaleicè & vniuersaliter, multo potiore iure
quàm Barnesius, ea verborum ampullositate &
inanitate adhibita; argumentationem suam con-
clussit: Concludo, inquam, tertiam illam Barne-
sij argumentationem ex Conciliis petitam, esse
meram sycophantiam, castigatione dignissimam
in omni foro,

*Ordo quartus argumentorum Barnesij, ex
Patribus.*

II. Quartam Barnesij argumentationem subiicio ex Patribus, quos inter præcipuè vrget Tertullianum §. 27. quem signatim profert *lib. de Idolo. c. 1.* impugnantem confessiones falsorum numinum & illarum autores damnantem adulterij. ad hæc cap. 4. expostulantem *quasi non sufficiat vox spiritus Sancti, aut ultra deliberandum sit.* Sed omnium fortissimum telum esse putat, quod petit ex *l. 4. aduersus Marcio. c. 38.* vbi Lessium à Tertulliano dementem vocari ait, qui de vno consultus aliud respondeat. Et quod sumit ex *l. de spectac. c. 20.* vbi Lessius aggregatur Ethnicis, qui malum, ac bonum pro arbitrio ac libidine interpretantur, dicentes alibi bonum, quod alibi malum, & alibi malum quod alibi bonum. Hanc ipsam enim esse Lessij mentalem restrictionem, interpretatur Barnesius. Aliorum minutiorum Tertulliani locorum, mensuram bonam & confertam ac coagitatam dat in finem Lectoris.

Magistro adiungit discipulum Cyprianum *lib. de mortalitate* conquerentem de nimia quorundam comploratione pro mortuis; & affirmantem dari eo pacto gentilibus occasionem, vt putent nos aliud de benè ac piè mortuorum statu credere, aliud efari, id est, interprete Barnesio, *restringere mentaliter.* Et alibi subdolanam pacis petitionem per lapsos exagitat Cyprianus, id est, eodem glossatore Barnesio, æquiocationem & reseruationem mentalem, quam Ambrosius item apertè impugnauit.

Nam.

Nam impugnat fraudes & dolum malum, siue vt postea loquitur, perfidiam. Et idem facit Origenes & Clemens Alexandrinus & Hyeronimus, qui proinde æquiocationibus & restrictionibus aduersantur, nominatimque Clemens cùm ait, *Christianum non mentiri etiam si moriatur in tormentis.*

12. Scelus esset in mendacij exagitatione, missum facere Augustinum, ideóque multa ex eo congerit Barnesius §. 17. & 18. Sed quando alia prope omnia quæ eo loco addensat, pertinent ad factum Firmi de quo iam supra, vnus duntaxat superest insignis locus, quem profert *ex lib. contra mendac. c. 18.* vbi Augustinus disertè, (supplente tantum nonnulla Barnesio,) damnat restrictiones mentales & æquiocationes quascumque. Itaque non abs re §. 25. aduocatis in consultationem Pererio & Lessio, admittentibus mendacium esse per se malum, & ita visum omnibus prope Patribus & Doctoribus; concludit per obseruationem & consultationem, satis (vt ait,) *indiciósè factam*, mendacium ab Augustino aliisque Patribus impugnatum, (id est, æquiocationem & restrictionem mentalem, annuente Lessio qui mendacium à Patribus dictum æquiocationem non negat,) esse ad Garamantas amandandum: Nec consideratè Dominicum Bannem ei patrocinarum, asseruando dissidium Petri & Pauli quod ad Gal. 2. memoratur, non fuisse verum sed simulatum, idque plurimis Patribus adscribentem; magna, vt quidem Barnesio videtur, tantorum Patrum inhonoratione, qui mendaciorum patroni citra necessitatem statuuntur. Roborat conclusionem propositam Barnesius §. 26. contendens iuxta Patres, longè probabilius

babilius facere, qui mendacia, quàm qui restrictiones vel æquiuationes admittunt, cum mendacia sancti aliqui probauerint in necessitate; nulli æquiuationes; vt proinde sæpe se miratum dicat, cur defensores æquiuationum & restrictionum, *pro eis decertantes, ac si esset pro aris & focis, consequenter non extollant mendacia.*

Patres à Barnesio, nullo iudicio ac pessima fide adducti.

13. Hac argumentatione Barnesius non tantum loquacem & calumniatorem, (quod semper hactenus,) sed apertissimè ineptum egit, ita vt cadat in eum illud ab Augustino obiectum Maximino l. 3. c. ult. *ô disputare! ô probare promissa! Et. Ostende promissa, quid pergis in vacua? quid deludis expectationem nostram nec exhibes pollicitationem tuam. Multiplicas verba non necessaria, ut necessaria occupes tempora.* Stipulatus fuerat Barnesius locutionum restrictarum & æquiuationum expugnationem ex Patribus, & cum parturiuerint montes, nascitur ridiculus mus. Quo enim alio nomine censuerim quæ ex variis Patribus prædictis, tam extra causam & locum, tam præter ipsorum Patrum mentem, protulit, nullo iudicio adhibito, nullo delectu?

Ad loca ex Tertulliano.

Tertullianus vult sufficere vocem spiritus sancti, nec ultra deliberandum esse: detestatur confessiones falsorum numinum: Quid hæc ad controuer

trouersiam de locutionibus restrictis ex iusta causa? Itaque non Lessium, ut ei Barnesius inuerecundè opponit, sed ipsum Barnesium, Tertullianus dementem pronunciat, qui de vno agens aliud ingerat, & de vno consultus aliud respondeat. Quod verò restrictio statuatur ex Tertulliano mali & boni interpretatio pro libidine, & qui restringit dicat alibi malum, quod alibi bonum, & viceuersa; ideoque Lessius restrictiones ex iusta causa defendens, Ethnicis à Tertulliano iuxta Barnesiū aggregetur, factum est à Barnesio eadem veritate ac moderatione, quā cætera. Dehortatur enim Tertullian. eo loco Christianos à spectaculis, eūque iniquitatis apparatus quē Ethnicī in theatro approbabant, alibi reprobabāt, Christiano ubique reprobandum docet. Ipse locus, Tertulliani mentem, & aduersarij malam fidem ac insulsi-
tem prodet. Nunquid ergo, inquit, & extra limites circi, furori studemus; & extra cardines theatri impuditiæ intendimus; & insolentia extra stadium; & immisericordiæ extra amphitheatrū? Quod DEVS etiam extra cameras, & gradus & apulios oculos habet. Erramus, nusquam & nunquam excusatur, quod DEVS damnat. Nusquam & nunquam licet, quod semper & ubique non licet. Hæc est veritatis integritas, & quæ ei debetur disciplina plenitudo, & æqualitas timoris, & fides obsequij, non immutare sententiam, nec variare iudicium. Non potest aliud esse, quod verè quidem est bonum seu malum. Omnia autem penes veritatem DEI fixa sunt. Ethnicī quos penes nulla est veritatis plenitudo, quia nec Doctor veritatis DEVS, malum & bonum pro arbitrio ac libidine interpretantur: alibi bonum quod alibi ma-
lum,

lum, & alibi malum, quod alibi bonum. Sic ergo euenit ut qui in publico, vix necessitate vesica tunicam leuet, idem in circo aliter non exultet, nisi totum pudorem in faciem omnium intentet; & qui filie virginis ab omni spurco verbo aures tuetur, ipse eam in theatrum ad illas voces gesticulationesque deducat; & qui in plateis, litem manu agentem aut compescit aut detestatur, idem in stadio grauioribus pugnis suffragium ferat; & qui ad cadauer hominis communi lege defuncti exhorret, idem in amphitheatro derosa, & dissipata, & in suo sanguine squalentia corpora, patientissimis oculis desuper incumbat, &c. Quid mirum de inaequata ista hominum miscentium & commutantium statum boni & mali per inconstantiam sensus & iudicij varietatem? En Tertulliani locum, quo Barnesius configi ab eo vult restrictiones mentales & æquiuationes. Nisi me iampridem, huius in argumentando infœlicitatis, & emotionis commiseratio tangeret, pateret ad insultandum & contundendum ingens campus.

Ad S. Cyprianum.

14. Sed pergamus ad non minùs insulsa. Cyprianus importunum mortuorum luctum, metascutionis & consilij prætergredientem, ait præbere Ethnicis occasionem suspicandi, quod aliud de nostrorum piè defunctorum statu sentiamus, aliud pronunciemus. Infert Barnesius. Ergo Cyprianus damnat mentales restrictiones. Poteras eodem iute illud Paulo allegare: *Confitentur se nosse DEVM, factis autem negant.* Et illud Prophetæ à Christo sanctificatum. *Populus hic labiis me honorat, cor autem*

autem eorum longè est à me. Rursusque illud. *Dilexerunt cum in ore suo & lingua sua mentiti sunt ei.* Tum concludere. Ergo Paulus, & Prophetæ, ac Christus ipse, damnant mentales restrictiones. Et hæc quoque ad operis tui molem, & non necessariam, iam tam testatissimæ ineptitudinis tuæ, expressionem, conferre poterant. Sed & quod lapsos subdolè pacem petentes, restrictè aut æquiuocè locutos affirmas, Patrèsque mendaciis, fraudibus, perfidiæ, aduersatos; oppugnasse eo ipso restrictiones affirmas, *seruas tu quidem vt iisdem te quibus Maximinum Augustinus verbis alloquar, morem tuum; sed nihil ad ista respondens, etiam ego seruo promissum meum.* Promisi supra me in tuis ineptiis exagitandis, non fore hoc loco accuratum, vt finem tandem aliquando inuenire possit oratio. Ei promisso standum iudico hoc maximè loco, quo dummodo paginas impleres, non fuit tibi curæ quid corraderes, & quibus locis fœtum opus tuum dares. Nam fraudes, perfidiæ, mendacia, quæ Patres illi meritò exagitant, non plus habent cum iustis restrictionibus & æquiuationibus coniunctionis (quamuis omnes illæ operationes ore consummentur,) quàm habeat furtum cum rei suæ acceptione, quæ æquè manu perficiuntur, vel cupiditas alieni exitij, cum cupiditate legitima boni proprii, quibus eadem origo & sedes est in voluntate. Potius igitur è re tua fecisse videbor si ad castigationem tantæ malignitatis quantam in peruertendo & mendaciter allegando Cypriano prodidisti, illud tibi ex huius sanctissimi Patris lucubratione de zelo & liuore infigam. *Videris quàm sis eis quos odisti insi-*
Cc *diosus,*

diosus, perniciosus, infestus ; nullius magis quam tuæ salutis inimicus es. Cætera apud illum lege, & inuenies quibus huius tuæ in fingendo licentiæ & liberrimæ in laceranda aliena fama, conscientiæ virus deprehendas. Et quia quot ibi apices oculis hauries, rotidem pectoris tui vngulas senties quibus vtiliter lanieris, nec pauciora excipies internæ tuæ vomicæ vulnera quam extent vniuerso eo opere sententiæ, non me aliūmve aliquem tuo iudicio leuem asperūmve monitorem, sed Cyprianum esse memento qui te ita feriat. Et vt quibus verbis Iulianum Augustinus in simili compellat lib. 3. cap. 17. iisdem ego quoque ad te vtar, Pænus disputator, Pænus inquam disputator non ego sed Cyprianus, Pænus te hoc vulnere Pænus immolat, & pœnam tanto de crimine sumit.

Cauponationes & cramenta Barnesij in allegando Augustino.

15. In Augustini allegatione eo loco quem supra signaui priuilegium vsurpauit Barnesius, quod omniū semper errorum fuisse, Ruffinus in libro *de adulteratione librorum Origenis*, latè demonstrat: Vt scilicet assutis ad Patrum loca & verba, aliis verbis suis, eos vel renitentes trahant quod lubet, & falsitati suffragatos ostendant. Quod Isido. Pelus. l. 1. epist. 169. illud ipsum esse ait, quod à propheta reprehensum est, in malis cauponibus, aquam vino miscentibus. Ita enim planè Barnesius, æmulatus exempla non bona, mixturas suas & cramenta, pro vino puro incautis propinat; & pro potestate supplens ex verbis suis, quod Patrum

trum

Ad auctoritates à Barnesio propositas. 403

trum locis ad malæ causæ firmamentum decrat, aliquid pro se protulisse videri voluit. Infinitus est in hoc & ludicro & indigno argumentandi ac agendi modo, opere prope vniuerso.

Nunc vnum illum, si placet, Augustini locum quem referebam, attexamus ex ipsomet Barnesio §. 18. depromptum ex Augustini *lib. contra mendac. cap. 18.* Quærit eo loco Augustinus, falsæ sit mentiri parenti decumbenti, de vnici & dilectissimi filij ægrotantis statu interroganti: Et negat. Quod præter cætera, his verbis à Barnesio hoc pacto exscriptis, confirmat: *si concesserimus pro salute illius agri de vita filij eius fuisse mentiendum per æquiuationem, ita paulatim minutatimque crescet hoc malum, & breuibus accessibus ad tantum aceruum mendaciorum sceleratorum sensim subintrando, perducetur, ut nunquam possit penitus inueniri, ubi tanta pesti per minima additamenta in immensum conualescenti, possit obsisti. Vnde prouidentissime scriptum est, qui modica spernit, paulatim decidit. Quid quod vitæ huius tales amatores, ut eam non dubitent præponere veritati, ne homo moriatur, imo ut homo quandoque moriturus, aliquanto serius moriatur, non tantum mentiri æquiuocando, sed etiam peierare nos volunt: ut videlicet ne aliquanto citius transeat vana salus hominis, nomen Dei nostri accipiamus in vanum. Et sunt in eis docti, qui etiam regulas figant, finesque constituuant, quando debeat, quando non debeat peierari æquiuocando. O ubi estis fontes lachrymarum! Et quid faciemus? quo ibimus? ubi nos occultabimus ab ira veritatis, si non solum negligimus cauere mendacia, sed audemus insuper docere periuria. Hoc scio, quod qui docent*

oportere mentiri æquiucando, verum docere se volunt videri, sine æquiucatione.. Nam si falsum est per æquiucationem quod docent, quis falsa velit studere doctrina, ubi & fallit docens & fallitur discens?

16. Hactenus non Augustinus, ut Barnesius allegando imposuit, sed Barnesius. Nam Augustinus quidem, ut variis ipsiusmet Augustini locis signatis, docet Baron. anno Christi 381. sub finem, eo libro propositum habet, Priscilliani hæretici impiam sententiam; qua affirmabat, non modò innoxium esse mentiri, sed etiam mendacium per iurio firmare. Ad hoc cœnum eluendum, Augustinus lachrymarum fontes exposcit, & meritò. Barnesius autem nihil de Augustini scopo, sed de suo sollicitus, addit ad Augustinum quæ esse vidit in rem suam, ut pro geminis Augustini, suas nobis gerras obtrudat; quæ est indignitas non ferenda. Quid enim in posterum syncerum habebimus ex Patribus, si huiusmodi cauponationes ut Isidorus Pelusiota paulo ante loquebatur, in vsum inducantur, præsertim prope perpetuum, ut ab isto factum est? Nam quod obtendendum ab eo videro, characterum discrimen, curatùmque à se ut aliis literarum typis Augustini verba, aliis interpolationes suæ cuderentur, frigida excusatio est: Cum receptum apud plerosque videamus, ut quæ in textu alicuius antiqui scriptoris supplenda sunt ex alio aliquo manuscripto codice, pleniorè quàm sint vulgati, inserantur nouæ editioni, mutatis tamen characteribus ad probandam nouæ editionis perfectionem, & deprehendendas anteriorum editionum lacunas. Hoc ut cæteros taceam, Vulcanius

nus in auctiore Apuleij editione præstitit. Itaque voluit fortassis Barnesius, de sui capitis penu, auctiorem vobis Augustinum, suis assumptis & interpolamentis grauatum promere, quasi auctiorem. Nec raro, quæ maximè notanda & ad rem de qua agitur maximè conducentia putantur, ea characteris diuersitate secernuntur, tamen si eiusdem auctoris fœtus sint, & æquè ad textum spectent. Itaque non videtur dubium, quin Barnesius, vt est simplex, & rectus, ac timens Deum, de lectore minus versato & cauto, irretiendo hac via, spem sibi fecerit. Et vt bona fide, nec ad ponendam decipulam pedibus incautorum, ita factum ab homine minimè malo concederemus; quænam obsecro hæc ex Patribus argumentandi ratio, qua Barnesius Lessium premit, interserendo voces quibus sententia vniuersa mutetur, trahaturque quo à Patribus non dirigitur?

17. Sed vt neminem lateat quanta sit hæc aberratio, & inanitas argumentationis, recolamus exemplum supra adductum, eius videlicet qui rem inuentam, post dominum diu frustra quæsitum, sui iuris facit: quod permulti & graues Doctores culpa vacare profitentur, nonnullis reclamantibus. Si ergo ex his qui secus sentiunt, vnus aliquis, ita sibi impugnandam eam sententiam duceret, vt congestis Patrum & Scripturarum aduersus furtum testimoniis, contenderet iisdem impugnari eam sententiam de occupatione rei inuentæ; eo quod ipse inter allegandum ea loca, adderet aliquid quo illa testimonia detorquerentur in huiusmodi sensum v. g. non furtum facies, *inuentum non reperto domino, tuum faciendo.* Næ

ille afinitatis suæ argumentum, non alienæ sententiæ oppugnata specimen præberet. Similiter cum sit iam receptissima sententia quod possit iniri contractus societatis, cum sociis, ut saluam præstent sortem, & reddant quotannis certum lucrum paruum, pro incerto magno, quis ferret eum qui aduersus prædictam sententiam insurgeret, prolatis omnibus quæ ex Scriptura & Canonibus, aliisque locis argumentorum, promi solent contra vsuras; addito ut argumentum valeat, additamento proportionato, v. g. virgendo illud Psaltis auctum hoc modo, qui pecuniam suam non dedit ad vsuram *internueniente triplici contractu*. Hanc nemo non videt fore ridiculissimam argumentandi rationem. Sustinebit tamen æquus lector, quod in re perspicua tantisper hæserim, ut Barnesius, qui hoc spurium argumentandi genus tantopere adamat, intelligat aliud esse, Patres interpolando, paginas implere, & garrere, aliud argumentari & aliquid ad rem promere.

*Ad inconsultam Barnesij consultationem do-
Patrum mente,*

18. Subdebat postea Barnesius consultationem, *scilicet* ut ipse de seipso testimonium perhibens, ait, *iudiciose factam*: cum tamen sit admodum inconsulta, prorsusque vacua iudicio, quippe quæ hac vna ratiocinatione nitatur, Lessius admittit aliquos Patres, appellasse mentales restrictiones nomine mendaciorum, ergo omne mendacium quod Augustinus & alij à prædictis Patres dānant, est mentalis

talis restrictio. Arbitror neminē fore adeo lippū, cui quàm clauda & distorta sit hæc argumētandi ratio eidentissimum non sit. Quid enim? Métalis restrictio aliquando latè sumpta voce venit nomine mendacij apud aliquos Patres, eo quod in speciem mendacium sit: Ergo quod propriè mendacium dicitur, & ab illis ipsis Patribus qui illud largè acceptum mendacium admittunt, implacabiliter exagitur, est mentalis restrictio? At licebit pariforma argumentandi colligere, nullum esse aliud idololatriæ genus quàm affectum immoderatum pecuniæ, quod Scripturæ & Patres, latius vsurpata voce idololatriæ, appellent vitium avaritiæ, idololatriam. Licebit similiter colligere nullum esse aliud peccatum quam concupiscentiam: quod Apostolus latè & impropriè sumpta peccati voce, vt Concilium Tridentinum exposuit, insigniuerit nomine peccati concupiscentiam, quia eius effrenatio à peccato est in hoc statu, & ad peccatum inclinat.

Videt Lector quàm non iudiciosè, vt aduersarij barbaralexim retineam, imò quàm inconsultè instituta sit ea consultatio; qua restrictiones mentales, omnibus Patribus & Doctoribus exosas fuisse conclusit Barnesius, in hunc modum. Generale mendacij nomen latius & laxius acceptum, restrictis locutionibus aliquando tributum est; nullum igitur est præter eas, mendacium à Patribus & Doctoribus reprobatur. De Petri simulatione & Pauli obiurgatione, in qua inhonoratos à Banne plurimos Patres queritur Barnesius, erit infra aptior dicendi locus, vbi constabit quàm iniuria Anglicanus hic, (sustineo condignam vocem) non Ban-

nem duntaxat, cui ob defensas restrictiones mentales infensus est, sed ipsum S. Petrum Apostolorum Principem, & Theologorum, ut cum Dionysio loquar, supremum verticem, allatrauerit. Ad extremum admiratio illa Barnesij, cur qui restrictiones & æquiuationes ex iusta causa admittunt, non etiam admittant omnia mendacia, æquè stupida est, ac si quis admirari se diceret, quorsum qui coniugia legitima approbant, scortationes non probent: Et qui quæstum iustum ratum habent, non etiam prædationes & latrocinia commendent. Sed Barnesio perinde est quicquid profest, modo paginam impleat, & liber crescat.

19. Penè exciderat quod Barnesius patronos locutionum restrictarum & æquiuationum, deteriores pronunciat, quàm defensores mendaciorum pari prope calumnia qua olim Faustus apud Augustinum *l. 20. cap. 9.* Manichæismum extollebat, tanquam elongatiorem ab Ethnicismo, quàm esset Catholica fides. Sic enim Barnesius, quod ea etiam mendacia latè dicta, quæ à Patribus admissa sunt, exterminata velit, suum pro veritate zelum tacitè prædicat, aliosque fugillat, quod non omnia mendacia rata habeant, etiam quæ propriissimè mendacia dicuntur & vitiosa censent, cum mendacia approbent latè dicta, quæ censent vitio vacare; ideòque accedant aliquanto magis ad eos, qui mendaciis propriè dictis patrocinantur, quàm ipse qui etiam improprie dicta ablegat. Sed quætere quorsum quis approbet quod iustum arbitratur, damnet verò quod rationi dissonum, existimat, etiam si utrumque eodem homonymo nomine appellatur, parum sana interrogatio est. Maiorem autem

autem elongationem ab vno aliquo extremo iactare, cum infigaris in alio, non est bona gloria, sed inanis planè & nulla; qualis erat quondam Fausti & Manichæorum, quos idcirco Augustinus *supra c. 10.* his verbis retundit, quæ Barnesio quoque occino. Si propterea vos putatis tenere veritatem quia & errori Paganorum longè dissimiles estis; nos autem propterea esse in errore, quia longius à vobis, quàm à Paganis forse distamus; dicatur & mortuus ideo sanus, quia iam nec egrotus est: & ideo reprehendatur qui sanus est, quia vicinior est egrotis, quàm mortuis. Aut si plerique Pagani, non velut agri sed velut mortui deputandi sunt, laudetur in sepulchro cinis informis, quia iam nec formam cadaveris tenet; & membra viva culpentur, quia cadaueri sunt similia, quàm cineri. Sic & nos ideo isti culpandos putant quia nos similiores esse dicunt funeri Paganorum, quàm fauilla Manichæorum. Planè similiter Barnesius ideo Lessiū aliosque culpandos putauit quod mendaciis improprie dictis suffragati, viciniore aliquatenus videri possent mendacij proprie dicti patronis, quàm Barnesius; qui pro suo erga veritatem zelo, mendacium omne etiam nomine tenus, & cum solus titulus pyxide præfertur, veneno excluso, exterminandum decernit.

Quintus Barnesij aries, auctoritas Theologorum

20. Alius Barnesij aries, isque ordine quintus, Scholasticorum & Doctorum auctoritate grauis est, intentaturque §. 28. 29. & 30. Sed ab hoc ariete, non est magnopere timendum munimentis restrictionum. Nam si mendacia, & afflicta autoribus

senſa demamus, vix ſupererit quod in reſtriſiones diſplodatur præter inanem bombum, qui aptior ſit terrere quàm quaterere. Adducit ergo Barnesius in primis S. Thomam quem ait iugulaſſe æquiocationes & reſtriſiones Leſſianas, quia ſcripſit, *veracem ſe talem in ſermone exhibere, qualis eſt*. Et mendacium eſſe intrinſecè malum inde probauit, quia innaturale eſt & indebitum, aliquid voce ſignificare, quod non habeas in mente. Item quia negat licere reo mentiri, & negare iudici quod verum eſt. Diuo Thomæ Scotum adiungit, aliàs quidè mendaciis, vt ait, id eſt, reſtriſtionibus ſuffragatum; poſtea autem re maturius penſitata, viſum eis repugnare, ſubdubirando de earum honeſtate. His patriciarum (vt cum Ambroſio in ſimili loquar) familiarum ſcholæ Theologicæ capitibus, adiungit Geſſoneim, damnantem eos qui mentiundo dicunt ſe nescire vbi ſit aliquis, quem tamen verè norunt certo aliquo in loco eſſe. Poſt hos vt temporis ordinem exactè ſeruaret adduxit Barnesius Magiſtrum ſententiarum, eo loco quo docet verbis vt ad fallaciam, non ad quod ſunt inſtituta, peccatum eſſe. *Quæ verba*, ait Barnesius, *vt ſalmen directè feriunt æquiocationem*. Affert deinde Caietanum aſſerentem, omnè mendacium in iudicio, eſſe peccatum mortale. Et alibi propoſita quæſtione an liceat mente reſtringere & æquiocare inter iurandum, adductoque argumento pro parte affirmante, ſubdentem; *In oppoſitum autem eſt, quia iuramentum mendax eſt mortale*. Addit inſuper Sotum, ſed præſertim eum quem laudibus multis cumulat, Geſſum Sepuluedam. Quibus quaſi ſuperpondium adiicit, Azorium, & Maldonarum, quorum

Ad auctoritates à Barnesio propositas. 411
rum hunc insignem simulationum Patronum, honoris causa nominat, Ac denique Vasquem & auctorem Anonymum scripti Anglicani, postea etiam Molanum, Iansonium Houij encomiastem, & Gulielmum ab Angelis, negantem euadi mendacium restrictione purè mentali. Recensui fideliter quos pro se adduxit Barnesius, contra Lessium & quasvis restrictiones & æquiuocationes.

*Scholastici nulla fide allegati & inprimis
S. Thomas.*

21. Nihilo tamen hîc felicior Barnesius, quàm in superioribus. Nam quod S. Thomam Lessij Ianium facit, quia dixit, veracem se verbis exhibere qualis est, nihil ad rem facit. Qui enim restringit, vel æquiuocationem vsurpat, nõ se alium exhibet quàm reuera sit, etiam si non se exhibeat plenè & adæquatè qualis est. Nam stulti est totum sensum suum improuidè proferre, vt Sapiens dixit. Quod ergo verbis à restringente & æquiuocationem vsurpante, proditur, est reuera in animo eius, nihilque voce significat, quod in mente non habeat. Atque ita in ventum inanem soluitur Barnesij obiectio ex verbis S. Thomæ, impetentis mendacium, non restrictiones vel æquiuocationes. Rectè item S. Thomas inficiatus est, licere reo mentiri, vel negare veritatem iudici iustè interroganti. Sed hoc quid ad institutum? Poterat sanè Barnesius eodè iure assumere, quod S. Thomas, verba blasphema & obscœna profligata velit, & concludere, ergo restrictiones mentales & æquiuocationes sunt reuicienda. Nam dummodo hoc
confe

consequens inferatur perinde Barnesio est quodcumque sit antecedens, & quæcumque consequentia. Scoti mentem satis aperui capite 12.

Angustia Barnesij circa Gersonem.

22. Et quia quàm frustra ab isto allegetur, locus ille docebit, pergo ad Gersonem, qui quod mentientes damnat, facit quod bonum & pium Doctorem decuit: sed mala fide Barnesius subinfert, damnatas ergo ab eo esse restrictiones, & iustas æquiuationes, quas ille disertissimè admittit cum lect. 4. & 6. *de vita spiritali* agens de iuramentis, quæ in Vniuersitatibus emittuntur nec ad literam seruantur ideòque essent periuria, nisi eorum veritati per restrictionem consulere-tur: Tum agens de Confessario, interrogato de iis quæ in Confessione percepit, & sine culpa respondente, nihil se illorum scire; vtique ad dicendum: quæ est apertissima & propriissimè dicta restrictio. Quàm quod Barnesius cum suo Sepulveda, per traditionem Dictionaria euertentem tentat eludere, ludit profecto operam vt abundè ostendi cap. 16. & paucis attingit Palac. in 4. d. 21. *disp. 2.* Malè verò aut etiam pessimè Barnesium habet, quod Gerson, qui idoneam causam in restringente mentaliter Confessario agnouit, profiteatur se non audere definire, an similiter in quibusuis secretis liceat interrogato interrogantem eludere, negando se scire, nempe *ad dicendum* quod ab eo premi expedit. Quibus in verbis Barnesius, vel dubitare Gersonem de vitio restrictionum & æquiuationum, non sinit. Nam hoc illi fuisse

fuisse exploratum, utpote cuius viro docto, vult esse extra controuersiam. Sed id in quo ancipitem fuisse Gersonem fatetur, illud est, an qui negat se scire quod ex temporis aut loci aliisve circumstantiis negandum agnoscitur, etiam si sciatur; ita ut retentio illa *ad dicendum* verbo negatiuo in his circumstantiis prolato subindicetur, delinquat contra veritatem. Quam (ut appellat) Gersonianam dubitationem; Barnesius ait solum esse de modo manifestandi extra vocem, an sit sufficiens, cum tamen Lessiana æquiuiocatio pugnet contra omnem externam manifestationem; quandoquidem contendit Lessius, fas esse dum loquimur alteri, quandoque nihil ei significare!, ex mixtione amphibologiæ & mentalis restrictionis, Gerson autem supposito ut perspicuo, quod respondens teneatur exterius verum enunciare interroganti de re petita, hæsitauit duntaxat, an in prædicto euentu reperiretur sufficiens exterior enuntiatio: quæ est dubitatio de facto, cum lis de restrictionibus & æquiuiocationibus spectet ad ius.

23. Video in hoc de Gersonis hæsitacione iudicio, hæreere lectorem, quid hoc distinctionis implexo significetur, ambiguum. Et merito. Cum enim vix ipse se Barnesius distinctionis autor intelligat, qui poterunt alij latebras figmentorum eius peruadere? Sequar tamen fugientis vestigia ac premam. Gersoni igitur non fuisse exploratum viciū restrictionum mentalium, ex eo euici, quod in responso illo Confessarij, quod verum esse fatetur, admitti omnino debeat restrictio, ut potentissimè euictum est cap. 14. At Gerso vir doctus erat, indeque exploratum illi fuit restrictiones

ctiones debere reiici, quia id cuius viro docto perspicuum est. Digna Barnesio instantia, sed indigna in cuius depulsione tempus conteratur. Illud verò ad ignorationem status præsentis controuersię planè pertinet, quod Barnesius, vt in eludendo Gersone lectorem ludat, fingit statum huius controuersię esse, an locutio adhibentis amphibologiã vel restrictionem, possit salua veritate nihil significare audienti. Quæ est ludicra huius controuersię peruersio. Qui enim adhibet voces æquiuocas, manifestè significat aliquid, imò quia in multa significat, idcirco homonymiam habet eius oratio. Similiter qui vsurpat locutionem mente restrictam, significat omnino aliquid; & quidem quod is qui loquitur habet in mente, etiamsi non expromat, nec committat vocibus totum quod voluit animo. v. g. Confessarius cum negat se scire quod scit, subintelligens *inquantum teneor*, significat audienti se nescire, idque reuera animo voluit, etiam si aliquid præterea mente agitet, quod non significat explicitè, sed tantum implicitè; attento scilicet legitimo sensu verborum quæ in talibus circumstantiis profert. Qua ratione omni locutione restricta vt sæpe supra inculcatum est subindicat implicitè restrictionem tacitam. Vnde quia Gerson annuente aduersarij, admisit externa locutione verè negari quod quis nouit, dummodo circumstantiæ ferant vt voces subindicerent restrictionem sub qua verè fit negatio; perspicuum esse debet Gersorem quippe virum doctum, (nam quidni nos quoque formam argumentandi aduersarij vsurpemus?) agnouisse, omnes restrictiones ex idonea causa factas, vitio vacare;

care; etiam si quoad restrictiones in secularibus secretis, id definire noluerit extra locum, vel quia videbat esse difficile figere in particulari certos terminos, qui pro rerum ac negotiorum varietate, diuersimodè statui debent, prælucente prudentia. Quanquam quod rectè notauit Soto *relect. de secreto membro 3. q. 3. conclus. 4.* magis propendit eo loco Gerſo in partem quæ licitum restrictionarum locutionũ vſum admittit quoad quæcumque iuſta ſecreta, quàm in partem negantem. Eſtque id perſpicuum ex verbis Gerſonis eo loco de quo agimus, hoc eſt, 2. parte tractatu de quibusdam qq. ſiue *Alphabeto 34. litera Q.* Si ſit, inquit, res cognita in confeſſione ſolum, dicunt Doctores quod abſque ſcrupulo poteſt dicere & iurare, Domine, Ego nihil ſcio de iſtis. Et hoc ſic intelligitur, quod nihil ſcit tali modo vel ſcientia, quali modo poteſt Superior, & ſolum debet interrogare. Si autem poſſet ſimiliter in alijs purè ſecretis ita reſpondere ſine mendacio, ego non audeo definire. videretur tamen alicui par ratio, & par verbi intellectus. Hactenus Gerſo, quem vides in exemplo Confeſſarij diſertè admittere eam ſubauditionem quam tantopere exoſam habet Barnesius, & non obſcurè agnoſcere paritatem exempli prædicti & cæterorum quorumcumque in quibus eſt iuſta reſtringendi cauſa.

Satis de Gerſone & Barnesij circa eum anguſtiis. De eo autem fulmine quod mox idem Barnesius ait directè ferire æquiuationes, non eſt quod admodum ſolliciti ſimus. Eſt enim reuera brutum fulmen. Quia cum nemo dubitet, quin vti vocibus ad aliud quàm ad quod inſtitutæ ſunt, (quod

(quod vnum cum Augustino ait Magister) peccatum sit, tamen in restrictionibus & æquiuocationibus iustè adhibitis id accidere, probandum Barnesio fuerat, non supponendum.

Ineptè allegatus Caietanus, & ratio dubitandi ab eo proposita, allegata à Barnesio pro Caietani responsione.

24. Venio ad Caietanum, circa quem Barnesius febrile planè videtur, tam inconditè eum & præter scopum allegauit ! Ait Caietanus, omne mendacium in iudicio esse mortale peccatum. Hoc siue verum siue falsum sit, quid ad rem ? Et verior quidem est communis sententia tradita à Soto *lib. 5. de Iust. q. 6. art. 1. Torre 22. r. 2. disp. 50. dub. 1.* & communiter ab aliis, docentibus ex leuitate materiæ posse quoque in iudiciis etiam in Sacramentali, dari mendacium, quod leuem duntaxat culpam contineat. Tamen gratis supposito Caietani placito, quid ibi Barnesio metitur aut feritur ? An restrictiones mendacia sunt censenda, nisi tales esse probentur, cum hoc ipsum sit de quo contendimus ? Deinde an omnes restrictiones fiunt in iudiciis ? Itaque locus ille Caietani, æquè ad rem facit, ac initium Commentariorum eius in librum Iob, vel principium supplementi à Caietano additi ad lectiones S. Thomæ in librum de Interpretatione, cuius exordium est à ceruice equina quam pictor humano capiti apposuit.

In altero Caietani loco, quem pro se Barnesius adducit, est quod risum, est etiam quod commiserationem moueat. Risum reuera excitat, quod probat

probat ex Caietano restrictionem iuramento adhibitam esse vitiosam, quia Caietanus in argumento *sed contra*, quod opponit argumento sententiæ admittentis restrictiones, ait iuramentum mendax esse peccatum mortale. Quæ est singularis ignorantia, quam priusquam detego, dicam & ego in re scholastica peritis quotidiana, quod præmisit Augustinus 2. *de Baptis. cap. 1.* fastidiens rem alioqui claram exponere, coactus nihilominus propter aliquos rudes id præstare. *Ignoscant scientes, ne offendantur nescientes.* Fert usus Doctorum scholasticorum, ut cum aliquid proponunt excutiendum, proponant primum in utramque partem argumenta, nihil adhuc affirmantes, deinde subdant corpus articuli, vel difficultatis in qua versantur, quo primum loco mentem suam aperiunt; siue negantes siue affirmantes quod alterutro argumentorum utrinque propositorum agmine, concludebatur; siue adhibita distinctione dissidium propositum componentis. Barnesius igitur, quia Caiet. 22. q. 89. *art. 7. circa ad quartum* (quem locum ipse secundum allegauit,) in corpore difficultatis, agnoscit æquiuationes ex causa rationabili licitas esse, quod Barnesius ne audire quidem sustinet; quia inquam in corpore ita docet Caietanus, commodum censuit Barnesius arripere quod primum occurrit, nempe argumentum *sed contra*. Quo argumentandi modo Buccinator Calvinianus non ita pridem, aggressus est præcipuas quasque hæreses suas, (& poterat eodem modo omnes,) ex S. Thoma confirmare, prolatis rudi plebeculæ, argumentis, quæ ante corpus articuli à S. Thoma referuntur. Edicat

Barnesius, non tantum absque restrictione & æquiuatione, sed etiam absque mendacio, an hunc contra restrictiones argumentandi modum, à fratre verbi reformati, vt ferunt, Ministro, edoctus sit.

Soto & Azorius quàm rectè à Barnesio producti.

25. De Soto qui præterea à Barnesio allegatur dictum est supra cap. 12. quantum satis. Et mirum est, Barnesium contra restrictas locutiones & æquiuationes, vrgere auctoritatem Soti; quem constat æquiuationes dummodo idonea causa subsit, apertè admittere. Quoad restrictiones autem non refragari, nisi quoad aliquas, quas censuit non subindicari verbis: Cum tamen eas quæ verbis vtcunque innuuntur, agnoscat vacare culpa. Quod vnum Personius alter Barnesij sagittarum scopus, disertè intendit referente ipsomet Barnesio §. 29. num. 1. Etenim omnes planè restrictiones ex idonea causa factas eiusmodi esse, satis supra dictum est & probatum. Itaque Sotus, quamuis in modo defendendi restrictiones, dissidet à plerisque aliis, in re ipsa tamen consentit; quatenus admittit, veram fore locutionem restrictam, si ipsa restrictio, locutione aliquatenus subindicetur. Quod ipse aliquando censuit non fieri, attendendo duntaxat, quod attendebant ij quorum sententiam excutiebat. Et idcirco illas aliquas restrictiones reiecit, non reiecturus, si in illis quoque subindicationem per verba, habere locum quis ostendat, nec sistat in fundamento veritatis

ritatis restrictionum, quo de ea subindicatione filerur.

Nullo igitur iure Soto, contra omnes æquiuocationes & restrictiones allegari potuit. Minore etiam Azorius qui *t. 1. l. 11. cap. 4. quest. 5.* in quo Barnesius inuenit quod sibi arroderet, exigit duntaxat eam quam dixi aliqualem restrictionis tacitæ subindicationem per externa verba. Itaque facile constare potest iudicioso lectori, (gemmas Latinitatis Barnesij eo num. 11. profero,) Azorium nequaquam sibi contradicere, cum admittit in plerisque exemplis quæ refert, rectè & absque culpa, dummodo causa suppetat, negare quempiam posse, scire se illud quod reuera nouit: quia per verba negantia eo tempore & loco à tali persona in eo negotio prolata, subindicatur restrictio tacita, seu quod quis profiteatur rei sibi notæ ignorantiam ad dicendum, vel ita vt eam prodere teneatur. Quod ipsum in omni restrictione ex causa idonea accidere confirmatum sæpe est superius.

Gabriel Vasquez, ineptè & cum mendacio prolatus.

26. Reliqui sunt ex Doctoribus quos pro sè Barnesius eo §. 28. adduxit, Maldonatus, Vasquez, & Anonymus Anglicanus. Hunc postremum sibi habeat Barnesius, quia nomine ac proinde etiam autoritate caret. Nec nouimus quid ei fortè de suo affinxerit Barnesius, qui in libris quos omnes quotidie versant, tam non timidè idem præstat. In Vasque apertè mendacium ad-

misit, sed non præter morem. Affirmat Vasquez 1. 2. d. 182. cap. 4. & rectè, simulationem, quæ est mendacium factorum, quo quis vult exterius significare esse, id quod arbitratur non esse, meritò reiici ab Augustino. At Barnesius, qui duntaxat de implenda charta sollicitus fuit, ait doceri eo loco à Vasque, simulationem D. Petri fuisse mendacium inexcusabile. Quod quàm pingue sit mendacium, agnoscat lector palpabiliter *ex cap. 7. eiusdem disputationis*, quo Vasques dignè Catholico Theologo, & sancti Petri studiose defendit & latè probat, S. Petrum tametsi verè reprehensibilem, ritèque & verè non simulatè à S. Paulo reprehensum, tamen in ea simulatione, ob quàm reprehensus est, culpa omnino vacasse. Hoc quia Barnesium malè habuit, doctum fortassis ab Anglicanis sectariis, errata S. Petri exaggerare, & multiplicare ad Romani primatus enervationem, ut videre est apud Bellarminum *lib. 1. de Pontif. cap. 28.* eo recurrit ut diceret, affingi à Vasque mendacium S. Petro, quod Vasques, ut dixi, expressè reiicit. Et quamvis mendacium factorum, admissum à D. Petro admitteret Vasques, quid hoc ad locutiones restrictas & ambiguas, quæ quia ex idènea causa fiunt, alio vitio vacant; mendacia autem non sunt, quia per eas non itur contra loquentis mentem?

*Contumelia in Maldonatum, rursusque ratio
dubitandi allegata à Barnesio pro
responsione ad eam.*

27. De Maldonato, Theologo vniuersa Europa
insigni,

insigni, nominatim verò in Gallia, & Lutetiæ imprimis, eâ apud omnes, maximos iuxta ac infirmos, doctrinæ ac virtutis gloriam etiamnum retinente, quem pauci ante illum, pauci post illum consecuti sunt, meritò expostularé tam contumeliosè à Barnesio appellatû, si hominis in maledicèdo & cõuiciando intèperantiæ inexpertus essem. Quid quòd is titulus quo Barnesij maledicentiæ Maldonatum decorauit, communis SS. plerisque Patribus est iuxta Barnesium? Sanè defensorum simulationum Maldonatum inculcat §. 15. num. 2. quod Matthæi 11. vers. 3. non modò Iustinum & Tertullianum reiiciat, tanquam durè locutos illa ætate nondum satis culta Theologia; sed etiam à communi SS. Patrum sentètia discedat, approbètque loco communis illius & veræ sententiæ, aliam incautè ab aliquibus Patribus traditam qua rata habetur simulatio; & S. Ioannes mendax affirmatur. Addit Barnesius peius Maldonatum in cap. 2. Ioannis vers. 4. affirmare verba Christi ad matrem, habere speciem reprehensionis, nec tamen fuisse reprehensionem veram sed simulatam, qualis est qua Iudex plerumque increpat eum quem vult absolvere, ne videatur gratis crimen condonare. Verum vtrique hæc criminatio, Barnesij pruriginem calumniandi apertè prodit, nec vlla ex parte Maldonato incommodat. Quid enim in eo reprehendendum fuit, quòd modestè reiecerit Iustinum ac Tertullianum, affirmantes verè S. Ioannem eum ad Christum discipulos misit, dubitasse de Christi diuinitate, eo quod vt Tertullianus addidit spiritus prophetiæ ab ipso Ioanne in Christum recessisset? Has spinas nondum satis cultæ

ea ætate Theologia appellauit Maldonatus; cuius ea verba, quasi illorum Patrum censuram, protulit Barnesius; illorum autem Patrum aspectam sententiam consultò subticuit, ne ritè pronuntiassè Maldonatum constaret. Reiecit præterea Maldonatus aliorum Patrum sententiam, qua Ioannes statuebatur dubius de Christi morte ac descensu ad inferos. Hic item quid reprehensione dignum? Nam quod hanc sententiam Barnesius fingit esse Patrum communem, eique adhæret explosa illa alia quam ex Maldonato retulit, fingit hoc ille quidem, reuera tamen longè melior Maldonati sententia est, ac communior Patrum; Hilarij, Chrysostomi, Hieronymi, Auctoris Imperfecti, Cyrilli Alexandrini, Bedæ, Euthymij, Theophylacti, Ruperti, aliorumque plurimorum quibus quod Barnesius incautè id traditum ait, vox est Barnesio digna, symphonæque est quam subiicit, nempe eos Patres mentitum Ioannem affirmasse, quia eum prudenter dubitationem simulasse tradiderunt. Seruat nimirum Barnesius, etiam cum Patribus agens, morem suum; honestandi scilicet appellatione mendacij, quicquid cum eius sententia non cohæret. Nec mitior est censura qua & Maldonatum ferit, & plurimos Patres quibus ille adhæsit, affirmantes Christum prudenter simulasse reprehensionem Matris, quam reuera non reprehendebat.

Sed quia hæc Maldonati reprehensio, cum tot Sanctissimis & Doctissimis Patribus, illi est communis, & reuera tā Patres quàm Maldonatū casso conatu appetit, dissimuletur sanè in præsentia, satilque sit eam indicasse; vt ad eum locum tan-

dem veniamus quo sibi Maldonatum arrogat Barnesius. Quis verò ferat reprehensum à Barnesio Maldonatum Lucæ 24. num. 36. per ineptum planè mendacium : hoc est ratione dubitandi, quam Maldonatus aduersus expositionem quandam quam ibi excutit, allegata pro ipsius Maldonati resolutione atque doctrina. Eadem argumentandi sinceritate, qua supra retuli Calvinianum sycphantam imposuisse plebeculæ pusilli gregis, prolato S. Thomæ, imaginariæ duntaxat Christi in Eucharistia præsentia, aliisque erroribus suffragante, in argumentis quæ initio articulo- rum solet proponere. Et poterat sanè Barnesius, nisi cum corruptus affectus exoculasset, videre qua ratione intra paucas lineas, illam rationem dubitandi dissoluerit Maldonatus. Ut autem dæremus eam fuisse Maldonati ipsius doctrinam, quid ea ad præsens negotium? Tantum enim assumit in ea dubitandi ratione Maldonatus, quisquis fingendo alium fallere conatur, peccare. At nos de restringente vel usurpante æquiocationem, nihil tale dicimus. Ergo prorsus extra rem allegatur Maldonatus, etiam posito quod ratio dubitandi ab eo proposita, esset ipsa eius resolutio; sed hanc autores fingendi libidinem, Barnesio perpetuam, fere iam fatigor vel referre.

Reliqui à Barnesio in causam suam producti.

18. Qui denique ab eo adducuntur §. 10. Molanus, Ianfonius Houij encomiastes, ipsæque Houius, & Gulielmus ab Angelis, eadem fide Barnesiana allegantur qua cæteri. Nam de Molano,

pinguissimi mendacij eum conuici supra cap. 15. Ianſonius, in restrictiones absque causa factas duntaxat inuehitur, quantum intelligo ex ea lacinia orationis ab eo conscriptæ, quam Barnesius exhibet: & ex eodem capite, laudatus merito est Houius. Nam esse piis animabus restrictionum abusum summo opere vitandum, demonstraui supra capite quarto. In eo autem apertè Barnesium confodit Ianſonius, quod docet restrictiones reprehensioni obnoxias, non esse mendacia: quod tamen est vnicum & perpetuum Barnesianæ structuræ fundamentum. In hoc autem vult Barnesius corrigi Ianſonium vt mirabilis planè sit sapientia hominis, qui Lessium eius autoritate vigeat quem ipse comet loco corrigendum decernat. Nec prætereunda videtur Barnesij ars, non æquiuocatoria quod ille nomen abhorret, sed deceptorica. Plagulam enim orationis Ianſonij, laudantis Houium à simplicitate loquendi, transformauit in duas censuras, duobus titulis prenotatas: alteram ipsius Houij Archiepiscopi, alteram Ianſonij encomiastæ. Quod quàm sit Barnesij exaggeratissima & exaggerante facundia dignum, prudens omitto. Tandem Gulielmus ab Angelis cuius Theses Philosophicas, Barnesius inferciendo operi suo accommodatas putauit, nihil omnino causam eius promouet. Duntaxat enim affirmat restrictione purè mentali non euadi mendacium. At non est restrictio purè mentalis, illa quæ verbis ab hac persona, hoc loco & tempore, in hoc negotio prolatis subinducatur, vt docet etiam Malderus *Opusc. de hoc argumento cap. 10. sect. 1.* vt omittam prodi in hac parte Barnesij ego-

statem

statem qui huiusmodi obscura nomina, & thesium Philosophicarum minutalia^r producere cogitur, ne omnino destitutus autoritatis alicuius præsidio videatur.

Nullus Theologus pro Barnesio.

Itaque ut quantum hoc Barnesij argumentorum caput tandem concludam, exhibeo eum lectori exungulatum & exarmatum: ut corniculam implumem, & vpupam glabram. Euici enim nullum proferri ab eo, stantem pro sua sententia Catholicum Theologum, præter forte Anonymum Anglum, qui albus atérue fuerit, nescitur: & quem multis cumulauit elogiis Sepuluedam: quæ tamen Theologastrum potius & Rhetorem quàm Theologum, etiam eriperem, nisi Barnesius pro loco & tempore, nouam personam nunc assumeret, nunc deponeret; modò admittens restrictiones mentales aliquatenus subindictas exterius, quod Sepulueda omnino reiicit; modò eas negans & Sepuluedæ consentiens. Quem proinde vnum non innominatum autorem, Barnesius solius suæ inconstantiae beneficio retinet.

Præsensit hanc Doctorum pro se paucitatem Barnesius; ideoque sensum multitudinis ac turbæ, præoccupare conatus est §. 10. Sed cum titulus præferat impugnationem restrictionum & æquiuationum ex sensu multitudinis, in ipso §. nihil inuenio præter iocum Pantomimi Gonellæ pro introductione, & Breuiarium fabularum Luciani ad aliquot paginas extensum, pro corpore articuli, addita in fine hac clausula. Lucianum

qui ea omnia mentiendo narrauit, vt postea professus est, mente restrinxisse, dum narraret, hanc subintellectionem, *quæ narro falsa sunt*; ac proinde si ex sensu communi narrationes Luciani sunt reiiciendæ, & ipse Lucianus historicus triobolaris habitus, idea planè de Lessio & mentalibus eius restrictionibus esse statuendum. Verum hæc tanta cordis inopia, commiserationem potius quàm risum mouet. Tamen Barnesius in calce paragraphi, non dissimulat, captatam à se risus excusationem. Expectabam perlecto titulo, vt de more aduersarius, multa ex Tertulliano de anima naturaliter Christiana exscriberet; hucque siue per lineam rectam siue per transuersam aptaret: Nunc autem homo scrius, Pantomimus, & Monachus Luciani abbreviator agit, vt cõcludat quia Lucianus mentitus est, idque postea profiteri non erubuit, Lessium damnandum esse, quod perinde est ac si concluderem. Athenis multi fuere sycophantæ, Ergo Barnesius nequaquam vapulare debet. Item inter Monachos multi fuere Sarabaitæ, & etiamnum sunt, idque censet omnis populus. Ergo Barnesius non est vnus ex illis.

C A P V T X X I V.

Inanitas rationum Barnesij, contra locutiones mente restrictas ex idonea causa.

- i. **P**eruenit ad postremum caput probationum Barnesij, idque ordine sextum, in quo

Argumenta Barnesij ex ratione. 427

quo an magis serius & bonæ fidei fuerit, quam se hactenus exhibuerit, deprehendet lector vel me silente. Et quia perturbatissimè & confusissimè de more profert rationes; (initio enim factò à ratione, subiicit autoritates, mox rursus rationes, & iterum autoritates, nullo ordine ac iudicio adducit:) propterea quam in illum misericordiam circa testimonia exhibuimus, vt scilicet digesta per ordinem proponeremus, & solueremus, hic quoque exhibebimus circa rationes,

Summa rationum Barnesij.

Prima ducetur ex eo quod æquiuocatio & restrictio sit mendacium. In hac ratione multus est §. 2. & 3. & rursus §. 15. quo etiam vrgetur secunda ratio, quæ ducitur ex humana conuersatione, eiusque pugna cum æquiuationibus & restrictionibus. Tertia ratio multi membris est: complectitur enim varia eaque grauissima æquiuationum & restrictionum mala, imprimisque malorum omnium sedimentum, Atheismum, vt probat §. 13. 48. & 49. mendacij inemendabilitatem de qua §. 11. virtutis enervationem, & certam innocentium perniciem, de qua §. 12. periuriorum honestationem, de qua §. 20. turbationem politiæ ac regnorum de qua §. 21. & quod ad consummationem fabulæ deerat, auersionem hæreticorum à fide Catholica, & excitationem persecutionum contra eius professores. Hoc est diluuium, damnorum sanè grauissimorum orbem perdentium, quod ab vno æquiuationum & restrictionum capite manat, docente Barnesio. Quem si hoc quoque

quoque loco fabulatum euicero, imo si demon-
strauero aperta ab eo fuisse prædictorum malo-
rum bene multa ostia, longè patentiora quàm sint
æquiuationes & restrictiones ex iusta causa,
dederò illi vt spero argumentũ idoneum deflendi
tantam in calumniando procacitatem, & in im-
ponendo fœcunditatem.

Prima ratio, ex mendacio.

2. Ratio prima in hunc syllogismum breuiter
contrahi potest. Mendacium est enunciatio qua
voce dicitur esse quod iudicatur non esse, vel dici-
tur non esse quod iudicatur esse: Atqui ille qui
æquiuationem vel restrictionem tacitam adhi-
bet, voce dicit esse, quod iudicat non esse, vel di-
cit non esse, quod iudicat esse. Ergo mentitur.
Hanc rationem variis verborum condimentis mul-
tipliciter transmutatam puridè admodum rege-
rit Barnesius: vt nisi indictam à S. P. Benedicto apo-
chen iampridem abiecisset, & aliena quadra non
recens viueret; suspicio esse posset illum hac tam
diuersa eiusdem argumenti apparatione exprime-
re voluisse quod in Monasteriis quibusdam S. Ber-
nardus in *Apolog. ad Gulielmum Abbatem* coquo-
rum accuratione & nimia pro Monachis arte fa-
ctum expostulat in tam varia ouorum vexatione &
versatione, quæ S. Pater tanto studio euerfa, sub-
uerfa, liquata, durata, diminuta & nunc quidem
frixæ, nunc assa, nunc farfa, nunc mixtim, nunc si-
gillatim apposita testatur, vt quæ non nisi oua
erant variæ epulæ esse viderentur.

Diluitur.

Diluitur.

Respondeo concessa maiore, nego minorem. Est enim apertè falsa, quoad eum qui usurpat locutionem æquivocam. Nam ea locutio ob multipliciter sensuum qui vno vocum cortice obteguntur, enunciat quod est. Nec de hoc ullus mortalium ante Sepuluedam & Barnesium dubitavit aut dubitare potuit. Qui enim dicit *Petrus non est domi*, usurpans verbum *est* pro verbo *comedit*, & designans eum quia interim dormit, non comedere, verum dicit, enūciatque quod est. Itaque enunciatio æquivoca potest esse vera. Accipio autem æquivocationem eo modò quo à logicis sumitur initio prædicamentorum & quo etiam usurpatur ab iis quos Barnesius impugnat, cudens de industria novum genus æquivocationis insensatæ, ut ipsemet nominat, de quo cogitare nunquam venit in mentem Lessio, vel ulli alij præterquam ipsi huius insensatæ æquivocationis auctori & impugnatori Barnesio. Et quia stropham satis detexi supra variis locis, non immoror in illius commentu nova exagitatione. Manifestum igitur est, minorem argumenti à Barnesio contra æquivocationes & restrictiones æquè intorti, esse omnino falsam quoad æquivocas locutiones.

Quoad restrictiones autè idè ex eo patet, quod is duntaxat mentitur, qui verbis vnum profert & alterum mente iudicat. At is qui loquitur restrictè, non ita se habet. Nam siue dicamus, restrictionem quoties iusta & licita est, subindicari verbis, ut semper in superioribus tradidimus, siue cum aliis, qui

qui hanc subindicationem, ut non negant ita neque exponunt, dicamus, restrictionem mente retentam facere vnum cum ea parte conceptus quæ respondet vocibus exterius prolatis: vtrumvis inquam horum dicamus, manifestum est, locutionem mente restrictam vacare mendacio. Nam si verba externa subindignant & exterius implicite significant restrictionem, clarum est verba & mentem coherere, atque adeo eum qui sic loquitur, non ire contra mentem, neque mentiri. Si autem duntaxat attendamus nexum restrictionis tacitæ & reliqui conceptus, aliter exponendum erit quomodo non eatur contra mentem, nec verba menti dissonent. Nempe dicendo, propositionem vocalem, nihil significare quod non iudicetur interius, qualesignificatur & enunciat exteriorius, quamvis modus & causa sub quibus obiectum concipitur, atque adeo significatur tale, non exprimatur exteriorius. v. g. cum Christus dixit se nescire diem iudicii subintelligendo *ad prodendum*, ut S. Augustinus exposuit; perspicuum est, Christum exteriorius enunciasse tantum ignorationem suam: Et quamvis interius Christus, suam illam ignorationem agnosceret non simpliciter, sed ad dicendum, tamen eam verè in se agnoscebat, atque adeo verè exteriorius enunciare poterat. Nec ibat contra mentem enunciando eam, quia non ita contra mentem suam, nec ei dissonat, qui exteriorius profert quod verè interius iudicat, quamvis causam ob quam sic iudicat, vel modum sub quo verè ita iudicat, animo retineat, eo quod operæpretium iudicet ita facere ob aliquam convenientem causam. Quare locutio exterior mente restricta, etiam prout exterior significat,

cat, vera est: quamvis non significaret verè, nisi præter illud quod exterius denunciatur & significatur, aliquid præterea interius conciperetur, ratione cuius signum siue expressio vocalis, rei conceptæ inadæquata, continet veritatem.

4. Vnum est quo video hanc primam rationem Barnesij roborari posse, tametsi ab eo qua est ingenij acie, alia omnia vrgentur. Nempe videri necessariò orationem mente restrictam, falsitatis & mendacij insimulandam, quia contradictoria illius vera est, è duabus autem propositionibus contradictoriis, si vna est vera, altera est falsa. Quod autem locutio contradictoria locutioni mente restrictæ, vera sit, videtur perspicuum. Nam qui dicit, *nescio quid in ea re gestum sit*, subintelligendo *ut dicam*, nouit planè quid in ea re gestum sit: vnde si profiteretur se id scire, verè loqueretur. Ergo contradictoria enunciatio, siue locutio restricta, per quam profiteretur oppositum, non videtur posse esse vera. Mouit hoc dubium Dur. in 4. d. 21. q. 4. n. 10. Iarè autem illud dissoluit Capreolus eadem dist. q. 2. ad argumentum contra conclusionem. Maior in 4. d. 21. q. 3. ad 9. Adrianus quodl. 11. litera CC. & in 4. q. de sigillo confessionis, ad secundum principale ante oppositum. Palac. in 4. d. 21. dist. 2. Victoria in summa de sacram. n. 184. omnes post Paludanum ead. dist. 7. 3. art. 3.

Summa responsionis est, contradictionem declinari cum affirmatio & negatio nō sunt eiusdem, & spectati eodem modo. Neque enim contradictoria asserit, qui ait *Æthiopem non esse facie album*, additque *albere dentibus*. Aut qui ait *hominem esse rationalem*, nec esse rationalem quatenus

nus est animal. Similiter ergo non affirmat contradictoria, qui ait se nescire ad dicendum, si postea subdat se simpliciter scire. Vel qui ait, se secundum quid, siue ita vt in hoc foro, aperire illud teneatur, non admisisse id de quo malè interrogatur, quamvis simpliciter posset verè affirmare se illud admisisse. Propositio enim affirmatiua faceret sensum simpliciter, negatiua verò facit sensum secundum quid, atque adeo non sunt contradictoriæ. Idque euidentissimum erit si recolatur sensus propositionis negatiuæ sæpe superius traditus. Nimirum, *non feci, vel nescio ita vt tenear dicere*: hunc namque esse sensum inficiationis iustæ, qua is qui reuera aliquid admisit vel nouit indemnem se præstat, eximitque ab incommodis apertam confessionem consequutis, dictum infinites est in superioribus, & ostesum hunc ipsum sensum subindicari per propositionem negatiuam in his circumstantiis prolatam. Constat autem quod si is qui inficiatur, affirmaret contrarium eius, quod inficiatur, mentiretur: quia supponitur verè non teneri dicere. Ergo inficiatio eius restricta, non pugnat contradictoriè cum propositione affirmatiua qua posset absolute & simpliciter dicere se fecisse vel scire quod negat cum restrictione subindicata.

Ratio secunda, ex humani conuictus violatione.

5. Secunda Barnesij ratio ducitur ex violatione conuersationis humanæ & vitæ socialis. Perinde enim est conuersari cum pecoribus, aut cum iis quorum idioma exoticum & planè incompertum accum eo qui mentaliter reseruat. Nec enim mi-

nus

nus per huiusmodi retentionem alienatur ab homine homo, quam penes eam idiomatum peregrinitatem. Vt proinde concludat Barnesius §. 1 §. num. 5. libentius hominem cum cane suo, quam cum æquiocatore & mentaliter restringente conuersaturum.

Eueritur.

Respondeo, æquiocationes, & restrictiones mentaliter factæ, cum absque idonea causa vsurpantur, pugnant cū humana conuersatione, ideòq; diligenter cauendæ sunt, vt probaui supra capite 5. Cum autem subest iusta causa eas vsurpandi, non sunt contra vitam socialem, nec impetunt modum debitum conuersationis humanæ. Alioqui Christus, qui vt supra ostendi & locutiones æquiocas, & mēte restrictas adhibuit, peccasset contra sinceritatem humanæ conuersationi debitam, quod nefas sit vel cogitare. Peccarent item contra humanam conuersationem Consiliarij & legati Principum, si interrogati de arcanis regni negotiis, negarent se quicquam eorum scire, vtiq; ad dicendum, cum tamen perspicuum sit, ita ferre sensum & praxim orbis vniuersi, nec insimulari mendacij aut violatæ conuersationis humanæ, qui ita se gerunt, sed commendari ob prudentiam & fidelitatem; qui quod sciunt se ad rationabiliter dicendum non nosse, nec acceperunt vt euulgarent, negant sibi compertum esse, vtiq; ad euulgandum, quod verbis ipsis quatenus rationabiliter prolatis insinuatur.

E c

Ratio

Ratio tertia ex Atheismi inductione, & conuulsione vera fidei.

6. Tertiæ rationis Barnesij, primum membrum est, quod ex sententia admittente vsum licitum locutionum æquiucarum & mente restrictarum, inducitur Atheismus. Quod fusè ex eo colligit citatis supra paragraphis, quia autores, qui locutiones illas tuentur, inde præsertim confirmant sententiam suam, quod DEVS in veteri Testamento, & Christus in nouo, æquiucationes & locutiones mente restrictas vsurpauerint, & quidem in propositione fidei neganda, cuiusmodi est ea proposito, *Christus scit diem iudicii*, quam volunt à Christo per mentalem reservationem fuisse negatam. Atqui hoc posito, non constat nobis quod Christus quæcumque detexit, non similiter reuelauerit æquiucatoriè, aut adhibita tacita restrictione mentali. Et idem est de DEO in antiqua lege aliquos fidei articulos enunciante. Ergo æquiucatio & restrictio mentalis, euacuant fidem Christianam: & labefactando diuinam veracitatem qua vna nitimur credentes, sternunt viam ad Atheismum, & Christianitatis exterminationem. Certè si cui infideli, facto proselyto, incidat notitia sententiæ Lessij, affirmantis DEVM aliquando vsum restrictione tacita & æquiucatione, illico dubitabit, & meritò, an non omnia extrinseca fidei motiua quæ accepit, & omnia quæ tanquam à DEO reuelata audiuit, aliter se habeant, ob adiunctam æquiucationem, vel mente pressam subintlectionem.

Itaque

Itaque concludit Barnesius §. illo 13. *nescire se an Athei quorum hodie magnus est numerus, ex principiis & doctrina equiuocationis, tale quid moliantur verbo Dei & Theologia, quale Lucianus philosophiae, ex quo Epicurum Philosophico pallio contextum, induci conspexit. Porro timendum esse à Lessij doctrina, ne per eam Barasitismus, praelatus Epicureismo, non solum iactet se pro vera philosophia, ut facit apud Lucianum, sed etiam pro una solaque vera Religione. & rursus §. 49. præfatur, magnam viro cordato stomachandi occasionem præberi, ex eo quod Christus dicitur vsus equiuocatione, & restrictione, Ioannis 8. Cum inde sequatur, pene integram fidei Christiana anacephaleosim, eo uno Ioannis capite contentam, tot fœdissimis equiuocationibus conspurcari. Nam eo capite traduntur diuinissima dogmata de tremendo iudicio, de libertate Euangelica, de cognitione veritatis verbi diuini, de fide Mediatoris qua ab uniuersis sceleribus & peccatis miseris que ob peccata debitis liberemur, de gloria Christi, de verbo & sermone eius, de morte reproborum eterna, de essentia & existentia diuinitatis Christi ab eterno antequam Abraham esset. Hanc enumerationem obfugant Barnesius hoc epiphonemate. Quis patietur Christianum, dicentem hac omnia à cœlesti Magistro per equiuocationem aut restrictionem tradi? Huic primo argumento affine est aliud, quod latè prosequitur §. 18. contendens ex sententia Lessij, sequi abnegationem externam fidei, & stabiliri mendacia, & blasphemias contra Christum ac fidem.*

Spongia.

7. Respondeo, multos hodie esse Atheos, qui Christianitatem ementiantur, hoc verè à Barnesio scriptum est. Hæreses enim assuefacere ad abnegationem & omnimodam ignorationem Dei, ex Clemente Alexandrino traditur in natur. Theol. dist. 5. num. 160. & additur n. 167. cum Odoardo Westono Anglo lib. 3. de triplici hom. officio cap. 17. hodiernorum atheorum mores copiosè describente; additur inquâ qui sint gradus quibus in eam voraginem descenditur: nempe præsertim, vitæ institutionem deprauatam, & ex legem. *Vt Deus ignoretur*, ait Clemens Alexand. 3. *strom. cap. 4. efficit vita institutum.* Et paulo ante. *Quomodo fieri potest, ut qui victus est à voluptatibus, Domino assimiletur, aut Dei habeat cognitionem?* Itaque ad hanc arboris radicem, securis ponenda erat Barnesio, non autem timendum vbi non erat timor. Totum porro argumentum propositum, quod Orator de Calviniano cælo nuper Genevæ euocatus, vt supra retuli, laudato Barnesio acriter vrget, in oratore de eo præsertim quod dixi cælo, contra Pontificem & Societatem IESV tam multa vomente, dissimulari utcūque potest: Quia non est leguleij, (cuiusmodi est qui ibi hoc argumentum vsurpans inducitur,) pronunciare de regula fidei: ideóque minus mirum est si præcunte Barnesio & Theologo & Monacho, què à zelo contra æquiocationes & restrictiones commendat, non viderit quanta esset in eo argumento inanitas, & in eius auctore ignorantia. Sed hominem Theologum,

gum, in ipsis, vt ita dicam, primis apicibus doctrinæ fidei, tam turpiter ac fœdè labi, hoc verò est quod nego ferri posse, quòdque Ecclesiæ præfulum indignationem, & iustam iram prouocare debere contendo.

8. Nam ex rudimentis doctrinæ de principiis fidei, certum est regulam credendi non esse Scripturam, aut etiam traditionem; sed esse propositionem Ecclesiæ, cuius viuo magisterio docemur, quæ sint veræ & legitimæ Scripturæ ac traditiones, quis eis verus sensus & legitimus subsit: Ne quod hæreticos hac regula viua destitutos, facere quotidie experimur, idolum cordis nostri in verbo scripto vel tradito apprehendamus, & colamus loco germani sensus Scripturæ vel traditionis. Et hoc principium quisquis conuellit, fluctuet semper necesse est, circumferaturque omni vento doctrinæ: & quod sectarij testatissimum faciunt, nihil fixum habens, & nunc hoc, nunc illud pro mutabilitate sensus humani agnoscens pro Dei verbo, tandem ad Religionis nullitatem, Atheismumque perueniat. Timendum ergo esse denuntio, ne Barnesius, illud quod dico principium conuellens, inducat Atheismum in orbem terrarum. Nam quod principium illud conuellat, ex eo perspicuum est, quod si illud agnosceret, utique sciret Ecclesiam quæ nobis dogmatum fidei Magistra est, non modò proponere nobis corticem vocum quibus continentur quæ credenda sunt, sed ipsam etiam animam, vt ita dicam, hoc est, sensum verborum illorum integrum & plenum exhibere: ita vt nulla subauditio vel ambiguitas præcludat aut incertum reddat legitimum

fidei obiectum. v. g. proponit Ecclesia tanquam ex fide credendum, quod Christus sit DEVS & homo, idque ita proponit, vt discretè explicet non esse subaudiendum quod sit DEVS, subintelligendo *similitudinariè*, aut vt Nestorius interpretabatur, *per affectum duntaxat & singularem cum DEO amicitiam*. Qui ergo propter eam subauditionem physicè factibilem, reuocat in dubium, an Christus similitudinariè tantum, & per affectum, DEVS sit; hæreticus est, & Ecclesiæ reluctatur, quæ tanquam viua regula docet nos, in ea propositione diuinitus reuelata, *Christus est DEVS & homo*, nullam talem subintellectionem aut æquiuationem esse fingendam, sed verba sumenda esse vt iacent, & in eo proprio sensu quem ex communi usu ingenerant. An aliquid hic ambiguum? Aut hæresis profitenda, & deponenda persona, aut hoc totum quod dixi, verissimum esse fatendum Barnesio est.

9. Inde ad formam argumenti, à Barnesio & Geneuensi illo Oratore propositi, facillimè respondetur. Argumentum erat huiusmodi. Si DEVS aliquando æquiuatione vel restrictione mentali vsus esset, possemus iure dubitare, an in reuelatione dogmatum fidei, talem aliquam latebram adhibuisset. Atqui hoc pessundat totam fidem: Ergo inuectio restrictarum locutionum & æquiuationum ex causa idonea, euertit fidem Christianam, & inducit Atheismum. Respondeo nego maiorem, quia Ecclesia quæ est nobis fidei Magistra, & qua tanquam regula viua vtimur ad internoscenda fidei dogmata, eaque quatenus talia sunt, agnoscenda; docet nos, hæc quæ per ipsam

ipsam nobis proponuntur credenda, esse accipienda tanquam dicta à DEO, absque vlla æquiocatione vel restrictione. Quamuis in quibusdam aliis Dei & Christi dictis in speciem falsis, hoc est, si nudus verborum cortex spectetur, dissonantibus obiecto, Patres secuta Ecclesia, tantum non doceat expressè, dandum esse locum æquiocationi & subauditioni alicui, vt monstratum supra est circa illud Dei dictum per Ionam. *Adhuc 40. dies & Ninive subuertetur*, & circa illud Christi. *De die illa nemo scit, neque filius hominis.* Quare non atramento, sed limo obducenda est cœnosa illa Barnesij calumnia, qua expostulat de æquiocatione ab aduersariis suis (vt mentitur,) inuecta in reuelationem præcipuorum fidei mysteriorum per Christum factam.

Alia Sycophantia earumque depulsio.

10. De altero argumento quod dicebam affine esse huic primo, nempe quod ex restrictionibus & æquiocationibus, sequatur abnegatio extrema fidei, & stabilimentum blasphemiarum & mendaciorum in DEVM ac legem, dictum supra fuit cap: 4. vnde apparet has spumas ab homine sui impote effundi. Et idem statuendum est de reliquis omnibus membris eiusdem tertij argumenti. Primum erat, mendacium fore inemendabile, quod confirmat ex Plautino sycophanta dicente, mendaciter *aduenio ex Selencia, Macedonia, Asia, atque Arabia*, & tamen sycophantatur (ita enim Prociustes iste latinitatis loquitur) licet reseruet mentaliter has voces, *quas ego neque oculis neque*
Ec 4 *pedibus*

pedibus vnquam usurpauit meis. Sed profecto multò apertius sycophantatur Barnesius, quàm Plautinus ille scurra. Nam hæc restrictio, cum non possit cohærere cum verbis expressis exterius, nec possit cum eis coalescere in vnâ mentalem propositionem veram: (Quis enim dicere verè potest, venio è loco in quo nunquam fui?) à nemine vnquam inuecta est, & iuxta doctrinam communem supra propositam nullo modo potest admitti. Ex quo liquet Barnesium in hoc toto argumento sycophantari, & quid impetat, quidve dicat non intelligere.

Diluuium malorum à Lessio iuxta Barnesium.

11. Vergetatur præterea ab eo virtutis eneruatio, & innocentum perniciēs, & honestatio per iuriorum, turbatio politiæ, persecutio Christianitatis, & auersio hæreticorum à capessenda fide catholica. Poterat etiam eadem facilitate, progredi per omnia genera, & species, casus modosque peccatorum, & quando prodigenda erant mendacia, extensius & plenius mentiri; dicendo, nullum omnino esse peccatum quod aliter admittatur, quàm æquiucando iuxta Lessium. Omnia furti, omnes grassationes, omnia adulteria, omnes à fide & Monasterio apostasias, omnes cædes, omnia denique quantumuis horribilia & atrocía, hoc vnico modo perpetrari; Omnium Magistrum atque reum esse Lessium: Arrige aures Pamphile, Accipe quid tibi ad hanc conuiciorum & mendaciorum molem, pro Lessio respondeam, cum Augustino 2. contra literas Petil. c. 14. eluente conuictum

nitium quo *vipera* appellatus fuerat. *Hæc si dicam de talibus esse dicta, quales vos estis, respondebis, proba. Quid enim tu probasti? Aut si eo putas probari, quo dicuntur, non opus est eadem repetere. Recita illa ipsa tibi, & à vobis in vos. Ecce & ego probavi, si hoc est probare. Et tamen disce quid sit probare. Neque enim extrinsecus quero documenta, ut vos viperas probem. Ecce idipsum vipereum est, non habere in ore firmamentum veritatis, sed venenum maledictionis, sicut scriptum est, venenum aspidum sub labiis eorum. Et hoc quia passim à quolibet in quemlibet dici potest, quasi quereretur quorum, continuo subiecit, quorum os maledictione & amaritudine plenum est. Agnoscit hîc Barnesius mores ac genium suum, videat ne & reliquus Psalmus in ipsum quadret. Intelligit quod dico & quamobrem dico.*

Barnesius in calumniando valentiſſimus.

12. Sed his in opportuniorem locum dimissis, vniuersè ad omnes calumnias propositas, dico, hanc esse summam & homine, nedum Monacho indignam impudentiam, quod quæ Lessius, Sayrus, & alij, de æquiocationibus ex iusta causa & nulla urgente potentiori lege vsurpatis, dixerunt; hoc ille mendaciter de quacumque æquiocatione & restrictione iustè vel iniustè per fas aut nefas vt in exemplis prædictis facta, vult intelligi: Imo purissimis mendaciis, quæ Lessius & omnes Catholici abominamur, perfugium parari vult ex Lessij doctrina. Et liquet eum nequaquam per ignorantiam hîc deliquisse, sed ea mentis impo-

tentia abreptum, eoque æstu excæcatum, cuius memini in aditu ad hanc disputationem. Alioqui enim quomodo potuisset non agnoscere, de Lessij mente nihil tale esse admittendum, quale ipse ei affingit? Verbi gratia, ut anteriora illa non refricet, quod §. 12. ait, pro innata cuius sodalitis gloriæ cupiditate, & suorum ad commune bonum supra cæteros omnes extollendorum desiderio (de quo experientia constare dicit) secuturum ex doctrina Lessij ob necessitatem illam boni communis, ut quisque de suis innumera bona falso proferre æquiuvocando non erubescat. Et idem faciat, si utile & necessarium sit ad conseruandam congregationis famam; vel ad onerandum infamia innocentem religiosum, à quo sibi & proditiōis suæ detectioni timet; aut ad infirmandum verum testimonium contra se ab alio latum; ne scilicet illi testi per eam infamationem locutionibus mentaliter restrictis vel æquiuvocis factam, habeatur fides; vel ad exagitandum eum quem superior pro bono communi & ad maiorem Dei gloriam per falsitates locutionibus mente restrictis & æquiuvocis inclusas, vexari mandauerit ab inferioribus, ex cæca quadam obediētia ruentibus in executionem cuiuscumque mandati, etiam si quod facile est per falsitates illas & calumnias, aperiretur porta ad omne scelus, dū quilibet sollicitatione & suasu viri docti, inducitur ad quiduis audendum, etiā si Regicidium & Papicidium sit. Hæc omnia Barnesius eo loco. Similes non iam voces sed spumas, non absque horrore contuebitur lector aliis paragraphis allegatis. Ut quod in 10. & 21. ait, ex Lessij doctrina haberi honestationem

tionem periuriorum, eo quod reseruando mentaliter aut æquiucando ex causa, licitum sit futurum mentiri, idque iuramento affirmare; fidem datam Principi ac iuramento firmatam violare æquiucando, aut mente restringendo; omnia pacta quantumuis iurata, cassa & inita velle. Itémque quod latè confirmat §. 22. ex definitione (vt ait) facultatis Theologicæ Parisiensis per eandem doctrinam Lessij ebullire Principum Hæreticorum motus ac furorem in Catholicos, & hæreticorum à fide vera retrocessionem. Satin' cœni & fimi congestum? En verè vt ex Augustino paulo ante dicebam, *Sepulchrum patens*. Me sanè tantam calumniæ mephitim, vel mouisse fere piger; vereorque contaminari teterrimo isto halitu, si diutius illum hauriam. Quare breuiter obstruo os istud loquentis iniqua, & abeo.

*Ab eodem omnes hætenus Doctores, Principes,
Pontifices, stupiditatis notati.*

13. Eia igitur nigerrime Melanchlænorum an non verè tibi illud Augustini aduersus Iulianum lib. 3. c. 3. occinam. *Mira sunt quæ dicis, noua sunt quæ dicis, falsa sunt quæ dicis: Mira stupemus, noua cauemus, falsa conuincimus*. Planè mira, noua atque adeo falsa sunt, quæ ex te commemorauit. Mollius ago quàm pro rei atrocitate. Sed specto quid me nō quid te deceat. Age quī fieri hætenus potuit vt orbis vniuersus, magnates, mediij, infimi, vtriusque sexus & cuiusuis conditionis, ordinis, ac status personæ; Lessium tam tetra, tam horribilia, tam homine, tam Christiano nedum

Religioso & Sacerdote ac Theologo, indigna docentem, & chartis committentem, non vnguibus ac dentibus lacerauerint; non in frustra minutissima conciderint; non viuicomburio tam immania infandaque eius dicta & scripta expiauerint? Qua ratione haftenus, post tot annos quibus Lessij opus cuditur, recuditur, tot praelis per illud calentibus, Bibliopolis tot eius myriades quaqua- uersum distrahentibus, doctis omnibus nocturna illud manu ac diurna versantibus, omnes tam perfunctorie illud legerunt, ut nemo ante te, de tam horrenda Lessij doctrina cogitationem ullam susceperit: Theologi passim eam amplexati sint; imo quoad vnum membrum, nempe quoad locutionem ex verbis ambiguis, omnes plane nullo reclamante consenserint in eam explicitè, Episcopi ac Praesules, silentio suo probarint. Ipsi Pontifices grassantem pestem non coercuerint, dirisque omnibus oppresserint, & haereticorum conuersioni hac maxime via impeditae, non prospexerint. Quodque omnem superat fidem, Principes seculares quorum saluti te iudice ea Lessij doctrina imminet, quorum politiam ea doctrinae lues perdit & euertit; non modò per tot annos eam dissimularint, sed amplissimis priuilegiis opus quo continetur muniuerint.

Videt lector quo res deducta sit. Nempe ut omnes haftenus in Ecclesia Doctores, Praesules, Pontifices, à tot annis cusi ac recusi operis Lessij, damnet caecitatis Argus iste, qui vnus inspexerit congeriem illam immanum errorum, non abditam si homini credimus, sed patentem in eo opere. *Et usque adeo ut Augustinum hic quoque ingeram,*

geram, extremo prope libro 2. in Iulianum *vsque adeo permiscuit imis summa, longus dies, vsque adeo tenebra lux, & lux tenebra esse dicuntur, ut videant in gurgustio Barnesius, & cæcus sit præter eum orbis vniuersus, Theologi, Episcopi, Pontifices, Principes, sed qualiscumque homo sis, ut ex August. pergam, tamē quia homo es, videre mihi videor verecundiam tuā; si tamen non in te spes est omnis emortua sanitatis, & quod. ximodo audio vocem tuam, respondes. Absit ut audeam cecos istos viros vel cogitare vel dicere. Eorum ergo appende sententias. Appende planè & expende. Agnosce quàm eis hætenus tam multis, tanto post tempore, horribiles illæ tuæ ex Lessij doctrina assertiones non apparuerint, præterquam vni tibi, post apertam ab vno aliquo Lessij socio præter mentem, pectoris tui vomitam, & concitatum non iam zelū sed æstum ac furorem tuum. Planè itaque cæcus es, nisi nunc tandem ex eo omnium iudicio de Lessio agnoscis, quo te æstus iste tuus ac impotentia abripuerit, qui tantos calumniarum montes in eius doctrinam sanam congesseris.*

Directè ad calumnias ex Barnesio propositas.

14. Sed quia hæc mira, noua, falsa, non stupere tantum & cauere, sed conuincere etiam pactus sum; recolo quæ dicere orsus eram de Lessij sententia. Nempe Lessium & omnes Catholicos, mendacia omnia, illicita esse docere; quin etiam restrictiones mentales & locutiones de industria ambiguas, si desit idonea earum vsurpandarum causa, vel quod infra fusius exponam, lex poten-

tior quàm veracitatis in quibusdam euentibus, earum vsurpatione interdicat, nulla ratione possè absque peccato vsurpari. Itaque falsissimè & calumniolissimè affingit Lessio Barnesius, quod doceat sacras Congregationes (quas vecors iste, gloriæ vanæ per fas & nefas appetentes facit) possè absque culpa, de suis bona falsa iactare, mentaliter reseruando, vel innocentem calumniis & confictis criminibus premere; aut iustam accusationem falsis reccriminationibus eludere; aut ad cædes vllas magnatum sollicitare; quod vel ab eorum simplicibus apprehensionibus alienissimum est, semperque erit fauente numine. Hæc inquam non sunt Lessij placita, sed Barnesij calumniatoris horribilia figmenta. Quia cum falsa iactantur, non est locutio per reseruationem mentalem vera, sed falsa & mendax. Non enim poterit ea locutio esse rationalis, vt dici possit per retentionem mentalem vera esse. cum autem innocens falsis calumniis impetitur, & mendacium admittitur, cui nulla mentali retentione mederi licet, & iustitia violatur. Quod item contingit, cum iusta accusatio, rectiminatione falsa retunditur, & omnium maximè cum vitæ alterius paratur perniciies.

Lessij doctrina Principum iuribus nihil officit.

15. Absit etiam vt Lessio vllive probo viro, in mentem vnquam venerit, vt assereret, fas esse mentiri æquiucando aut reseruando, idque iuramento munire; vel fidem non modò Principi,

vt

vt iste ad conflandā inuidiam exaggerat, sed etiam priuato cuius datam, rescindere per quasumque restrictiones vel æquiuationes. Alia apud Lessiū, alia apud Catholicos omnes iuramēti firmitas est. Et quod specialiter ad Principem attinet, indignus est Christiani cognomine, qui eius auctoritatem quoquomodo elusam velit. Nec me latet hunc fuisse iam olim, cum adhuc Ethnicismus perstaret, locum communem ad Christianos exterminandos ab omnibus eorū osoribus frequentatum, quod nihil tenerius sit, & nullibi suspensiones facilius enascantur, & difficilius auertantur. Agam de hac re plenē in tractatione virtutis obseruantiz fauente DEO. Interim vt Catholicus lector habeat quod hæreticis apertè, Barnesio autem clanculum Catholicos aliquos, vt Lessium, hac in parte mordentibus respondeat, pauca ad eum Cypriani verba dirigo *ex epistola* § 2. *Quod quedam de illis inhonestæ & maligna iactantur, nolo mireris, cum scias hoc esse opus semper Diaboli, vt seruos Dei mendacio laceret, & opinionibus falsis, gloriosum nomen infamet; vt qui conscientia sua luce clarescunt, alienis rumoribus sordidentur.*

Nihil item conuersioni hæreticorum.

16. Quod denique de hæreticorum auersione ab Ecclesia Catholica, deque concitatis in Catholicos turbis hanc vnā ob causam à Principibus hæreticis, nugiendus iste comminiscitur, tam verum est, quàm quod in fronte eiusdem paragraphi vigesimi secundi, affirmat: Nempe facultatem Theologicam Parisiensem, anno 1610. declarasse,

clarasse, *Ex doctrina æquiuocationis fieri, ut heterodoxi ab Ecclesia Catholica & Romana discedentes, in suo errore obdurescant, & Doctores & Prælatos Catholicos detestentur.* Hæc enim sunt ipsissima tituli verba. Et tamen mox intra paucas lineas, homo mendaciorum loquacissimus, verba decreti, peccatum duntaxat Tyrannicidij perculisse narrat. At oportuerat mendacem esse memorem, si volebat lectori contra æquiuocationes & mentales reservationes fidem facere.

Sed ut maximè verum esset quod Barnesius commentus est, daremúsque auerti reipsa hæreticos à Catholica fide hanc ob causam, & ob eandem Principes hæreticos efferrari in Catholicos, & odium aduersus eos auctius & incensius concipere: etiamsi inquam id verum esset, considerandum restaret, iustane hæc causa odij auctioris & auersionis foret. Et esset fortassis aliqua occasio, hanc causam aliis verissimis obtendendi, si constaret hanc doctrinam falsitate sua & vitio reprobendam esse. Hoc nisi primum constet, Secretarius qui hanc pertinaciæ causam prætexit, & Princeps hæreticus qui hanc causam vexationis Catholicorum comminiscitur, non habent apud DEVM excusationem. Et qui ex eo capite impetit locutiones restrictas vel ambiguas; aut nequam est, nec nisi inuidiam sententiæ illas admittenti conflare apud imperitos quærit, aut ad malignitatem adiungit ignorantiam obligationis vitandi alienum scandalum, de qua optimè S. Thomas 2.2. q. 43. art. 7. ostendens post S. Gregorium hom. 7. in Ezech. quod si de veritate scandalum sumitur, minus permittitur nasci scandalum, quàm veritas

veritas relinquatur. Et verò an non Capharnaitæ hodierni, vt veteres taceam summopere scandalizantur de doctrina Ecclesiæ Catholicæ quoad realem Christi in Eucharistia præsentiam, pæssimque Sectarij de assertione indulgentiarum & Purgatorij, de iustitia nostra coram Deo, & meritis bonorum operum, & scilicet de Vicaria Christi potestate in Romanis Pontificibus. Adueniat ergo pacarius Barnesius, & hinc illa profitente Catholica Ecclesia, inde scandalum iccirco captante Synagoga Sectariorum, ponat manum suam in ambabus, statuâtque quod Kemnitium in Lutheri combibonibus strenuum, memini de Confirmationis Sacramento à Catholicis contendere: nempe vt ad bonum pacis, & ad faciliorem Nouatorum pellationem, prædicti articuli deleantur, & noua cudantur dogmata. Quæ non iccirco à me dicuntur, quod velim, sententiæ licitas aliquando restrictiones agnoscentis, comparisonem instituere cum illis fidei dogmatibus: supra enim num. 68. satis professus sum, hanc sententiam esse merè sententiam, nec à me poni vt dogma Catholicum. Eo igitur duntaxat pertinet hæc oratio vt constet quàm misera sit illa Barnesij criminatio, qua fingit hæreticos per hanc sententiam à fide auerti, & Principes hæreticos aduersus eam concitari hanc ob causam. Quandoquidem eodem argumentandi & criminandi figmento adigeremur, si Barnesio auscultaremus, capitalia aut etiam omnia fidei dogmata conuellere, vt hæreticis mentem in contrarium obdurantibus, subtraheretur scandali materia. Cadit optimè in hunc locum illa Abbatis Ioseph responsio apud Cassianum

F f num

num collat. 17. cap. 16. vbi subuerenti Germano, ne forte concessio licito vsu mendacij latè dicti, hoc est, restrictionis & æquiocationis, vt supra cap. 11. expositum est, data videretur pusillis occasio labendi in mendacium propriè dictum, respondet in hunc modum. *Occasiones causaque perditionum, his qui perituri sunt, imò qui perire desiderant, deesse non possunt. Neque enim abiicienda sunt testimonia Scripturarum, ac de suo corpore penitus abradenda, quibus vel hereticorum prauitas animatur, vel ludæorum infidelitas obduratur, vel tumor sapientiæ Gentilis offenditur: sed utique & piè credenda, & immobiliter sunt tenenda, & secundum veritatis regulam pradicanda. Et idcirco non debemus aliena infidelitatis obtentu, æconomias, id est, dispensationes Prophetarum atque Sanctorum quas Scriptura commemorat, abdicare, ne dum infirmitati eorum condescendere debere nos credimus, non solum mendacij, verum etiam sacrilegij crimine polluamur, &c. Ceterum his qui prauis propositi sunt, non ex hoc mentiendi aditus obstruetur. quid enim illis horum testimoniorum nocebit autoritas, quibus etiam sola corruptio voluntatis sufficit?*

17. Verum ne rursus videat occasione horum Cassiani verborum, cauillandi materiam, Barnesio eam vndecumque captanti, porrigere, & sententiam quam hîc tueor, componere & in idem album referte cum fidei dogmatibus, volo idem duntaxat circa hanc sententiam à me eiusque defensoribus fieri patiatur, quod ipsemet factururus esset, si hæretici quorum salutem sitit (& vtiuam ardentissimè sitiat) obfirmandos se in errore minarentur, nisi vnâ aliqua logicæ aut physicæ propositio,

positio, cuius nihil ad fidem Catholicam intersit, negetur, & falsa pronuncietur à Barnesio, qui eam intra naturalis luminis fines habeat certissimam. v. g. nisi negaret, *Baralipton*, esse modum indirectum primæ figuræ: vel motum esse actum entis in potentia: vel totum esse maius sua parte. An exoculaturus tunc esset Barnesius intellectum suum, & ad bonum pacis ac in gratiam Sectariorum, abiiceret sententiam quam haberet certissimam: & sine scrupulo contra mentem suam iret, negans quod iudicaret verissimum, eoque tantulo mendacij officiosissimi peccato se pollueret ut eueniat tam exoptatum bonis omnibus bonum: nempe ne Anglia ultra sordeat in hæresi, & conuertantur corda patrum in filios & increduli ad prudentiam iustorum? Quod ibi consilium caperet Barnesius, si saperet, nos quoque hîc capere sustineat.

Possem hunc locum fortius premere, & reptando per vestigia his paragraphis signata, turbulentum hominis in religione ingenium, & confictas de suis superioribus ac æqualibus iniuste ut mos est Sarabaitarum causari, innocentem grauantibus ac vexantibus querelas, non magno connisu deprehendere. Omnes enim discolorum regularium grunnitus, dedit expressos locis prædictis. Sed vir probus & fide dignus cuius in disputationis aditu, scriptum protuli, hoc labore me exoluit, & ego quod Augustinus alicubi scitè dixit, tempus appetere video, ut ita nouo titulo reficiatur Lectoris contentio, sicut animus viatoris hospitio. Quod & facio si prius verbis Claudiani Mamerti *lib. 1. de statu anima cap. 11.* Barnesium contestatus fuero ut

Ff 2 videat

videat quàm paruo negotio veritatis calor, frigentium
verborum pruinas liquefecerit.

C A P V T XXV.

*Quam improuide Barnesius, præten-
sionum & restrictionum mentalium
damnis prospexerit.*

I. **O**PERÆPRETIUM videtur, auditis præten-
sis Lessij doctrinæ damnis, stercus calum-
niarum suarum in Barnesij caput regerere. Valide
inquam & paucis euincere, si verum est vlla prorsus
incommoda ex iis quæ dicta sunt, aut dici po-
tuerunt, consequi Lessij sententiam, eadem om-
nino consequi assertum Barnesij. Atque ita Barne-
sius, se iudice, & Atheismi, & enervatæ virtutis
& inemendabilitatis mendacij, & oppressæ inno-
centiæ, & turbatarum religionum, & euersæ Ec-
clesiæ, & reuocatorum ab Ecclesiæ fide hæretico-
rum, & Regicidiorum ac Papiacidiorum omnium,
itemque non eius tantum periurij quod vulgando
libro suo edidit, sed omnium planè peierationum,
omnium fidei datæ infractionum, omnium deni-
que criminum quæ in Lessij doctrinam coniecerat
reus fiet. Nam si quæ est ratio, cur ea mala conse-
quantur Lessij doctrinam de æquiuationibus &
restrictionibus licitis, cum datur causa idonea; si
inquam est aliqua illius malorum scaturiginis ra-
tio, non alia sanè est quàm quod iuxta eam do-
ctrinam

etiam proferantur licitè verba in speciem falsa, quæ tamen per retentionem mentalem liberari à mendacio dicuntur, tamen exterius falsa videntur. Si ergo hæc ipsa verba syllabatim appensa, & nulla facta in eis mutatione, euicero posse iuxta Barnesium sine vlla culpa proferri, planè confectum erit negotium. Quia idem manens idem, semper facit idem. Et quicquid sit de interno statu ac sensu diuerso, qui solius Dei oculis peruius est, ut ipse sæpe contra Lessium vrget; externa tamen verborum facies, quæ sola est totius mali tam multiplicis origo prima, erit omnino eadem. Quare idem planè effectus ex ea existat, necesse erit. Ostendo igitur manifestissimè quod proposui, adhibito vno aliquo exemplo ex iis in quibus Lessius admittit locutiones mente restrictas, vel ambiguas, habere locum.

Doctrina Barnesij aequè noxia ac ea quam in Lessio culpat.

2. Vrgente intemptiuo percontatore, ut amici arcanum mihi commissum, cæteroqui iustum & nullo scelere fœdatum, sed quod maximè eius intersit non detegi, illi referem, contra fidem datam. Existimat Lessius, per se loquendo & spectatis solis legibus veracitatis & simplicitatis, posse interrogatum respondere, se nihil scire de eo negotio, subintelligendo *ad prodendum*, vel *ita ut illud resignare teneatur*. Similiter si ego ipse in mea causa, & in negotio quod mea permagni referat occultum esse, interroget ab eo qui nullam in me potestatem habet, vrgearque ut inconsultè enunciem

cum graui damno meo, statum illius negotij; autor est Lessius, vt prudenter responso eludam curiositatem alienam, mihi obfuturam. Et quod à Christo ipso factum scimus, & à Principum legatis ac Consiliarijs, aliisque quibusuis rerum alienarum curatoribus fieri cum laude videmus, hoc ipse in meo negotio faciam. Vt videlicet ignorationem eius profitear, subintelligendo, *ad rationabiliter loquendum*, quod satis insinuat ipsa externa locutione mea, prout rationabiliter formata, qualis, (saltem quoad hoc,) reuera est, & ab alio præsumi debet. Ex hoc responso sic mente restricto, Barnesius, omnia mala & scelera quantumuis immania, & vel auditu ipsoque etiam cogitatu horrenda; Atheismum, Regicidium, Papiçidium, Ecclesiæ euerfionem, hæreticorum obfirationem, periurij innocentiam, mendacij inexterminabile virus, omne denique omnis generis & speciei scelus, per omnes casus & modos exoriturum ariolatur. Benè est. Iubeo eum qui tali responso vsurus erat, vel etiam iam vsurpauerat, illud retinere, & abiecta tam pestifera restrictione mentali, eadem externa verba, vnicâ tantorum malorum matricem proferre, vno aliquo ex varijs modis quos Barnesius excogitauit, vt quomodocumque declinaret & eluderet scripturæ testimonia & alia supra proposita.

3. Huius rei gratia, recolat lector si placet, quæ ex Barnesio superius cap. 11. proposita sunt. Nam cum vrgeremus pro Lessio verba illa Christi *de deo illa nemo scit*, vidimus respondere Barnesium, hæc verba in speciem falsa, idcirco verè à Christo dicta fuisse, quia prolata ab eo sunt in sensu formali & præciso. Cum autem vrgeretur, Iuditham vsur-

passe

passè restrictiones absque mēdacio, respondit Barnesius, abfuisse mendacium ab externis illis verbis in speciem falsis, quia prolata fuere per ironiam. Cum denique vrgeretur illud apud Doctores communissimum Confessarij responsum, quo affirmat se nescire quæ in Sacramentali Confessione percipit, respondit Genesius capite 14. adductus Barnesio autem per omnia probatus, verba illa Confessarij ex cōmuni interpretatione tot Doctorum, æquè significare quod Confessarius sciat tantum sibi, non autem ad dicendum, ac si expressè diceret se nescire ad reuelandum. Hæ sunt ipsissimæ Barnesij responsiones ad quæsitæ prædicta, earumque momentum supra suo loco expēdimus. Nunc autem quales sint, & an difficultates ad quas dantur aptè enodet, non laboramus. Sed tantum supposita ea doctrina, ostendendum est, non esse obstructum fontem malorum, quæ ab æquiocationibus & restrictionibus manare fingebantur; sed pro vno, apertos multo plures, & quidem aditu faciliores. Nam cum laborandum fuisset, in quærendis vocibus ambiguis multiplici sensu fœtis, vt in quærenda restrictione mentali idonea, & cohærente cum conceptu respondente verbis expressis, nunc ea omni sollicitudine abiecta, licebit per Barnesium multiplici, tametsi noua & in eo euentu omnibus ad hanc diem Doctoribus & Patribus incomperta ratione, voces illas in speciem falsas proferre.

Sensus præcisus Barnesij cum æquiuocatione & restrictione collatus.

4. Rogante igitur curioso percontatore, quomodo se habeat negotium aliquod meum, quod nullius virtutis lex iubeat tunc euulgare, permagni autem mea referat rectum esse: vitabo de Barnesij consilio, cane peius & angue Lessij consilium, quod erat vt suppetente idonea illa causa vsurparem æquiuocationem vel restrictionem v.g. dicendo, *nescio quid illud sit*, subintelligendo *ad tibi prodendum*. Hoc ego omnino defugiam: quia Doctor Barnesius aît id esse mendacium, & primam originem Atheismi, omniumque quantumcumque horribilium criminum. Itaque eodem Barnesio docente, retentis illis ipsis externis verbis, quæ Lessius suggererat, respondebo percontatori illi curioso, *nescio quid illud sit*: Non subintelligens, *ad dicendum tibi*, quia Barnesius negat id posse subintelligi, sed loquens in sensu formali & præciso. In quo sensu Barnesius ait ea verba vacare mendacio. Sic enim quod Christus dici iudicij bene conscius, professus est se illum nescire, Barnesius, reiecta D. Augustini interpretatione superius relata, quæ erat Christum professum esse se id nescire ad dicendum, reiecta inquam ea tanti Patris interpretatione, qua ridet stabiliri Lessij sententiam, affirmat exponendum esse in sensu formali & præciso, Eundem ergo sensum meæ illi negationi subiiciam, & Barnesio iudice, immunis ero ab omni culpa,

Quod si dicat me, quia non sum Christus, neque

que Elias, neque Propheta nō posse usurpare sensū illum præcisum, quem Christus magnus Propheta usurpauit; si autem usurpem, incursum labem mendacij, ita enim philosophatur Barnesius §. 48. n. 11. occurram inprimis; Christum in ea quam retuli negatione, non egisse Prophetam; sed quod prudentis & cauti viri erat, interrogantibus indebitè discipulis, respondisse, subdicendo quod ex iusta causâ subdicere poterat, ubi ne umbra quidem Prophetiæ cernitur. Quidni ergo ego similiter cui Christus datus est in exemplar prudentiæ, & in rubricam actionum omnium mearum; quidni inquam in simili euentu, hoc est percontante aliquo de rebus meis indebitè, si mea inter sit non respondere, usurpare potero illud ipsum Christi responsum, & profiteri quod nesciam: Vtique in sensu formali & præciso v. g. *quatenus curator rerum mearum?* Deinde si ego mentior, usurpando in eo euentu verba inficiationis meæ in sensu præciso, necesse etiam erit fateri Christum fuisse mentitum, in prædicta sua responsione. Nam ratio vnica cur ego dici possim mentiri, est, quia verba in speciem dissonant obiecto. Atqui ex eo quod eadem verba proferantur à Christo, non plus consonant obiecto quàm si proferantur à quocumque alio; & mihi ob suppetentem iustam causam proportionalem illi ex qua Christus motus est ad sic loquendum, æquè est ius usurpandi illa verba in sensu præciso ac Christo fuerit. Ius enim Christi ad usurpanda verba in sensu illo præciso, totum fundatur in iusta causa, quâ ad eam usurpationem motus est: Cæteroqui autem nullum ei ius esse potuit, usurpandi verba prædicta in eo sensu præciso, qui respectu

mei atque adeo ex natura rei, continet mendacium. Nam mendacium, ne Deo quidem dispensante aut volente, admitti potest. Restat ergo ut idcirco tantum illud responsum non fuerit Christo mendax, quia Christus habuit iustam causam, subiiciendi sensum illum præcisum verbis suis in eo euentu. Cum ergo ego quoque iustam causam habeam idem præstandi, immunis planè ero à culpa iuxta Barnesium, quamvis exterius negem scire me quod optimè scio. En quàm providè Barnesius prospexerit tantis malis, quæ ex illo externo responso Lessij, exoritura contestabatur.

*Alter modus quo per Barnesium idem licet
quod per Lessium.*

5. Rursus, ut secundo tantorum malorum ostio per Barnesium patefacto procedamus, dimissis restrictionibus & sensu præciso, cum continget mihi ita expedire, idem faciam quod Iuditha. Hæc enim ut Holophernem deluderet, eiusque satellitium, dixit verba in speciem falsissima. Cuiusmodi sunt illa. *Fugi à facie eorum, quoniam futurum agnoui, quod dentur vobis in depredationem.* Et mox. *Hac de causa cogitavi mecum dicens. Vadam ad faciem principis Holofernis, ut indicem illi secreta illorum, & ostendam illi quo aditu possit obtinere eos.* Hæc igitur verba, quorū sensum obuium, constat longè fuisse à mente Iudithæ; Barnesius libera à mendacio pronunciat, quia dicta sunt per ironiam, qua uti fas Iudithæ fuit ex iusta causa. Similiter itaque ego, cum habebo iustam causam, sequar Barnesij doctrinam, & enunciabo contra-

rium

rium eius quod reuera est , induens animum loquendi per ironiam. Neque tamen exterius nutu vlllo vel gestu , vel certa vocis inflexione , (vt plerumque iocantes faciunt,) prodam me loqui per ironiam : quia sic non satis prospicerem celando negotio quod celatum volo. Eadem igitur externa loquendi simplicitate procedam , qua si seriò agerem. Nam hoc ipso modo fecit Iuditha, vt Holopherni eiúsque satellitio omnem quicquam sinistrum suspicandi occasionem præcideret. Sicut ergo illa , quia ironicè omnia prædicta verba in speciem falsa protulit , immunis fuit à mendacio, iudice Barnesio : Ita & ego assumpto simili modo loquendi ex causa idonea, non potero mendacij insimulari. Quod si dicta Iudithæ verificata sunt in exitu, & ego quoque per exitum mihi & rebus meis opportunum , verificata volo similia verba mea ; eodem modo quo id voluisse potuit Iuditha, quia eius intererat ita velle. Et hic quoque videt lector , Barnesij providentiam , in obstruendo fonte tantorum malorum , quanta ex locutionibus externis in speciem falsis , deriuari fabulabatur.

Alius malorum aditus à Barnesio patefactus.

6. Tandem vt tertiam portam, non minus latè patentem ab eo patefactam indicemus , fatetur confessarium verè & citra mendacium de peccatis in confessione sibi expositis dicere posse ; *nescio esse admissa* , eo quod ob communem interpretationem tot Doctorum id affirmantium, verba illa
à Con

à Confessario prolata, hunc sensum efficient, *nescio ad dicendum*. Sed nunquid Doctores illi, ita interpretantes ea Confessarij verba fecerunt peculiarem aliquam eorum deputationem, qua in eo euentu contra omnium Dictionariorum fidem, soni illi quasi graudentur eo sensu? Hoc Barnesius nequit nisi ridiculè dicere. Quia ea singularis deputatio talium verborum pro eo euentu; inaudita est apud omnes Grammaticos, quorum est de vocum sensu & deputatione testari. Neque Theologi eam agnoscunt, vel iuxta eam peculiarem deputationem, de veritate responsi à Confessario redditi philosophantur: sed idcirco exponunt se in eo responso veritatem agnoscere, quia Confessarius secundum personam quam sustinet, nescit ea peccata ad euulgandum. Vnde si iniquus quæsit, conscius commentitiæ illius deputationis verborum à Barnesio confictæ, vrgeret Confessarium vt responderet, vsurpando voces secundum deputationem à Grammaticis receptam; & in actu signato testaretur, verba à se vsurpari secundum eam deputationem: adhuc dicunt Theologi communiter, expressèque S. Thomas supra adductus fas fore confessario vsurpare verba secundum illum quem dixi sensum; seu contestari, quod profiteatur earum rerum quas in Confessione percepit ignorationem omnimodam ad dicendum. Et hic est sensus Doctorum de veritate illius responsi, quamuis alioqui in speciem falsi, quia confessarius iustam causam habet inficiandi quod nouit. Similiter ergo quotiescumque iustam causam habuero inficiandi quod optimè noui, rutabor me communi illa Doctorum interpretatione

terpretatione. Neque enim Doctores cum Confessario dispensare poterunt, ut salua antiqua & vulgata deputatione verborum, proferret licitè ea verba, si in verbis illis sit mendacium, ex natura rei. Quia ne D E V S quidem potest mendacij vitandi obligatione exolvere. Ergo quod declararunt Doctores ex natura rei accidere in negotio Confessarij, quia interest communitalis Christianæ cum ita se gerere: ego in meo negotio, ex proportionali causa, mihi quoque licere intelligam. Præsertim cum habeam ipse quoque interpretationem communissimam tot grauium Doctorum supra enumeratorum plerisque capitibus, ob quam æquè posset verbis meis in speciem falsis, subiici verus sensus ac ob eam subiiciatur verbis Confessarij, in speciem item dissonantibus obiecto.

7. Quod si placeat chimericam illam verborum deputationem gratis admittere; dicam ex sensu tam multorum Doctorum, concedentium, quoties iusta causa adest, licere eo ipso modo se gerere, quo se gerit Confessarius indebitè interrogatus. Dicam inquam per specialem in omnibus his euentibus deputationem, verba aliud significare quàm significant apud Grammaticos: ita ut in prædictis euentibus semper significant, me nescire ad dicendum; aut me nescire ut sum talis persona quæ id filere debeam de quo indebitè interrogor. Commentum obtrudo? De Barnesij penu depromptum est, nec est quod ægrè ferat si per portam quam ipse dedit, oclusis restrictionibus effugiam pestem mendacij, prolato eodem planè respõso quod Lessius subministrabat, quod-

que

que tunc mendax haberi volebat Barnesius. Quid verò mea referet, siue Lessio siue Barnesio auscultem, dummodo idem externum responsum, eodem modo me habens exterius, reddere liceat? Barnesius tamen, qui ex illo ipso responso externo per Lessium suggesto; tanta mala tam grandia, tam horrenda secutura denunciabat, reus eorum fiet, si secutus eius consilium, illudmet responsum Lessij amplectar in euentibus illis pro quibus mihi à Lessio suggereretur, abiecta tantum restrictione Lessij & sensu Barnesij æquè abdito & æquè occulto iis quibuscum ago, interius retento, ut sit secretum meum mihi.

Agnoscat itaque Dominus iudicia faciens. In operibus manuum suarum comprehensus est calumniator; lacum aperuit & effodit illum; incidit in foueam quam fecit; conuersus est labor eius in caput eius; & in verticem ipsius, iniquitas eius descendit. Accommodatos hosce Psaltis versiculos censuit Euseb. lib. 1. de *vita Constantini* cap. 32. quibus homini nequissimo cum se induisset in casses quos aliis tetenderat, insultaret: An hoc loco parum commodè & verè in Barnesium cadant, ipse iudex esto.

CAPVT XXVI.

Corollaria de rerum siue factorum quasi æquiuocatione quæ signis ambiguis non vocalibus perscitur, deque eorundem non vocalium signorum usurpatione restricta, aliisque adiunctis.

1. **N**E c plura de æquiuocatione propriè dicta, siue verbali, deque locutione per tacitam subintellectionem restricta. Superest vñ quod etiam supra proposueram, ex hæctenus propositis colligendum de quasi æquiuocatione rerum, & iisdem adiuncta restrictione, breuiter nunc colligam, & an ac quatenus cum veracitate co hæreant, patefaciam.

Signorum realium ambiguum usurpatio, vetatur si causa desit.

Illud ergo inprimis indubitatum est ex dictis cap. 2. simulationem illam quæ fit adhibitis signis aliquibus, non vocalibus contra mentem personæ ea signa adhibentis, & animo significandi falsum, illicitam omnino ac vitiatam esse. Æquiualeat enim mendacio verbis prolato, quia peruersio & abusus signi adhibiti, est totus vtrouique malitiæ fons: ac proinde vtrouique illa contra mentem significatio eadem fœditate inquinatur. Tradit hoc luculenter

culenter S. Thomas 22. *quest. 1. 11. art. 1. in corp.* verbis illis. *Ad virtutem veritatis pertinet, ut quis talem se exhibeat exterius per signa exteriora qualis est. Signa autem exteriora non solum sunt verba sed etiam facta. Sicut ergo veritati opponitur quod aliquis per verba exteriora aliud significet quam quod habet apud se, quod ad mendacium pertinet; ita etiam opponitur veritati, quod aliquis per aliqua signa factorum vel rerum, aliquid significet contrarium eius quod in eo est, quod proprie simulatio dicitur. Unde simulatio proprie est mendacium quoddam in exteriorum factorum signis consistens. Non refert autem utrum aliquis mentiatur verbo, vel quocumque alio facto.*

2. Vides Doctorem Sanctum agnoscere aliquod mendacium reale, rebus scilicet & factis inædificatum non præcisè ut facta & res quædam sunt, sed prout sunt signa ad aliquid innuendum destinata. Alia enim quædam realia mendacia sic dicta latè sumpto nomine non spectant ad hanc classem, nec sunt verè & proprie mendacia è diametro pugnancia cum virtute veracitatis. Sic Seneca epist. 115. mendacia parietibus adiuncta exposulat, queriturque mirari nos parietes tenui marmore inductos, cum sciamus quale sit quod absconditur: oculis nostris imponimus. Et cum auro, ut idem subdit, tecta perfundimus quid aliud quam mendacio gaudemus? Scimus enim sub illo auro fœda ligna latitare. Nec tantum parietibus aut lacunaribus ornamentum tenue prætenditur. Omnium istorum quos incedere altos vides bracteata felicitas est. Inspice & disces sub ista tenui membrana dignitatis quantum mali lateat. Similiter S. Cyprianus lib.

lib. de discipl. & habitu virg. negat synceritatem & veritatem perseverare in iis mulieribus à quibus *quæ syncera sunt polluantur colorum adulterijs, & medicaminum fucis in mendacium vera mutantur.* Eisdem paulo ante dixerat ab apostatis Angelis edoctas *oculos circumducto nigrore fucare & genas mendacio ruboris inficere & mutare adulterinis coloribus crinem & expugnare omnem oris & capitis veritatem.* Quæ frustra monerem de Tertulliano hæc quoque muliebris deformitatis tectoria mentitæ effigiei & faciei fictæ ac mendacij insimulante lib. de cultu fæminarum cap. 5. expressa esse. Illam quoque (vt appellat) veritatis fraudem, quæ ætatis senium cui magna fides habetur contegere studet, & Dei decus, canitiem; occultare affuso capillis & capiti mendacio allaborat pulcherrimè insectatur Clemens Alexandrinus 3. *pedag. c. 11.* Quo etiam facit illud Archidami aduersus hominem Chium canos suos tinctura oblitteratè: negavit enim posse eum veri quicquam efferre, qui mendacium non in anima tantum, sed capite quoque circumferret, vt ex Theophrasto notauit Stobæus sermo. 12. Affine item est quod in priscis bibliopolis damnat Dio Chrys. *orat. 21.* referens eos quod nossent vetera scripta adamari, solitos recentia in frumētum demittere vt contracto veterum colore possent mendaciter pro vetustis obtrudi & carius vèdi. Hæc & huiusmodi alia latissimè dicta mendacia rerum, longè alia sunt quàm quæ D. Thomas loco allegato proponit. Nimirum quæ continentur veris signis non quidè vocalibus quæ solent frequentius ad mendacium adhiberi sed realibus hoc est factis quibusdam & actionibus

bus ad hunc finem vsurpatis vt aliquid alteri significetur contra significantis mentem qui aliud reuera concipit quàm signo prodat. Qua in mendacium propriè dictum cernitur nec nisi materialiter distinctum ab eo quod vocibus contra mentem vsurpatis admittitur, vt præmittebam. Et huiusmodi est mendacium eorum quibus vt Seneca expostulat *lib. de tranquill. animi c. 15.* in simulationem etiam simplicissima res, dolor venit, in malis lachrymas fundentes vt ostendant. qui vt addit epist. 99. *Sibi tristes non sunt & clarius cum audiuntur gemit, & taciti quietique dum secretum est cum aliquos viderint in fletus novos excitantur.* Hæc verò rerum mendacia cum sint explorata vitia non ultra sunt vocanda in disceptationem, sed eo loco & numero habenda sunt quo supra *cap. 2.* demonstrauius habendū esse mendacium propriè dictum, quod consulto quocumque lumine auersandum & omni studio declinandum vidimus.

3. Quare acturis nobis in præsentia de simulatione quæ non est apertum mendacium, sed potest aliquando cū veracitate cohærere, non potest hoc loco sermo esse de ea simulatione quæ exercetur per signa à vocalibus distincta cum manifesto veritatis excidio vsurpata: Sed de ea qua signum aliquatenus ambiguum, vsurpatur ad significandum aliquid quod prævidetur non percipiendum ab eo cui signum proponitur. Itémque de ea simulatione, qua signum destinatum ad aliquid exhibendum, assumitur ad id significandum, sed addita mentali subintellectione quæ non exprimitur explicitè. Neque verò vox simulationis hanc

hanc multiplicitem acceptionum refugit, ut constat ex usu autorum nominatimque Scoti in 3. d. 38. q. unica in fine, & Molani, l. 1. de fide haret. seruanda c. 8. quos citat Barnesius §. 51. num. 2. & correctioni subiacere decernit. quibus adde Aristotelem 4. Ethic. cap. 3. ubi magnanimum veracitate aliisque plerisque virtutibus exornatum describens, ait eum ad multitudinem dissimulatione vti, nec id ei vitio vertit. At Barnesius arrogata sibi de more potestate omnem simulationem mendaciis annumerat. Vapulat item ab eo Pamelius Tertulliani (ut ait) Glossopæus §. 39. quod verbum *mentiendi* apud Tertullianum conatus molli-
lire, cum Abrahamum mentitum dixit, Tertullianus, interpretatus eum sit de actu simulandi licito. Quinetiam Augustinum quod licite simulasse Dauidem coram Achis scripserit, deferri communiter fabulatur Barnesius §. 46. num. 7. cum tamen ne vnum quidem è tanta Doctorum multitudine proferre queat, qui Augustinum ea in parte vnquã reprehenderit vel deferuerit. De huiusmodi ergo licita (velit nolit Barnesius) simulatione acturus vniuersè primum statuam, quod seruata proportionem ad locutiones ambiguas vel restrictas sentiendum est, quoad usum factorum ambiguum, vel adiuncta subauditione tacita vsurpatorum. Deinde in particulari inde colligam an & quatenus vitio vacent pleraque facta, cum alijs deludendus prouideretur, ut insidiæ, ac bellica stratagemata, & mille nocendi artes eorum qui exercitijs præsunt. Declinationes præterea ingeniosæ aduocatorum ad fulciendam clientis sui causam: Adhæc industria iudicis veritatem per-

diffimulationem expiscantis à reo tergiuerfante, aut etiam renuente aperire simpliciter veritatem. Tandem medicorum solertia iu ægrotis per dolum vtilem iuuandis, & à certa pernicië, in quam alioqui ruerent, liberandis.

Quomodo ea vsurpatio possit non vetari.

4. Vniuersè ergo statuendum est, quamcumque signorum non vocalium ambiguorum vsurpationem, non esse illicitam. Si enim, quis vsurpet signû ambiguum ad significandum aliquid alteri, qui inde præuideatur induci posse in errorem aut potius sumpturus fortassis ex seipso occasionem lapsus & deceptionis, non confestim iudicandus est culpam admisisse, sed tantum si careat iure ita se gerendi, orto ex necessitate aliqua vel utilitate, vsurpantis tale signum. Nimirum sicut in signis vocalibus, posita huiusmodi necessitate vel utilitate, honestatur vsurpatio illa, non obstante occasione quæ alieno errori datur: ita similis aliorum signorum ambiguorum assumptio, immunis est à culpa, supposito assumentis iure, ratione cuius præceptum affirmatiuum veracitatis & simplicitatis cessat vrgerè, vt declaratum est supra in signis vocalibus.

Præterea statuendum vniuersè est, simulationem qua quis vsurpat signum consistens in facto aliquo, vel re externa ad significandum aliquid ad quod ea res vel factum non solet vsurpari, supplendo per mentalem restrictionem accommodatam, quod signo deest iuxta vsum communem; eodem modo licitam vel illicitam esse, quolibet

licita vel illicita est usurpatio signi vocalis in speciem falsi, adhibita mentali restrictione accommodata. Atque adeo huiusmodi simulatio interdum licita est, nempe & cum necessitas eam usurpandi interuenit, & lex urgentior non prohibet. Cuiusmodi nominatim est lex fidei sincerè profitendæ, qua cuius interdicatur usu actionum quibus exterius significetur falsa fides. Quænam autem sint ex res vel actiones, longa disputatio est, quæ alio pertinet, nempe *ad 2.2. q.3.* & fusè etiam à quibusdam Scripturæ interpretibus tractatur *in cap.2. ad Galatas.*

§. Saluis ergo prædictis temperamentis, nihil est quod vetet assumere res vel exercere actiones, ex quarum assumptione & exercitio, alius præuideatur fortè capturus occasionem falsi iudicij, ac delusionem subiturus. Neque enim semper illicitum est præbere errandi occasionem, etiamsi nunquā liceat esse causam erroris. Quemadmodum constat, nunquam licere fieri alteri Satanam, & inducere illum ad peccandum: quia hoc esset induere rationem causæ moralis respectu peccati, qui influxus in peccatum est semper illicitus. Certum tamen est, cum iusta necessitas id fert, fas omnino esse dare peccato alterius occasionem, quæ præbitio occasionis non facta eo animo ut peccatum consequatur, sed ex alia idonea causa, non continet influxum vllum in peccatum, sed tantum peccati permissionem. Qua ratione fœmina quæ se impudicè contuendam cognoscit, non obligatur perpetuo se abdere, & nunquam se dare in conspectum procorum siue porcorum, quos conspecta aduret igne profano illicitæ cupiditatis.

ditatis. Similia quàm plurima exempla peti possunt ex doctrina de scandalo, quæ latè traditur 22. q. 43. & bene apud Sanchez 1. in decal. cap. 6. & 7.

Eo porro facilius est, in hoc genere signorum permittere alienum errorem, cuius consecutio ex eorum usurpatione prævidetur secutura, quo hæc signa minus determinata sunt quàm vocalia. Verba enim *principatum obtinent significandi quæcumque animo concipiuntur si quis ea prodere velit*: ut S. Augustinus rectè dixit 2. *doctr. Christ. cap. 3.* Et ratio est quia significant expressius quàm res, nec alium habent proprium usum, quàm significandi ad quod fuere instituta per se primò. Quod non potest asseri de actionibus, quæ quamvis interdum veluti per redundantiam quandam aliquid significant, tamen per se primò alium usum habent, quàm exhibendi aliis mentem operantis. Ex quo efficitur multo plus exigi ad idoneitatem causæ, ex qua fas est assumere signa vocalia ambigua, vel cum restrictione tacita, quàm ad idoneitatem causæ ex qua signa realia assumuntur: Quod per hæc multo minor erroris occasio præbeatur; ob minus expressam minúsque determinatam vim significandi, rebus quàm vocibus adiunctam. Non esse tamen vniuersè verum quod mendacia facti sint leuiores mendaciis verbi, & cum hæc interdum sint venialia, illa quandoque esse mortalia, notauit Capreolus in 4. d. 17. q. 2. in *expensione responsionum Bernardi de Gannaco ad argumenta Giosfredi.*

Fas in bello simulare.

6. His generatim ita constitutis, facile est in particulari colligere; quamvis hosti quoque illicitum sit mentiri, tamen sine culpa posse aliquid in bello fieri, de quo hostes cum damno suo concipiant occasionem falforum iudiciorum, inducanturque per seiplos in errorem. Illustria sunt quæ in hanc rem disputat Lipsius 4. *politic.* c. 13. & 14. Mihi in præsentia satis erunt quæ habet S. Chrysostomus lib. 1. de Sacerdotio sub finem. Tam lucrosa, inquit, tamque fructuosa esse solet opportuna ac recto animi iudicio facta fraus, ut permulti etiam poenas sæpenumero luerint, quod rem fraude non egissent. Ac si exquirere velimus quinam copiarum Imperatores iam inde ab orbe condito clauere, illorum trophæa bona ex parte comperiemus impostura ac fraudis facinora fuisse: eosdemque fatebimur maiore quidem laude dignos, quam qui aperto Marte victoriam de hostibus reportant. Hi enim magno cum sumptu, tum pecuniarum, tum corporum, sic bella conficiunt, ut ab ipsa etiam victoria nihil illis amplius accedat: quin potius victores cum sint, nihilo tamen secius pari cum ijs qui victi sunt calamitate premuntur: tum copijs absumptis, tum erario exhausto. Adhuc qui victi sunt, ne ipsos quidem victores patiuntur solida victoria gloria perfrui, cuius bona pars ad eos redit qui cecidere: utpote qui animis victores, corporibus solum inferiores fuerint: quibus item si per sua vota in bello non cadere licuisset, neque illis mortis interuentus dimicationis finem attulisset, nimirum alacritatis magnanimitatisque sue

ostendenda modum fecissent nullum. At qui fraude aliqua victoriam sibi parat, is præterquam quod calamitatem atque perniciem hostibus affert, id etiam præstat, ut ceteris illi de se risum præbeant. Neque verò ut illic fortitudinis, sic & hic prudentiæ laudem gloriâque ex æquo utrique reportant: verum integra victoriæ totius laus, ad victores solos pertinet. Et quod is quæ dixi inferius nequaquam esse reor, qui astu vincunt, civitati suæ servant synceram, illibatam atque integram ex victoriâ parta voluptatem. Neque enim commune quicquam habet animi prudentia, cum pecuniarum corporumque multitudine & copia, quibus quidem usu venit, ut quo magis in bello vitare, eo magis insumantur: magisque suos deficient possesores; cum contra, natura sic comparatum sit, ut animi prudentia, quo eam magis exerceas, eo magis adolescat.

Vides quid fraudis & imposturæ nominibus, quibus in superioribus usus est, significarit Chrysostomus. Hæc enim postrema verba, aperte ferunt, significatam duntaxat ab eo fuisse vocibus illis malè in speciem sonantibus, prudentiam & solertiam ducis; à mendacio quidem alienam; tamen ex iusta causa, præbentem aduersariis per facta quædam, occasionem iudicandi, ipsum aliud animo voluere, quàm reuera voluat. Quod Chrysostomus, ut vides, tantum abest ut mendacij damnet; vlliùsve alterius culpæ insimulet, ut potius summopere utile & quadantenus necessarium in plerisque euentibus esse dicat. Ideoque aliquanto post idem Chrysostomus, mollita asperitate vocum quibus usum fuisse retuli, negat fraudis atque adeo etiam imposturæ nomen, aptè huc cadere:

dere : cum utendum potius fuisset nominibus æconomix , ac sapientiæ & artis , qua possit quis è mediis iisque imperiis desperatarum rerum angustis , correctis emendatisque animæ vitiis eua-
dere.

Vsus stratagematum honestus.

7. Eadem qua Chrysostomus mente , Clemens Alexandrinus 1. *Strom. cap. 13.* stratagemata , quibus in bello uti fas est , & quæ ab Hebræis diuinitus edoctis , mutuatos ut alia pleraque Græcos , testatur : per mendacium aliquando perfici scripsit. Verba Clementis sunt. *Stratagemata , seu ratio ducendi exercitus , tribus continetur speciebus , cautione , audacia , & qua ex utrisque mixta est. Vnaquæque autem earum , componitur ex tribus : nempe aut per orationem , aut per facta , aut per utrumque simul. Hæc autem omnia licebit efficere , vel persuadendo , vel cogendo , vel iniuriam faciendo in ijs ulciscendis quibus expedit , vel faciendo id quod iustum est , vel mentiendo , vel vera dicendo , vel etiam simul utendo aliquibus eorum in eodem tempore. Hæc autem omnia , & quomodo oporteat uti unoquoque eorum , cum Græci accepissent a Mose , non parvam accepere utilitatem. At constat Mosem , omnia ad amussim diuinorum oraculorum exigentem , nihil per mendacium propriè dictum in hostes molitum ; cum huiusmodi mendacium , erga quemcumque adhibeatur , vitiosum sit ; idque Clemens ipse non ignorauit , ut patet ex 7. *Strom. cap. 5.* Igitur quod dixit , aliquod stratagma ex iis quibus uti licet , mentiendo effici , exponendum est de simulatione*

siue in facto siue in verbo, quæ in speciem appareat mendacium, etiam si reuera non sit. De honestate huiusmodi stratagematum quæ est ex dictis perspicua, latè disputat Iustus Lipsius s. politic. c. 17. Eorundem exempla legere licet apud Polyænum, & apud Frontinum; cuius loco apud S. Thomam 22. q. 40. art. 3. corruptè legitur *Francorum*. Ex recentioribus, multa vndecumque collegit Adamus Gontzen lib. 10. *Politic. cap. 38. & 46. & 47.*

Itémque insidiarum in bello iusto.

8. Spectant eodem insidiæ; quarum proinde vsum in bello iusto indicit Onofander in Strategico cap. 22. & approbat S. Hieron. in cap. 17. *Ezech.* allegans illud, *Dolus an virtus, quis in hoste requirat?* S. Augustinus q. 10. & 11. in librum *Iosue*, optimè idem colligit, ex eo quod DEVS, qui vtique nihil suapte natura malum mandaret, auctor fuit Iosue vt strueret insidias, quibus hostes populi Dei excinderentur. *Hinc, inquit, admone- mur non iniuste fieri ab his qui iustum bellum ge- runt: vt nihil homo iustus precipue cogitare debeat in his rebus, nisi vt iustum bellum suscipiat, cui bel- lum fas est. Non enim omnibus fas est. Cum autem iustum bellum suscepit, vtrum aperta pugna, vtrum insidijs vincat, nihil ad iustitiam interest.* Annuunt Scholastici 22. q. 40. art. 3. & passim alij Scriptores, quos magno in hanc rem numero adducit Serarius in caput 8. *Iosue* q. 2. splendide & copiose confirmans, locum esse insidiis in bello iusto, absque veritatis iactura, vllavq; alia culpa.

Idem.

Idem tractat & ex variis iuribus confirmat Alphonsus Aluares Guerrerus in *thesauro Christ. relig. ac speculo Pontif. cap. 43*. Ratio est in promptu. Nam si in communi vitæ consuetudine, nemo tenetur aperire alteri scopum eorum quæ dicit aut facit, etiam si contingat eum inde arripere occasionem deceptionis, & existimare nobis contrarium probari, quàm reuera probetur, sicque à seipso falli, & in errorem induci: Quanto magis in iusto bello idem licebit, vbi & de summa rerum agitur, & de auertenda clade eorum qui debent belli præfecto esse charissimi?

9. Nec refert quod ex ea deceptionis occasione hosti data, secuturum sit eius exitium, quæ causa fuit cur Philosophi aliqui apud Tullium censuerint illicitum esse eam deceptionis occasionem præbere, cum prænoscur secuturum inde nocumentum alterius: Hoc inquam non refert. Nam præstat cladem proprio exercitui imminentem auertere in hostes. Præsertim cum iniqui sint & iniusti saltem materialiter: vt ex eo patet, quod bellum contra eos iustè sit susceptum. Itaque ea permissio alieni erroris, quem damnum errantis consequetur, non vertetur vitio ei qui prosequens ius suum, neglexerit exitium ad permissionem illam consecutum. Imo etiam si permissioni illi erroris alieni, adiungeretur desiderium & voluntas vt ille error ab hoste incurratur, posset nihilominus abesse culpa. Neque enim interueniret in eo desiderio culpa mendaciæ, aut iniustitiæ, cum error causam non habeat desiderium, sed facilitatem & indiligentiam errantis, cui prospicere & eum ab errore auertere non tenetur

tur qui ita desiderat. At malitia odij, quæ superesse in eo desiderio videtur, facile præcluditur ex eo quod error ille alienus, non expetitur ex affectu odij, sed ad iustam vindictam vel congruam defensionem. Et ita passim videmus hæc erroris hostium desideria, non culpari in iustè bellantibus. Tantum itaque cauendum est, ut vigeat etiam cum hostibus pactorum fides atque constantia, & mendacium (quod nusquam & nunquam licet,) etiam cum eis, siue facto siue verbo declinetur. In quam rem multa egregiè disputat S. Ambros. 1. *de offic. cap. 29.* At insidias posse absque mendacio strui, liquet ex dictis, & benè à Molano traditur *lib. 1. de fide hæret. seruanda. c. 8.*

Aduocato quatenus licita simulatio.

10. Præterea ex generali principio supra stabilito, colligitur fas esse aduocato qui iustam causam in iudicio fouet, declinatione ac tergiuersatione, intra veri ac recti fines, eludere aduersarium, quantum necessitas causæ tulerit, subministrata ei occasione, ex qua se ipse decipiat, & fiat sibi ipsi erroris causa. Quod rectè tradit Covarr. 1. *var. cap. 2. num. 1.* adductis non paucis in eam rem Iurisperitis: Merito tamen in eos conclamans, qui diligentius cæteris officio fungi putantur, probantque industriam suam; cum cauillationibus & mendaciis lites protrahunt: aut ne reus possessione rei petiti citius cadat, prolixis data opera dilationibus, cum tutantur. Iustam æqui iudicis definitionem metuentes potius quàm supplicium longè grauiusimum latrocinij illius quod

quod retinenda re aliena & domino eius possessione diutius spoliando admittunt. *Iniusta fulciunt*, ait de istiusmodi rabulis Max. Tyrius dissert. 12. num. 72. *inhonesta adornant, vera adulterant, nihil denique sanum aut syncerum afferunt, nihil ex natura præscripto loquuntur. Planè ut mancipiorum mangones solent qui si genuina corpora sub puro Sole liberòque nutrita aëre acceperint, in umbra educant ea & depilant donec totam illis formam eripiant quam à natura qua omni arte est præstantior acceperunt. Planè idem agunt forenses illi rabula. Idem in plerisque sui temporis aduocatis damnat S. Bernard. 1. de consider. cap. 10. sub libri finem, aicens agitationem causarum fraudibus & circumventionem refertam quæ tunc frequentabatur (& utinam transgressa non esset Bernardi ætatem) execrabilem planè fuisse & quæ magis ad subuersionem quàm ad inuentionem proficeret veritatis. Itaque Eugenio Pontifici autor est ut in discussione causarum quæ apud ipsum agerentur præcideret linguas vaniloquas, & labia dolosa clauderet. *Hi sunt, inquit, qui docuerunt linguas suas loqui mendacium, disertis aduersus iustitiam, eruditi pro falsitate, sapientes ut faciant malum, eloquentes ut impugnent verum. Hi sunt qui instruunt à quibus fuerant instruendi, astruunt non comperta sed sua, struunt de proprio calumnias innocentie, destruunt simplicitatem veritatis, obstruunt iudicij vias. Mox etiam inculcat ut venatorias istorum turpis lucri sectatorum, frustratoriâsque dilationes præcidat. Similiter S. Cypr. epist. 2. forum litibus mugiens, pace inter togatos rupta describens, queritur inter leges ipsas delinqui, inter iura peccari, innocentiam**

tiam nec illhic vbi defenditur referuari præuari-
cante & decipiente patrono, grassante in menda-
cium criminum venali audacia vocis prostitutæ.
Denique Seneca 3. *de ira* c. 7. tot millium ad fo-
rum prima luce properantium quàm turpes lites
tanto turpiores aduocatos habentium nequitiam
exagitat, quos venire ait delatores eius criminis
cuius manifestiores rei sunt, & iudicē damnatu-
rum quæ fecit eligere, & coronā pro mala causa,
bona patroni vocē corruptam. Quò damnabilior
est qui insigne Dei donum, vim inquam faculta-
temque dicendi in tam peruersum damnabilem-
que vsum conuertit. *Haud aliter iuxta Pruden-
tium lib. 1. contra Symmachum epigr. 21. quàm si ra-
stris quis tentet eburnis, Cænosum versare solum, li-
mòque madētes, Excolere aureolis si forte ligonibus vl-
nas: Splendorem dentis nitidi scrobis inquinat atra,
Et pretiosa acies squalenti sordet in bara.* (Eo enim
alludit quamuis aram scripserit, qui de ara Victo-
riæ agebat pro qua Symmachus pugnabat, & ita
poscunt metri leges.)

11. Hæc igitur dummodo absint, omnisque men-
dax circumuentio & calumnia semoueatur, dubi-
tari non debet, quin fas sit aduocato, clientis sui
causam promouere omnibus illis cautelis & arti-
bus, quibus proportionē seruata fas est duci in bel-
lo, Reipublicæ pro qua pugnât, causam curare.
Quod enim belli præfectus præstat Reipublicæ
per arma, hoc aduocatus interuentu linguæ præ-
stat clienti suo pro quo pugnât. Vrget hanc pari-
tatem Syluester V. *Aduocatus* n. 6. post Glossam *ad*
cap. dominus noster 23. q. 2. Ipse certè Christus, vt
idem Syluester subdit; fas esse clauum clauo re-
tundere,

tundere, & malignorum astum malum, dolo bono repellere, exemplo suo non semel docuit.

Quatenus item Iudici.

Ex iisdem principiis statuendum est de Iudice. Quamuis enim erroneè omnino, & peruersè, Bodinus *l. 4. demonom. sub finem*, iudicibus diuino & humano iure concessum velit, vt reum tergiuersantem fallant mendaciis, reiiciatque S. Augustinum & S. Thomam contrarium opinatos, vt retulimus & reiecimus supra cap. 2. Tamen seclufis quibusuis mendaciis, licitum omnino est Iudici, ad veritatem indagandam, vt simulatione aliqua, ex qua reus deceptionis occasionem capiat. Itaque non potest quidem Iudex circumuenire reum, promissa fraudulenter impunitate si crimen vltro fateatur; rescissurus promissum statim atque confessionem extorserit: quod licere censuerunt multi Iurisperiti apud Couarruiam *capite illo 2. n. 16.* & Fachineus *lib. 9. controuers. c. 61.* nec satis extricatur in *malleo malefic. parte 3. q. 14.* Id enim omnino illicitum est cum sit mendacium & fidei datæ infractio quod confirmat ex multis Ceuallus *questione 292. communium contra communes.* Potest tamen Iudex prudenter aliquid simulare, ex quo ad veritatis cubilia perueniatur. Vt factum est à Salomone in causa mulierum: & à Carolo Magno, cum incertus, paterne an filius quos carceri mancipatos habebat, cædis cuiusdam reus esset, simulauit fixum sibi esse, vtumque morti addicere. Ex quo factum, vt pater qui verè reus erat, crimen suum passus, filium morti eripuerit, & Imperator

perator notitiam quam quærebat, compararit. Omnes denique artes & vias verum indagandi absque mendacio & iniuria alterius, concessas sibi esse Iudex existimet.

12. Non tamen quod alibi per se illicitum est, putet inter iura ipsa, vbi sanctius tenenda est recti norma, abicere malitiam, & licitum fieri. Quod à plerisque malè expensum, & peius seruatum, grauitèr expostulat S. Cyprianus *epistola 2.* ex cuius elegantissima oratione, & patronis causarum, & iudicibus perutilem particulam decerpo & quasi purpuræ clauo mastrucam istam in oculo. *Incise sint licet leges duodecim tabulis, & publicè ere præfixo iura præscripta sint, inter leges ipsas delinquitur; inter iura peccatur; Innocentia nec illic vbi defenditur, reseruatur. Sani inuicem discordantium rabies, & inter togas pace rupta forum litibus mugit insanum. Hasta illic, & gladius, & carnifex præsto est; ungula effodiens, equuleus extendens, ignis exurens; ad hominis corpus vnum, supplicia plura quàm membra sunt. Quis inter hæc vero subueniat? Patronus? sed præuaticatur & decipit. Iudex? sed sententiam vendit. Qui sedet crimina vindicaturus, admittit: & ut reus innocens pereat, fit nocens Iudex. Flagrant ubique delicta, & passim multiformi genere peccandi, per improbas mentes nocens virus operatur. Hic testamentum subijcit, ille falsum capitali fraude conscribit, hic arcentur hereditatibus liberi, illic bonis donantur alieni. Inimicus insimulat, calumniator impugnat, testis infamat, utrobique grassatur in mendacium criminum prostituta vocis venalis audacia: cum interim nocentes nec cum innocentibus pereant, &c.*

De Medicorum simulationibus ex Chrysostomo.

13. Postremo, ut alia quotidiana præteream, Medicos quoque per simulationem mendacij expertem, ægrotis plerumque rectè & cum laude commodare, luculenter tradit S. Chrysostomus in calce libri primi de Sacerdotio. Locum adscribo, quod aliquid explicatius despondeam: *Nuper docui, non in bello tantum contra hostes, sed etiam in pace aduersus amicissimos quosque, actus huius usum conuenire. Nam quod id conducat non circumuenientibus solum sed etiam circumuentis, ad unum aliquem ex medicis profectus, sciscitare quemnam illi in modum, laborantes morbo liberare soleant. Certè ex iis audies meram nudamque artem ipsis non satis esse: sed & aliquoties ipsos impostura uti, cuius auxilio cum arte medica coniuncto, ægotantem sanitati pristina restituant. Etenim dum hinc ægotantium morositas, hinc morbi difficultas, medicorum auersatur consilium; tum coguntur illi fraudis atque imposture personam inducere; ut quod in scena fieri solet, in qua fictis omnibus & adumbratis loci plurimum est, rerum factorumque veritatem occultare possint. Atque hic si placeat dolum unum explicabo ex multis, quem olim à medicis structum fuisse audiui. Inciderat quidam in acrem vehementemque febrim. Inde æstu febris in dies gliscente angescentèque, remedia ea omnia auersabatur qua ad ardorem illum restinguendum facerent. Caterum cum desiderio ferretur, multusque esset in urgendis hortandisque omnibus ijs qui ad ipsum introissent; id perpetuo agens, ut multo vino eoque meraco sibi porrecto exitiosam illam appetentiam extingueret: futurum quippe erat, ut si quis illi obse-*

cundans hac in parte gratificatus fuisset, febris ardorem non solum magis inflammaret, sed etiam miserum illum prorsus ad insaniam furorémque adigeret: Hic demum cum ars ipsa effœta iam atque exhausta, nullum salutis remedium inueniret, in eius locum sese fraus insinuans, tantam exhibuit virium suarum efficaciam, quantam mox ex me auditurus es. Etenim medicus acceptum vas testaceum (id recens à fornace exierat) vino permulto immerisit, quod cum vacuum sed apprimò tinctum extraxisset, aqua implet: Tum iubet egrotantis cubiculum tapetibus velisque vndique adumbrari, ne fraus ipsa lumine detegatur. Hic testam agroto propinat, quasi mero plenam: Quam ille manibus cum necdum apprehendisset, vini odore statim eius nares peruadente, non sustinuit curiosè indagare quid sibi à medico porrigeretur, sed odore persuasus & tenebris deceptus, tum etiam appetita rei desiderio victus, quod propinabatur potentissimè hausit, & satiatus, febris æstum statim excussit, eo periculo quod graue imminabat liberatus. Quod si quis fraudis eius de qua loquor, commoda utilitatésque, una cum medicorum dolis omnibus recensere volet, huius certè oratio nullum prorsus finem habitura sit.

Quid de simulatione in causa fidei.

14. Quæ de corporum curatoribus dicta sunt, subdit Chrysostomus æquè locum habere in curatoribus animarum: hisque non rarò hoc prudenter adhibitæ simulationis pharmacum, ad animarum salutem plurimum contulisse. Quod probat exemplo Pauli, qui Galatis comminatus ob adiunctam Christianitati circumcisionem, ipse ta-

men necessitate urgente circumcidit Timotheum:
& qui prioris mandati inutilitatem inculcauerat,
idem ipse aliquoties ei se submisit, post datā Chri-
sto fidem. Vbi video subnasci longam & apud
Theologos ac interpretes agitatissimam difficul-
tatem, de Petro, qui ob huiusmodi simulationem,
cum videatur aliud non præstitisse quàm Paulus
præstitit, dictus tamen est fuisse reprehensibilis.
Quod hostes Principis Apostolorum, in eius con-
tumeliam auidissimè arripiunt. Quasi non lex ve-
rus, quæ & sancta, & iusta, & bona, sæpius ab eo-
dem Paulo appellata est, tamen *Hebr. 8.* dicatur
non vacasse culpa. Voces Græcæ ferunt, non fuisse
irreprehensibilem. Nempe non quia aliquid
mali contineret, sed quia carebat nouæ legis per-
fectione. Quo eodem modo S. Augustinus *Epist.*
29. quod nobis deest intentissimæ beatorum cha-
ritatis, appellat vitium. Similiter itaque Aposto-
lorum Principem, in ea simulatione appellatum
verè reprehensibilem existimo; quamuis non nisi
minus perfectè ageret, & vera & formali culpa
coram DEO vacaret. Fuisset tamen plusquam im-
perfectè acturus, & plusquam materialiter pecca-
turus in ea simulatione, defectu causæ idoneæ si-
mulandi, ob adiunctam ei simulationi in illis cir-
cumbstantiis pertractionem Gentilium ad eundem
vsum, nisi ignorantia inuincibilis vel inaduerten-
tia defectus prædicti, exemisset Apostolum à ve-
ra culpa. De qua re alibi plenissimè discussa, da-
bunt quàm plurima Baro. anno Christi 51. Vas-
ques 1. 2. d. 182. Salas tract. 14. d. 23. s. 9. Suares
9. de legibus cap. 20. & Val. 1. 2. d. 7. q. 7. p. 7. Hæc
pauca quæ proposui, sufficiunt ad institutum.

*Fides Barnesij in detorquenda lite Hieronymum
inter & Augustinum.*

15. Non possum tamen omnino tacitam præterite Lessij vellicationem quam Barnesius huic S. Petri reprehensioni superstruxit §. 19. fingit enim cardinem controuersiae olim motæ inter SS. Hieronymum ac Augustinum, esse, an liceat æquiuocare. Additque Augustinum sententiam Lessij in Hieronymo reiecisse, & ex Augustini verbis quibus dixit Paulum nihil in mente retinuisse quod distaret à labiis, constare sententiam Lessij esse damnatam cap. 2. Epistolæ ad Galatas. Sed Barnesius eadem fide exponit statum controuersiae inter SS. Hieronymum & Augustinum olim agitata, qua in fronte operis exposuit statum controuersiae quam Lessio intentabat. Nam inter SS. illos Doctores duabus de rebus fuit controuersia; quarum altera in qua totius difficultatis cardo vertebatur, spectabat ad licitum vsum legalium eorumque moralem conditionem; hoc est, an statim ab initio prædicationis Euangelij post Christi mortem institutæ, mortale fuerit obseruare legis ceremonias, quod S. Hieronym. *ad Gal. 2. & Episto. 89. ad Augustinum* habuit omnino pro certo; cum tamen e contra S. Augustinus contendat religiosum vsum legalium non fuisse statim mortiferum, quamuis mortuus fuerit. Id est, vacasse culpa assumptionem illam ceremoniarum Mosaicarum ad sepeliendam cum honore synagogam, non tamen fuisse ex obligatione nec potuisse censi necessariam ad salutem. sic enim quasi vixisset & viguisset lex vsum illum præscribens,

bens, & Christiani iterum iugo seruitutis continerentur contra Apostolum.

Hinc suborta est altera inter SS. illos controversia quoad factum Apostolorum. Nam S. Hieronymus ut tueatur quod dixit de mortifero usu legalium coactus est dicere Apostolos non verè & ex animo sed prudenti simulatione exercuisse ceremonias legales ex quo prædicationi Euangelicæ dederunt initium post mortem Christi, alioqui enim grauitè peccassent quod de Apostolis in eo statu nefas sit vel suspicari. Consequenter ait S. Petrum non peccasse in ea simulatione quæ memoratur cap. 2. ad Gal. nec à Paulo reprehensum fuisse seriò & ex animo sed præmeditata & conuenta inter ipsos pia simulatione factum ut Petrus Iudæis condescenderet, & legalia eo quo præmissi modo seruaret, Paulus autem Gentibus prospiceret resistendo in faciem Petro cùmque super ea condescensione obiurgando, ut excipientem Petro modestè & humiliter Pauli reprehensionem, Iudæi Christiani facti eundem cum Petro animum induerent, & Gentiles non grauarentur iugo legalium quod Iudæi voluissent. Sicque vtrique populo optimè prospectum & consultum foret. At S. Augustinus quia usum legalium per ea Euangelicæ prædicationis initia, mortuum quidem esse censuit non tamen mortiferum, meritò addidit usurpatum fuisse ab Apostolis absque simulatione, quæ supposito mortifero eorum usu quem S. Hieronymus supponit non vacasset graui peccato quia fuisset professio externa legis veteris tanquam necessariæ ad salutem quo tempore necessaria amplius non erat. Externa autem illa pro-

fessio erroris, quamuis posset formalis mendacij labe expurgari, esset tamen illicita, & contra præceptum negatiuum diuinum, supra suo loco memoratum. Addidit præterea S. Augustinus Petrum fuisse verè & ex animo, non autem duntaxat ex composito reprehensum à Paulo. Neque enim dici potuisset reprehensibilis sicut dictus est à Paulo nisi seriò eum arguisset. Vt proinde contendat S. Augustinus si admittatur Paulum simulasse reprehensionem nec reuera reprehensionem adhibuisse, admittendum consequenter esse, Paulum mentitum esse in Scriptura Canonica, cum scripsit Petrum reprehensibilem fuisse, quod absit vt admitti queat, aut vt vnquam à D. Hieronymo admissum sit, quamuis ex hoc eius dicto sequi videatur: ideòque à D. Augustino, tanquam manifestum absurdum, quod ab eo nunquam admittendum nouerat, opponatur.


16. Hæc est tota controuersia inter Augustinum & Hieronymum vt patet ex epistolis vtro citròque datis, quæ & apud Augustinum, & apud Hieronymum extant. Perspicuum verò hinc est Barnesium non intellexisse id de quo Patres illi contendebant, vel saltem de industria auertisse aliò de more disputationem, vt haberet vnde libri molès auctior fieret. Nam si status controuersiz quem proposui, obseruetur, & perspiciantur quæ circa eum ab vtroque ex prædictis Patribus tradita sunt, omnino constabit nihil hic Barnesio meti aut seri; Tamen si ipse quia solet metere vbi non seminauit, hic quoque institutum suum ac morè retinuerit, & Lessij sententiã ab August. in Hieronymo, & à Paulo in Petro, damnatã commentus sit,



DISPUTATIONIS

CLAVSULA PARÆNE-

tica, siue Antimonium pro Barnesio, ex arte preparatum, ad conceptam in Lessum & Societatem IESV, malignitatem, salubriter abijciendam per pœnitentiam: addito, si antimonium fallat, & mentem emoueat, carmine excantatorio, quod totidem verbis S. Hieronymus Ruffini Monachi, furori leniendo, iam olim cecinit.

I.  ATISFACTVM arbitror, omnibus quæ initio proposita sunt: stabilita & illustrata veritas, abactum mendacium, depulsa calumnia est. Nunc ut eum fructum colligamus, quem ex calumniarum depulsione, potissimum quæri oportere, discimus ex Chrysostomo l. 1. *aduersus vituperatores vite Monastica*: Ut, inquam, Barnesium, si fieri potest, ad meliorem frugem reuocemus, & adducamus ad ea quæ Monachi ac probi viri sunt cogitanda, abiecta exagitatione veritatis per fidem omnino malam, merasque calumnias: videor

merito ad eum aptaturus verba quibus Iulianum Augustinus libro 2. affatur. *Quantalibet feraris animi obstinatione, quantalibet aduersus nos peruicacia consistas, tanta circumuallarum rerum euentia, tanta verborum manifestatione contunderis, ut profecto si nulla te ratio, cogitatio, consideratio religionis pietatis, humanitatis, atque in teipso aduertende veritatis, à pertinaci intentione reuocaueris; ostendas quantum in malis humanis valeat, eo quemquam fuisse progressum, ubi manere non libeat, unde iam redire pudeat. Sic enim te credo affici, cum ista legeris. Sed o si pax Christi in tuo corde vincat, & bona pœnitentia de mala verecundia palmam ferat. Quid enim aliud benignius Barnesio optare queam, post tam fœdam lacerationem veritatis, tam plenam calumniæ traductionem grauissimorum Doctorum, tanta & tam pingua mendacia ad causam suam per fas nefasque promouendam, aliâque fœda & Monacho, imo & Christiano indigna, toto opere proseminata, ut euidentissimè demonstratum hæcenus est; nec intellectui tantum sed & ipsis oculis & tactui subiectum: quid inquam ei benignius optare queam, quàm ut eo lixiuo, (sic enim Autor sermonum ad fratres in Eremito *serm. 11* pœnitentiam nominat) eo ut idem addit, nitro, & borith interioris hominis, quod vnum est ad eluendas animæ maculas remedium, abstergat sordes illas quæ à mendaci & calumniatorio calatno chartis illitæ, non prius calamum & chartas infecerunt, quàm scribentis animum.*

2. Est est omnino Barnesii, quod tangere pœnitentia tantæ iniquitatis. Inprimis quod eam concepisse ex leui & inanissima suspitione non contentus,

tentus, vt ex viri probi ac omni fide digni testificatione exposui in aditu huius disputationis; eam tandiu sinu abditam malè fouens, ad extremum, cum tempus accepisses infelici partu contra veritatem, contra iuramentum præstitum, obstetricate malignitate infelicitè peperisti. Neque enim si exercere ingenium in hac controuersia voluisses, & cum charitate ac bona fide, vt doctum & probum Theologum decebat, instituisses; improbandum vlla ratione censerem consilium tuum. liberæ quippe sunt, quantum per Ecclesiam licet, in rebus Theologicis cogitationes Doctorum. Neque ea te, aliūve vllum, libertate fraudatum velim, cuius sum ipse tenacissimus: vt scilicet possis, & aduersus Leonardum Lessium tametsi doctum & præstantem Theologum, & aduersus alium quemcumque proponere & astruere sensa mentis tuæ, quæ stabilioribus ac firmioribus nixa fundamentis censueris, quàm sint ea quibus anteriores illi Doctores institerint. At pro Christiana alienæ sententiæ impugnatione, dissertationem vomere plenam crassissimis mendaciis, plenam atrocitate grauissimarum calumniarum in Lessium virum optimum, & Theologum omnibus nominibus te meliorem, virum doctis omnibus ac bonis iam tot annos acceptissimum, eo præsertim opere quod allatrare voluisti: Non argumentis agere, sed commentis, & extortis consequentiis planè inanibus, de quarum sensu apud Lessium planè contrario nullum tibi dubium erat: Non testimoniis Doctorum rem vrgere, sed corruptelis; obiectiones & rationes dubitandi allegando in causam tuam, pro resolutione &

assertione Doctorum apud quos eas propositas legeras : statum ipsum controuersię tam nequiter peruertere, vt cum duntaxat quæratur, liceat neficarium qui Petrum quærit ad iniustam necem, eludere respondendo verbis ambiguis, aut per locutionem mente restrictam; nempe dicendo *nescio ubi sit*, vtique *ad tibi dicendum*, vel *non est domi*, id est, *non comedit domi*. Cum, inquam, id duntaxat quæratur, tūque malè neges ita responderi posse, Lessius cum innumeris aliis affirmet : Tu pro tuo veritatis studio, luculentum mendacium ipsi fronti dissertationis tuę in Gallica editione appinxeris, vt imponeres plebeculę quam etiam hac tua Theologia imbutam aduersus Lessium voluisti. Non enim erubuiisti scribere, statum controuersię te inter ac Lessium esse, verēne Lessius scripserit, sacros Codices scatere falsitatibus à DEO ipso in veteri Testamento prolatis, & à Christo in nouo, per Ecclesiam firmamentum veritatis atque columnam orbi obtrusis pro veritatibus diuinitus propositis : Quę quanta sit cum mendacitate malignitas, desino premere. Nihil affinxi, nihil non euietum protuli; rursusque paulo post signatis tecum tabulis agens idem testatum faciam. Sic egisse, sic scripsisse, sic latrasse, sic dentem exeruisse; non tibi videntur internę maculę, dignę quas fletibus & lachrymis eluas, qui aliorum quoque culpas deflere, & oculorum tuorum imbribus cluere ex Monachi instituto obstrictus es.

3. Sed non his se continuit finibus ferocia tua. Ab vno vel altero nihil minus cogitante laceffitius, & tractatam asperius, imo & disruptam temere

merè iactato ictu, pectoris tui vomicam malè raturus; appetito Lessio in quem primum incurristi, quique iis quibus succensebas, prope continens orat; quasi dignum foret amplitudine malignitatis tuæ grandius aliquid stringere, nec exiguis adeo terminis concludi aduersus Societatem IESV vniuersam infixisti genuinum; allatrasti corpus innocentissimum, & quod in te fuit apud omnes infame, inuisum ac detestabile reddidisti. Nam tametsi alicubi molliuntur sermones tui de eo, super oleum; & ipsi tamen sunt iacula. Sed vt optimè scriptum est à Hieronymo lib. 2. *aduersus Ruffinum*, bene quod malitia non habet tantas vires, quantos conatus. Perierat innocentia, si semper nequitia iuncta esset potentia, & totum quicquid cupit, calumnia praualeret.

Quod paulo ante contestatus sum, securus repecto; nec ipse diffitebere, qui nolis proposito tibi præcipuo scopo excidere, aut eo non collimasse videri. Conatus es prætensam vnius membri labem toti corpori communem facere. Mitto quod Marcum Marulum, ne ipsis quidem Societatis Doctoribus probatum, & ab eis sæpe reiectum, nominatimque à Delrio lib. 5. Mag. sect. 10. castigatum in hallucinatione circa mendacium, eo nomine toties incesseris, quod librum suum Societati IESV dicauerit. Quid enim intererat toties hoc regerere, quasi vel ille fuisset in eo lapsu nocentior, quod librum suum Societati IESV inscriptum voluisset, vel ipsa Societas ex næuis libri illius deformitatem contraheret? Mitto præterea quod nullam prætermittis occasionem, datam vel captatam, mordendi & sugillandi Scriptores

qui

qui in Societate IESV, Christo seruientes, Ecclesiâ Dei proborum omnium iudicio (ringaris tu licet & Symmistæ tui) magnopere illustrarunt: Quos tamen intactos præterire, per causam de qua agebatur, & poteras & debebas, nisi omnium ea esset apud te communis causa, quod essent ex Societate IESV. Testes præter Lessium, cuius impetitio furori tuo concedenda est; testes, inquam, præter Lessium, Maldonatus, Valentia, Azorius, Pererius, Vasques, Serarius, & alij. Minus mirum videri debet, quod hos, quippe externos & alienos appetiueris, homo cuius scripta, ne fratribus quidem tuis proscindendis pepercere.

4. Heu sodalitatis monasticæ propudium! ô dolor societatis illius. ô fructus non de arbore quam plantauit Dominus, vt in simili exclamat Augustinus, *sermo. 49. de diuer.* Verè impletum per te est, quod cû grauis maledicti interminatione S. Bernardus, nec absque gemitu & profundissimo mœroris sensu, denunciat in eo implendum, per quem factum fuerit, vt filij congregationis sanctæ, eodem Patriarcha in Christo geniti, eadem religione veluti matre procreati, eadem crucis cuna excepti, & Euangelij mammilla lactati (liceat enim communia Bacharij verba huc transferre) atque adeo germani in Christo fratres, expostulare apud DEVM potuerint, *filius matris mee pugnauit contra nos.* Impletum per te est & lugubre illud, quod Richardus Victorinus *de gradibus charitatis cap. 4.* gemens pronunciat. *Seruatur sub veste vna & tunica simili, cor varium, & omnino dissimile; Ita vt de religione, antiqua vix signa seruentur, & venientibus ad sepulchrum Domini quod claustrum*

*strum est, & Christum quærentibus, sola lintheamina
pareant, id est, habitus forma.* Hoc ut per te imple-
tum dicam, faciunt scissuræ illæ congregationis
in quam allectus eras, quas suo tempore ab inge-
niis tuo quàm simillimis cœptas, deplorat Ri-
chardus eo loco. Sed hunc domesticorum tuo-
rum luctum, cuius tu tibi conscius es, aut si sapi-
esse debes, nolo acerbiorē facere commemoran-
do. Illud tantum quod proposueram confirmo,
insolens nequaquam videri posse, te cuius auda-
cia in ipsos fratres tuos scriptis euulgatis laceran-
dos insurrexerit; extraneis, hoc est, Societatis Pa-
tribus tametsi ab eis nunquā re ipsa violatum, yn-
gues ac dentes non abstinuisse. Mitto denique su-
gillatam abs te & allatratam denunciationem il-
lam, iustitiæ & charitatis summæque, velis nolis,
vtilitatis plenissimam, cuius in Societate IESV
probante Ecclesia vfuse est, quem hoc opere mor-
dere nihil referebat ad causam tuam; nisi quod
ad causam abs te susceptam referre existimasti,
quicquid conferre poterat, siue ad operis tui spif-
itudinem, ne leuis aduersarius post tot Thrafo-
nismos viderere: siue ad effundendum quacum-
que via vel exitu, venenum maledicentiæ, & tuæ
erga Societatem IESV indignationis.

§. Sed hæ minutæ sunt, nec nisi velitationes
mox seriò prodendæ maleuolentiæ tuæ. Illud
verò. quibus coloribus prætensæ alicuius hone-
statis obduces, quod verba Concilij Tolerani
quarti, non minus ineptè & scurriliter, quam im-
piè & nequiter, in sugillationem Religiosi ordinis
detorsisti; & damnatam eo Concilio impiorum
manum, ob adhibitās à Concilio voces Societatis.

*praua & eorum qui sociantur ; damnatae ibidem Societatis IESU, quasi typum & adumbrationem esse voluisti, ut propterea digitalibus elementis notatam hanc tuam Sacrosancti Concilij peruer-
 sionem eminere volueris : Quasi hoc esset inge-
 niosum esse, verba Conciliorum à Spiritu sancto dictata, ad nefariam Religiosi ordinis vellicatio-
 nem detorquere. Dicam quod Iuliano Augusti-
 nus lib. 2. *Hecce monstrae cogitationum ascendunt in cor tuum, & non elidunt frontem tuam ?* Si in ani-
 mum inducerem omnia Conciliorum & Sancto-
 rum Patrum loca annotare quibus voces illae,
*prauus monachus, detestabilis monachus, eoque indi-
 gnus nomine, voce aut veste & cucullo tenus mona-
 chus, falsus monachus, aliaque huiusmodi, pronun-
 ciantur in Monastici instituti carcinomata ; & de
 te diuino quasi afflatu prænunciatas affirmare vel-
 lem ; quibus te molibus huiusmodi florum, pre-
 mēre aut etiam opprimere possem ? Audires ex
 autore Sermonis vltimi de Cœna Domini apud
 Bernardum, sitne aliquis monachus demoniacus :
*pictura monachi, non monachus ; persona monastica,
 monachi larua.* Audires ex Cassiano, ex Hieron.
 ex Basilio, ex Macario, ex Bernardo, sed omnium
 maxime ex Benedicto ; parente heu quondam
 tuo (nisi ad eius voces planè obsurdesceres, quod
 ad Vicarij ipsius, tui inquam Generalis voces &
 fulmen in te vibratum fecisti.) Audires ex aliis
 rerum Asceticarum tractatoribus, plurima & hor-
 ridissima, de falsis & prauis monachis, quæ eodem
 iure quo abs te illa alia, id est, nullo : (quanquam
 non prorsus nullo, supposita malignitate tua) tra-
 hi in causam hanc potuissent, si frigidus illos imo
 impios**

impios iocos, & malè feriatî ingenij ludicra, adamerem.

6. Possum & te aliis quàm plurimis modis, impudentiæ & nequitæ eo in factò non insimulare modò, sed & reuincere. Quam tu prauam Societatem in Concilio Toletano vis intelligi; hanc Spiritus sanctus, quantum in te est sibi contrarius, vix natam amplissimis verbis in Tridentina Synodo collaudauit. Hanc ipsam Pontifices Maximi, à Paulo Tertio qui eam Sanctarum Religionum catalogo adscripsit, ad Urbanũ vsque Octauum nunc Christi Vicarium, perhonorificè semper, & magna cum laude appellarunt. Hanc boni & probi diligunt ac fouent, eo inprimis nomine quod omnibus prauis societatibus, cuiusmodi sunt Sectariorum, Atheorum, Apostatarum, & nomine tenus Catholicorum, inuisa & exosa sit. Hanc viri plerique doctissimi quorum ora & calamos inuidia non pressit, sed charitas exprompsit, Sanctam & Deo charam, Ecclesiæ cum primis vtilem, hæreseon malleum & improborum (quod ipsa non grauatè audit) incudem nominant. Videtis Petrum à Nauarra *lib. 2. de restitut. cap. 3. num. 60.* Gabrielem Prateolum *tomo 2. histor. ad annum Christi 1540.* Federicum Lumnium in opere de *vocatione gentium & Indorum Conuersione*, Didacum Payuam Andradium *libro 1. Orthodoxarum explicationum*, Rutiliū Benzoniū in opere de *Iubileo*; apud quem Ioachimus Abbas Ordinis S. Benedicti, pluribus ante seculis in hac Religione etiam de nomine signanda, eiusque speciali illo ad Pontificem voto quod homines fursuris tui tam malè habet; omnibus denique eius ministeriis

nisteriis tanto ante exprimendis, propheticum afflatum prodidisse vitus est. Vide si lubet, & an id ab eo aptè, & ex prophetico spiritu scriptum, tu ipse iudex esto. Nam nos quidem habemus firmiorem Ecclesiæ hoc institutum approbantis sermonem, cui benefacimus attendentes. Ad extremum hanc quam tu prauam Societatem vis intelligi, hæretici omnes eorumque germani, Athei omnes, Apostatae omnes, omnes Ecclesiæ infesti, sed & sub Catholico nomine qui ob corruptos mores & fidem plerumque obductam, sæx Ecclesiæ, religionum amurca, meritò radiant, eodem quo tu loco ac numero habent, & prauam Societatem intelligi quam maximè exoptant.

7. Et Societas quidem IESV, an id sibi probro vertat, atque dedecori, discit ex Hieronymo cuius sunt illa ad Augustinum. *Macte virtute: In orbe celebraris, Catholici te conditorem antiquæ, rursus fidei venerantur atque suspiciunt, & quod signum maioris gloriæ est, omnes hæretici detestantur; & me pari persequuntur odio, ut quos gladijs nequeunt, voto interficiant.* Nec mirum quod cum Societati IESV Patribus sic se gerant, qui cum Deo eiusque sponsa, tales sunt. Dicant sanè Patres Societatis in non dissimili causa, quod à Cypriano *epist. 52.* scriptum est. *Non possunt laudare nos qui recedunt. Aut expectare debemus, ut placeamus illis, qui nobis displicentes & contra Ecclesiam rebelles, sollicitandis de Ecclesia fratribus violenter insistant? Usurpent & illud Synesij Epist. 94. in oblocutionibus quas à Iulio homine nefario sustinebat, sese solantis. Quod veteri proverbio trium est, utilitatem capi ex inimicis posse, nunc reipsa est comprobatum.*

batum. Quid enim non ad gloriam nobis atque estimationem confert Iulius obloquens? Quicumque laudare nos nititur, cum inuenire quid dicat aliud nihil potest, hoc primum & vnum & maximum profert, Iulium de illo detrahare. Hoc autem uno verbo, quæ non bonorum copia continetur? Siquidem nequitia generi omni aduersari, nihil aliud est quàm esse generi omni virtutis affinem. Atque ego sanè nihil eiusmodi in me esse intelligo, sed hoc ille ipse dicit. Nam dum contraria omnia dicit, fidem illius adstruit, adeo ut vel gratiam ei habeam. Per sacrum tuum caput, & liberorum salutem iuro, nihil esse in quo melius de me quàm conuitijs ac probris laceffendo mereatur. Nam & apud DEVM & apud homines præclarum hoc mihi erit atque amplissimum.

Ad extremum vnusquisque Patrum Societatis, dum benefaciendo, DEI gloriam promouendo, Ecclesiæ amplificationi & ornamentis studendo, proximorum bonum curando; in hæc studia & conatus, laborem, operam, vigilias, vitam ipsam ac sanguinem generosè profundendo (testis tua Anglia Barnesi, toties Patrum Societatis sanguine hanc vnā ob causam respersa:) Dum, inquam, his omnibus, pro virili (& DEO laus, non irrita nifu) curandis ac promouendis allaborat, sustentet se ea consolatione inprimis quam testatissima hætenus diuina tutela & plusquam paterna prouidentia suggessit, quā verbis Ennodij effero. Quoties vanis hiatibus nocēdi inefficax morsus increpuit: quoties de accusatis quicquid spe tenuistis effugit & vacuos imago presumptione occupata deseruit.

8. Adiungat & illam mentis in DEO confirmationem qua se olim iubar Ecclesiæ S. Augusti-

nus 3. *aduersus literas Petil. cap. 6. & 7. in Domino animabat.* Appono suauissimæ orationis partem, & claudio hunc locum de malignitate tua, ac gregalium tuorum in Societatis IESV Patres, eorumque vicissim apud DEVM spe & animi alacritate, quod ab iis quos ad Dei sanctæque Ecclesiæ gremium attrahi cupiunt, vt idem Sanctus de se dixit, flammæ mereantur odiorum. *Nos quidem,* inquit, *cum falsa crimina audimus ab iis quos offendimus predicando eloquia veritatis, & erroris vaniloquia conuincendo, habemus sicut nostis abundantissimam consolationem.* Nam si in eis quibus me criminantur, testimonium conscientia mea non stat contra me in conspectu Dei, quo nullus oculus mortalis intenditur; non solum contristari non debeo, verum etiam gaudere & exultare, quia merces mea multa est in cælis. Neque enim intueundum est, quàm sit amarum, sed quàm falsum quod audio, & quàm verax pro cuius nomine hac audio, &c. Cur itaque feramus indignè, quod nos infamant, qui gloria Christi sic detrahunt? &c. Dicant quod volunt, dum ille nos exhortetur dicens, *Beati qui persecutionem patiuntur propter iustitiam, quia ipsorum est regnum cælorum. Beati eritis cum vos persecuti fuerint homines, & dixerint omne malum aduersum vos, mentientes propter me. Quod ait superius, propter iustitiam, hoc repetiuit quod ait postea, propter me, quia factus est nobis sapientia, & iustitia, & sanctificatio, & redemptio, ut quemadmodum scriptum est qui gloriatur in Domino gloriatur: Qui cum dicat, gaudete & exultate, merces enim vestra multa est in cælis, si quod dictum est propter iustitiam, & propter me, in bona conscientia teneo, quisquis volens detrahit fama mea,*
 nolens

*volens addit mercedi mea. Neque enim me ille suo verbo tantummodo docuit, non etiam suo firmavit exemplo. Sequere Sanctorum Scripturarum fidem, inuenies Christum resurrexisse à mortuis, ascendisse in cælum, sedere ad dexteram Patris. Sequere criminationes inimicorum. Iam putabis eum de sepulchro furatum esse à discipulis. Quid ergo nos, quantum ipse donat defendentes donum eius, ab inimicis eius aliud sperare debemus? Si patrem familias Beelzebub vocauerunt, quanto magis domesticos eius? Si ergo toleramus & conregnabimus. Si autem non aurem solam percutit iracundia criminantis, verum etiam conscientiam mordet veritas criminis, quid mihi prodest si me continuis laudibus totus mundus attollat? Ita nec malam conscientiam sanat præconium laudantis, nec bonam vulnerat conuician-
tis opprobrium. Non satior prolixitate orationis, quod & mellitissima sit, & instituto accommodatissima.*

9. *Hæc itaque Lessio & omnibus Societatis Patribus solatio sunt cum per calumniam exagitantur, & ea sorte censentur qua suis temporibus Basilii, Nazianzenus, Chrysostomus, Hieronymus, Augustinus; Quid singulatim eos numero? Qua semper Sancti omnes, mundo & Erebi castris infesti. Scelus sit de S. Thoma tacuisse. Intellige quod dico, & ex præteritis præsentia æstima, ac futura prospice. Quis & quantus S. Thomas Aquinas? Nempe ad miraculum doctus, ad miraculum in doctrina solidus, ad miraculum accuratus atque ordinatus; profundus, acutus, perspicuus; omnibus probati Scriptoris ac Theologi dotibus eminentissimè insignis. Parcè ac ieiun-*

nè hominem commendo, priuata quacumque commendatione Superiorem; & commendarunt Ecclesiæ capita verbis amplissimis, quæ apud Aquarium in *Controuersiarum Theologicarum calce*, passimque alibi prostant. Hic virtualis tantusque, suos aliquando Barnesios nactus est; eorum suffixionibus patuit; dentes ac morsus non effugit; ita ut posteros puduerit, eorum quæ in tantum virum cuiusque scripta, per paucos capitulos, malignè ac nequiter patrata fuerant. Nihil affinxi: Dedi ipsa verba, quæ ex Ægidio Romano qui aderat, aliisque refert Capreolus in 2. d. 2. *quest. 1. ad 1. Gregorij*. Quod igitur Lessium momorderis seu veriùs allatraueris: Quod illo ipso æstro perciti tuique tuique, cum primùm aliquod à Societatis IESV Parribus opus prodit, *veluti musca* verba sunt S. Basilij hom. 11. variorum argumentorum, *salubre si quod offendunt praterentes; ad ulcera verò properantes; sicut vultures prata amena & odore loca circumuolantes; ad tabida & fœculenta loca accurrentes;* (secundum ignobilitatem ac æstimationem vestram dico,) testatum illico faciatis cuius spiritus sitis: Quod per conscientia & pudoris contrucidationem; per famæ proteruiam apud exterarum nationes quæ discussis calumniarum offuciis de re ipsa pronunciant, Genetensibus opilionibus (comperta & testata dico) argumenta queis pusillum gregem exhilarent suppeditetis; cum oporteret in has Christiani nominis strumas, in errorum & nequitia colluuiem quæ nunquam tanta, tamve fœculenta, communem operam conferte: Quod hæc & alia quæ tumet nosti hoc tempore accidant, nihil est sub Sole nouum

nouum quoddam, non fuerit in seculis quæ fuerunt ante nos. Hæc sunt ut dixi quæ Lessium & Lessij socios leuare possunt. Tibi autem & iis quorum corruptis affectibus seruisti, hæc ipsa quibus serui Dei per vos Christo configurantur, argumentum, ut aiebam, pœnitentiæ; nec leue nec vnum subministrant.

Ut alia præterea taceam quæ tibi præcipua sunt: scissa quod in te fuit Patrum Societatis IESV, & Patrum S. Benedicti concordia; illatum vel auctum per te domesticum incendium; abiunctio à tuis superioribus; desertio collectionis illius cui adiunctus eras & extra claustrum euagatio. Nosti ubi scriptum sit & in quem à quo intortum. *Interpretare vocabulum Monachi. Hoc est nomen tuum: Quid facis in turba qui solus es?* Verum hæc quod apud Latinum Scriptorem extent tibi qui Græcari amas, insulsiora videri possint. Ut taceam quod ab homine Monachis Sarabaitis, & excucullaris, vel occultè Hæreticis, minus accepto fuisse conscripta. Testes Iouinianus, Vigilantius, Heluidius, Ruffinus. Exhibebo igitur mellitissimi æquè ac Sanctissimi & eruditissimi inter Græcos Monachos, ad Monachum tui consimilem, insigne monitum; *ex epistola 92. libri primi*, qua hominem barba & pallio tenus Monachum, hortatur, sit reipsa quod nomine & habitu præfert. Tu te ipsum, quamuis exteriorem quoque Monachum non vna parte abiicisti; compellari aut etiam confodi his eius verbis puta. *Philosophia strepitum auersatur, atque exercitatio Monastica extra tumultum & confessionem perficitur: ut ad humilitatis fastigium attingendum hac veluti scalp utatur;*

ac per solitudinis otium & molestorum negotiorum, & turpium sermonum omnem prorsus obliuionem hauriat. Quod si pallium & promissam barbam & baculum ad Angelicam vitam omnibus partibus explendam nobis sufficere arbitramur atque inter medias turbas & spectacula & acroamata urbica versamur, de solis victoriæ organis gloriantes; luctam autem ac pugnam quibus victoriâ comparatur defugientes, vel potius certaminis causas in nobis ipsis accendentes, non animaduertimus nos canes esse ad vomitum reuertentes, aut sues in veteris consuetudinis cœno sese volutantes. Audin, Barnesi quid Isidorus Pelusiota vir omnium iudicio Sanctissimus, pronunciet de Monachis extorribus, & extra claustrum vagantibus eamque vitam viuentibus, cuius tu tibi conscius es? Et dissimulo quod non contentus excussisse iugum, rupisse vincula, nuiros peruasisse, eius insuper hominis sordes tibi ac cœnum affricas, quem ordinis sui emissitias, lectissimum Satanz organum, prohi omnes deplorant; cuius corda voces, & opera, in vnum illum transformandæ in Angliam Galliz scopum collimant. Qui quod furenti tibi factus est vnguis in vlcere, tenuit in Iesuitarum aperta insectatione morem suum, à quo non deficiet prius quàm Catholicæ Ecclesiæ clancularius suffossor imo hostis apertus audire desinat. Tuum itaque fuerat putre illud membrum auersari, & cum adultero portionem tuam non ponere. Sed hæc aliis vrgenda, & tibi ipsi in sinu mentis tuæ, suis momentis æstimanda relinquo. Mihi quæ ex tanta tua in Lessium & Societatem I E S V malignitate propositi, plusquam idonea videntur, ad proliciendos,

si quis in te virtutis sensus & iudiciorum Dei metus superest, imbres lachrymarum, quibus & tantas maculas eluas, & Deo dum facultas suppetit expectâtque eius patientia, satisfacias. *Nonne contremiscis, tu monache S. Benedicti, quid actum est de discipulo Christi? lege reliqua apud Bernardum, serm. 1. adscriptio in cœna Domini.* Ego enim te ulterius lancinare nolo ea oratione, qua S. Benedicti germanus filius, discolos, & spuriam tanti Patris prolem Iudæ exemplo terret, & ad æmulandam Petri pœnitentiam prouocat.

10. Rides, & consilium bonum quod ad salutem suggero, contumeliam interpretaris? Ego verò si in nequitia obfirmaris, & obdurescere in prauitate constitutum apud te est, præter cæteras excusationes in peccatis, nixum ea Sapientis sententia; *Non grandis est culpa cum quis furatus fuerit: furatur enim ut esurientem impleat animam:* vnum illud in rem tuam dico. *Quod facis fac citius.* At in rem nostram, volo tecum, & cum tuis Gebal, & Ammon, & Amalec, alienigenis cum habitantibus Tyrum, communicatam sapientissimam Chrysostomi commentationem, qua ille confutationi calumniarum & motuum in Religiosos, proludit in ipso aditu operis aduersus viuperatores vitæ Monasticæ. *Cum templum illud peruetustum & percelebre, quod Hierosolymis fuerat multis annis euersum atque solo adæquatum, longissima captiuitate redeuntes erigere atque instaurare Hebrai cuperent; tum verò feri quidam ac barbari immanēsque homines, quos neque tanta virorum cladis misericordia vlla subierat, ex qua sero se tandem vixque receperant; neque diuina animaduersionis*

ſionis metus admonuerat, quæ ſolet eiufmodi audaces ac facinorofos è veſtigio ſubſequi: Primum quidem per ſeipſos nitebantur cœpta eos adificationis ſtudiis arcere. Cum verò nihil proficerent, datis ad regem ſuum literis, in quibus ciuitatem illam deſolationis nouarumque rerum ſtudioſam, & bellicis rebus aſſuetam appellabant: perſuaſerunt tandem, ut ſibi huiſce adificij impediementi facultas omnis permitteretur. Hac igitur accepta poteſtate, cum ingenti equitum manu viros adorſi, interruperunt opus interim. Et elati, inquit, ea victoria gloria- bantur, qui ſi quid ſibi cordis fuiſſet, ingemiſcere ac lugere debuerant, nihilque poſthac eiufcemodi moliri. Verum id erat proſectò exordium quoddam, eorum qua ſe protinus apprehenſura erant malorum. Opus enim illud proficiebat in dies, egregioque ſucceſſu & præclaro fine claudebatur. Tum interim illi dixerunt, ac per illos vniuerſi, quod non homines proſectò oppugnare perrexerant. Neque Mithridates modò tunc, aut alius quiſpiam, ſed quiſquis omnino illis hominibus aduerſus infeſtusque eſſe maluerit qui boni aliquid agere inſtituunt, ipſum potiſſimum qui per illos honoratur, DEVM oppugnare contendit. Is autem qui aduerſus DEVM bellare inſtituit, clementiori fine deſinere nunquam penitus valebit. Is qui eiufmodi eſt, initio quidem facinoris, nihil fortaiſſe patietur mali, DEO illum ad pœnitentiam vocante, atque admonente veluti ex quadam ebrietate reſpiſcere. Sin verò in has amentia ſua temeritate perſiſterit, nihilque ex tanta clementia diuina patientia fuerit lucratus, certè vel aliis ſumma conferet emolumenta, pœna ſua erudiens atque admonens, nunquam prorſus ulla ex ratione aduerſus DEVM pugnare inſiſtere,

*stitueret, quod impossibile sit excelsam illam inuictam-
que effugere manum. Hæc omnia, eo loco & eo
quo dixi sine Chrysostomus, quæcunque transfigu-
rauerim in Paulum & Apollo propter vos, te in-
quam & symmistas tuos, cogitationi tuæ per-
mitto.*

11. Video me operam ludere, & pro optato an-
timonij ex arte temperati ac præparati effectus
eductione scilicet causæ morbosæ viscera tua de-
pascentis, consecutam duntaxat noxij & virulen-
ti humoris, toto pectore stabulantis efferuescen-
tiam, quæ te prope in rabiem agat. Itaque depo-
sito in præsentia, acrioris & minus temperati,
ideoque ad educendum virus tuum fortioris an-
timonij studio, eoque in aliud tempus referuato,
si forte auctam dosim & minus retusam eius vim,
optata sanitas consequatur; Carmen quod tran-
quillando & excantando ferocienti germano tuo,
Monacho & Presbytero, cecinit peritissimus Psal-
tes S. Hieronymus, audies ex me in hac metra, eo-
dem verba præeunte Hieronymo in calce libri
tertij aduersus Ruffinum. *Debueram quidem de
omni Scriptura tua insania respondere, & diuinis vo-
cibus in modum David citharizantis, lenire furorem
pectoris tui. Sed contentus ero vnius libri paucis te-
stimoniis, & opponam sapientiam stultitiæ, ut si hu-
mana contemnis, saltem diuina non negligas. Audi
igitur quid de te & de omnibus inuidis, ac maledicis
& contumeliosis loquatur sapiens Salomon. Insipientes,
dum iniuria cupidi sunt, impij facti oderunt sensum.
Ne fabriceris in amicum tuum mala, & ne inimiceris
aduersum hominem sine causa: impij exaltant contu-
meliam. Circumcide à te os prauum, & iniqua labia*

longè repelle abs te; oculos contumeliosi, linguam iniqui, manus effundentes sanguinem iusti, cor fabricans cogitationes malas, & pedes festinantes ad malefaciendum. Qui nititur mendacio pascit ventos, & sequitur aues volantes. Derelinquat enim vias vineæ suæ, & axes cultura suæ fecit errare, perambulat aridum ac desertum, & colligit manibus suis sterilitatem. Os procacis appropriat contritioni: & qui profert maledicta stultissimus est. Anima benedicta, omnis simplex vir. Animosus inhonestus est. Per delicta labiorum incidit in laqueum peccator. Itinera stultorum recta in conspectu suo. Stultus eadem die ostendit iram suam. Abominatio est Domino labia mendacia. Qui custodit os suum, servat animam suam: Et qui temerarius est labiis, terreat seipsum. Malus cum contumelia agit mala, & insipiens expandit malitiam suam. Quæres apud malos sapientiam & non inuenies. Suis itineribus saturabitur temerarius; sapiens timendo declinat malum, stultus confidens miscetur ei. Longanimus vir, multus in prudentia est. Pusillanimus valdè imprudens est. Qui calumniatur pauperem, laceffit factorem eius. Lingua sapientum bona novit, & os stultorum pronunciat malum: Vir animosus parat rixas: & immundus est apud Deum, omnis qui exaltat cor suum. Manus inferens iniuste, non erit impunitus. Qui diligit vitam, parcat ori suo. Ante contritionem precedit contumelia, & ante ruinam mala cogitatio. Qui obfirmat oculos suos, cogitat perversa, & provocat labiis suis omnia mala. Labia stulti ducunt eum in mala, & os audax mortem inuocat. Malignus vir multa detrimenta patietur. Melior est pauper iustus, quàm mendax dives. Gloria est viro qui

anertis se à maledictis : qui autem stultus est, talibus se obligat. Noli amare detrahere, ne eradiceris, suavis est homini panis mendacij ; postea implebitur os eius calculo. Qui operatur thesauros lingua mendacij, vana sectatur, & venit in laqueos mortis. In aure stulti, noli quidquam dicere, ne fortè irrideant sapientes sermones tuos. Clava, & gladius, & sagitta, perniciofa sunt : sic & vir qui contra amicum suum falsum dicit testimonium. Sicut aves volant & passeret ita maledictum vanum non superueniet illi. Noli respondere imprudenti ad imprudentiam eius, ne similis ei fias : sed responde stulto ad stultitiam eius, ne sibi sapiens esse videatur. Qui insidiatur amicis suis, cum visus fuerit, dicit, ludens feci. Craticula carbonibus, & ligna igni, & vir maledicus ad tumultum rixe. Si te rogauerit inimicus tuus parens voce magna, ne consentias ei : septem enim nequitie, sunt in anima eius. Grauis est lapis, & vix portabilis arena : sed ira stulti, grauior utroque. Crudelis est indignatio, & acuta ira, & zelus impatiens est. Impius calumniatur pauperes, & qui confidit in cordis audacia stultissimus est. Totam iram suam profert insipiens : sapiens dispensat in partes. Filius malus, gladios dentes habet, & cultros molas ut consumat : ut consumat infirmos de terra, & pauperes ex hominibus.

12. His ergo doctus exemplis (subdit S. Hieronymus, cuius reliqua item oratio, quia huic loco accommodatissima est mea esto) nolui mordere mordentem, nec vicem talionis implodere ; maluique insaniam excantare funibundi, & vnius libri antidotum venenato infundere pectori : sed vereor ne nihil proficiens, illud Dauidicum cantare compellar, & his

*me sermonibus consolari: Alienati sunt peccatores à
vulua, errauerunt ab utero, locuti sunt falsa, furor
illis secundam similitudinem serpentis: sicut aspidis
surde, & obturant aures suas, quæ non audit vo-
cem incantantium, & venefici incantanti sapienter.
Deus conteret dentes eorum in os ipsorum, molas
leonum confringet Dominus. Ad nihilum devenient,
tanquam aqua decurrens: intendit arcum suum do-
nec infirmantur: sicut cera quæ fluit auferentur: su-
percecidit ignis, & non viderunt solem. Et iterum,
letabitur iustus cum viderit vindictam impiorum,
manus suas lauabit in sanguine peccatoris. Et dicet
homo: Si utique est fructus iusto, utique est Deus
iudicans eos in terra.*

13. Abibam conclusa non inopportune (vt re-
bar) hac opella mea, amico & perutili ad Barne-
sium monito: quod ille utinam non in aures ex-
timas duntaxat, sed intus etiam ac in intus
pectus demittat. Reuocari autem me aut sisti
sentio gemina illa obtestatione, qua religiosè ad-
modum dissertationem suam obligauit. Prior
Lessium aliosque spectat quorum ille sententiæ
suffragatus est. Posterior Catholicam Ecclesiam.
Ait igitur inprimis iubetque scire Lectorem, se
vniuersa dissertatione contra æquiuationes in-
stituta, nihil contra personas, omnia contra æqui-
uocationis vitium protulisse. Quod autem cum
modestissimè ac lenissimè Lessium aliosque eius-
dem sententiæ compellauit, Æquiuocatores no-
minauerit (quæ est apud Barnesium prope perpe-
tua Lessij ei que suffragantium nomenclatio) id ita
interpretatur, vt non in substratum æquiuocatio-
nis, sed formaliter in personas illas quatenus
æquiuo

æquiocationi patrocinales cadere velit. Nec enim ignorari posse putat, quin *to* *Æquiocatores* supponat non modò pro denominato & subiecto æquiocationis, quod est persona æquiocans, sed etiam pro concreto, quod sicut cætera qualia reperiri ait in prædicamento qualitatis, in quo vitiorum abstracta & concreta ponuntur. Qua ille *Matæologia* (pueri enim *Dialecticæ* rudimentarij fœdum lapsum in hac *Dialectica* motacente deprehendent;) abstergi putat amarorem illius, toto vt dixi opere perpetui conuitij, in *Lessium* eosque quibus *Lessius* adhæsit; quasi impetierit duntaxat vitiosa *qualia*, non etiam ipsas personas, de quarum (vt ait) virtutibus aut vitiis *DEVS* suo tempore iudicabit.

Bonum factum. Sed illud vicissim pro meo iure *Barnesio* repono, vt quamuis memor *Christianæ* charitatis atque modestiæ quam ipse planè excussit, abstinuerim ea conuitiorum acerbitate, quam petulantia tantæ supinitati ac mendacitati coniuncta sæpe prope extorquere videbatur; nec eum absque addito *CALVMNIATOREM*, vel antonomasticè *MENDACEM*, agnominare voluerim, quam ille temperationem erga *Lessium* cæterosque non tenuit, *Æquiocatorum* appellatione tanquam cœno iugiter eos respergens: Tamen quia pro occasione mendacia *Barnesij* atque calumnias, & ineptias castigavi, idque illi posset durius fortassis asperiusve accidere; recorderetur me quæ in eum calumniantem & mentientem ac ineptientem adduxi, intelligi velle dicta de vitiis cum persona concretis deque vitioso eius *Quali*, non de ipsa persona, præscindendo à præ

à prædictis defectibus, quam Deo iudicandam permitto in illa die in qua reducto sipario quod nunc oppassum est & æternitati (vt Tertullianus dixit) & cordibus omnium nostrum, manifesta fient occulta cordium. Tunc non licebit claudere, quod quisque fuscum cogitat, sed manè clarescent nouo, secreta mentis prodita. Tunc quicquid latet apparebit, nilque inultum remanebit; etiam si nolo esse pro Barnesio (ni mentem mutet) fideiussor.

14. De altera Barnesij contestatione, qua se negat hæreticum esse posse, quod vniuersa opera sua censuræ ac iudicio Ecclesiæ Catholicæ Apostolicæ Romanæ lubens subiiciat; gratulandum cum charitate illi censeo, quod & fidei Catholicæ regulam viuam agnoscat, & matricem Ecclesiam ad quam iuxta Irenæum propter potentiorē principalitatem necesse est constitutos vbicumque fideles conuenire, puritatem fidei ac stabilitatem petentes, iudicem scriptorum suorum (vt debet) statuatur: oblitus, aut humillimè vt Catholicum oportuit, perpessus anteriorem notam qua librorum prohibitorum Indicem Romanum, vna sua lucubratione auctiorem iam fecit. Ego verò illi hanc mentem quanto possum affectu perpetuam cupio, dummodò labia transcendat eius contestatio, nec æquivocatione duntaxat (deficiente hîc idonea causa & virtute fidei synceritatem & summam in loquendo simplicitatem hîc indicente) sed quod multo deterius esset & nullatenus in re tanta ferendum, mendacio careat. Quod cur monendum censeam secundus indicium mox subiiciendorum docebit, & docent etiam

etiam quæ vir grauis ac pius in aditu ad hanc
disputationem adductus, prælagiuit. Vt autem
Barnesius probari mihi intelligat consilium hoc,
quod illi æternum cupio; Ego quoque Hierony-
mi verba vsurpans finiam: *Errare possum, here-
ticus esse non possum*, quia quicquid hac disputa-
tione aut vsipiam alibi à me dictum vel scriptum,
dicendum aut scribendum est, ad nutum Catho-
licæ Ecclesiæ eiusque capitis Romani Pontificis
Christi Vicarij, stare aut cadere volo.







I N
IOANNIS BARNESII
MONACHI BENE-
DICTINI ANGLI DISSER-
TATIONEM ADVERSVS
æquiuocationes
INDICES TRES.

I. *Vocum barbararum.* II. *Vocum Græ-
canicarum.* III. *Rerum notabilium.*



MISIT Barnesius operis sui
Indicem dare, cupiens vt reor
hoc labore leuari. Ipse hanc
suscepi curam : sed non potui
Indici inferere, nisi quæ operi insunt. Itaque
conuicia primùm ac maledicta; Tum men-
dacia & imposturas, atque calumnias; Tan-
dem ignorantias, ineptias, parerga, supini-
tates dabo, Indice tripertito, digerens in-
conditum hoc chaos. Hæc est penus re-
rum & verborum operis Barnesij. Nec da-
bo Indicem locupletissimum, tametsi abun-

dat materia, & inopem me copia facit ; sed decerpam tantum nonnulla in quolibet prædictorum capitorum insigniora ; ne Lectorem tam tetræ camarinæ , si vniuersa moueatur, scætor & graueolentia malè afficiat.

I N D E X . I.

Vocum barbararum.

VOCEs barbaras erit qui intelligat quibus Latinitas & Despauterius violatur. Et scatet quidem huiusmodi barbarie Barnesij liber , vt non tam videatur latinè loqui quàm rudere. Voces vbique de tritio , aut potius de gurgustio : Nam & in eo fixum sibi domicilium proficitur in epistola ad Pontificem operi præfixa. Eiusmodi nominatim sunt illæ vocum gemmæ. *Enunciatio mentali restricta* , pag. 268. *Orimentalis equinocatio*, pag. 261. *Orale & mentale*, pag. 136. *Mysteriosa locutio*, pag. 386. *Indirectè & ex consequio*, pag. 156. *Supernumerariè*, pag. 369. *Charitativa correctio* , pag. 89. *Virtus postliminio eliminatur*, pag. 98. *Patriota & Concines* , pag. 100. *Quæ docentur & practi-*
cantur

cantur ab æquiuocatoribus, pag. 4. Ac adeo no-
runt, pag. 12. & 15. Ratio suadet. ubi peccati vul-
nus ingrauescit, redolet computrescit, illud. Cu-
rari debere, pag. 88. Suadere & consulere. ca-
lumnias, pag. 107. Miracula Christi erant suffi-
cienter ad reuincendum fidem discipulorū Ioan-
nis, pag. 115. Ratio filiarum lites presentaneas
terminandi, pag. 118. Annulus qui cum subsi-
gnabat syngraphas, pag. 118. & mox agens de
tribus sororibus: Vna quauis credens penes se
depositari verum annulum. Necessitas ab Au-
gustino edocta, pag. 160. De vita egroti peri-
clitabitur si dicatur ei mortuum filium, pag. 164.
Sibi promittebat nullum fore qui non se precipi-
taturus esset, si iusserit, pag. 181. Iurant nul-
lius preces apud ipsos inualituras ad hoc vt ve-
nenum propinarent, pag. 183. Synodus definit
non solum hæreticum esse hoc scelus approbare,
sed etiam hæretica & scandalosa doctrina est de-
fendere, licere, &c. pag. 219. Augustinus, ait, in
iurante falsum inueniri nequam deceptionem
credentis, pag. 251. Senex naribus deguttans,
pag. 286. Recludit folia herba sentiens cum tan-
gitur quæ referat ad tangentis discessum, pag.
299. Consultò omisi quæ poterant ad Ty-
pographicos lapsus referri, & alia plera-
que indubitata ipsius Autoris menda, me-
mor gustum dumtaxat à me promissum.

Ferax quoque hic ager imparilitatum &
 ftribiliginum : Cuiusmodi sunt illæ pag. 333.
Qui loquitur manifestū est posse recurri, & pag.
18. Solū habere potest triplicem acceptionem,
& secundum neutram vera reddi valet. Et pag.
 138. *Iosephus Langius in sua Polyanthia.* Et pag.
 437. *Franciscus Lucas in correctionibus Biblia.*
 pag. 58. *Deus percipit elocuta spiritu.* Similes
 ad singulos passus occurrunt. Quamvis
 igitur has latinitatē labruscas passim pro-
 ferat Barnesij vinetum ; tamen voces bar-
 baras quas primus hic index exhibebit, in-
 telligo voces Barbaro potius, quā Theo-
 logo & Monacho aptas : Conuicia ; in-
 quam, & horrida verba, quorum dumta-
 xat portiunculam producam, vt habeat
 Lector delibationem modestiæ Barnesij,
 & sertum de lectis floribus quibus con-
 spergit sententiæ quam impugnāt asserto-
 res Adrianum Papam, Maiorem, Ange-
 lum, Syluestrum, Nauarrum, Sayrum, Mo-
 lanum, Binsfeldium, & alios, quorum sen-
 tentiam probabilem censuit Lessius, & id-
 circo præ omnibus de vitulino illo stercore
 lapidatur.

SPE
 K

*SPECIMEN MODESTIAE BARNESII
molliumque eius verborum.*

AQUIVOCATIO portio diaboli ^a de mendacio. Nihil foro, nihil campo, nihil curiae, imo nihil Deo debet, cum sit semper veritate diabolica ^b nobilis, nouitate humanæ adinventionis foelix. Est sicut mare cui fides infamis, &c. *In epistola ad Pontificem.*

^a *b. Exordium à Diabolo.*

Non nisi per summam impudentiam, simulatio, mendacium, & nomen æquiuocationis, heri è terris instar fungi ortum, audent sese ostentare inter Dei dicta. Et quis non exhorrescit ubi audit has sordes? &c. Stupidus ^c esse debet cui hæc stuporem non adferant. *pag. 10. & 11.*

^c *Itaque stupidus uniuersus orbis quem paulò ante dixerat silere, & omnibus dissimulantibus ac indormientibus, conatum se exsurgere veritatis per has denteroses prostrata, vindicem.*

Sardanapalus æquiuocationis; cuius mollissimum & insensatissimū caput, iusta indignatione cæstro Menippico ^d percitus comminuere intendo, lapidibus & armis philosophias & Christianis. Sic enim haud dubiè meritò tractabitur corruptior quæpiam, ^e Thais, Glycerium, Corbyla, Phædra, Parthenope, Rhodopede: sic & his impurior æquiuocatio. *pag. 11.*

^d *Eia Menippe, noli sub aliena axilla calumniam quarere quam fronte ipse præfers.*

^e *Proh quanta tua eruditio & recondita doctrina! quam bene tibi cognita publicarum libidinum victima!*

Pudeat ^f æquiuocationum defensores velle dici cum ratione propugnare propudium. hoc *pag. 12.*

^f *Tuum verò his effusiendis pudorem operiri oportuerat, ET
TAMEN PALLIS.*

Lessius ex mendacio non mendacium, ex periurio non periurium, ex mortifera irreuerentia Deo exhibita, dum

adducitur testis nugatoriis iocis, mendaciisque, & periuriiis, fortè nihil mortiferum concludit, asseritque. Et mirabili metamorphosi nigrum in album, tenebras in lucem, falsitatem in veritatem & transformat. §. 1. *in fine.*

§ Imo metamorphoses tuas, bone Naso, mox audies.

Authores æquiocationum, propter æquiocationem vituperandi, sunt; In primis serpens diabolus, ^h Deinde Adam lapsus in peccatum quærens latebras. Homicida Cain; Simeon & Levi vasa iniquitatis bellantia: Fratres Ioseph cum sacrilegè & proditoriè vendentes Ismaëlitis, Thamar incestuosè & metetriciè agens. Vxor Putipharis propudlum libidinosissimum. Sisara persecutor primarius populi Dei. Ephratzi seditiosi. Dalila meretrix. Ioab homicida. Ionadab suāsor nefarij concubitus Absalonis. Ammon raptor & violator pudicitiae Thamar. §. 6. *Non dedij mediam partem florum rosei illius.*

^h Diabolus.

Brevius & æquè verè dicere poteris, nullum est peccatum nisi æquiocatio. Eia bone Menippe cui elocasti iudicium; homicidia, incestus, & persecutionem proborum, iuxta te sunt æquiocationes. Quæ hac plusquam Ovidiana metamorphosis? Debebas sanè eodè in re calumniarum quoque æquiocationibus annumerare, & te inter calumniatōres Triarium proponere in exemplum cum cæteris, et quæque propudiorum syllabum nomine tuo obsignare.

Æquiocatio Lessiana est initium confusionis quam edificatores Babylonici introduxerunt. Est loquela in lingua damnata à Paulo, 1. Cor. 14. Est maledictio Dei à Prophetis prædicta, quæ populo Christiano continget. Æquiocator aërem verberat & est Matzologus, ac pleidopropheta, barbarus, inhumanus, ac penè cyclops. §. 7.

* Quid intererat addere illud pene? Scilicet quæ dicatur benignas latronis.

Æquiocationes Lessianæ sunt mendacia. Oriuntur ab idololatria, spectant ad propria Diaboli quibus filij Diaboli à Christo & discipulis eius discriminantur. Qui eas docent, attendunt, spiritibus erroris & doctrinis

Dæmo

Dæmoniorum, imitanturque idololatrias : Quia lucifuga æqui-uocatio, non minus oculum quærit, quàm mysteria occulta Gentilium : Et quæ de factis occultis gentium dixit Paulus, æqui-uocationi deferuiunt, nempe *quæ in occulto sunt ab ipsis, turpe est & dicere* ^m. Sunt item æqui-uocatores, tenebriones & ἀμυρτωδοί. §. 8.

^l Diabolus denuð, & spiritus erroris, atque dæmonia.

^m Quid est quod toties hac occulta dedecoris qua honesti sæculares ne promere quidem sustinent, calamo tuo committis? Solet calamus de cordis & oris abundantia testari. At monet Apostolus, Omnis turpitudine nec nominetur in vobis, sicut decet Sanctos.

Assimilatur ^a æqui-uocatio Cimmeriis Ægyptiorum tenebris; carnibus putridis; stipulæ Rahab meretricis; ebrio cui Deus miscuit spiritum vertiginis; concipienti quifquilias; cisternæ fractæ; luto friabili; foliis ficus maledictæ; sepulchris dealbatis; volutabro suis. Nata in Ægypto huius sæculi, sub Pharaone patre Ægyptiacorum mendaciorum, per somnia & fictiones ortorum, §. 9.

ⁿ Quare Tertullianus peponem Marcioni pro corde esse pronuncians? Hic hic.

Atheismus æqui-uocationis ^o §. 13.

^o Quis est tuus huius locutionis sensus? præsens. Talem sepe adamas. Cape me, sed te primum.

A doctrina æqui-uocationis timendum est ^p ne parasitismus prælatus Epicureismo, non solum iactet se pro vera philosophia, sed etiam pro vna solâque vera religione. *ibid. num. 11.*

^p Hoc metuendum est Monacho Sarabaita, per mensam ambulatorem aliena quadra extra cænobium, vitam agenti parasiticam.

Doctrina æqui-uocationis hæresis Sathanica ^q Thalmudistica, ex aduerso repugnans cum lege Dei, doctrina Patrum, decretis Pontificum. *ex Amico refert §. 13. & amicum non reprobatur. Itemque in præfatione num. 5.*

^q Satan. Es mali inimici libenter scabunt.

Æquivocatio tollit externam fidei Confessionem: blasphemias item & mendacia contra Christum & fidem stabilis: §. 14. Priscillianistarum, idem quod Lessij assertum est *ibid.* num. 3. Et mox num. 4. Sententia Lessij est apologia Priscillianistarum, iamdiu ab Augustino ante nostrum sæculum confutata, ut continens in se mendacium, & quidem blasphemum, ac adeo æquivocatio mendax est & blasphema. Et num. 6. Lessius apologiam facit pro hac æquivocatione blasphema.

¹ Quid est illud. Sepulchrum patens est guttur eorum? Et illud cuius maledictione os plenum est & amaritudinis & dolo, sub lingua eius labor & dolor.

Dogma diabolicum ⁵ æquivocationis §. 12.

Diabolus.

Sententia Lessij iuxta Patres est error, profanatio Ecclesiæ Catholicæ, impietas damnatione digna, cuius assertores pertinent ad PRavam SOCIETATEM Diaboli, & Iudæ Iscarioth, & æternis suppliciis condemnatorum §. 23.

² Rursus diabolus apud te; quid enim posses tam infrenata mendacitati & malignitati consonantius ingeminare? pro PRava SOCIETATE, propinavi Antimonium.

Æquivocatio prout à Lessio docetur, non malè assertur damnata ut impia & hæretica, in Concilio Constantiensis §. 24. Et in fine paragraphi; æquivocatio Lessiana est mendacium illud quod percellitur fulmine Constantiensis ¹¹ censuræ, ac adeo non modò hæreticum & scandalosum est illam defendere, sed etiam ad illam viam dare.

¹² Consilium Constantiense Tyrannicidia damnet: suadens ea qua non sunt tamquam ea qua sunt vis esse æquivocationes.

Æquivocatio spectare debet ut membrum ad Civitatem diaboli ¹³ mendacio fundatam §. 16.

¹⁴ Nimis iam diu siluerat de Diabolo.

Error

Error Gnosticorum idem qui æquivocatorum in negotio profitendæ fidei §. 27. num. 6. Æquivocationes & locutiones restrictæ, ex Eleusiniis hæreticorum Valentianorum ⁊ prodierunt *ibid.* num. 8.

⁊ Qui æquivocationum originem repetiveras à serpente, & foliis ficus paradisi, ac Caini; nunc à Valentinianis Hæreticis Christo posterioribus eam petis. Memoria te deficit, aut veritas; Imo utraque.

Lessij æquivocationes non Christianorum sed ethnicorum ⁊ *ibid.* num. 13.

⁊ Qui Ecclesiam & caput eius non audieris, sis tibi sicut Ethnicus. Audin?

Æquivocatio Lessiana verè est minorum ⁊ modernorum Theologorum commentum §. 28.

^a S. Thomas, Scotus, Durandus, omnes denique antiqui, quia locutionibus amphibologicis discretè astipulantur & restrictionum usum licitum, ipi aliquibus saltem exemplis expressè approbant, sunt Barnesio Indices Indice, Minusculis Theologorum.

Æquivocatio ad hæreticos ablegari debet, nec spectat ad vocem Iacobinam Ecclesiæ, sed est reputanda opus manuum Esauitarum ^b §. 30. n. 5. Et *ibidem* in fine paragraphi. mendacium, antiquum licet diaboli ^c inuentum, hoc sæculo, nouo nomine donatum & penè Christianum factum est.

^b Vox Esauina non Iacobina. Et poterit Lessius respondere verbis Ennodij in apologetico; Esau mentionem operi nostro, nescio verbis an latratibus indidistis,

^c Commemoratio Diaboli.

Phariseorum ^d est non cernere veritatem in verbis scriptis aut signis externis, sed sapientia amissa illam eruere ex inferno ^e æquivocationis §. 49.

^a Phariseæ cæce, erue primum trabem de oculo tuo, & tunc perspicies ut educaas festucam de oculo fratris tui.

[⁊] Quid est Taturillam esse tutum contumeliæ causa? Seneca docebit epist. 96. Ego id vnum pono ad hoc probum

num. Gradere in infernum incomitatus si tantopere eas partes adamas.

Minus malum, ^f & leuior in Paulum est contumelia, Melchisedecianorum hæreticorum, colligentium ex dicto Pauli hæresim de Spiritu sancto, eodem cum Melchisedeco, quàm Personij & æquiucatorum, credentium Paulum fuisse æquiucatorem, vel falsidicum. §. 50. n. 1.

^f *Fædum conuicium cum fædo errore coniungis. Nam te Iudice, minus malum est proferre hæresim, quàm proferre æquiucationem: Et si (quod maximè vis) æquiucatio esset mendacium; Tamen de fide est hæresim esse maius malum, quàm sit simplex mendacium, quale est quod ab alijs Paulo tribui mentiris.*

Qui docent æquiucationem aliquando licitam, proculdubio pertinent ad numerum filiorum terrenæ Hierusalem ^g §. 52. n. 3.

^g *Sanctus Antonius Hierosolymitas terra huius ad æternam Hierusalem suspirantes, anteponebat Egyptijs Monachis, Gyronagijs & Sarabaitis.*

Assertio negans fas vnquam esse æquiucare, vitat Ethnicismum & Aulicismum impium, ^h affectat verò & ructur verum Christianismum, fidelitatem, & obsequium erga suum principem & patriam. *ibid.* n. 6.

^h *Lepus tute es, & pulpamentum quæris?*

Ieiuna querela ad quam æquiucatorum argumenta nos remittunt, Cynædorum ⁱ muliercularum effœminatoremque potius, quàm sapientum obiurgatio iudicatur à cordatis. §. 53. n. 5.

ⁱ *Mallem cum homine cœnum edente mensam communicare, quàm cum talia loquente. Non cernitis porcos sterces mandantes? Sic & isti. Quid enim fœtidius verbis qua contumeliosi loquuntur? Studium eî est, nihil sanum eloqui, mundum nihil, sed si quid turpe, si quid desforme, hoc tam facere quàm dicere, & quod grauius est, alios se confundere putant cum seipsos dedecore magis afficiant.*
Chrysost. hom. 31. ad pop.

Lessius & eum sequentes, timere debent vix illud Esaiæ pronunciatum contra dicentes malum bonum, & bonum malum, ponentes tenebras lucem, & lucem tenebras, amarum in dulce, & dulce in amarum conuercentes ¹. Dolendum certe nobis Christianis est, in ea nos incidisse tempora, in quibus spiritu erroris operante in hypocrisis mendacium loquuntur æquiuocando §. 54. num. 12. *Et rursus ibid. num. 12.* non alio medio potentiori fiet ¹ ut fides è terris exulet, aut à conspectu hominum abscondatur, quam æquiuocationis personato mendacio, &c. quod mundo senescente & charitate vel frigescente vel repescente plurimum, sensualitatis gymnasio dictatur, &c. At quid opus superbia Pharisæica, de malè facto gloria-ri; quin & illud defendere, & aliis malè faciendi artem præcipere?

² *Ita planè dolendum, sed medice cura teipsum. Ego te mox struicū mendaciorum conuincam.*

¹ *Ut uinea propheta es tu, sed de eorum numero qui increpantur quod prophetens de corde suo, cum Dominus non miseris eos.*

Missos facio reliquos flores quæis Barnesij os, Lessium & Lessij suffragatores consperfit roto opere. Nam neque vniuersam summam repræsentare pactus sum, sed specimen duntaxat; cui eluendo profero

BARNESIO ORIFICIUM.

SCIS à quo scriptum sit, Cui vlla fan-
di cura sit, impensius cetero corpore os co-
lendum, quod animi vestibulum, & orationis
ianua, & cogitationum comitium; Ego certè pro
meo captu dixerim, nihil minus quam oris illu-
yiem, libero & liberali viro competere. Est enim

*ea pars hominis loco celsa, visu prompta, usu fecunda. Nam quidem feris & pecudibus os humile & deorsum ad pedes deiectum, vestigio & pabulo proximum, nunquam ferè nisi mortuus, aut ad morsum exasperatis conspicitur; hominis verò nihil prius tacentis, nihil sapius loquentis contemplere, &c. Itaque vides quanto iure, in tanta oris tui illuie, orisfricium adhiberi abs te cupiam, vt discas in posterum, nitido ore, ac sordibus deterfis, non iam hoc verborum cœnum, quo te potius ac prius quàm alios conspurces, sed Theologi & Monachi voces fundere. Impugnandus sanè abs te fuerit Lessius, quando tanta tibi videbatur impugnationis illius necessitas. Sed quid promouebat veritatis partes in ea controuersia; tantorum conuiciorum & tam horridorum verborum coaceruatio? Bene Origenes in ipso fine libri primi contra Celsum consimilem blateronis illius inter disputandum maledicentiam obiurgans: *maledicta conuiciaque iaculari, hoc non est disputatoris, sed plebecium & indignum philosopho vitium, & furoris indicium, cum deberet rem propositam examinare candide, & quantum fieri potest, nihil alienum ab ea dicere.* Ego certe indolui non semel dum vestigia tua cogor relegere, inlectam mihi necessitatem tam fœdum impuri*

puri oris exemplum in homine Monacho
& in speciem Theologo prodendi. Quare
has tibi extrema hac disputatione apposi-
tas volui. *Et dentium & totius oris mundici-
nas, nitelas oris, queis possis, spurco Hiberorum
ritu dimisso, dentem atque ruffam pumicare gin-
giuam, tenuem, candificum, nobilem pului-
sculum, complanatorem tumidula gingiuale,
conueritorem pridiane reliquie. Ne qua visa-
tur tetra labes sordium, restrictis forte si labellis
riferis. Ipsæ belluæ dentifricium vsurpant,
ne quid immundum & fœculentum hæ-
reat, ea in parte quam congruum est esse
mundissimam. Pergit quem iam protuli.
Crocodilus qui in Nilo gignitur, purgandos si-
bi dentes innoxio hiatu præbet. Nam quod est
ore amplo, sed elingui, & plerunque in aqua re-
cluso, multa hirudines dentibus implectuntur,
eas illi cum egressus in præripia fluminis hiauit,
vna ex anibus fluuiialibus, amica eius, iniecto ro-
stro, sine noxa periculo, exsculpit. Porro non
te fugit quam grauter Septimius, te no-
menclatore os Africana Ecclesiæ patrūque
Latinorum, hanc mutarum animarum æ-
mulationem Christianis præscribat. ORI-
FRICIVM igitur ac DENTIFRICIVM,
pro ORIFRAGIO ac DENTIFRAGIO,
quod cupio ne tua cordis inopia extor-
queat,*

queat, à me habeas ea lege, vt in posterum
os tuum conspurcare calumniarum & con-
uiciorum illunie abstineas, ne lusam mihi
operam doleam, cogarque verè ab eo quem
aliquoties iam profero scriptum agnoscere.
*Planè quidem si quis ita ut tu, nunquam ferme
os suum nisi maledictis & calumnijs aperiat,
censeo ne vlla cura os percolat, neque ille exotico
pulvere dentes emaculet quos iustius carbone de
rogo obtriuierit; neque saltem communi aqua
perluat, quin ei nocens lingua mendaciorum &
amaritudinum praminiſtra, semper in ſeculi-
nijs & olenticetis suis iaceat. Nam quæ malum
ratio est, linguam mundam, & lotam, vocem
contra spurcam & tetram possidere? Vipera ritu
niueo denticulo atrum venenum inspirare?*

IN



INDEX II.

Vocum Græcanicarum.

NOLO expectet hîc à me lector Græcas dictiones, quas singulis propè paginis, pro Latinis putidè supposuit Barnesius, ratuam ac insipidam ratus, vt videtur, fore orationem, quæ non aliquibus Græcis oculis, veluti insertis succidiæ frustulis cōdiretur. Sic enim nominatim suum ἀπλῶς, & ὁμολογίαν, & ἀπρίαν, & διδασκαλικῶς, & ὁλῶς Latinis phrasibus immittit. vt taceam etiam ex litera vna suam in Græcis peritiam sæpè ostentare Barnesium, laureolam ex mustaceo captantem. Nam & Amphibologicās, pag. 16. & passim alibi; Et Paraphrasticās, pagina 37. caput 27. Genesicās, pag. 421. & Ironicās, pag. 422. & Categoricalās, pag. 366. Et huiusmodi aliæ betæ apud eum densæ. Sic & Magistelli faciunt cum paganum aliquod ludimagisterium prehensant. Latinis verbis Græca, vernaculis Latina insuunt Pædagogicè, aut

• • • Meno

Menoticè (non te latent virum utique eru-
ditissimum Caligæ concionatoriæ Meno-
ticæ versicolores ;) ut magnam de se conci-
tent opinionem, & Musarum delictum au-
diant : Quæ est mentis ieiunitas, & puerili-
tas, docto homine & qui alicuius sit iudicij,
planè indigna. An enim Tullius ad eum
modum Latinè scripsit ? Aut Demosthenes
Græcam orationem Latinis quasi clavis
inoculauit ? Vel viri sapientes, Gallicè scri-
bentes, aut loquentes, vulas Latinas in-
terferunt, ut populari auræ velificentur, &
aditum abs se Latium ostendent ? Sit verò
id aliquando non incongruum, aut etiam
probandū, cum Græcæ vocis energiā, nul-
la latina satis assequitur ; ut cernitur in qui-
busdam Græcis vocibus quas magnus Dio-
nysius nouauit. Sed suppetentibus vocibus
Latinis æquè idoneis, cui non puteat pueri-
lis illa ostentatio Hellenismi ? Itaque quam-
uis extent apud Barnesium plurimæ huius-
modi cespitationes iudicij ; Tamen voces
Græcanicas hîc exhibebo alterius generis ;
id est, Græca fide prolatas, ut habeat lector,
SPECIMEN MENDACIORVM ET IMPO-
STVRAM BARNESII, quantumlibet Phi-
laethem se ipse venditet. Et Monachum
quidem S. Benedicti, mendaciorum absti-
nentiſſi

mentissimum esse debere, ex eiusdem S. Patris regula cap. 4. exploratum est; ubi Smaragdus & Peres, luculenter agunt de Monachi obligatione ad seruandam veritatem. Quæ si in omni vita est arctissima & firmissima obligatio, quanto magis vigere debuit ea tractatione, qua alij ob meram, eamque inanem suspensionem defensi mendacij, tam acerbè exagitantur, & seuerissimum puræ putæ veritatis patrocinium obtenditur? Tanta tamen contra veritatem, per crassissima mendacia peccauit interfector iste veritatis, vt mirandum sit quomodo illi, quod Iuliano S. Augustinus obiecit, ipsum atramentum non rubuerit, versumque in minium fuerit. Deprehendet hîc lector verè à Seneca scriptum 2. de Ira. cap. 28. *Fidei acerrimus exactor est perfidus, & mendacia persequitur ipse periurus, & litem sibi inferri agerrimè calumniator patitur, &c. Aliena vitia in oculis habemus, à tergo nostra sunt.* Gustum permodicum Barnesianæ mendacitatis dabo. Nam si integram massam repræsentare instituerem, fines huius instituti transgrederer, & prope vniuersa aduersarij dissertatio exscribenda esset.

DE LIBATIO MENDACIORVM

Barnesij.

CENSENT nonnulli, haud indignum IESU CHRISTI discipulo fideli, mendacium ore enunciare, imo iurare, modo veritas sit in corde ^a, &c. Visum est mihi plane expediens, hos mendacij patronos repellere. *In Epistola ad Pontificem.*

^a *Apage spurcum mendacium. Id enim non Lessius aliiue quos designas, asseruerunt; sed tu eis per calumniam affingis; Teque quod es produs, id est, Palaphatum, & lectissimum organum eius qui mendax est, & pater eius.*

Scandalum orbi datum, ex eo quod prædicetur, ab Ecclesia credi, tradi, doceri, licere æquiucando mentiri ^b. *ibidem.*

^b *Omnes mentientes quomodocumque mentiantur, perdet Deus. Iisque per hac mendacia tu quoque adiungéris, nisi resipiscas.*

Testor Deum huius disputationis edendæ causam esse & fuisse ^c ardens studium gloriæ Dei & veritatis Catholicæ. *pag. 1.*

^c *Videat lector aditum ad disputationem nostram n. 5. & agnoscat hic periurium.*

Molanus lib. 1. de fide hæret. sequ. cap. 5. ait sententiam à Lessio defensam esse carnalem hominis cogitationem, ubi cum mendacio concurret liberalis animi hypocrisis. Et cap. 13. ait esse id quod impius Macchiauellus in libro de Principe scripsit. Et cap. 16. ait esse contra SS. Patres quibus subscribunt omnes Theologi Scholastici. Et cap. 15. ait esse contra Vniuersitates, Concilia Oecumenica & ipsam Romanam Ecclesiam. Hæc ille de Lessij sententia ^d. *pag. 5. & latè §. 30.*

^d *Mendacium hic per per aliquot lineas, infra verò per sex ferè paginas expassum. Quàm porro sit luculentum & impudens vide Disputationem nostram eo capite quo testimonia*

nia Iurisperitorum pro restrictis ex causa locutionibus adduximus.

Status quæstionis est * an Iesus CHRISTVS dixerit mendacia, & an mendacia sacris litteris tanquam à Deo dicta sint inserta, & an ea Ecclesia nobis obtrudat pro verbo Dei. In assumento Gallica editioni supra Latinam adiuncto. §. 1. initio.

e Hic est in editione Gallica frons operis, cui iure illud appin-
xerim ex Ennodij Apologetico. O frontem dictionis im-
mundæ, & faciem libelli quam non sola maculavit im-
peritia: Videat lector disputationem nostram in calce ca-
pituli tertij.

Lessius ait f loquelam ad alterum hominem directam,
& responsonem interrogationi adhibitam, posse fieri per
locutionem mentalem. §. 5. in titulo.

f Vbi hoc dixit Lessius extra phantasiam & mendacitatem
tuam? Itaque ut est apud autorem qui tibi Monacho in
delicijs, Plus vident tui oculi, quàm quod vident.

Mendaces sunt nolentes audire legem, & qui dicunt lo-
quimini placentia, videte errores. At Doctores æquiuo-
cationum aiunt g hæc fieri posse per mentalem referua-
tionem. §. 5.

g Barnesius Doctor calumniarum, hoc affingit ijs quos per con-
uicium eo nomine insignit.

Lessius docet h licere iurare falsum æquiuocando. §. 8.
num. 7.

h Quid est mentiri, si hoc non est? Vbi id dixit Lessius, nisi in
tua calumniandi & quidlibet fingendi ac affingendi liber-
tate? Olent tua verba ieiunium, mi homo, bonâ mente.

i Petri 2. v. 19. Vitiis humanæ naturæ statum corrup-
pentibus, annumerantur æquiuocationes i. §. 9.

i Verba Apostoli eo loco hæc sunt, libertatem illis promitten-
tes cum ipsi serui sint corruptionis. Itaque non aua tibi nec
fides: corruptis Scripturas quod quorum sit idem Apo-
stolus docet.

Sat notum est, illud imprimis documentum æquiuocatorum discipulis dari, vt toties nomen mutant quoties Chameleon colores variat, idque sæpe ex leuicula causa, ^k quam notabilem, iustam & necessariam imaginantur facillimè, cur ita faciant. §. 11.

^k *At hoc tu satis superque vides esse mendacium mendacissimum. Videat lector disputationem nostram cap. 5.*

Ex mente Lessij, ^l potest quis sycophantari ex causa necessaria; potest iuxta eundem falsa quis de suo ordine comminisci ad amplificandum honorem Ordinis; Potest denique iuxta Lessium iustus delator onerari grauib. calumniis à delato, ne ei à Superiore credatur. Quinetiam iuxta Lessium omnia Politicorum mendacia de priuatis, (si modò ipsi Politici iudicent expedire mentiri ad bonum commune,) vitio vacant. §. 12.

^l *Tetra & horrida nubes mendaciorum. Quorsum Seuerus in Cassium exclamauit, SI CLOACA ESSES, MAGNA ESSES.*

Iuxta Lessium ^m Abbas potest pro maiore Dei gloria & bono communi, iubere vt omnes conspirent contra innocentem quempiam, & de eo fanda & infanda omnia fingant: Et subditi non examinata causæ æquiuocandi sufficientia, tenentur parere, & pronè ex quadam cæca ⁿ vt vocant, Obedientia, aculeis linguarum ad instar apum iratarum, importunè circumuolitare, & vulnerare cum ^o quem vnus superioris odium ad necem destinauit. *ibidem sub fi.*

^m *Et hoc quoque prodigiosum mendacium. Tuus est sine fundo calix, ô bone: nec mirum si cruda effusias.*

ⁿ *Planè cæcus es qui obedientiam cæcam sic intelligis.*

^o *Vides quomodo grunnires cum esses in Monasterio.*

Citat ex Augustino loca aduersus mendacium, quæ ipse suo mendacio commaculat, & addens ad vocem mendacij vocem æquiuocationis, vt incautus Lector existimet Augustinum aduersus æquiuocationes locutum, cum tamen Barnesius ea loca mendaciter confinxerit, addens de suo quod Augustino deerat ad Lessij impugnationem.

§. 13. Id verò est toti libro adedò perpetuum vt frustra signanda sint plura loca.

P *Mendacium toto prope libro continuum. Vide disputationem nostram cap. 21. num. 15.*

Iuxta Lessium nec Turcz nec Pagani possunt rationabiliter convinci falsitatis in religione: ¶ cum per Lessij doctrinam suggeratur prudens suspicio, quasi liber religionis, utcumque sint inter se dissentaneæ, posse à Deo proficisci, contraria dicta externa proferente. *ibid. num. 8.*

¶ Si Ecclesiam, regulam credendi, & fidei Magistrum agnoscis; (quod debes si Catholicus es) vides non esse huic tua impostura locum.

Potest Deus iuxta Lessium, ¶ falsa & dissentanea docere ac reuelare. §. 13. n. 11.

¶ Orestis somnia narras
Hac sunt mendacia tua, non Lessij asserta.

Priscillianistarum, itémque Lessij ¶ assertum est, non obstare falsum exterius dici, etiam in rebus fidei, modò mente dicatur verum. §. 14. n. 3.

¶ Repeto, & mentiendum non esse ingemina, ut tua facias pretiosa mendacia.

Lessius promittit ¶ fieri posse mendacium, absque mendacio. *ibid. num. 10.*

¶ Ostende ubi Lessius id promittat, aut disce erubescere. Quanquam quando resumes, eisdem semel astrita de fronte ruborem?

Vt quis mentiatur, iuxta Lessium ¶ exigitur intentio directa decipiendi. §. 15. & 16.

¶ Contrarium disertè à Lessio statui, ostendo in disputatione capite 2. à num. 9.

S. Augustinus laudavit ¶ praxim S. Firmi vt rem necessariam ad cuitandum mendacium. §. 17.

¶ Hanc necessitatem tu mendaciter adiungis.

Et mox num. 1. verba ipsa eius quem S. Augustinus inducit cum ipso pugnantes, profert ⁊ tanquam verba S. Augustini, citans obiectionem pro solutione.

⁊ *Fidelitas Barnesiana, citare obiectionem loco responsionis.*

Addit item num. 2. S. Augustinum l. de mendacio cap. 13. dixisse, S. Firmum melius penetrasse damnationem mendacij in Scripturis proditam, quàm eos qui asserunt posse euadi mendacium per æquiuocationem. quos ait à D. Augustino ⁊ vocari timidos, & laborantes ignorantia Scripturatum.

⁂ *Hoc verò est de ipso mendacio, mendacissimè mentiri. Nam Augustinus ne hilum quidem habet illius sententia.*

Si pater ægrotans roget de statu filij, S. Augustinus l. contra mendacium cap. 18. ait ⁂ non posse responderi nisi vel dicendo *viuit*, vel dicendo *nescio*, vel fatendo quod est, nempe *mortuum esse* : Ex illis tribus duo falsa esse scilicet, *viuit* & *nescio*, nec posse dici nisi mentièdo, affirmat idem Augustinus. §. 18. n. 1.

⁂ *Augustinum ita dixisse ais sumpta obiectione quam Augustinus ibi contra se refert, pro ipsius Augustini doctrina.*

Rursus num. 4. Augustini locum^b allegat, contra æquiuocationem expressissimum.

^b *Ita est, dummodo supplementa & additamenta ei facta à Barnesio, habeantur pro Augustini verbis, quod facillè concedendum putauit Barnesius. Tantum enim singulis periodis unam aut alteram vocem suam inseruit.*

Resilire leuiter à fide Principi iurata docent, ^c qui æquiuocationem docent. §. 21. n. 1.

^c *Mentiris atrocissimè. Hoc qui dixeris, peripsa esto. Tu verò nisi probaueris (nec probabis cerè unquam nisi per falsum testimonium) calumnia ac impostura penas dato. Recole legem Bulgaricam apud Suidam v. Bulgari, & quid hic commeneris, agnosce.*

Doctrina æquiuocationis, ut facultas^d Sorbonica declarauit

clarauit anno 1610. facit vt heterodoxi ab Ecclesia Catholica & Romana discedentes, in suo errore obdurescāt, & Doctores ac Prælatos Catholicos detestentur. §. 12.

^d *Intra paucas lineas, fateris decretum illud facultatis Parisiensis, spectare Tyrannicidium. At oportebat mendacem esse memorem.*

Ibidem num. 4. librum, cui nomen Philopatus, ab Anglo Anonymo editum, vult ^e esse ab vno de Societate Iesv conscriptum, quem magnæ ait fuisse autoritatis.

^e *Si quis affirmat contra mentem, vel suspiciones suas pro certis venditat, mentitur; non vacat mendacio hac sua affirmatio. Liber ille non est fœtus Societatis Iesv.*

Æquiuationes ^f expressè damnantur & anathemati subiiciuntur in Conciliis Toleranis 4. §. 6. & 7. §. 13.

^f *In toto §. tantum refert damnationes violentium iuramentum Regi præstitum, vel Regis personam impetentium, aut attentantium Regem regno exuere, aut contra eum, regnum inuadere. Itaque liquet fingi à se mendaciter decreta fidei.*

Æquiuationes damnatæ sunt in 8 Concilio Constantiensi. §. 24.

^g *Ipsemet mox refert decretum Concilij perculisse duntaxat assertores liciti Tyrannicidij. Quare est hac quoque noua falsatio decretorum Ecclesiasticorum, & obtrusio mendaciorum pro fidei dogmatibus.*

Ioannes Paruus referente Nicolao Ægidio in Annalibus Gallicanis ad annum 1408. in Palatio quo flos regni conuenerat, Apologiam mendacij instituit, nec aliud intellexit ^h eo nomine, quàm æquiuationes, quarum in eo confesso stabiliendarum prouinciam susceperat. *ibid.* n. 3.

^h *Ioannes Paruus, lingua venali Theologus, proindeque cognatus tuus, barbaram cadem Ducis Aurelianensis ab eo patratam cui conscientiam & linguam locauerat, non iniuste factam probare voluit. Quid ibi feritur tibi metiturve, præter mendacium tuum cuius ubique prodigium*

sementem facis? Nicolaus Aegidius nihil plane habet eorum qua asseris. Videas lector disputationem nostram cap. 23. num. 9.

Caictanus 22. q. 89. art. 7. ait iuramentum mendax esse mortale & ideo non videri licitum esse iurare cum mentali restrictione aut æquiuocatione; Ergo omnem ansam æquiuocandi ^lexcludit §. 28. n. 6.

^l *Ita dummodo dubitatio sine obiectio quam proponit Caictanus, sumatur pro eius solutione, ut hic factum abs te pro more.*

Eadem fingendi & mentiendi libertate, ut Maldonatum sibi ipsi repugnantem probet, & cum vno loco contra Lessium adducat, rationem dubitandi ^kquam Maldonatus in cap. 24. Lucæ v. 28. proponit, sumit pro ipsa Maldonati doctrina & resolutione, *ibidem* n. 12.

^k *Rursus obiectio allegata pro responsione.*

Gabriel Vasques 12. d. 182. c. 4. probat ^lsimulationem D. Petri fuisse mendacium, atque simulationem Petri ^mnon posse excusari à malitia mendacij; eo quòd esset ob bonum finem; *ibid.* n. 13.

^l *At hoc mendaciter affingi Vasquesio constat ex disp. cit. c. 7.*
^m *Item cap. illo 4. nihil prorsus de S. Petri mendacio dicitur, & ipsemet Barnesius §. 50. n. 16. Vasquem acriter refellit, quod disputatione citata negauerit Petrum peccasse.*

Molanus Scriptor grauissimus testatur ⁿomnes Scholasticos subscribere eorum Doctorum sanæ doctrinæ, qui fundamenta Lessianæ æquiuocationis conuellunt §. 29. in fine & bona parte paragraphi trigesimali.

ⁿ *Mendacium Barnesii ipsis solis radiis scriptum. Vide disputationem nostram loco iam supra signato littera d.*

Lumen qualitas est, non substantia corporea, aut quantitas, ut quidam antiqui Philosophi & recentiores inter quos est Dandinus ^oin libris de anima errando affirmât, contra Aristotelem & Philosophiam, qua negat lumē penetrans diaphana, posse esse corporeū vel quantum. §. 36.

^o *Splen*

o *Splendidissimum mandacium. Vide Dandinum 2. animæ digressi. 27. & agnosces Barnesium nusquam mentiendi yudem, cum de Scripioribus Societatis IESV agit.*

Autores æquiuationum explicant P per eas ac per mentalem reservationem omnes Tropos figuras & metaphoras. §. 38. à n. 11.

P *Hoc per Tropum mendacio factum, scribis,*

Æquipocationum autores, ex eo quod Iacob mentitus sit (vt supponunt) concludunt q̄ mentiendum esse. §. 40. n. 2.

q̄ *Tu dicis.*

S. Augustinus dicens Dauidem coram Achis simulasse infaniam, communiter deseritur. §. 46. n. 7.

r̄ *Profer vel unum qui Augustino ea in parte reluctatus sit. Hic sanè Augustini barbam vellis & canos admirandi senis. Recordare.*

Quis non indignetur (cum sit Christianus) audiens penè integram fidei Christianæ *αἰανφολαίωσις* in octauo Ioannis capite contentam, foedissimis tot æquiuationibus conspurcari? Constat enim Theologis in eo tradi diuinissima dogmata Christi, de tremendo iudicio, de libertate Evangelica, de cognitione veritatis Verbi diuini, de fide mediatoris qua ab vniuersis sceleribus & peccatis miserisque ob peccata debitis liberemur, de gloria Christi, de verbo & sermone eius, de morte reproborum æterna, de essentia & existentia diuinitatis Christi ab æterno antequam Abraham esset: Quis patietur Christianum dicentem hæc omnia à cœlesti Magistro per æquiuationem tradi? Piz aures Christianorum hæc abominantur dici de Christo. §. 49.

r̄ *Mendacium horrendum, atrocissima calumnia adiunctum. Tribuit Barnesius hæc omnia Personio, quia scripsit Christum non plenè expressisse verbis mentem suam in quibusdam locis capitis octauo Ioannis qua signatim profert, & dicit iuuanda esse aliqua subintellectione. Sunt autem hæc.*

1. Ego non iudico quemquam. 2. Veritas liberabit vos.
 3. Ego non quero gloriam meam. 4. Si quis sermonem
 meum seruauerit non videbit mortem. 5. Si glorifico me
 ipsum gloria mea nihil est. 6. Dicitis quia Deus uester est
 & non cognouistis eum. 7. Abraham uidit diem meum.
 8. Antequam Abraham fieret ego sum. Hac sunt qua
 Personius scripserat non esse omnino accipiendae ut uerba
 sonant, sed addita aliqua subintellectione. v. g. primum,
 non iudico quemquam falsum erit nisi accipiat sub-
 intelligendo quod Christus neminem iudicet auctoritate ar-
 rogata, sed à patre concessa. Et ita de ceteris locis propositis.
 Inde inferit Barnesius asseri à Personio quod Christus non
 nobis reuelauerit sincere mysterium diuinitatis suae, & re-
 demptionis, ac futuri iudicii, sed aliquid pressisse ob quod ea
 mysteria falsa sint prout proposita sunt, & à nobis credun-
 tur. Quae quam atrox sit mendaxque calumnia, lusciosus
 nullis adhibitis perspicillis contuereitur.

Æquiuocationem esse illicitam, etiam si adhibeatur in
 casu maximae necessitatis; & Augustinus, & Patres om-
 nes ac Scholastici Augustino sequiores, ex Augustini au-
 thoritate & rationibus tuerentur. §. 53. n. 4.

*Allega vel unum; sed fideliter & caue allegando men-
 tiaris.*

E sensualitatis^u gymnasio dictatur, licet absque remor-
 su conscientiae, citraque veritatis offensionem iurare, pro-
 mittere, praedicare, narrare falsum, & quidem sine falsitate,
 mendacio, & periurio. §. 54. n. 12.

^u Quod est istud sensualitatis Gymnasium? Nec te pudet ho-
 minem Monachum Catholicis hac probra de capite tuo
 iurare?

Video me quamplurima alia Barnesij
 mendacia, quibus vniuersum eius opus
 scatet, praeteriisse; & indiligentiae vel prae-
 uaricationis in Lessij causam, insimulan-
 dum, qui de tam vasta mendaciorum mo-
 le,

le, exiguam duntaxat portiunculam repræ-
sentari. Sed meminerit Lector quid sti-
pularis sim; nempe delibationem dunta-
xat, pro qua fideliter repono,

BARNESIO LINGVARIVM.

QVO te in hac causa nomine appella-
bimus? qui doces non mentiendum,
imo neque ex quacumque causa æquiuo-
candum, tam infrunitè mentiris. Philale-
thes audire vis, & crassis mendaciis scates.
Nam si specioso saltem tectorio mendacia
ista obduxisses, & *sermonum technis* ut cum
Ennodio Ticinensi loquar, *mendacio fidem*
assumpsisses, fuisset aliquis excusationi locus:
Nunc autem tam apertè ac effusè verita-
tem proscidisti, ut sermone Planissimus
cum sis, *sic tamen te* (verba sunt eiusdem En-
nodij) *in stuporem pecualem peccati nebula aut*
diuinus horror oblimet, ut verecundam excusa-
tionem aut fraudem mens tua transeat, aut bel-
luarum pressa hebetudine non agnoscat. Quare
in hac clausula illud tibi pro tot mendaciis,
LINGVARIVM repono ex eodem Enno-
dio. *Colis verbis innocentiam, quam actibus*
ignoras. Si tamen cultus est in loquela tua, quam
scabro vomere, velut agens per denium aratra
proscin

proscindis, marcenti solo lolia commendans, recepturus pro tali impendio paleas, quibus gehenna in perniciem tuam ignis animetur. Sciebas conlatrari ex hoc capite humanam sapientiam apud Senecam & Arrianum, quod plerique ex eorum classe quos Agellius, Philosophos absque factis, & dictorum tenuis appellauit, homines ignaua opera & Philosophia sententia, habitu ac verbis sapientiam non mente preferrent, eloquerentur magna non viuerent. Quasi non ea sit probatissimæ Sapientiæ amussis iuxta Cassiodorum, sermonem exemplo iuuare. Aut minus verè à Seneca proditum sit: Facere docet Philosophia nō dicere, & hoc exigit, ut ad legem suā quisque uiuat, nec ab oratione vita dissentiat. Qui igitur hæc non ignorabas, robur & æs triplex circa pectus habueris necesse est, qui tanta securitate potueris, ea ipsa tractatione qua mendacij exagitator videri voluisti, tam apertè ac toties veritatem lacerare scēdis mendaciis, iisque, ut paulò ante dicebā, quibus deprehendendis nec lucernæ spiculo lumine nec tota solis lancea opus sit; cum ipsa per sese absque illo extrinsecus lumine in conspectum veniant, sintque luculentissima. Hoc erit tibi in LINGVARIVM, & quocunque perrexeris, memento te deprehensum.



INDEX III.

Rerum Notabilium.

IN hoc horreum, non certa duntaxat infœlicis soli germina; sed permixtim lolium, auenam, scentes ac tribulos, etiam adnatos illis scarabeos cum suis tabernaculis conuerram. Ineptias, inquam, ignorantias, cauillationes, paralogismos, perpetua prope parerga, & huiusmodi alia operis Barnesij decora, digna suffixione & nota. Quæ indicare duntaxat, non etiam iusta expensione librare,, & carptim illustriora quædam hinc inde decerpere, consilium est. Nam ut comprehenderentur quæ ad hunc syllabum spectabant, volumine opus esset quod ipsum Barnesij volumen mole æquaret. Nec reor alia ratione posse plenum ac iustum confici Indicem hunc tertium, quàm si opus ipsum Barnesij, obelis perpetuis suffixum, exhiberetur lectori. Ut mihi ferè visus sim Barnesij librum perlegendo, alterius Monachi scribendi

scribendi rationem , à S. Hieronymo *lib. 1. aduersus Ioviniam. initio*, expressam recognoscere. Itaque obiter nonnulla in hoc genere monstrabo , malens indiligentiæ & nimix misericordiæ notari , quàm seueritatis in excutiendo Barnesio. Quamquam solerti lectori hæc pauca , vt veluti ex vngue de vniuerso SINGVLARI FERÒ coniecturam faciat, satis erunt.

CORDIS INOPIAE IN BARNESIO. Argumenta quadam.

Meditationes hæc sanctitatis vestræ nomini dicatas, Beatissime Pater, suspice, ^a aspice, protege. In *Epistola ad Pontif.*

^a *Suspiciuntur superiora & altiora, ô bone; nec suspicimus nisi mirabilia, si vocem transferas à visu corporeo ad intellectualem ut hic abs te factum. Anne igitur moues Pontificem, has tuas meditationes & verè commendationes, esse debere illi mirabiles? Quas non fricti ciceris probet aut nucus emptor.*

Oratio Amphibologica sumpta amphibologicos nihil alteri significat ^b §. 2. n. 8.

^b *Hoc quàm ineptè dicatur, ostendo in mea disputatione capite 7. num. 5. & 6. alibique non semel.*

Ibidem num. 7. ac sæpe alibi inculcat Barnesius propositionem æquiuocam sumi in hac controuersia pro enunciatione qua is qui loquitur nihil certè velit significare audienti. Nam eam qua loquens vult aliquid significare, ait esse tantum Amphibologicam in sensu alienato, negatque de ea esse sibi litem cum Lessio ^c quod talis propositio amphibologica, de omnium sententia aliquid significet.

Aërem ergo verberas : Nam Lessius discretè agit de illis enunciationibus æquiuocis , quæ quàmuis ipsa facta sint multis sensibus , prauideanturque ab audiente accipienda in uno , tamen à loquente determinantur ad alium. Et tu ipse quæ es constantia & veracitate id fateris §. 28. num. 1.

Oratio imperfecta de qua Aristoteles 1. de interp. cap. 4. fit cum dico, Petrus ^d §. 3. n. 4.

^d Rudimentarius logicus ob hæc verba metueret vapulare.

Mendacium lege diuina in scripturis prohibetur, ergo æquiuocatio est illicita. ^e §. 4. congestis infinitis scripturæ locis pro antecedente, quasi de eo esset controuer. Duratque ea exorbitatio à §. illo 4. ad 3 1.

^e *Curris extra orbitam, nec aliter ratiocinarius quàm si assumes ; furtum prohibetur in scriptura , ergo & usurpatio rei aliena in extrema necessitate.*

Posita Prophetis verba in ore , ^f Deus locutus ex ore & per os , doctrina oris audienda , iubemur facere iuxta verba quæ locutus est Dominus, & è contra impius capitur labiis : Ergo æquiuocatio est illicita. §. 5. n. 5.

^f *Vbinam verè poni velles verba nisi in ore ? Aut an tu Astomus, qui velis aliquos censere non loquendum per os? Videris autem quæ colas, hoc tibi fusum nauerit.*

Verax Deus, veraces Prophetæ, sacerdotes & homines seruant veritatem in loquela, &c. Deus dixit, Audies de ore meo verbum, & annunciabis eis ex me. Ergo æquiuocatio est illicita. ^g *Ibidem num. 9.* Totus paragraphus hanc syllogismorum scabiem præfert.

^g *Argumentatio gemina isti , homo est animal rationale. Ergo Olympus est monium altissimus. Si arietes ut loquitur Synesius , aut grandiores bestia verueces , philosophari vel- lent , non aliam inirent argumentandi rationem.*

Omnes omnino impij in scriptura memorati , à capite nequitiz dæmone per serpentem voces fundente , ad Antichristum vsque , & illusores nouissimorum dierum , à
Barncio

Barnesio ennumerantur signatis libro, capite & versiculo: ut ex ea enumeratione constet æquiocationem malos autores habuisse ^b toto §. 6.

^b Itaque ut specimen prabeam argumentationum illius paragraphi, ita argumentatur Barnesius. Cain fuit homicida, & Ionadab suasor nefarii concubitus Absalonis, & Ammon raptor & violator pudicitia Thamar: Ergo æquiocatio est reiicienda.

Per bonos diuos, ⁱ quis vnquam finis disputandi erit, si æquiocationi sit locus? §. 8.

ⁱ Sic sermo vester est est, non non, quod ulterius est à malo est.

Aquiocationes collatæ ^k septem bobus Pharaonicis, Ægyptio à Mose interfecto, canibus putridis, ebrio, vulpibus in aëre pendulis, volutabro suis, animalibus siue spiritu, &c. ^k §. 9.

^k Tantum est frigus comparationum quæ toto §. 9. accumulantur contra æquiocationes & restrictas locutiones ex iusta causa, (cum ne prolatas quidem absque causa & perperam attingant, nisi tanta capedine quanta Austrum inter & Boream interiacet,) ut possit ad illum frigoris rigorem admota aqua stringi, & gelaſcere. Suspicioque sit diriguisse non semel manum scribentis, cum ipse lector conuoluendo ac legendo prope rigeat.

Ad Gonellæ ^l Pantomimi imitationem, scrutatur Barnesius §. 10. Lucianum suum, ac post longam & accuratam fabularum eius recensionem per plures paginas, succo vel cœno omnium Luciani ineptiarum oblimatas, concludit iuxta Lessij placitum, ^m depelli mendacium à narrationibus illis quas Lucianus professus est mendaces esse: Depelli inquam, quia mentiundo reseruabat Lucianus hanc clausulam. In ijs quæ dico mentior, & nihil quale assero me spectasse, unquam spectavi.

^l Libri spirituales Barnesij Monachi, Narrationes Gonellæ, & Lucianus.

^m Hæc illatio quàm clauda sit, dicco Capite 9. & sæpe alibi.

Inepetè

Ineptè affectat apparere Leguleius, extra rem ostentatis allegationibus quarundam legum, ⁿ quas ab eo nunquam aditas in propriis penatibus, sed aliunde excerptas, satis indicat modus citandi qui iuris nouitium sapit, §. 11.

ⁿ *Quam quisque nouit artem in ea se exercent.*

Argumentatur ibidem, vt prober mendacium iuxta Lessium fore destituendum spe correctionis. Et multis præmissis de debito & obligatione corrigendi peccata aliena, concludit num. 6. mendacem fore incorrigibilem, quia non poterit coniungi ^o mendacij.

^o *Itaque præceptum de corrigendo proximo, iuxta te, est præceptum de eo culpa conuincendo. Vide an vigil hac scripseris. Et ne verè in eorum album referendus sis; qui dormiunt vigilantes, ut est apud Dionem Chrysostomum orat. 33.*

^{*} Multa item eodem §. ineptit circa quingenta mendacia Scaligeris impacta, quæ retundi posse ait ^p ab eis, si dicant se ex causa rationabili æquiuocasse.

^p *Vt video, apud te, dicere suppetere causam idoneam quamuis id falsò dicatur; idem est quod causam illam verò suppetere.*

Sileo de nugis Plautini Sycophantæ ^q in eiusdem §. calce, quia ad hæc corradenda adactus est Barnesius non quod ad rem essent, sed vt suam in Plauti Comediarum spirituali lectione diligentiam testatam faceret.

^q *Liber alius Barnesij Monachi ad augendum ac fouendum spiritum,
M. Accij Plauti comedia.*

Si licet ex iusta causa vt æquiuocatione, ^r ergo licebit sodalitiis, etiam sacris & religiosis gloriam ordinis tanto studio captantibus, falsa de suis confingere, & iactare pro veris, æquiuocando. Sicque Theristæ similis, de grege Epicuri, de famulitio effœminati alicuius Bagoæ, mollis Sardanapali, alicuiusve à sacris Cereris, euadet in Achillem §. 12.

^x Illatio Barnesiana ; Et molle de Ordinibus religiosi iudicium.

Apoge verò spurciloquium. Heus Monache.

Hoc se iam non semel moneo. Audi priusquam asperius vapules.

Nil os effundis nisi pectore suppeditetur:

Ore tuo stercus funditur : intus erat.

Credetur ex Artotrogi fide, ignauum ripaspidem mirra gessisse in campis Gurgulidoniis, vbi Bombomachides

^a Cliominstaridyfarchides, erat Imperator summus. Quia inter proferendum hæc mendacia, mente reseruabit quod falsa sint, & nunquam facta. *Ibidem.*

^b *Adhuc latebat nomen Imperatoris sub cuius signis in gurgustio de quo ad Pontificem ipsemet scribis, mernisti cum hac ederes.*

Religiosus prodicionem regno moliens, ^c suum consilium putans secretum, & volens videri corrigendus si fuisset monitus, ideoque negans se debuisse ad superiorem deferri à conscio fratre, & sic infamari apud superiorem; potest iuxta Lessium insignia falsa affingere delatori, quia putat id esse medium necessarium ad famam suam tuendam ^d cuius tanta esse cura Religioso debet, vt non possit restitutionem eius condonare. *Ibidem* n. 6.

^e *Liberet Deus Ecclesiam ea religiositate quam de suo sensu describit.*

^f *Hoc verò est febrile non argumentari. Debet religioso esse cura sua fama, bene agendo, ergo debet per quodcunque nefas tueri famam suam.*

Iuxta Lessium innocentissimus religiosus zelator sui ordinis, non potest euadere infamiam: Quia frater æquiuocator arietabit, & inualidabit famam eius ^g falsis obloquiis & detrectationibus quas de eo comminiscitur licet in casu necessitatis ne ipsi à superiore credatur. § 12.

^h *Quis tibi dixit licere cum superiore æquiuocare? hoc tu sinxisti. Videat lector disputationem nostram cap. 4.*

Mendacia ⁱ Politicorum de priuatis, dummodo iudicentur communitati vtilia, licita sunt iuxta Lessium;
Ergo

Ergo & homicidia & adulteria & quævis scelera : Ergo Lessius inducit Macchiauellismum. *Ibid.*

¹ *Antecedens est merum mendacium tuum. Consequentia est hominis æstro Menippico perciti, quo iute agitatum ista scribendo fateris.*

Maior Dei gloria est bonum maximè commune, cui damnum priuati etiam cedere debet : Ergo iuxta Lessium ² quoties lubet iudicio probabili cuiuspiam docto existimare aliquod opus ad maiorem Dei gloriam fieri debere, propter eius sollicitationem licere censebit de quopiam infames falsitates & calumnias proferre, quibus & Regicidia Tragica, & Papicidia si velis, executioni mandate tentabit; suadebit, consulat, modò id faciat per æquiuocationem, cum qua illa omnia in tali casu, pro bono maximè communi licent. *Ibid.*

³ *Autor sum (non enim consulo ut tu hinc Despauterium colaphizans loqueris;) autor inquam ut votum emittas ad S. Hubertum. Nam propitius fuit multis illiusmet genij, quem tu in hac argumentatione prodix.*

Eia generosa virtutis proles. ² Versa est in luctum ci-
rthara vestra, venit & opilio, tardi venere bubulei, venit
& φάλην καὶ ἀρούραν numerus, Arcadicum pecus gloriæ
triumphum, vestra virtute, innocentia, pietate, & labori-
bus parrum à vobis inuitis præripient, quamdiu æquiuo-
catio Lessiana in suo stat robore. *Ibid.*

² *Scilicet hac symphonia aptè adiungitur proxima tua sal-
tationi.*

Si Deus vsus aliquando est æquiuocatione inter lo-
quendum, ut ait Lessius, ergo ^b nescimus an æquiuo-
cauerit reuelando nobis mysteria fidei : atque ita Les-
sius fidem Catholicam profligat. §. 13.

^b *Iam te monui si Ecclesiam Magistram fidei agnoscas, pa-
ralogismum hunc tuum non esse titiuillitio astimandum.*

Euidentiæ credibilitatis ad assensum fidei prærequi-
sitam, collocat Barnesius ^c in dictis hominum de myste-
riis fidei. *Ibid. num. 5.*

c *Hoc verò est profunde persuadere quid sit ea evidentia. Recole rudimenta doctrinae de fide, vel discere; Doctior enim creatus es sub spe futuri studij.*

Lessius admittit ex iusta necessitate fas esse æquiocatione uti, alloquendo alium. Ergo idem debet dicere de mendaciis & blasphemis Priscillianistarum, ad tutandos eos qui Deum sanctosque blasphemant ^d §. 14 n. 6.

d *Quare vina pipérque, ut sapiant fatua tibi congrua prandia beata.*

Valentia ait, opinionem probabilem esse eam quam doctus & probus vir suadet, & putat veram. Ergo ^e cum S. Hieronymus & Cosentius Episcopus, approbarint externam idololatriam Iehu; & Adrianus ac Marulus probi utique & docti viri, admiserint simulationem in re fidei esse licitam, sequetur licitam esse. §. 14. num. 8. & sequent.

e *Oblitus es vel nunquam didicisti, suffragium illud probi & docti viri, non debere esse tale, cui communiter docti & probi refragentur.*

Augustinus ait, de eo qui verè abest nihil aliud ab eo qui mentiri nolit dici posse, nisi, *abest, siue non est hic*. Ergo ^f æquiocatio habetur ab Augustino in numero mendaciorum §. 17. num. 2.

f *Argumentum in cymbalis malè sonantibus.*

Si S. Firmus, & quilibet in simili periculo constitutus potuisset licitè uti æquiocatione, obligatus ^g fuisset ea uti, quia obligatur homo assumere omnia media licita, ad vitam tuendam necessaria §. 17. à n. 3.

g *Hoc falsissimum principium conuollo cap. 21. n. 11.*

Faterur Lessius aliquos Patres quibus mendacium visum est licitum, quosque Augustinus in opere contra mendacium ac de mendaciis, confutat, ^h nomine mendacij intellexille æquiocationem; Ergo ⁱ ipso Lessio iudice, omnia quæ contra mendacij patronos scripta sunt, impugnant æquè ipsummet Lessium §. 18. n. 3.

^h Imo.

ⁿ Imò verò Priscillianum ac eius sectam confutavit, non Patres illos qui prope omnes sunt Augustino posteriores, tantumquē absunt à Priscillianismo, quantum tu à bona fide & sinceritate.

¹ Deinde qua illa consequentia

Ait Lessius S. Augustinum minus sibi satisfecisse in libro de mendacio. Ergo significat ^k Augustinum de suo in mendaces rigore aliquid remisisse §. 18. n. 5.

^k Minus sibi satisfacere opus illud, tradit disertè ipse D. Augustinus in fine primi retractationum: Vel ergo ipse quoque Augustinus significaret quod Lessio affingis; vel quia id falsum & ineptum est, frivolum planè argumentator es, id est, Barbesium te semper prodis.

Divisio iuramenti in assertorium, promissorium & comminatorium ^l §. 20. n. 1.

^l Tertium hoc membrum Iuramenti de tuo capite committis es.

Inconstanti & plumea verborum circumvolitatione utuntur: dum enim verba levia, inconsiderata, & falsa nullo veritatis pondere ^m prædita, ex eorum ore saltitant & motantur, tamquam inquieta ATOMA, in radiis solariibus; quietem dulcissimam qua natura humana frui desiderat, ab ea nefariè eripiunt, ablata verborum firmitate, veritate, & constantia: in quo manifeste contra I V S GENTIVM, ⁿ orbisque terrarum leges depugnant. Ibid. num. 4.

^m Paradigma concinna ineptitudinis. Tibi itaque piperato Oratori non invidè reponam quod Mæcenati in stylo non dissimiliter lascivienti, Augustus. Vale mel gentium, ebur ex Hetruria, laser aretinum, adamas supernas, Tyberinum margaritum, laspis singulorum, carbunculum habeas, *ἡ αὐτὴν πέντα, μέλαγμα* mæcharum. Pueris pueris bulla ista & ampulla verborum. Imò verò hac verba tam improbè structa (ut de Mæcenatis luxuriantie oratione à Seneca scriptum epist. 114.) ostendunt mores quoque non minus novos & praveos & singulares fuisse. Lege cetera, sed caue frontem perfrices.

ⁿ Ostendis nescire te quid sit ius gentium:

Qui docent æquiuocationem in coacto & damnofo iuramento , docent P Reges, iurantibus non fidere. §. 21, in fine.

o At ij quot eam æquiuocationem docere retulerat Barnesius ibid. n. 2. agunt de iuramento iniquè & per iniuriam exorto vel à non habente potestatem; Ergo Barnesius aperte supponit, Reges iuramentum à subditis exposcentes, esse iniquos, iniurios, aut non superiores subditorum.

Collectio Gratiani est ius P Romanæ Ecclesiæ, & quæ in eo habentur, sunt autoritate Romanæ Ecclesiæ approbata, atque adeò faciunt certam fidem. §. 23.

P Bene ostendis te nosse Gratianum qui hac effusias, Erat quidem Gratianus, Monachus melior & peritior quàm tu sis, sæpe tamen dormitauit.

Ibidem quia Selua Narbonensis, interfuit Concilio quarto Tolerano, addit Barnesius eum fuisse deputatum pro regno Gallicano. Atque adeò fuisse Concilium illud vniuersale totius Galliæ & Hispaniæ 9.

9 Ignorantia coniuncta mendacio, Videat Lector disputationem nostram cap. 23. n. 7.

Pererius scripsit mendacium esse per se malum, de sententia omnium ferè Patrum; Atqui Lessius fatetur aliquos Patres nomine mendacij latè dicti intellexisse æquiuocationem: Ergo nullus Patrum astipulatur æquiuocationi, nisi qui negant mendacium propriè dictum esse licitum. Ita Barnesius §. 25. aitque id à se iudiciòse & conclusum,

1 Hic agnosce monstruosam tuam Dialecticam.

2 Tu de teipso testimonium perhibes, testimonium tuum non est verum.

Sæpe miratus sum 3 eorum defensores æquiuocationum consequenter non extollant mendacia. §. 26.

4 Mirare, eorum qui modici venæ incisionem ad morbi depulsionem approbant, non approbent cædes hominum,

In iure Canonico videtur mendacij vsus & vox approbatur

bari ab ^u Innocentio III. *tit. de diuortio cap. gaudemus*,
vbi air, per reuelationem Dei Iacob à mendacio excusa-
tur. §. 26.

^u *Mendacia iuxta Barnesium approbata in Pontificum de-
cretalibus, quas alibi (& rectè) assumis facere ius Ecclesia,
& esse receptas ab omnibus. Ergo iuxta Barnesium Eccle-
sia approbat mendacia. EVGE EVGE.*

Tertullianus reicit æquiuationes. Ergo tota Ec-
clesia Africana eas quoque damnat. Reiecitse porro eas
Tertullianum, probatur ^x quia *lib. de Idololat. cap. 1.* vo-
cavit adulteros veritatis eos qui falsis diis seruiunt, sunt-
que idololatæ. Ita Barnesius, vt concludat mentalita-
tem Lessianam nihil deferuire ad rhombum veritatis. Do
ipsas elegantias Barnesij.

^x *Res per se loquitur.*

Concilia & Pontifices aiunt rem iuratam firmari iura-
mento, Ergo *y* æquiuocatio est illicita. *ibid. à n. 22.*

y *Vt si dicerem, Concilia & Patres reprobant sacrilegia, Ergo
damnant humanum conuictum.*

In æquiuatione Lessiana nihil exterius significatur,
quia est amphibologica oratio ^z quod genus orationis
nihil significat omnino. §. 28. n. 2.

^z *Et tamen ibid. n. 1. ante paucas lineas, aperte dixerat Les-
sum & recentiores qui cum eo sentiunt, non agere de ora-
tione amphibologica proprie dicta; sed de ea qua alienatur
à natura vera amphibologia, & aliquid significat, vt dixe-
ras §. 2. n. 7. quem locum ibidem citas. Eo item §. 2. n. 7. &
n. 8. in fine, aperte negas agi in hac controuersia de ea am-
phibologia in sensu alienato, quod hoc §. 28. n. 1. solita com-
stantia laude inficiaris.*

Gerson non audet definire an in secretis humanis se-
cularium, fas sit cum ita expedit negare quod ea sciat
qui interrogatur: non quod dubiter, cum id illi certum
sit fieri non posse (vt pote cuius viro docto) ^a sed quia, &c.
§. 28. n. 4.

^a *Bella Gersonis declinatio. De tuis hic angustis, plene cap. 23. n. 22. disputationis nostræ.*

Ibid. n. 5. Petrus Lombardus, ait, verbis vti ad fallaciam non ad quod instituta sunt peccatum esse. Quæ verba v^t fulmen^b directe feriunt æquiocationem.

^b *Fulmen tam brutum ut procurations non egent.*

Calx farina & alia sicca, humorem sibi inimicum in se admittunt, satis lubenti^c animo. §. 35. n. 3.

^c *Lubens animus in calce & farina iuxta Barnesium.*

Opponit sibi toto §. 31. admodum insipide & pueriliter vsum communem simulandi & mentendi, quem amplificat more paruulorum qui recens à Grammatica ad Aphthonium gradu facto exultans, & implenda vndecumque pagina luxuriant. Describit Medicorum, Causidicorum, Ducum in bellis simulationes. Refert sibi obijci Ethnicorum Deos, & Christianorum sanctos, ipsumque Christum æquiocatione & simulatione vsum. Obijci item ait pro æquiocatione credulitatem nimiam hominum qui se diu victuros putant, mox morituri. Denique Rhetorum deceptiones, ac simulationes Historicorum, itemque Aulicorum ac Religiosorum quos n. 7. & 8. indignissime & sordidissime describit, per modum quidem proponentis obiectionem, sed ita tamen vt ne verbulo quidem id postea expungat, quin potius *sub finem §. mox citandi* satis insinuat rata à se haberi. Ad hæc omnia, quæ fingit sibi obijci in fauorem æquiocationum^d respondet §. 34. causam cur Ethnici facile mentirentur & mendacium in vsum traherent, fuisse quia mendacium est ex propriis Diaboli; & amor patriæ suadet amplecti ritus eius; præterea quia Gentiles persuasum habebant Deum amare peccata. Ac denique quia ita sæpe ferunt considerationes politicæ. Hos Ethnicos secuti sunt perfecti viri^e.

^d *Hoc verò est, ut Chrysostomus alicubi ludis, collyrium agra occipiti vel talo adhibere.*

^e *Etiam Sancti, ac Christus ipse? Nam hos quoque tibi obijci premisisti, nec aliud pro eis respondes.*

Imprecatur Barnesius Francisco Valeſio & aliis quos refellit.

refellit; vt beentur paradiso brutorum ^f quo equi & asini
beantur. §. 32. n. 7.

^f Nescitis cuius spiritus estis?

.. Ibidem n. 8. citat Iosephum à Costa § in opere de aroma-
matibus.

^g O bone ; Iosephus à Costa, te iudice non impugnabit aqui-
uocatores , quia fuit Societatis I E S V religiosus. Tu au-
tem transformasti in eum , hominem Medicum Christo-
phorum à Costa. Nimirum apud Antonium Peres certam.
7. Scholast c. 1. quem ibi expilas, legeras id tradere à Costa,
Itaque homo doctus & in authoribus versatus , quia Iose-
phus à Costa scripsit de rebus Indicis , tribuis illi opus de
aromatibus à Pereño allegatum.

Cælum posse ac debere lumen producere quaquaue-
rum in instanti , ita vt totus orbis elementaris in eo mo-
mento illuminetur, inde demonstrari ait, quod cælum sit
agens totale^h : experientia autem certa constat, agens to-
tale posse agere in instanti in omnem partem globi sibi
oppositi intra actiuitatis sphæram contenti , vt patet ex
casu globi ferrei in vitrum planum ⁱ : huius enim fractio
in momento tota fit à toto globo, §. 36. n. 1.

^h Ignis A , quantumcumque modicus, est agens totale ; non
enim est parziale cum seorsim cohæreat. Ergo iuxta te po-
nerit in momento calefacere totam terram, orbemque uni-
uersum. Negas hanc esse eius spharam ? Vnde habes eam
esse spharam cæli , si non aliunde probas quàm quia est
agens totale ? Saltem verò oporteret ignem A , in momento
calefacere totam spharam sua actiuitatis , quia est agens
totale. At hoc Physici tyrones norunt quàm sit ridiculum.
Ergo dimissa philosophia, tracta qua tua sunt. Finge, inquã,
& eude calumniam aliquam, & feliciter forè cedit. Nam
in Philosophicis, rudis nimum es.

ⁱ Quæ verò te Philosophia docuit, vitrum cadente massa su-
per illud , totum simul comminui ?

Nullæ sunt sensuum deceptiones actiuæ aut passiuæ ^k ,
§. 36.

^k Consule oculos tuos.

Accedamus ad Iudæorum Regem Dauidem, Regem non qualemcumque, sed à Deo pronunciatum virum secundum cor eius. Vt ut sit¹, Dauid coram Achimelec simulauit. §. 4 §. n. 3.

¹ *An dubitas de veritate diuini illius pronuntiati? Ita planè, nisi ignoras quid sonet illud, ut ut sit.*

Prophetis notis licere proferre dicta sua in sensu præciso probatur^m ex eo quod D. Paul., Rom. 3. ait, *Scimus quoniam quacunque lex loquitur, iis qui in lege sunt loquuntur.* Vbi nomine legis intelliguntur Prophetæ. §. 37.

^m *Non si centum iuga bonum huic consequentia alliges, possis eam ex tuo hoc antecedenti eruere.*

Christus IN QVANTVM ERAT PVRS HOMO, se nescire diem iudicij professus estⁿ. *ibid.* n. 6.

^a Tu verò audi quæ verborum fulmina magnus Nestorij hostis in tuam hanc Christi PVRI HOMINIS appellationem intorqueat. Mali & scelesti, magnum illud venerandum ac profundum inhumanationis unigeniti Dei ignorantes mysterium, temerè blasphemant, os aperientes incontinens, & futile. Audiât igitur prophetam Isaiam ad ipsos dicentem. Vos verò accedite huc filij iniqui, semen adulterorum ac scorti: Cui illusistis? & contra quem aperuistis os vestrum? An non estis filij perditionis semen iniquum? Reuera namque filij perditionis sunt, & semen iniquum, qui Dominum à quo sunt empti, negant. Empti namque sumus pretio. Quomodo autem fuisset sanguis vulgaris hominis nobis similis, orbis redemptionis? Verum ut iam dixi sunt quidam ingrati mansuetudini Seruatoris nostri, negantque Dominum, ac iugum seruitutis excutiunt, ut & de ipsis dicat Christus quod per Oseam est dictum. Veli ipsi, quoniam resilierunt à me. Miseri sunt quoniam impiè contra me egerunt. Ego redemi eos, ipsi verò locuti sunt contra me mendacia. Mentiuntur enim contra celebritatem & excellentiam Seruatoris nostri, qui Phariseorum malitiam & impietatem imitantur; & Christianam quidem personam prætexunt, mentem verò habent Iudaicam, linguamque amaram, & virulentam exercuerunt. S. Cyrill. in homil. Ephesi dicta, impugnans hæresim vocantium

zium Christum P V R V M siue vulgarem H O M I N E M
quam Barnesius loco allegato instaurat.

Concionatores monendo & hortando è suggestio, non
æquiuocant: Ergo ° Christus dicens se nescire diem iu-
dicii, & Deus denunciatus Niniues subuersionem, vel Eze-
chiæ proximum interitum, nihil restrinxit mentaliter,
ibid. n. 7. Totus hic §. tantis insulsiatibus scatet, vt ne-
queant omnes adduci nisi totus §. describarur.

° *Lege S. Thomam 2. 2. q. 46. per totam, quæ est de stultitia.*

Omnes Prophetæ excepto Iona, loquuntur P de paucis
sub Christo futura. §. 38. n. 8.

P *Non ita Nazianzenus, aliique Patres.*

Ablegat Personium ad coruos ¶ §. 38. n. 16. is enim est
qui n. 13. fuerat adductus, tanquam assertor sententiæ
cuius autorem postea ad coruos ablegat.

¶ *Iterum dico, Nescitis cuius spiritus estis?*

Bonus Raphaël legit pium Tortorem, Tentatorem, &
pium Ludificatorem Tobia. §. 46. n. 8.

¶ *Reuerentia Barnesij in Angelum Raphaellem, de qua in
disput. cap. 11. num. 6.*

Si Ecclesia esset fallibilis, adhuc tamen ei parere debe-
rent fideles, s aliquid vt à Deo reuelatum. v. g. librum
Tobia tanquā Scripturam diuinam proponenti. §. 46. n. 11.

¶ *Quid tibi vis? Timeo Danaos.*

Canones Sextæ Synodi certam faciunt fidem, & qui de
eis dubitant, vocantur à Patribus in 7. Synodo actio. 4.
ignorantes, scandalosi, nefarii, impij, Iudæi, veritatis ho-
stes. Viderit Bellarminus l. de cler. c. 21. ad 3. quo consi-
lio eos Canones repudiarit, negaritque ab vllò Concilio
approbatos. §. 46. in fine.

¶ *Canones Trullanos reprobari à Romana Ecclesia, & meriti-
ssimè,*

tissimò, docuerunt recentiores gravissimi ut Baro. fusè anno 692. Canus s. de locis cap. ultimo ad Sextum. Bellarm. 2. de Pontif. c. 18. ad 2. Omnes post Bedam lib. de sex ætatibus, qui hanc Synodum vocat erraticam, & damnatam à Sergio Papa testatur. An tu eam instaurare satagis, quia cœlibatum Ecclesiasticum convulsit, & Romanum primatum deiecit? Nihil definio.

Christus quâ Deus sciuit diem iudicij, quia in eo ut Deus erat, fuerunt omnes thesauri scientiæ & sapientiæ Dei: Igitur * Christum nescire diem extremi iudicij, verificatur de eo, quâ homo est. §. 48. n. 11.

* Tu vide ne hic Agnoita sis. Non fuit quidem humanitas, Christo, ratio sciendi diem iudicij: Tamen etiam quatenus homo specificatiuè, sciuit diem iudicij. Et de eo quatenus homo erat specificatiuè, valuit illud, in quo sunt omnes thesauri scientiæ Dei, quod vis in eum dumtaxat quatenus Deum cadere, ut planè videaris velle intellectum Christi creatum ignorasse diem illum, quæ est hæresis Agnoitarum.

Paulus circumcidit Timotheum, quia erat filius Iudææ mulieris, & ideo reputabatur Iudæus in materia ceremonialium religiosarum, in quibus mater præualet †, vñ etiam Patres Octauæ Synodi Toletanæ docent actione 12. vbi decernitur liberos genitos à Iudæo patre, matre Christiana, matris Religionem sequi. §. 50. n. 12.

* Ostendis quàm fidei faueas. Nam te quidem autore si pater esset Christianus, & mater Iudæa, proles iuxta Concilium Toletanum deberet sequi matris religionem, nec posset à patre Christiano vendicari ad Baptismum. Vide oscitantiam tuam, & agnosce Concilium fidei fauisse, & voluisse ut liberi alterutrius parentis Christiani religionem sequerentur.

† Petrus coëgit gentes Iudaizare compellendo †, & peius adhuc fecit simulando. §. 50. n. 15.

† Vbi coëgit Petrus compellendo? Sed imitari Centuriatores qui Sancti Petri peccatorum chiliades confecerunt. Vnde hæc tua lachryma in S. Petrum?

Persecutare tecum lucerna ⁊, an forsan aliquid nœui
absurdæ verruculæ aut runcina auerruncandæ filicis non
lateat, aut potius non prodeat in moribus tuis quod me-
reatur pec sancti viri irrisiōnem tolli & abscindi. §. 51. n. 4.

2. *Ver Barnesiana dictionis.*

Siccine vellicas venerandam barbam ^a & canos illius
admīrandi hominis Augustini, si fas sit miraculum homi-
nes hominem appellare. §. 53. num. 4. & *ibidem* aliæ de
Augustino ineptiæ.

^a *Barnesius pro Augustini barba sollicitus.*

Crimen est simpliciter iudicandum cum spectat ad ma-
gnū alterius vel Reipublicæ malum, vt docui ante ali-
quot annos eum D. Augustino qui docet in tali casu di-
cere, *scio^b, sed nunquam monstrabo quid sit.* §. 54 n. 7.

^b *Itaque reum te autore, simpliciter respondet, & conscientia
sua facit satis, cum ait, Scio sed nunquam edisseram
quid sit.*

SCVRRILITATES multæ^c ex Plauto & Luciano
coaceruatæ. §. 10, 11. 12. 13.

Addensatæ item ^d narrationes grauitate Theologica
indignæ.

Adhæc parasitos, pantomimos, impostores, grauissimis
disputationib; interserit Barytonus iste Monacho-Theo-
logus.

Sic Gonellam. §. 19.

Iudæum impostorem. §. 13.

Parasitum Lucianicum eod. §. 13. cū maximè seriō
agendum esset inducit disputantem contra Lessium.

Prometheum ad Caspia claustra religatum publica su-
stentatione in Prytaneo alendum ex Luciano decernit.
§. 34.

Vacauit etiam Barnesio nugari de Eunucho vesperti-
lionem ferente^e, qui vir & non vir, aeuu non auenū
videns & non videns, in ligno & non in ligno, sedentem
& non sedentem, lapide & non lapide, iaculatur & non ia-
culatur. §. 38.

Et ibidem ex Luciano de Pythagoræ transformatione

In Gallum, de Mercurio & Charontè, Pelion Ossæ impotentibus, de Mercurio Philosophos vendente.

- c In tanta disputationis tua necessitate quantam d ubique obtendis; Christianitate, nisi Chiron accurras, illati à Lessio vulneris acerbitate mox perdenda, veneno iam præcordia persuadente; ô Doctor optime, cum esset ad valida & fortia remedia concurrendum, vacauit tibi Gonellam, & Lucianum, & Plautum, & Iudeum impostorem, ac fabulam de tribus annulis, & huiusmodi gerras congerere. Ita pueris nutrices inter somni difficultates occinunt, Lamia intras & pectines solis: At moribundis ea cantilena an non inopportuna? Consule sapientiam tuam, an è re humani generis, in tanta quantam singu, eius necessitate, id abs te factum.
- c Recole & tibi dicta censeto quæ Augustinus obiicit ei qui sermones pro fune aut scalis, offerret, homini in puteum lapsæ.

P A R E R G A f.

De necessitate & nodis fraternæ correctionis §. 11.

De necessitate confessionis fidei §. 14.

De fornicationis intrinseca malitia §. 15.

De mali qua malum est inappetibilitate §. 16.

De obligatione & firmitate iuramenti §. 20. per multas paginas. Et toto §. 21.

De falsis hominum iudiciis §. 31.

De errore sensuum §. 32. ibidémque de docilitate & quasi ingenio multorum brutorum, psittaci, simiæ, canum Maclouiensium, columbarum Turcicarum, polypi, delphini, elephantorum, per multas paginas.

De amoribus palmarum, de agno Scythico, de herba sentiente, de planta Cimbubonica, §. 33. ubi etiam de lino viuo siue asbesto, de lucernis ad multa secula durantibus, de vitro triangulari, de præstigiis opticis.

De amoris numine & variis transformationibus; mercurij item panurgii, Bacchóque ac Mœnadibus cæterisque Deorum vt ait popello, Diis inquam proletariis & Leuidensibus. Sic enim homo latinissimus, quos minorum gentium appellare oportuerat, latinitatem deglubens nominat.

De quibusdam genus à numine ductum iactantibus vt
Alexan

Alexandro, ac Romanis, & plerisque ad Septentrionem populis. §. 34.

De instinctu brutorum, & cur eorum ungues & capilago non spectent ad Categorias habere §. 35. ubi etiam latè de carentia rationis in brutis, de plantarum antipathia & sympathia, de piscibus fossilibus.

Cur arbor in flumine cernatur inuersa §. 36. multis ex perspectiua communi congestis.

De scripturæ obscuritate, & nihilominus omnibus scitu necessariis in ea patentibus. §. 38.

De fœderum ritibus ac ceremoniis belli indicendi. §. 51.

¶ Quisquis uolet febre carere homines istiusmodi depellat à se necesse est, & seingatus ab illis discedat. Est enim difficillimum acquiescere istis qui otium & negotium non discernunt. Theophrastus in Ethicis Characteribus cap. de nugacitate.

Iam monui vbertatem ineptiarum Barnesij non posse tam exiguis finibus concludi. Itaque sic utcunque in hac parte munere functus, ab æquo lectore missionem expecto, postquam reposita hîc à me fuerit,

VIRGA IN DORSO EIVS

QVI INDIGET GORDE:

Indigentiam pecuniarum ac marsupij vacuitatem nemo prudens vitio vertet Christiano; cùm è duplici indigentia qua premi hominem contingit, ut est apud Nyssenum *homil. 1. de beatitud.* ea quæ pecuniarum est, verarum diuitiarum conciliatrix sit, & immensos thesauros homini
cùm

cum aduehat, tum seruet, quos pecuniarum vbertas ferè prodigit. Multo minus, probato Monacho nec ab Euangelica stitua retrorsum respicienti, dari vitio potest ea indigentia, quam nulli Christiano esse iure exprobabilem pono. Quin potius Sarabaitis Monachis dedecori est, congestum peculium, & priuati marsupij contra fidem Deo datam tumor; quo tu dedecore Barnesi careas necne, homo Monachus & Euangelicam paupertatem verbo professus, cogitationi tuæ permitto. Egestatem certè cordis eamque sapientiæ indigentiam quam S. Augustinus *initio libri de vita beata*, summam & verissimam egestatem esse confirmat, maximam omnino in te prodidit indiculus iste; & luculentius etiam prodidisset, si non delibationem dumtaxat aliquam vecordiæ tuæ exhibere, sed ipsam quasi massam, plenam ac nullatenus accissam repræsentare consilium fuisset. Verùm hæc modica quæ tanquam specimèn insulsiutatis tuæ protulì, satis superque esse possunt vt agnoscas, vel agnoscant certè alij, esse disputatores quibus quod est apud Tertullianum pepo locum cordis teneat. Tu enim si cor habuisses, aut alibi habuisses quàm ybi piscis ille apud Christianum

Clemen

Clementis pædagogum, ita scripſiſſes? ita
diſputaſſes? Quare omnino tibi autor ſū, vt
in poſterum vel ſis quod diceris, & orationi
ac ſletibus pro Monachi inſtituto addiſtus,
de texenda aliis calumniarū tela conſilium
abiicias: vel ſi fixum apud te eſt ei ſcriben-
di impetigini quæ plerōſque occupat, ali-
quid in te concedere, aliam ſcribendi ratio-
nē ineaſ. Conuiciis & malediſtis, quæ
apud æquos æſtimatores cauſam non pro-
mouent, ſed linguæ duntaxat intemperan-
tiam produnt, omnino abſtineas; idque *me-
reticum omnino eſſe non proborum virorum,*
ex Dionis Chryſoſtomi *orat. 40.* perſuaſum
habeas. Mendacitatē cui tantopere de-
ditus deprehenderis, omni ſtudio deuities:
Pleniorē denique aliquam Grammaticæ
& Dialecticæ notitiā, vel parare vel re-
fricare ſatagas. Vide meum erga te ani-
mum, & affectum. Ex proſectu in Latini-
tate & Grammatica, id conſequēris, vt in
tanto nunc apud eruditos ſcriptionis ac
ſermonis cultu, mentis tuæ ſenſa non pro-
das cum ea Lectoris offenſione, quam ha-
tēnus non verba ſed lapides loquendo,
& denſis ſtribiliginibus ac legum Prifciani
lacerationibus, ingeneraſti. Nam quamuis
fucum illum & veluti mundum diſtionis
N n quem

quem affectantur Rhetores , maiestate
Theologica indignum sciam, docente præ-
ter cæteros Blesensi *epistola* 76. tamen ut
nitelam exquisitam ac pigmenta refugere
par est in Theologica scriptione vel ora-
tione ; ita sordes adamare, & nimio negle-
ctu externæ huius veluti vestis cogitatio-
num ac sensorum animi , obsolescere, San-
ctis Patribus Augustino præsertim ac Hié-
ronymo nequaquam probatur , nec imme-
ritò. At ex penitiorè peruatione aut ob-
servatione accuratiore Dialecticæ , efficien-
tè tantoperè in posterum claudicent ratio-
cinationes tuæ , ut considerantibus commi-
serationem moueant. Hæc tibi pro ea cha-
ritate quam ipsemet externa præfatione
poposcisti , reposita pro Lessio ac veritate
habe. Si genium meum specto , nonnihil
interdum apertius prodita , quàm soleant
qui alienis defectibus abblandiuntur. Si
tuam (ut demonstraui) virulentissimam &
mendacij supinitatisque plenissimam scri-
bendi rationem , admodum leniter. Faxit
CHRISTI summæ veritatis benignitas , ut
eum posthac animum induas, qui alium er-
ga te proborum sensum iure suo referat,
quàm sit eorundem erga Monachos Sara-
baitas , de quibus illud tibi ex Augustino
epistola

epistola 137. considerandum propono, & ab-
co donec me reuoces. *Simpliciter fateor cha-
ritati vestrae coram Domino Deo nostro, qui te-
stis est super animam meam, ex quo Deo seruire
capi, quo modo difficile sum expertus meliores
quàm qui in Monasterijs profecerunt, ita non
sum expertus peiores, quàm qui in monasterijs
cecidere, ita ut hinc arbitrer in Apocalypsi
scriptum. Iustus iustior fiat, & sordidus sor-
descat adhuc.*



Nn 2



Male admissa vel omissa per Autoris assensum, currente prælo.

Lucra p. Numero pagina addita, paginæ principium, m. medium; f. finem designat.

PAG. 33. sub med. post illa verba; cap. 22 adde, *ut. Nemo, &c.* p. 47. f. rationes, l. res. p. 48. f. expressum, l. excessum. Ibidem, *discrimen*, l. *discrimen*. p. 49. sub m. *qua sibi, l. qui sibi*. p. 51. p. *esseque tunc, l. esseque hunc*. p. 53. f. *aut saltem, l. at saltem*. p. 60. f. *hypocrisis, l. hypocrisis*. p. 66. sub f. *esse quoddam, l. esse signum quoddam*. p. 67. sub f. *inunctio, l. inunctio*. ibid. *deestabilior, l. deestabilior*. Et in f. *depositio, l. depositio*. p. 68. p. *ficti, l. ficubi*. Ibid. m. *dulce verè, l. verè*. p. 69. m. *mirificè est, l. &*. Ibid. f. *Aureste, l. Aureste*. p. 70. sub m. *illud at, deleat*. p. 71. *ui, l. ubi*. Ibid. ante m. *Nolano, l. Molano*. p. 73. p. *Philopseuda, l. Philopseude*. pag. 77. f. *plenè, l. plainè*. Ibid. *Balxeu, l. Balfoureu*. p. 78. f. *Picam, l. Picum*. pag. 80. f. *Magdalianum, l. Magalianum*. p. 93. m. *ait D. l. Dio*. p. 102. p. *punitionem, l. punitionem*. Ibid. m. *Roderius, l. Roderius*. p. 104. m. *diutius, l. de viuis*. Ibid. *rectores, l. uctores*. p. 106. m. *subijciedo, l. subijciedo*. pag. 109. p. *illum pactum, l. illud*. p. 110. m. *dissèct, l. differt*. p. 112. sub m. *isæque, l. isæque*. p. 113. p. *iubeat, l. iuber*. Ibid. f. *præmium, l. &* *præmium*. pag. 119. *ex factis, l. de factis*. Ibid. *genuinam, l. geminam*. p. 120. m. *sensentiam, l. sententijs*. pag. 122. f. *suapte, l. suapte*. pag. 129. f. *sine arte, l. sine*. p. 133. p. *etiam de, l. etiam ex*. p. 134. m. *ne isti, l. na*. p. 136. in titulo, *deploratum, l. exploratum*. p. 137. p. *de iusta, l. ex iusta*. p. 139. *at non locutionem, l. at locutionem*. p. 154. sub f. *nunc significat, l. nihil significat*. p. 160. sub m. *deprimatur, l. expromatur*. p. 179. p. *num. 70. l. num. 2*. p. 200. p. *quamvis, l. quominus*. p. 205. p. *æque, l. æque*. p. 218. p. *asserimus, l. asserimus*. p. 224. f. *sua usurpandi, l. sua &* *usurpandi*. p. 227. sub m. *mentioem, l. mutationem*. p. 248. p. *in hoc, l. in proximo*. p. 255. f. *omnia hac qua, l. omnia qua*. p. 268. f. *consentire negat, l. consentire solum*. p. 278. sub m. *num. 108. l. 14. n. i.* p. 306. p. *ouidi, l. occidi*. p. 316. p. *quod ab ipso, l. qua ab ipso*. p. 317. m. *proferam, l. proferam*. Ibid. *Philosophia, l. Philosophia*. p. 320. f. *licitum est rei, l. licitum est reo*. p. 332. f. *Seronensis, l. Sanonensis*. p. 346. f. *quia de, l. quia ex*. p. 353. p. *faciunt quo, l. faciunt qui*. p. 355. f. *honore, l. honore*. p. 359. m. *denunciantu, l. denūciantu*. p. 362. f. *Nunquid, l. Nam quid si*. p. 371. sub m. *confirmantibus, l. conformantibus*. p. 373. p. *proximo capite, l. proximo capitibus*. p. 384. p. *demon, l. damon*. p. 387. p. *Innocentij, l. Innocentij*. Ibid. sub m. *à quo ex, l. quo ex*. p. 400. f. *Paulo, l. ex Paulo*. p. 402. f. *cramenta, l. cramata*. p. 404. p. *propositum, l. propositam*. p. 404. sub f. *omni locutione, l. omni locutio*. p. 421. *quem pauci, l. quam*. p. 426. p. *idea planè, l. idea*. pag. 427. m. *ducetur, l. ducetur*. p. 435. p. *Parasitismus, l. Parasitismus*. p. 440. m. *Urgetatur, l. urgetur*. p. 443. p. *mita, l. verita*. p. 444. f. *immanum, l. immanium*. p. 445. f. *infra fusiis exposuam, l. supra fusiis exposui*. p. 449. m. *num. 68. l. cap. 3. num. 6*. p. 455. f. *fatia*

*furiosus, l. aut. p. 436. f. ridet, l. videt. p. 461. p. poterunt, l. potuerunt. p. 481. p.
altus, l. altus. p. 483. m. intensissima, l. intensissima. p. 489. p. intensissas,
l. agere intensissas. p. 506. p. Derelinquat, l. Dereliquit. p. 507. m. parcons,
l. precons. p. 510. p. claudet, l. claudere.*

**In Indices ad Barnesij opus nonnulla menda ir-
repperunt, quæ æquus Lector facilè per sei-
plum emaculabit.**





6-2-1

